




*BOSTON*  
*MEDICAL LIBRARY*  
*8 THE FENWAY*









JOHANNIS SAMUELIS CARL.

# HISTORIA MEDICA

Pathologico-thera-  
peutica,

in qua

Morborum circumstantiæ perpe-  
petuæ Essentiales & extra-essentiales  
aphoristice expenduntur.

Accedit

exemplaris institutio  
de


*Cognitione ac dependentia*  
morborum ex Foresto,

revisa ab

*Johanne Jacobo Schliervach*  
D. & Med. prov. Hasso-Darmst.


---

HAFNIÆ,  
Impensis Jacobi Preussii.



Imprimatur,

G. DETHARDING.



7. A. 53.





# PHILIATRIS

Omnis terræ ac Seetæ.

## Ascesis hæc Historica

pro medicinæ cultura  
tum dogmatica tum clinica  
tanquam

*Vestigia viæ ac medicinæ naturæ*

Certæ ac perpetuæ  
commendatur.

Et hoc ita scopo, certi scilicet usus,  
aphorismi hi historici

*Loco*

Medicinæ Systematicæ vel hypotheticæ  
offeruntur ac dedicantur.

---

Cicero

*Opera naturæ confirmat dies,  
Opiniorum commenta delet.*

# PRÆFATIO.

**N**otatu dignissima plane est sententia Ciceronis : Primum, dicentis, in officiis prudentiæ officium est, ne nimis magnam curam, multamque operam, in res obscuras, difficiles, nec necessarias conferamus; Quod effatum certe in omnibus disciplinis & scientiis, si probe observetur, suam utilitatem imo necessitatem satis abunde comprobatur, & declarat. Quid vero hodie usitatius, quam, quod in quibuslibet scientiis subtilitates, argutiæ, nuce cassa sæpius haud dignæ, seligantur, magis itaque circa cortices, parum vel nihil utilitatis afferentes, humana industria ubique versetur, quam, ut, spretis, fractis, & plane rejectis corticibus, solus Nucleus, scilicet res veræ, utiles ac jucundæ degustandæ apponantur? Uti itaque nulla disciplina erit, quæ sibi gratulari poterit, quod hoc primum prudentiæ officium semper præ oculis habeat, quod ve ubique nulla aliena, minus utilia contineat, sed variis potius naniis, inutilibusque rebus conspurcetur: ita profecto, quando nostram divinitus datam & comprobatam medicam artem sive scientiam, quæ unice sanitatem hominum ruentem præservare & restituere data est, qua nihil in hac miseria excellentius & optabilius est, intuemur, piget & pudet referre, quod hæc Ciceronis sententia vere & ad illam applicari pos-



possit, cum interim nullus erit, qui haud  
consentiat, quod hoc sanandi studium præ  
aliis mereatur liberari ab alienis, allotriis, ob-  
scuris, & minus necessariis. Quare omni  
studio & intentione eo animus applicari de-  
beret, quo una & simplex veritas unice erua-  
tur, stabiliatur, & subtilitates ac aliena, ceu  
cortex a nucleo, abjiciantur, quanquam  
paucum remanere videatur. Namque res  
apparentes a veris discernenti, quod rema-  
nebit, minimum quidem erit, sed optimum; id  
quod Stahlius cum pluribus doctis pro apophte-  
gmate selegit & commendavit. Prouti vero hoc  
veritati omnino consentaneum est & mane-  
bit, quando totum medicinæ tam theoreti-  
cæ, quam therapeuticæ complexum intue-  
mur, & consideramus; tanto magis hæc ve-  
ritas & hoc votum omnium cordatiorum & in-  
genuorum animis infideat fixum, in tractatio-  
ne accuratiori phænomenorum pathologico-  
rum & therapeutiarum; quamvis his mi-  
nime inferamus, quod aliæ medicinæ partes  
negligenter, aut inutilibus futilibusque nar-  
ratiunculis & ambagibus vacuorum verbo-  
rum, tractari vel proponi debeant. Interim  
quisquis etiam sit, rerum naturalium in gene-  
re & medicarum in specie gnarus & æquus  
æstimator, nobiscum consentiet, quando  
præ aliis statuimus, ad indagationem phæ-  
nomenorum æthiologicam, & inde veram  
pathologiam medicam, formandam & sta-  
biliendam, requiri omnium circumstantia-

) ( 2

rum

rum , maxime essentialium , dein extraessentialium pro diversitate ætatis , temperamenti , sensibilitatis etc. variantium , realem , certam , exquisitam & sic collectivam quasi notitiam , ita quidem necessariam , ut , si unica earundem vel deficiat vel perperam cognoscatur , vel sinistre adhibeatur , universa causalitas introducta infirmo talo superstructa deprehendatur. Et quidem hoc assertum tam firmo nititur fundamento ut quivis dexter solidioris comparisonis arbiter , ambabus manibus assensum & fidem indubiam dare poterit , sine ulteriore deductione , ex neglectu , defectu , & nimia curiositate aliena tractandi , simplex fundamentum & originem indagationis physicæ in doctrinam medicam tot chimeras hypothesium , opinionum , theorarum introduxisse . quæ non applicationem solum practicam deserunt , sed etiam studium universum dogmaticum , præsertim dogmatico-Therapeuticum vel plebis ludibrio exponunt , & sic omnibus veritatis scrutatoribus spem auferunt , ad abyssum pathologiæ veræ aditum perquirendi ac eo perueniendi. Hoc dictum vitium hac nostra ætate unus ex præcipuis morbus est , qui adeo in mentibus curiosorum fixus hæret , ut nullus fere finis novorum partium ac Theorarum videatur. Quilibet fingit aliquid novi , nemo fere reperitur , qui , rejectis futilibus ac abstractis plane considerationibus , veram , realem , antiquis superstructam

Theo-



Theoriam & praxin stabilire , corroborare  
imo amplificare sibi in animum inducat.  
inde fit , ut hæc curiosa , minus proficua sagacitas inutilium hypothesium cumulos progeneret , & vix his satiari possit , quæ vero si non statim , successu tamen temporis , tanquam aniles nugæ apud tales , qui etiam extra sphaeram studii medici positi , aptæ tamen ratiocinationis habiles sunt , summum tædium ac indignationem creant , quod indoctrinam utilitate , & necessitate gravem , tanta sentina ludicorum , leviumve phantasmatum congeri humana sagacitas patiatur. Quæritur itaque haud sine ratione gravi , quomodo veritatis medicæ studiosus & amator ex hoc opinionum , hypothesium , abstractarum , inutilium , superfluarum labyrintho emergere & se extricare posset ? Res hæc sane ardua manebit , nisi , rejectis & sepositis omnibus novis rem ipsam vix verbo tangentibus & peplo confusionum involutis inventionibus (ubi verum manebit , quod opinionum commenta dies deleat , naturæ vero facta confirmet) Veterum simplicior observandi methodus in apicum iterum reducatur , qua indagatione causali primitus semita ad historiam facti , ex qua innotescere possit indoles morbi , & phaenomenorum apertam & simplicem cognitionem , aperiatur & ad hanc rationalis theoria , non vero historia ad hypothesin , proprio arbitrio sculptam , formetur. Albæ mentis eos fore necesse est , qui

intelligere nec velint, nec possint, quod hac trita via certius & intimius in penetralia doctrinæ medicæ quis possit ingredi. Utilitas hæc tanto clarior evadet, quando effectus practicus immensus consideratur, Ubi.

(I.) Ex simplici circumstantiarum historia, sine alio peregrinis, sed dextre collecta, & collata mysterium illud, paucis sane in vero fundamentali nexu cognitum, patefcer, scilicet autocratia naturæ, energia, spiritus vitalis in morbidarum materiarum excussione, & spontanea liberatione ab omni impedimento vitalitatis.

II. E tali perscrutatione in specie facti, cruda quasi, omni solerti indagatori in manus delabatur largissima seges, comparationes, & conclusiones causales formandi, adeoque factum tectumque systema pathologiæ, totiusque theoriæ medicæ extruendi, quod non in ævum aut lustrum, pro hypothesium strage, mutari necesse sit.

III. Denique exinde patescet artificium ac methodus medici interni, quæ in actibus suis eluctatoriis utitur & cui ministerium medici externi tuto utiliterque subvenire, illam adjuvare, sublevare, immutare, occupare debeat ac possit. Certe hic pateret amplissimus campus excurrendi in doctrinam & praxin medicam, pro utilitate hujus hodegeticæ institutionis demonstranda, si opus esse crederem. Incedere profecto, si feliciter procedere animus est, hanc viam  
re-

regiam debemus, quando sollicite inquirimus, quid in oeconomia vitali agatur? quinam sint illi actus, quibus natura ad vitalitatem conservandam & restituendam utatur; qui congrui adæqvati, ordinati, & qui erronei, confusi, heteroclitici, motus? quæ passiones a morbo, & quæ propter morbum evenientes? quæ tempora, quæ loca, qui modi luctarum? &c. Quæ singula postulata, cum non opinionum vel veterum vel novarum expiscatione capientur, sed solertiore factorum naturæ scrutinio perdiscantur, firmiora produnt fundamenta, dum sic phænomena vitalitatis salvæ & lasæ ex documentis practicis veris, viva postea experientia, assidua diligentia hauriuntur. Hinc ad realia Pathologiæ fundamenta collimat utique notitia historiæ morborum, quæ apud veteres non perfunctorie tractata reperitur, quanquam dein a recentioribus fere depravata sit & in illa manca, pleraque vel mala fide enumerata, vel mala coherrentia recenseantur. Hanc itaque viam rectam pro hodego fido arreptam sine mora ingressi sumus, ac omni, quantum fieri potuit, perspicuitate, attamen succincte accurataque enumeratione seu recensione singulorum morborum, horum historiam perfectam vere proponere, & completum, quoad majus, pathologicum opus præcipue ex thesauro stahlianò, & hinc inde ex agro forestiano colligere allaboravimus, maxime exinde vera apodixi deprehendere

li-



licet, quid sit morbus, tum generaliter, tum specialiter? Arcanum certe nostris demum temporibus & hac via apertum, quod nec chymica, nec anatomica, nec mechanica, quibus aliàs in sua sphaera positis sua laus manet, subsidia apte manifestare potuerunt vel poterunt. Ex axiomatica ergo circumstantiarum conjunctione, ars longa, & vita brevis secundum Hippocratem nanciscitur subsidium, limitatas mentis vires conservandi, ut neque per seculum, neque per strages hominum experientiæ ubertatem aucupari necessum sit. Nolumus itaque esse verbosiores, sed saltem Vos veram & realem medicinam amantes & anhelantes, aperta fidaque mente alloquimur, ac hortamur: Abscindite magis magisque aliena, quæ nec scientiam ornant, nec artem faciunt, maxime in negotio, quod rem arduam & salutem humanam ferientem involvit. Ludere hic in salinis, vel mechanicis, potentiis, viri gravis non est, sed levis, imo albæ mentis, quæ solum aniculis & plebejis per ejusmodi fabulas sese colorare, & imperitiam medicam obtegere ac infucare nititur. Diu ejusmodi opinionum ineptiæ medicæ arti fuerunt dedecori, ut in proverbium inde abierit: Grammatticis exceptis, medicis nil stultius esse: dum ex strepitu hypothesisum, nullum rationalem conceptum admittentium, quivis conjicere debuit, artem quoque medicam similis fursuris, incerti que tentaminis fore. Ad auertendam ergo hanc  
igno-

ignominiam ab arte medica, aperta jam est  
janua, dum recessus in oeconomiam medi-  
cinæ internæ ejusmodi observatione perlu-  
strare, & cognita hodegi hujus ex maxima  
parte absoluti vestigia premere ulterius  
datum est, & sic scientiam salvam & fructuo-  
sam satis consequi possumus, cognoscentes  
certissime, quid sit morbus, in genere, & in  
specie, imo in individuo secundum omnem  
actuum, passionum, causarum systematicam  
cohæsiōem, & artem in legitimos limites in-  
troducere. Non cæco bruto, conjecturali  
impetu vitam & sanitatem invadere amplius  
paceat; sed ad hodegum medici interni mini-  
sterium medici externi applicare, & ea  
propter autocratia internæ artificia, totum  
motuum internorum se- & excretoriorum,  
eluctatoriorum, eructatoriorum systema, in  
universo ordinis, temporis, loci, modi, dura-  
tionis, periodi complexu addiscere, attendere  
& fideliter hunc ducem assequi sit gratum.  
Quodsi vero ejusmodi scientiæ & artis inte-  
gritas attentionem actorum naturæ in vita-  
litis restitutione levibus animis imprimere  
& inculcare non possit: tum certe con-  
scientiæ intaminata libertas eo impellere  
debet ac potest, cum non in lignum & lapi-  
dem ictus vel lusus exercere per brutos &  
mechanicos conatus licet, sed vitalitas talis  
manibus omnium est subiecta, cui animæ  
salus, cui proximi, imo multorum tempo-  
ralis & æterna incolumitas conjuncta, &  
ita hujus multiplicis salutis humanæ custo-  
dia

dia medico externo rationem coram tribunali supremo injungit. Profecto, si mysterium hoc medicinæ internæ ex a tenta motuum morbiferorum observatione hau- riendum occultum mansisset: nos non nisi trepidissima manu menteque ductum hy- pothesium in opere pratico prosequi valu- issemus, quinimo cordationibus æquius subinde fuisset, subtrahere manus, quam inter tot vitæ & salutis pericula cæco ausu mechanicos aut chymicos impetus admo- vere. At vero cum in attentione actuum naturæ palam pateat, num ii actus materiæ morbosæ adæqvati existant? num ordo, tem- pus, locus, duratio executionis eidem causæ conveniens? quorsum hi actus in genere & in specie, imo in individuo, vergant? annon erroneum aliquod conamen subit, vel defectus energię motivæ in absolvendo toto actu? tum sane & dia- & prognos certa inde sperari potest, & therapie status for- mari, quantum medicinæ internæ potestati est relictum, contra vim morbi luctas suas intendere, promoveri, alleviare; aut contra invertere, & declinare internæ autocratix progressum. Omnis ejusmodi scientiæ, artis, conscientiæ utilitas redundabit in ægros & adstantes, ut minister naturæ factorum autocratix internæ historica recen- sione certiorum vitalitatis læsæ conditionem eos docere, firmiorem iis prognosin tradere, constantem magis non in diem mutandam, causalitatum enucleationem aperire, imo the-



therapiæ ductum monstrare possit; quam  
vel rotularum machanicarum vel chymi-  
micorum salium & angulorum, vel anato-  
micarum fibrarum peroratione, qua præter  
streptum aurium, & anilem famam de  
vasta eruditæ obscuritatis suppellectili nul-  
lus vel medico vel ægro usus obtinetur.  
Denique is utilitatis proventus subteriri  
non debet, quod hæc sollicita actuum ordi-  
narium observatione addiscatur, quando  
extraordinaria, imo quasi supra naturalia  
molimina immisceantur, & hic præcipue  
τὸ δεινὸν involuitur, quam per scrutationem  
fermentationum, effervescentiarum, despu-  
mationum, mechanicæ, aut chymicæ passionis  
enucleare nunquam valebunt. Et ita vestigia  
hæc in eam viam introducent, cognos-  
cendi manum Domini lædentem, & sanan-  
tem ordinariam & extraordinariam, item  
perpendendi habitum internum animorum,  
quorum gratia Creatoris benignitas externam  
corporis labem injungit, ut reductio & libera-  
tio ab interitu intendatur, perpetretur,  
& facilitetur, & tandem pervidendi  
judicia DEI justa, quæ levem læsionem in  
chronicam & insanabilem labem devolvere  
potest, ut ita peccator sui sceleris memoriam  
& penam luat, aliisque exemplo suo tristi &  
justo justitiæ divinæ æquitatem inculcet.  
Quantas abyssos & profunditates amoris, sapi-  
entiæ, potentiæ divinæ venerandas, saga-  
ces animi, qui timorem Domini & medicæ  
sapi-

sapientiae initium esse ducunt, fideliterque colunt, deprehendent, nec oculus, nec mens stupida hominum naturalium, licet in acumen philosophandi adscendisse videatur, intelligere valebit. Huic solerti indagationi deprehendendum pariter erunt τὸ δαιμόνιον, iectus, lususque satanici, spiritus morbi, ejusmodi confusiones actus vitalis, omnem naturalem & quasi moralem conceptum effugientes, quas nec sub morbis archealibus, nec sub intemperie sine materia, veterum & recentiorum sagacitas capeffere valuit. Sunt profecto ejusmodi furores non tam archæi, sed ipsius veluti gehennæ in oconomia vitali, qui velut ferrum a scelerum & passionum magnetismo attrahuntur, & justo Dei iudicio flagitiorum instrumentum ac officinam laceffere debent. Hos vero pharmacia adgredi, hos hypothesium magnalibus explicare, irritum consilium & captum nemo non agnoscet, contra vero intelliget, attenta observatione omnino indigere. Quamobrem omnes æqui aestimatores servare debent hanc semitam. Rejicienda sunt ejusmodi aliena, quocunque etiam eruditionis, subtilitatis, curiositatis fucō vendantur. Præstat feliciter curare. Hanc subtiliter disputare jam Hippocrates docuit: quam veritatem nos tanto magis colere necesse habemus, qui vitæ tuitionem, non tam temporali quodam commodo, quam æterna electione in nos suscipere, &  
hujus

huius officii DEO iudici rationem reddere,  
itaque tranquillitatem perennem animi ca-  
pessere ac custodire optamus. Satis de his.

Huic operi adjecta est tractatio sane utilis  
& mere practica, in qua cognatio morborum  
per individua singulari studio, multoque  
labore ex P. Foresti Operibus indefessa dili-  
gentia, fidaque phaenomenorum morbifero-  
rum recensione conscriptis, eruta, & genu-  
inis veris principiis ac annotationibus practi-  
cis amplificata est. Hæc tractatio diu deside-  
rata practicis haud injuste adjumento fuit.  
Utilitas enim ex inde resultans, & jam quoad  
majorem partem expleta, quam medico  
clinico ladportat, longe major est, quam  
quis credere posset. Hac profecto ratione ve-  
ra & genuina individuorum morborum con-  
nexio & dependentia in lucem magis protra-  
hitur: morbi ætatum confirmantur; diversi  
pro diversitate sexus, morbi considerantur;  
differentes, pro differentia temperamento-  
rum, affectus annotantur; morborum con-  
sensus essentiales seu interni, & extra essentia-  
les seu accidentales recensentur etc. In foro  
sane medico ingens quidem cumulus obser-  
vationum medicarum reperitur, ubi singu-  
lorum adfectuum historiae præprimis ab anti-  
qvioribus simpliciter, & bona fide, a recen-  
tioribus vero variis minus subinde cohæren-  
tibus considerationibus & applicationibus  
conscribuntur, & obtruduntur. Deficit  
itaque adhuc vera, simplex, enarratio mor-  
bo-



borum , & inde dependens connexi , con-  
sensus, quem scopum hoc nostros pecimines  
explere intendimus: Itaque ut hic noster  
labor & conamen in commodum proximi,  
præcipue vero in divini numinis  
gloriam vergat , novissi me  
comprecamur.





# HISTORIÆ MEDICÆ

## Pars Prima

De

Habitu Morborum in genere.

### Cap. I.

Quoad naturam ac differentiam  
subjectorum.

**E**xperientia, fidelissima omnium historiarum veritatum testis & magistra, abunde comprobat, innumeram hominum multitudinem sæpius per longa tempora, imo integras ætatum periodos occurrere, minime ægrotantium;

Adeo certe, ut plures vivant à morbis immunes, præprimis robustiores, durioris indolis;

Sicque per maxime longam vitæ partem a veris pathematibus liberi maneant, neque illa, nisi peculiarium ætatum, vitæ generis, violentiæ externæ, aliarumque accidentium interuentu, experiantur.

Ergo videmus longe infrequentius ut plurimum ægrotare, qui simpliciore victu utuntur, ab animi pathematibus alieni, a pravis

A

con-

consuetudinibus vacui sunt, insuperque necessarias evacuationes probe observant.

Hæc facile per morborum genera confirmari poterunt, v. g. Febres, vix 5. invenies inter 100, qui tota vita ad senium etiam progressi, 4 aut 5. febricitaverint.

Imo inter singulas hominum centurias facile 30. aut plures deprehenderis, qui præter variolas & morbillos, & forte æstuosam dentitionem, ne semel per vitam febre laboraverint.

Ad species vero febrium transeundo, vix 10. hominum partem offendes, quæ per vitam semel tertiana decubuerit.

Quartanam qui experti sint semel, e mille personis vix 20. reperies.

Quod eo magis mirum, quo familiares omnibus febrium causæ vulgo numerantur & allegantur.

Quotusquisque est vero, qui a capitis dolore, quanquam facillime provocando, sæpius & gravius afficiatur?

Dentitum doloribus vix 10. quisque obnoxius observatur etc.

Omniū vero rarissime singulis hominibus multi & varii affectus, qui nihil inter se commune habent, obtingunt.

Sed qui affliguntur, non per genera, sed species tantum subalternas, unius ejusdemque morbi insultibus solum variantis, aut diverso sub schemate redeuntis, ægrotant.

Hoc testantur variæ hæmorrhagiæ secundum



dum varias ætates prorumpentes, & inde dependentes, aut consequentes varii affectus vid. aff. ætat:

Sic omnes ferme febres fomitem sibi invicem præbent.

Unde ex acutis præcipitantium usu nimio intermittentes, aut lentæ & colliqvativæ; ex intermittentibus per adstringentia, malum regimen, lentæ, hæcticæ febres, aut e tertianis quartanæ, e simplicibus duplices, e typicis erraticæ aut rheumatici dolores fiunt.

Si vero regiminibus sudoriferis, aut calidis remediis, aut refrigeriis, aut china chinæ in sanguineo-cholericis ac plethoricis perverse tractentur, facile febres inflammatoriæ a cutæ prognasce possunt.

Minime v. omnium contingunt corpori humano tales morbi, nisi prægressis causis externis, ut plurimum violentioribus, sc. diæteticis, aliisque.

Interim frequentia morborum longe major in humano corpore quam in brutis, præprietis feris observatur.

Quando vero bruta in morbum incidunt, difficilius præ hominibus emergere solent.

Februm ergo proventus in his frequens, in illis dubiis exemplis rarius observatur.

Sicuti etiam tumores vere ædematosi, hydropici, phthisis (ovillum si genus excipias) atrophia, tusses, nisi ab externis causis, incogniti sunt.

Omittimus hæmorrhagias in brutis minus

notas, uti in simiis, interdum in canibus.

Sic inflammationes rarissime in genere, & in specie capitis, oculorum, aurium, faucium, nisi vi externa, minime sphacelum subeunt.

Lippitudo, oculorum rubor, cæcitas cum & sine cataracta, canibus & equis familiarius eveniunt, non tamen æque prompte ac hominibus, nisi vi externa intercedente.

Sæpius bruta incidunt in squalores cutis & foeditates ulceroso-scabiosas, non tamen eo more, quo homines in peculiaribus locis, capite, facie etc.

Convulsionum rarissima in brutis, creberrima hoc respectu in hominibus vestigiaprehendimus.

Paralysis licet rara in hominibus, rariortamen in brutis est, nisi in equis debilitatio crurum, das verschlagen, quandoque occurrat.

Phantasie læsio tam in, quam extra morbos, in humano genere haud adeo infreqvens, in brutino, excepta rabie, insolita est.

Quinam vero homines ad morbos habiliores precipue sint, dispiciendum est.

Sexus sekvior sec. Hippocr. bis patitur morbum, ergo præ masculino ad varias passionessæpius & facilius suscipiendas aptior notatur.

Succedunt his viri & animo & corpore mobiliiores, sensibiliiores, sicque foeminis similiiores.

Et qui ordinarias evacuationes negligentiustius

tius tractant, qui languidi sunt, vel in infantia vel senectute constituti.

Uterque vero sexus eo frequentius ægrotat, quo magis vario victui adsuetus, & præter ciborum qualitatē, quantitate præcipue excedit, vel à consueto victu mutatur repente in alium.

Deinde, qui otio & desidiosa diffuunt, antea vero laboribus adsueti, sed ab edacitate nihil remittunt. Pariter, qui expositi vivunt adventitiis & violentis perturbationibus:

Certissime vero, qui sunt animi intemperantioris, & motibus illius, vel simplici ratiocinationi, speculationi multum inhærent.

Tum insueti morborum, vel nimie sensitivitatē, diætæ nimium sollicitæ adsuæfacti, & sanguineæ immorigeræ consuetudinis sunt.

Denique, qui a parentibus dispositionem hæreditariam possident ad certos affectus, nunquam & ægre penitus obliterandam.

Contra, major sanitatis constantia in nationibus incultis, feris, in rusticis, plebeis, laboriosis, durioris & simplicioris diætæ, & animi pathematibus alienis observatur.

Huc pertinent stupidi: Es ist eine solcher Mensch, wie ein Vieh, empfindet nichts, schadet ihm auch nichts so leicht, hat eine rechte Pferds Natur.

Adjicere fas est rusticorum & agricolarum ingravescente ætate, subita a laboribus abstinentia, major ad iram, terrorem etc.



naſta occasio, Wann ſie ſich zur Ruhe begeben,  
und in ihrem alter von dem, was ſie mit ſaurem  
Schweiß erworben, etwas zu guthe thun wol-  
len, hinc potius male habere & gravius affici  
incipiunt.

Hi, qvi frequenter pharmaca adſummunt,  
ſemper ſunt valetudinarii.

## Cap. II.

### Historia morbi ex ſtatu & diver- ſitate *Cauſarum*.

**I**ntima & penitiſſima corporis *diſpoſitio*  
ex materiali conſtitutione quocunqve  
tempore ad intimam corruptionem præ-  
ceps eſt.

Imprimis qvidem ſanguis optimus, ubi  
eſt extra corpus, cito corrumpitur; ita intra  
alicubi inclulus ſtatim in ſphaceloſam putre-  
dinem ruit.

Proxime huic partes poroſæ, muſculoſæ, pa-  
renchymaticæ, rubicundæ & exſanguæ, de-  
nique humores, ſc. lymphæ, ſerum, lac, ſper-  
ma, bilis, muci ab eadem putredine corri-  
piuntur.

Putredinoſa hæc corruptela fermentatiue  
actu breviffimo tempore latiffime ſeſe  
diffundit, a vitali energia haud ſalvanda.

Meatus imprimis tubuloſi, ultra conceptum  
angultiſſimi, toti favent obſtructionibus; præ-  
ſertim cum humores ſpiſſi uſculi ſint, & ma-  
gis fiant.

Mirandum interim, corruptibilitatem hanc minus in actum deduci, adeo, ut vix uni e millies millenis, sine externis causis violentis, a nuda dispositione interna eveniat, & in specie phacelus, haud centies mille annis semel obtingat.

Inde ejusmodi dispositionis nulla vere ratio habenda, quamdiu activitas vitalis intemperata viget.

Priori medicus directe resistere non potest, posteriori vero, sc. energiae varie succurrere licet & convenit, non quidem ad morbum, (utpote quem natura sponte sua curat) sed solum ad morbum impeditum per accidens, per individua.

Unde homo moritur non morbo simpliciter, sed solum ob malum successum vitalis resistentiae.

Certissimum enim, plus millies unum eundemque morbum superare, priusquam unus illo intereat vel solo variolarum & morbillorum exemplo.

Præter hanc generalissimam causam nunc necessaria est notitia generalium lædentium causarum. quoad 1) vel ipsas partes vitales. 2) vel motus vitales, idque vel materialiter, vel moraliter & finaliter influendo.

Prima materialis causa est *Plethora*, necessaria in junioribus pro augmento corporis, ex abundantiore appetitu & otio nimio pluribus familiaris.

Quæ prima causalitas etiam plebi nota,

hinc proverbium ipsis : Daß die Vollblut-  
tigsten und florissanteste Naturen am meisten  
und Gefährlichsten erkranken ; andere aber, die  
wie der Todt aussehen , wären doch immer  
Gesunde , und überwinden die gefährlichsten  
Krankheiten.

Hæc abundantia circulum magis impedit,  
inde energiæ plus negotii faciescit, imo tan-  
dem crasin invertit.

Varia ergo incommoda plethora inducit :  
motus voluntarios , haud ita prompte exer-  
cendos , impediendo.

Hinc promptior fatigatio, sensus dolorum  
contufioriorum , insolentior calor, imo in-  
farctus & oppletiones , citius & gravius in  
his, quam aliis accidunt.

Inde ex quantitate demum qualitas  
facile læditur, spissus fit sanguis, qui multipli-  
cium morborum scaturigo. Unde se- & ex-  
cretiones impediuntur.

Plethora raro interim per se, nisi mediante  
spissitudine, ad varios affectus deducit;  
spissescencia v. humorum sine plethora ad  
serolos affectus disponit.

Hæ causæ materiales junctim vel sigillatim  
objectum præbent, propter quod varii mo-  
tus vitales ad materiam & finem proportio-  
nati, maxime se- & excretorii, suscipiuntur.

Horum motuum ratio sunt, vel subjective  
læsarum partium læsæ actiones; vel objecti-  
ve moraliter *propter* usum corporis conser-  
vandi, intensi actus.



Hi ultimi prioribus longe frequentiores & magis necessarii sunt, & si modo recte succedant, utique salutares; ob incommoda tamen conjuncta & incertitudinem eventus, fiunt pariter causæ, tam apparentium p. n. insolitorum *Φαινομένων*, tum rē vera ex variis occasionibus ulteriorum vērē erroneorum motuum.

Quibus nihil boni obtinetur, qvanquam intentio generatim bona, speciatim v. male administrata, male exit.

Hinc variat morborum indoles, secundum temperamenta, ætates, sexus, hæreditatem, consuetudinem, sensibilitatem.

Itaque post dictas causas, ex jure primum locum habent animi pathemata, consuetudo, individualis sensibilitas, idiosyncrasia, etc.

Inter *externas* adventitias adfectuum causas primo loco stant *res non naturales* omnes.

Postremo res extraneæ, *violente* magis.

Namque experientia satis docet, rarissime obtingere ægrotudines ex interna dispositione, nisi ab externis violentis magis causis inferantur.

Exemplo sint febres: numerosi enim sanguinis copia sulphurea, diæta insuper calida, otiosa, adeoque internis causis abundantissime instructi, actu tamen febrem nunquam incurrunt, nisi forte transpirationis cohibitio repentina, refrigeratio, animi motus accedant.

Et hoc quidem in *acutis sporadicis* ordinarium est.

*Contagiosa* ex communicatione; *inflammatoria* fere nunquam sine externa causa oriuntur.

Sic & *Cholerica* ab æstuosa diætâ, vel ira repentina; *Intermittentes* ab externis tempestatum mutationibus, primarum viarum suffarctu, aut cum nausea assumptis, & transpiratione impedita, nascuntur.

Omnes morbi chronici quantum debeant diætæ inordinatæ, aeri frigido-humido, motuum corporis neglectioni aut excessui, & animi pathematibus, quis practicus non videt?

Sic excretionum chronicarum turbatio, quæ multos affectus post se trahere solet, præcipue in fæminis, a similibus externis causis ut plurimum progignitur.

Mirum vero non est, in tanta morborum personali infrequentia, etiam has causas raro evenire.

Hæc de externis causis, quando cum internis concurrunt.

Ex se ipsis vero communiores externæ causæ minimum ad morbos inducendos possunt.

Sic ciborum voracitas, potus copiosus, ebrietas, saltationes per noctes, motus, iurgia, exæstuationes, refrigerationes repentinæ, aromatum, acidorum, dulcium, durorum abusus a quibusdam innoxie tolerantur.

E contra vero alii ab his vel levissimis|gravi-  
ter læduntur.

Et hi posteriores communiter sunt vel 1)  
actu morbindo obfessi, vel 2) ad scrupulofam  
diætam adlueti, vel 3) speculationibus, præ-  
cipue vilus & animi pathematum abufui,  
fubjecti.

Longiffime ab his externis etiam pleræque  
illarum caufarum, quæ pafsim pro proximis  
quidem allegantur, nempe *potestates* ita dictæ  
*falina* funt.

Sunt enim hæc vel *inquinæ*, *domestica*, ex  
refolutione languinis, vel *nova*, *adventitia*.

Si priores forent, cum omnes iis lætarent,  
omnibus inhærerent & imminerent quotidie  
actuales morbi.

Si posteriores, tunc utique præfentiffimæ  
noxæ instarent, uti a fpiritu nitri, vitrioli,  
falif, fal. armon: alcali fixo. Sed nihil ho-  
rum, licet larga portione (nifi confertim)  
ingeflum, tales effectus edit.

Jam vero, fi hæc fumme fapida nihil no-  
ceant, quid alia leviora facient?

Idem valet de amaritie, de dulcibus, quæ  
etiam puerperis & infantibus fubinde parum  
nocent.

Saliedines fere omnibus communes quo-  
libet tempore & ætate adefle poffunt & fo-  
lent; obfervatur tamen, quod affectus ftati  
& certi certis magis ætatibus eveniant.

Exemplo funt arthritif, podagra & alii af-  
fectus,



fectus, ubi salia acria, articulos rodentia, sane innoxia sunt.

Hinc e i o, unum præhendunt, cum tamen e i o. vix unus falsedinibus vacuus sit.

Omnes scabiosi, quorum sanguis manifeste falsus, ab arthrite & podagra longe absunt.

Coincidunt potius cum certis hæmorrhagiis, quæ contingunt certis temporibus, ut in fœminis & hæmorrhoidariis quibusdam, & in diversis ætatibus, locis pariter diversis.

Non enim denegatur acrimoniæ in corpus illatæ energia, quæ ut occasionalis causa, motus prompte provocat, non efficienter physice, sed moraliter.

Hinc utique in affectibus dolorosis, in exacerbatione, parum etiam vini, sæpe insigniter nocet.

### Caput. III.

#### Historia morbi ex habitu & natura animi pathematum.

**Q**uemadmodum gravia & varia symptomata ex his passionibus exoriuntur; ita observantur illa prævalere, quæ magis ab intra sc. a passione dominante & temperamento, quam ab externis objectis invitantur.

Cum autem passio dominans apud homines variet, cum alius sit cholericus, melancholicus &c. simpliciter; alius composito gaudet temper-

peramento ; hinc alii præ aliis ad hos vel illos certos morbos dispositi sunt ; aliis etiam certæ passiones interdum præ aliis utiles esse possunt. Vide infra pluribus de temperamenti.

In omnibus pathematibus desiderium seu cupiditas ad finem aliquem tendit , ita ut motus vel augeatur , vel imminuatur , vel plane tollatur.

Impressio ab externis objectis aliquando adeo fortis est , ut nemo ei resistere possit. v. g. terror a tonitru improviso : vel non adeo fortis est , quando v. g. potator videt vitrum vini , vel lusor chartam , cui resistere possunt , & magis à prava consuetudine dependet.

Nihilo secius fortissimæ impressiones extrinsecus agentes , omnes homines (diverso tamen gradu) afficientes , non facile in tantas turbas conjiciunt , quam illæ , quæ a temperamenti vitio magis pendent , nisi forte in delicatulis contrarium fiat.

Semper illi , qui facile ira corripuntur , à terrore & metu parum afficiuntur , & contra.

Istæ quoque passiones , quibus aliquis ad-  
suetus , non adeo facile nocent , nisi maxime excedant , vel quod pessimum , ab alia contraria passione supprimantur , quod periculosum.

Omnis enim mutatio subita periculosa;

De *ira* historiæ prostant, quæ loquelam restituta, tum amissa est.

Sic ira podagricis, claudis, contractis quandoque utilis fuit.

Multi tamen propter hujus affectus vehementiam paralyti, apoplexia, febre continua, acuta, deliriis, convulsionibus, variis aliis affectibus & morte, ab ira suppressa affecti sunt.

In vulneribus ira admodum infesta est  
Hildan. cent. 5. obs. 75.

In puerperis certe noxia; in nutricibus item, ubi lactantes infantes sæpe epilepsiam, gravissima tormina contrahunt.

Ita periram paroxysmi quidam morborum resuscitantur, v. g. calculi, passionum hypochondriaco-hystericarum, arthritidis, podagræ, epilepsiæ, etc.

*Mæror ac tristitia* ordinarie chronicos morbos, apoplexiam, paralytin, memoriæ abolitionem, melancholiam, imo mortem producere possunt.

Præcipue fœminis nocent, exinde facile his mensium turbæ, passiones hystricæ & aliæ accedunt.

Subinde terror cum mœrore conjungitur & gravius lædit.

Longo vero qui mœrore afflicti fuerunt, quando ægrotant, ægrius reconvalescere & mor-



& morbos benignos in maligniores facile converti observantur.

*Metus & terror* ægroto interdum levamen adferunt ( sic tertiana, hæmorrhagiæ, paralysis, podagra terrore sublata leguntur.) frequentius tamen variorum morborum causæ existunt : Ergo, der Schrecken sey einem in die Glieder geschlagen, mann besinde sich ganz übel darauf, effari solent.

Sic à subito terrore alii (præcipue pueri, etiam per jocum) epilepsia, convulsionibus, phrenitide, paralysis, contractura crurum, surditate, strabismo, diarrhæa, dysenteria, lochiorum, mensium, hæmorrhoidum, variorum, aliarumque exanthematum suppressione & retrocessione, abortu, febre &c. imo morte correpti sunt.

Imo multi ex metu firmiter concepto in morbos contagiosos & præsertim in pestem prolabuntur.

Plane singulare est, quod ex terrore imaginario, viso saltem erysipelate vel alio non contagioso ægortante, statim morbus malignus concipiatur.

Quantum ira, metus & terror in gravidis & lactantibus valeat, fere quotidianum est.

Adeo ut varii nævi inde in fœtum transmittantur, & infantes sine capite, brachiis aliisque multis modis deformes, ex forti matris impressione in lucem edantur.

Interim perraro in generosis & intrepidis;  
sepius.

sæpissime in delicatulis & otiosis animabus, pica & malacia depræhenditur.

*Nausea* item imaginaria vomitus, diarrhæas, cardialgias & febres, ac alia symptomata producere valet.

*Spes, Fiducia, Amor*, si moderati sint, ad sanitatis conlervationem & restitutionem multum conferunt.

Si vero *amor & desiderium* [die Sehn-Sucht] præprimis in sexu seqviore, limites excedant, cachexiæ, passionum hystericarum & aliorum graviorum morborum parentes sæpe sunt, sc. melancholiæ, insanix, furoris uterini, turbarum mensium & choroseos etc. quippe quæ etiam ab interveniente tristitia augentur. Quorsum pertinet das Heimwehe, sonderlich der Schweizer, quo facile in hecticam incidunt. Quando v. desiderium exlatiatur, tum in itinere convalescunt.

*Invidia* itidem valde noxia, præsertim nutritionis negotium turbat. hinc: Einen neidischen Hundt gedehet nichts. Mann frisset sich vor neidt und misgunst das Herz ab.

Ex *Zelotypia* suffocationem mulieribus interdum accidere, notat J. B. Montanus etc.

## Cap. IV.

### *Historia morbi ex statu & natura consuetudinis.*

Sub.

**S**ubjecta, quæ prompte alicui rei adsuescunt, sunt homines sensibiliores, speculabundi, animique pathematibus magis indulgentes.

Præcipuum objectum est promptitudo ad agendum, vel remittendum motum.

Efficacia hujus tam *secundum*, quam *preter naturam*, in actibus vitalibus, moralibus manifestissima est, circa diversarum rerum patientiam.

Sic alii a frigore præpropere, alii post sat longum tempus alterantur, ubi & hæreditaria dispositio quandoque concurrat.

Sic *calor* major vel minor valde alterat, uti videmus in Gallis, qui caminis uti adfueti, si in conclavia Germanorum minus spatiosa & alta proveniant, varias circa caput congestiones incurrunt, sensim sensimque hisce advescendi.

Par ratio consuetudinis circa cibos & potus observatur.

Illi, si difficilioris sint concoctionis, vel nimiae & acris acetosæ fermentationi expositi, in minus consuetis varias molestias producere solent, in aliis magis assuetis contra.

Ita ratione *Sapors*, male sapida ab aliis commode, ab aliis non tolerantur. Quod tamen sensim deletur consuetudine.

Quod & videre licet in masticatione & suctione tabaci, remediorum narcoticorum, septicorum &c. adsumptione, & quod nihil



dicam de comestione cretæ, carbonum, picis, aliarumque absurdarum rerum.

Idem in *nausea* erga cibum & medicamenta, sublata opinione imaginaria, tollitur averfatio & motus contra assumptionem.

Alii post prandium meridiant, alii non; & uti his somnus incommode cedit; ita illis defectus.

Alii, nisi stata hora cibos assumant, male afficiuntur, aut ad minimum appetitum amittunt.

Si quis certo tempore urinam vel alvum deposuerit, accedente ipsa hora, stimulatur ad excrementa reddenda.

Quod idem valet de certo tempore & periodo mensium, hæmoptyses, quandoque hæmorrhoidum, V. Stionis, Scarificationis, febrium, præprimis intermittentium, epilepsiæ circa lunæ phases, &c.

Sic quotidianum est, otiosos, a fortioribus motibus a priori virium defectum, a posteriori varias sensationes contusorias persentiscere, quæ incommoda assuetudine evanescere solent.

Contrarium in iis evenit, qui post motus vegetiores otio assuescunt.

Idem valet de vigiliis & somno.

Imo dormiendi & evigilandi tempus certis periodis adsuefieri potest.

Nota sunt exempla, ubi aliqui stata hora ita expergiscuntur, ut neque curruum transitus, neque hominum strepitus eos ante  
illam

illam exsuscitet; adveniente vero hora, exacta istius soni periodo, sponte, tranquillis undiquaque rebus, evigilent.

Merito *animi pathematum* consuetudo huc referri debet.

Sic v. g. infantibus ipse terror & timor, imo subinde succedentes pauores & motus convulsivi, assuefieri solet.

Contra non desunt exempla, ubi ira, terror &c. in assuetis nihil incommodi infert; dicunt: Es schade denen nichts der Zorn, es seye vielmehr ihr Leben und Freude, wenn sie zu zanken, reissen, handel anfangen, gelegenheit finden können. uti & in foeminis: das Weib hat sich alt gezancket, oder: Zank ist eine medicin der Weiber.

*Moestitia* cum vita sedentaria & otio, sat gravia incommoda inducere solet.

Attentae consuetudinis vis etiam notatur, quando sub parciore interdum diuresi largior diaphoresis; aut sub transpiratione moderatiore particulares sudores pedum, manuum, sub axillis, in inguine; vel sub parca mucis excretionem per alvum, paulo largius muciditas vel e naribus, aut e pectore ejicitur.

*Præter Naturam generatim* de consuetudine aegrotandi docet experientia:

Homines valetudinarios, in orthostadia adhuc constitutos, utut saepe pessime habere videantur, plures tamen morborum insultus superare, & siquidem ad plenam sanitatem haud redeant, vitam saltem conservare.

Contra athleticos & sanos ab iisdem affectibus, & quidem unico eorum vehemente insultu, non modo gravius, verum etiam longe citius consumi & interire.

Unde vulgus: die gesundesten Leute greiffen die Krankheiten am schärffsten an, ja sterben am ersten an erhebliche Zufällen.

Dantur & certæ morborum species, qui post primum insultum facile recrudescunt, imo tanto magis insolescunt, ac veluti habitum induunt; de his vid. infra de morbis habitualibus & periodicis.

Ubi iterum: Wenn mann einmahl in das Kranken komme, so habe mann sich als denn je mehr und mehr damit zuschleppen, und könne es nicht wider völlig los werden.

Affectus, consuetudini obnoxii, *speciatim* restant.

Sic præter *hemorrhagias* internas (de quibus infra) & artificiales, *violente* varias commotiones, nunc generales, nunc speciales, circa locum excretionis, post se relinquunt.

*Febriles* humorum *motus*, licet materia febrilis recte præparata fuerit, facile in consuetudinem abeunt, & perennant.

Majoris etiam considerationis est aduetudinis motus, quando febris intermittens, imo aliquando acuta [præcipue utræque male tractatæ] anno vertente repullulant, vel ad minimum evidentia molimina paria exserunt.

Unde: Es gehe etwas an ihnen um, daß sie sich

sich einer Krankheit besorgen, hätten eben jetzt vor einem Jahr das Fieber gehabt, und wenn sie es genau bedächten, wäre ihnen dazumahl eben so zu muthe gewesen.

*Quartanariis hoc perquam frequens est.*

Sic *spastici* affectus, tormina colica, malum sypochondriacum, hystericum, vomitus, tenesmus, diarrhæa facile in consuetudinem abeunt.

Ita pro lubitu per *vomitum* quidam exonerare possunt ventriculum, proterve alienis ingestis oneratum.

*Abortus*, præcipue in plethoricis, facile in consuetudinem transit.

*Lipotbymia*, eô magis in fœminis, ex levi saltem causa, excitantur & consuetudinem assument.

Rariores sunt casus, ubi à *morsu canis rabidi*, tarantulæ &c. per multos sæpe annos. illo tempore, quo prima læsio obtigit, novæ commotiones formantur.

Denique insuescunt sponte *fonticuli* & sponte nata ulcera antiqua, quæ temere suppressa, gravissimas certe perturbationes corpori inducunt.

## Caput. V.

### *Historia morbi ex sensibilitate*

*Natura.*

B 3

Qvoad



**Q**uoad *Subiecta*, sunt sanguineæ constitutionis, delicatioris educationis, corporis & animi dispositionis tenerioris & sensibilibioris homines ut plurimum.

Hinc vulgariter : Zärtliche, weichliche, schwächliche Leuthe, die nichts vertragen können, von dem geringsten sich stracks übel gehaben; item Es sey eine schwächliche, fräncliche Person, wie aus ihrer üblen Farbe, üblen ansehen abzunehmen. etc.

Et quotidianum est v. g. quod variæ molestiæ, animi impatientia, tædium, anxietas, frigus, calor, bonus vel malus odor, certus sapor facile afficiant vel bene ferantur.

Interim & robusti occurrunt sensibiles. Notandum & hoc, sensibilitatem præcipue occurrere in subjectis, post alios prægressos laboriosos affectus, vel post nudas animi commotiones, terrorem etc. etiam ex impressione materna.

Hæc sensibilitas tam in fæminis propter mensium, quam in viris propter hæmorrhoidum negotium varie variat.

In sensibilibioribus etiam ex solo interdum auditu vel visu rei fastidiosæ, fiunt vomitiones, præcordiorum anxietates etc.

Sic sunt, qui ex leviori læsione & nullius periculi, statim insignes alterationes per sentiscant.

Quod valet & de remediorum adhibitione, ubi e. g. exigua dosis purgantis, vel emetici eos valde exercet; sic medicamentum

tum calidum, licet exigua dosi datum, cito æstum & cephalalgias impetuolas exsuscitat, ut nihil dicam de adstringentium, opiatorum, sinistro statim effectu in sensibilibus.

## Cap. VI.

### *Historia medica Temperamentorum & morborum inde natorum.*

**A**d *plethoram habiliores* sunt maxime sanguinei, dein cholericici, denique melancholici.

Phlegmatici stricti non æque sanguinis, quam magis serositatem nanciscantur, unde secedente parte sulphurea, facile superflua pingvedine onerantur, præcipue sanguineo-phlegmatici.

*Sanguineis* interea minus commode hæmorrhagiæ succedunt, nisi concurrente causa externa, casu, scalptione, stimulatione, emunctione etc. occasio detur, unde proxima commotio facilius promovetur.

Familiares inde his esse solent:

Congestiones versus loca, ubi aliàs perruptio fieri deberet (uti in adolescentia narium hæmorrhagia, in adultiore ætate hæmorrhoidum molimina) inde vero tensiones, æstus, atque dolores circa caput & alias partes.

Infarctus, stases, inflammationes, febres synochas promptissime subeunt;

unde apostemata , scabies humida , etc. prodeunt,

Fœminæ tales in abortus proniores sunt.

His itaque, inclinante præcipue ætate, familiariores sunt tonico spasmodici incompleti, contumaces motus circa lumbos, os sacrum, & vicinam hæmorrhoidalem.

Unde vix alia complexio magis ad arthritico-rheumaticos, nephriticos, podagricos, varicosos, paralyticos, exceptis manifestis causis externis, aut incongrua medicatione vel regimine, quam hæc inclinat.

Ætas puerilis & infantilis ad convulsiones, & epilepsiam incidit ex hoc temperamenti habitu.

Ad febres acutas minus, ad intermittentes rarius quam cholericæ, frequentissime vero sanguineo-cholericæ, tendunt.

Hi posteriores sæpius experiuntur febres acutas, phrenitides, fortiores spasticos motus, imo convulsivos; & sicut in genere ad hæmorrhagias, sic juvenes in specie ad hæmoptysin, aut acute ad peripneumoniam, pleuritidem habiliores observantur.

Deliria horum sunt violenta, furibunda, uti sanguineorum vaga, hilaria, proterva, jocularia.

Sanguinei ergo inconstantis & præcipitis animi sunt, hinc quando post longam sanitatem ægroti fiunt, diu continuant : Wenn sie einmahl frantz werden, so sterben sie entweder  
an

an der ersten, oder sie erholen sich so baldt nicht wider.

*Melancholici*, præcipue ex vitæ genere moribus suis conformi, hypochondriaca, hæmorrhoidalia interna pathëmata, spastica leviora, sed pertinaciora, imo epileptica facile lubeunt.

Unde inflationes, indurationes lienis, hepatis, atrophia, hæctica, colica spasmodica, palpitation cordis, quartana, mala erysipelacea, cancer, lepra, scabies sicca, arthritis fixa, calculus, alvi obstructio etc. oriuntur.

Deliria horum sunt perpetuo suspiciosa, taciturna, timida, cum metu incarcerationis, tenebrarum, insidiarum, persecutionum; vel ad minimum anxia, oppressoria, daß ihnen alles so eng ist, wissen in der Welt nicht zubleiben.

*Plegmatici* incurrunt ut plurimum in catarrhales varios affectus, loca tamen sanguinis purioris evacuationi destinata servantes.

Unde in prima ætate circa caput, coryzæ, capitis & faciei scabiositates, aurium, faucium, catarrhales ulcerosi affectus, tusses, vomitus, diarrhææ, tormina, flatulentia.

Ad hæmorrhagias & acutas passiones inepti sunt.

Denique tentantur cachexia, tumoribus œdematosis, leuco-phlegmatia, hydrope, soporosis affectibus, catarrho suffocativo, paralyti, apoplexia serosa, ulceribus fætidis, fluore albo, gonorrhæa etc.



Plegmaticis & melancholicis scorbuto & lue Venerea laborantibus fiunt symptomata graviora.

Delirant stupide, obliviose, somnolente, absone.

Et qui natura sunt valde crassi, magis subito moriuntur, quam graciles. Hippocr. Sect. II. aph. 44. & difficilius quoque ex morbo reconvallescere idem prodit.

Ita docet therapiae historia, quod

*Sanguineis* sect. V. siones, scarificationes, hirudines, motus æqualis & pro æstu temperando, acidula profunt.

Medicamentis calidis, & regimine sudorifero moderate agendum, secus sudor non exit.

*Cholericis* & Melancholicis, præcipue his v.s. tempestivæ, motus & potus, utrisque nitrosa conducunt.

Et hi promptiores sunt ad excretoria incitamenta; ne vero nimium contingat in omnibus, cavendum maxime in cholericis.

*Phlegmatici* bene ferunt motum, sed moderatum, & largiores purgationes. Acidularum usus haud temere, nisi in prædominanti sanguineo syadeatur. Thermarum circumspècte iisdem & phlegmaticis usus est suadendus.

## Cap. VII.

### *Historia medica ætatum.*

*morborum.*

Non

**N**on omnes homines in quoslibet morbos, sed in eos tantum, qui cujusque dispositioni internæ & temperamento conveniunt, varia ætate incidunt, ita, ut præſagire poſſit Medicus non modo, quibus morbis expoſitus ſit in genere homo, ſed & quibus jam obnoxius ſit, fuerit, futurus ſit.

Fœminis morbi ætatum & quidem poſt pubeſcentiam magis familiares ſunt.

Diſpelcimus ætates in I.) impuberem, II.) puberem, III.) virilem, IV.) ſenilem.

I.) *Impubertas* extenditur ad annum 14. ubi primo occurrunt *infantia* affectus circa caput, exulcerationes leves, & ſuperficiales cutis capitis, faciei, verſus poſteriores capitis regiones, circa aures & genas.

Iſti dolores, ardores, æſtus, oculorum auriumque inflammationes, oris interni ardores, aphthæ circa caput eveniunt.

Convulſiva epileptica pathemata facile coorientia, repullulantia aut aſſueſcentia.

A quarto ad 7. vel ultra annum increbeſcunt (præcipue tempore calidiore) dolor capitis æſtuans, hæmorrhagia narium, coryzæ, gravedo, dentium paſſiones.

Quæ etiam ad tempus pubertatis continuare ſolent; affectus tamen magis indicant circa faciem, & ſunt tumores anginoſi,

nosi, inflammatorii aut tonsillarum viscosi inflatorii.

II.) *Pubertatis* ab anno 14. & quidem *floride adolescentiæ* (ad 23. usque 24. 25.) tempore frequentiores, circa pectus sunt affectus.

Sc. tussis efferæ, siccæ, humidæ, acres, raucedines, asthmata spasmodica, periodica, dolores rheumatici indolentes & etiam summe dolorifici circa cervicem, nucham, scapulas, humeros, thoracem, palpitaciones cordis.

Ita & inter hanc & juvenilem ab 18. ad 35. annum hæmoptysis, vomicæ, phthisis, inflationes peripneumonico-pleuriticæ incidunt.

Item pleuritis spuria, spasmodico-arthritica, quæ per æstuosa tractata facile in pleuritidem veram, vel concurrente dispositione hypochondriaca aut choleric-melancholica iracunda, in hepaticas inflammationes transeunt; unde febres acutæ, hæcticæ, quæ nisi per criticos aut alios tempestivos sudores terminantur, funestæ sunt.

Nonnulli vel præpostera medicatione, vel etiam sponte, hæmorrhoides internas experiuntur.

Circa hanc ætatem exerit sese malum hypochondriacum.

Et hæc evenire solent juvenili ætati ab anno 25. ad 35.

Inter hujus & virilis ætatis confinia, accedens

dentibus motibus succussatoriis, obveniunt dolores lumbares, & ex horum mala tractatione, nephritis simplex, mox calculosa.

Versus virilem ætatem dolores profundiores, circa os sacrum, coxendices, qui sponte vel male succedentes, a podagra & gonagra latum unguem non abluunt, & præmaturo sudorifero regimine facile proritari possunt.

III.) In ipsa *virili* ætate (â 42. ad 49. vel 56.) sistunt se hæmorrhoides externæ s. apertæ, s. turgidæ s. tumidæ, cæcæ; item motus hæmorrhoidales, unde nephritis, calculus, ischias cum tensivis spasmodis circa os sacrum & moribus in intestino recto, gonagra, podagra, hæcticæ hydropes. &c.

Junioribus viris, si hæmorrhoides large fluentes, supprimantur, mictus cruentus accedit.

Idem fit in sæminis.

Pectoris quoque affectus a tali suppressione recrudescere solent; ubi contra hæmorrhoides bene fluentes a pleuritide præservare jam docuit Hippocrates.

IV.) In *senioribus* vegetis hæmorrhoidum assuetarum insufficiens successus aut cessatio non raro transit in mictum cruentum, gonagram, podagram, imo contracturas.

Senibus præ aliis frequens est catarrhus suffocativus, paralyticus, apoplexia sanguinea & serosa, asthmata, atrophie, marasmus.

Multi interim pro apoplecticis efferuntur,  
qui



qvi thoracis potius spāsmo , quam capitis affectu periere.

Omnes hi morbi ætatum magis ab internis quasi tacitis causis commoventur , quam externis , quanquam hæ sæpius ut causæ impulsivæ simul considerandæ veniant.

In genere de his morbis notandum , quod tales in subsequente ætate facilius & certius erumpant , in locis isti ætati propriis , quibus morbi ejusdem generis in præcedente aliaque ætate , licet loco diverso , viguerunt.

Si vero ab immediate præcedente ætate in subsequentem transmittatur morbus , retinet & locum priorem.

Minime interim sequitur , omnes morbos proprias suas ætates sustinere ; certa ætatis periodus potius a morbis immunis ex meliori vitæ genere manet , subsequens interea ætas morbos in locis , tali ætati congruis , experitur.

Sic e. g. qui in tenera ætate narium hæmorrhagiis adsveti fuerunt , si in juvenili virilique ætate per motum consumptorium plethoram imminuerint , hi in profectiore ætate , levi data occasione , in hæmorrhoides , mictum cruentum incidunt.

Contra qvi à pueritia narium hæmorrhagiis vexati , adolescentiam in otiosa , segni , vinosa diæta transigunt , retinent plerumque eandem evacuationem ad 30. & plures annos.

Quos in tenera ætate catarrhi tentabant ,  
in-

incurrunt succedentibus ætatibus in asthma-  
ta, tusses, phthises, diarrhæas, vomitus,  
colicas, in arthritides pertinacissimas, pa-  
ralyses, tandem tremores, tumores æde-  
matosos.

Frequentissima tamen est palindrome ad  
caput & partes superiores.

*Therapia* tradit historiam. Plethora ven-  
tilatione vicaria minuenda & motu corporis  
placido, item diæta parca in profectiore æta-  
te impedienda.

Spissitudini partim motu, partim medica-  
mentis leniter attenuantibus subueniendum.

Commotioni præsentî nimîæ per diluen-  
tia, temperantia nitrosa cum digestivis  
Tart. vitriol. arcan. dupl. sebveniendum.  
Anodyna prudentissime adhibeantur.

In causâ magis catarrhali ad catarrhalia  
respiciendum: catarrhi probe dignoscen-  
di sunt.

Junioribus annis V. stioni aut Scarifica-  
tioni adsuetis, ne in sera quidem Senectute  
eam deferant, cavendum.

## Articulus I.

# *Historia morborum Infantum in specie.*

**I**nfantès interna sua culpa morbis minus  
obnoxii sunt, ex iis & facilius iterum  
evadunt, quam adulti, ut in rusticorum,  
militum infantibus patet.

Et

Et qui nati à parentibus vegetis, minus teneris, non morbidis, animo nec turbidis, & insignes injuriæ illos firmant.

Afficiuntur ut plurimum externis causis.

Sic illis jam in utero, vitia corporis, & animi paterni, materni, imo aviti imprimuntur: editis in lucem pericula varia imminetia matribus & nutricibus mali moris.

Item ab aeris intemperie, a ciborum immodica quantitate & qualitate, potu adhuc minus conveniente & cibis incongruis aciescentibus, interposito lacte.

Pertinent huc motus irregularis, somnus interruptus, animi pathemata per exteriora excitata, excretiones turbatae; violentia externa, ejulatus, ploratus &c. hernias, ani procidentias inducens.

Morbi in specie his proprii sunt.

1.) *Navi materni & vitia a partu difficili:* Distorsio calvariae, verdruckte oder geschwollene Schieffer-Köpfe, vel paulo post hydrocephalus, vel tæcum & urinæ excretoria imperforata.

2.) *a Meconii insufficiente evacuatione Termina*, egerendi conatus, cholericæ, non nunquam convulsiva cum doloribus, clamoribus, inquietudinibus, vigiliis, caloribus vagis, torminosis manifestis etc.

3.) *a lacte*, si infantes a meconio nondum satis purgati illud bibant, quibus magis prodesset

desset colostrum,] similis dicti abdominales effectus prodeunt.

Præterea à lactis acescentia concursu bilis, nutricis imprimis iracundia, fiunt tormina, clamores, pavores, manuum pedumque luctæ, in convulsiones sæpe exeuntes; conatus deijciendi, fæces flavæ, wie gehackte Eyer, virides, cum odore acetoso, quæ & lintea tanquam aqua fortis corrodunt, ani inflammationes, excoriationes.

Quando nutrix statim a terrore mammam præbet, infanti longe pejus fit, quam si multo post ex mamma prius lacte corrupto emulso; quod idem & nutrici utilissimum.

4. *Ab alimentorum reliquorum vitiis.* Sic

Pultes sive à farina & aqua nuda, sive lacte, sive amica panis loco farinæ fiant, moderato usu sunt bonæ.

Varietas vero ciborum & ingurgitatio vitanda, unde cardialgia, vomitus &c: qui si moderatus sit, non nocet.

5. *Ab aeris intemperie* imprimis humido-frigida, unde faciei & capitis superficialia mala, crusta lactea, achores (hæc vero, nisi procedant, in mala graviora epileptica abeunt) anginodea, aphthodea, catarrhalia suffocativa, das Köcheln auf der Brust, imo lethargica eveniunt.

Temeraria refrigeratio partialis s. universalis, calente vel madente corpore, febriles commotiones infert; item tusse, coryzam, raucedinem &c.



6. Accedunt etiam febriles motus aliis inflammationibus, ulcerationibus.

Imprimis familiares sunt febres ephemeræ vel typicæ, quarto die ad madorem & ecrrisim revertentes.

7. A *dentitione*, quæ etiam bene succedente, communiter inquietudo, molesta sensatio, gingivarum pruritus proveniunt.

Frequenter comitatur diarrhæa, sub qua melius succedit dentitio, obstructa vero alvo, manifesto pejus, communiter cum febre, inquietudine, languore, respiratione difficili, cum catarrho, vel etiam siccis spasticis tandem convulsionibus succedentibus.

8. *Convulsiones epileptica* magis infantibus, quam adultis propriæ, eorumque affectibus etiam facilius superueniunt.

Gravius quoque exagitant caput, oculos, maxillas, quam reliqua membra, nisi quando universaliter totum corpus concutiunt.

9. *Strabismus* vel à convulsionibus, valè mala aduetudine, ex ministrantium incuria oritur.

10. *Rachitis* est contabescencia per spinam dorsii, concurrente vel succedente peculiari deformatione articulationum, in Anglia quasi epidemica.

11. *Atrophia* est exarescentia reliqui corporis, ventre vero præter modum intumescente vel indurescente. Evenit maxime infantibus ablactatis a potu nocturno frigido, præcipue corpore sub somno calente & sudan-

dante, imo pueris post 4. 5. annum vid. de Atrophia.

Ludovici in A. N. C. optime hunc affectum descripsit.

12. *Vermes* puerili ætati magis, quam infantili sunt proprii. Oriri hos putant alii a lactis vitiis; verius, dum nutrices vel aliæ dentium foetore, & scabritie fœdæ vetulæ, cibos diu præmansos infantibus intrudent, varia torminosa spastica, & alia mala, ab his eveniunt.

Et appetitus concoctionisqve vitia huc conferunt. Imo cum vermium irritata colluvies in globum complicitur, & intestina tenuia alicubi obstruat, vel quando ab amaris, præcipue myrrha, onecati vermes non ejiciantur, sed putrescant, unde maligni affectus prodeunt.

13. Inter *exteriora* magis *corporis vitia* familiaria sunt obstructio narium mucosa, corruptioni subinde ulcerosæ ansam præbens.

Tumor mucoso-membranaceus & varicosus sub lingua.

*Aphthæ*, sunt excoriatio & cruentatio cum molesto ardore, quæ subinde anginosam corruptionem, ad uvulam & infundibulum diffundendam, minatur.

Item inflammationes *aurium* internæ & externæ, parotides, oculorum catarrhi oriuntur.

Deformitas corporis, *gibbositas*, nodosæ articulationes &c.

Gibbositas fit plerumque per incuriam famularum, ex distortionē spinæ dorsi, vulgo das Verbrechen, vel, daß man die Kinder überschlagen lassen, inde facile calores p. n. respiratio brevis, inflationes hypochondriorum &c.

*Intertrigines* per sudorem & mictionis occasionem fiunt.

14. *Suctio laboriosior*, vel ob defectum lactis, vel oris interni venularum sublingualium tumores & sæpe ulcerationes, vel scorbuticam communicationem nutriticis, cibos infanti præmandentis, evenit.

*Prognosis* offert historica, dum morbi infantum brevioris sunt periodi, quam adultiorum.

Hic magis periodus septennaria jam quarto die, quando melius succedunt excretiones, notabiliter ad finem properat, cum apud adultos vix unquam ante 7. diem exeat.

Sicut & apud infantes primo septennario absolvitur, quod apud adultos secundo, imo tardius.

Convulsionēs jam quasi adsuētæ sunt minus fueris leviores & minoris periculi.

*Therapia* vero momenta addit:

Iustus hic sit fœcum successus, præcipue transpiratio libera, multum solaminis svadet.

Necessaria sunt corrigentia & evacuantia, in magis acido acri ardore in intestinis, mucilaginosa. In biliosa acidate crystallus montana.

In

In Anginode affectu plebs belgica cochlearum pulverum exhibet, cum indubio, quem jactant, successu. Bonnetus in med. Sept. de Entali memorat, quod amuletice collo appensa anginam tollant.

Diapnoë temperatissima per antim. diaph. etc. promovetur.

Unicornu foss. terra sigill. nullius pretii.

Ex Essentiis sufficit alexipharmaca temperata. antimonii parce solum propinata.

Caveantur acriora, crocus, zedoaria, camphora etc. Elix. Tincturæ ex multiplicibus compositæ.

Essent. Myrrhæ non nisi parcissime in catarrhalibus & pectoris vitiis cum essent. Succini largius mixta prodest. Exulet vero in febrilibus affectibus.

Tinctura Antimonii hic non approbatur.

Sicuti hæc *evacuationis* quoque scopo inferviunt; ita ad diapnoen commendantur aquæ destill. temperatæ.

Rejicitur aqua fumarix in acutis præcipue & exanthematibus.

Externe Camphora prodest.

Regimen semper sit diapnoicum; in acutis absit nimia calefactio externa, temporis bene periodus observetur.

Alexipharmaca interim adhibenda potius nutritici, & infantibus nonnisi minima dosi, sed repetenda; uti jam monitum.



In evacuatione rarissime necessaria sunt Emetica.

Si quid vero moliendum præstant leniora, conserv. fl. Persic. aut lactuc. alvo tamen libera vel simul expedita.

Alvus commodissime evacuatur, si quid febrile adsit, per Rhabarbarina, si nihil tale, per mann: Sennam spin: cervin: tandem Mechocacari: sed cautius; item per merc. dulc. in non plane teneris.

Epileptica mala mitigat optime Cinnabar. nativ. parva dosi, Specif. antepilept. Stahl. c. absorbentibus & pauca Cinnabari lumbr. Jer.

Carn. & ungu. alcis, Pulv. march. Specif. cephat. mich. unicorn. ver. lap. manati, cranium hum: nullius fidei sunt.

In scabie retropulsa & gravibus inde symptomatibus, paulo adultioribus merc. dulc. valde prodest.

In externis crustosis & ulcerosis affectibus ol. onor.

Ad nævos recentium secundimarum frictio & sanguinis lochialis inunctio laudatur, quippe quæ & puerilem ætatem jam prætergressis auxilio fuere.

## Art. II.

### *Historia morborum Senum.*

**I**n senibus humores sunt spissiores, lentiores, vigor impulsus quæ humorum decrescit.  
ani.

animus de fervore remittit, & ad desiderium quietem inclinatur.

*Causæ* horum morborum esse solent: 1. animi lassitudo & desidia, ubi quando ira & inferiorum corporis partium constans refrigeratio accedit, fit facile vertigo, imo apoplexia 2. prægressarum ætatum luxuriola intemperantia, 3. exhaustio virium in iisdem enormis.

4. Quietioris & lautioris vitæ affectatio, sic wollen sich nun zur Ruhe begeben, und ihnen in ihrem Alter etwas zu gute thun. Unde mox abundantia sanguinis ejusque consecutaria.

5. Excretiones sanguinis consuetæ omissæ, uti Junioribus e. g. a narium hæmorrhagia, emanatione vertigines accidunt.

Passim ventriculi quoque prægravatio *vertigines* inducit; ubi sal vitrioli salutare.

Impendent senibus *catarrhi* varii capitis, faucium, pectoris; gravedines, coryzæ, mucositates, raucedines, asthmata cum lenta humiditate.

*Appetitus* & concoctionis languor & vitia, ructus, flatus, alvi lubricitas, diarrhææ, lienteria, quæ a frigore facile inducuntur.

*Malicordes*, corporis flacciditas, aufgebunssen, tumores, ædemata.

*Urina* cruda, ardens, mali coloris, mictus cruentus & ejus molimina, in prægressa ætate dolores lumbares eo spectant.

*Calculus*, nisi e virili ætate transferatur, in senio non amplius generatur.

Eadem est ratio *hemorrhoidum*, quarum fluxus legitime procedens, præsidium potius, quam detrimentum est, turbatae vero sensibiliores existunt.

*Sensuum* hebetudo, visus, auditus & tactus, gustus & olfactus per catarrhum depravatio.

Motus & *roboris* decrementum, intellectus & *memoria* debilitas succedunt.

Senili eminentius vero ætati eveniunt *Apoplexia*, hemiplexia, paralytis, catarrhus suffocativus, oblivio, somnolentia veterinosa, cum virium torpore.

*Dentium* casus, tremor manuum, labefactatio genuum, toni marcor, unde rugositas &c.

*Marasmus* decrepito senio solum competit.

Notatu dignum in morbositate senum;

1) Quod feminae ut plurimum annosiores viris fiant.

2) Quod eadem, licet torporem & marcorem corporis, rugositatem, dentium lapsum, incensus labefactionem viris citius incurrant, circa tamen interiora vividam energiam vitalem conservent, ac haut frequenter ac viri, apoplexia, sed ad summum catarrho suffocativo, vel tumidis & tabidis eventibus decedant.

*Therapia* docet ingenere 1. v. S. prodest, vel consuetus sanguinis fluxus, in ordinem reducendus,

2. Se- & excretiones libere conservandæ,

3. Sang-

3. Sanguinis fluxilitatem conservant incidentia, resolventia.

4. Acria tamen magis frigidioribus conducunt.

5. In purgatione nocent aloe & resinæ largiore usu & cum impetu datae.

6. In flatulentia & colica clysteres, emoll. & lubric. at imprimis diuresis conservanda cum alvi libertate.

7. Abstinentum ab acrioribus & salibus volatilibus.

8. Balnea & thermæ, nisi præparato corpore & præmissa V. S. utiles non sunt.

9. Sudores post mediam noctem, circa æquinoctia præprimis obtingentes, neque impediendi, neque impellendi.

10. In specie senum affectus *Capitis* sicci præservantur venæ sectionibus; catarrhales vero purgationibus.

*Pectoris* adfectus v. s. reperatione hæmorrhoidum, perite quaerenda, catharsi, cavendum à salibus volatilibus.

In *ventris inferioris* adfectibus conveniunt v. s. placida, alvi promotio lenis, Cort. chacarill. cavendo ab oleis destillatis.

*Rhenmatico - arthriticis* succurritur per v. s. vel hæmorrhoidum reperationem per hirudines, à narcoticis ubique tibi cave.

*Apoplexia, Hemiplexia, paralysis* rarissime in senibus palliationem admittunt. Quid bonae spei restat, consistit in hæmorrh.



rhoidum apertione , vel v. s. præservativa.

Praegressa intemperantia & incontinentia circa frigus, in ancipiti casu prodest vomitus, præmisso vel adjuncto clystere acriore.

In facie colorata & vasis temporum turgentibus itidem V. S. larga.

In *catarrho suffocativo* v. s. & lenior alvi apertio, aperitiva resolventia, & diuretica.

*Diata* senum sit moderate calida. Ex vinis pura magis quam fortia profunt.

Vitiis à calidiore diætâ ortis occurritur per nitr. interpositis tonicis, dilutione, evacuatione. Hæc titulo tenus sufficiunt.

## Cap. VIII.

### *Historia morborum Habitualium.*

**H**abitualia pathemata consistunt in diuturna quasi consuetudine, vel longa duratione, vel frequenti recursatione,

Vel sunt acuti v. g. febris tertiana, quartana, erysipelas, vel chronici & quidem sæpissime.

**A** motu intercepto, interverso afficiunt ægrum ulcerationes, vel scirrhi, vel excreſcentiæ, vel malæ conformationes ab inconveniente consolidatione vulnerum, fracturarum, rupturarum, erosionum, luxationum, distorsionum, vel occallescentiæ & obrigescentiæ sensibilium partium. **A**

A motu acuto depravato, vel nimis neglecto sunt tam sanguinis congestiones, spasmodicæ compressiones ad hæmorrhagiam tendentes, tum lymphæ & feri stagnationes, manationes, sudores.

Hinc eveniunt:

Circa *caput e sanguinea prosapia* hæmorrhagiæ narium, vel his interceptis, cephalalgia, ophthalmia, otalgia, parotidum tumores, inflammationes, ulcerationes, Erysipelas capitis & faciei pertinaces.

*Elymphali censu* faciei & capitis scabies, lippitudines, coryza, gravedines, visus & auditus hebetudines, narium & oris sputatoria reduntantia, tumores tonsillarum, faucium, urulæ, etc.

Circa *pectus* angina, sputum cruentum, hæmoptysis, sicca asthmata periodica, spasmodica per paroxysmos, tusses diuturnæ sicca, palpitatio cordis.

A causa catarrhali, raucedinas, asthmata, tusses humida, phthises, singultus.

In *ventriculo & intestinis* vomitus, flatulentia, cardialgia, ructus; anxie angustia, tormina, borborygmi, diarrhææ spontaneæ circa æquinoctia. Mulierum mensium motus ordinarius & anomalus, fluor albus, diabetes.

In *abdomine* affectus spasmodici, epilepsia, gonagra, chiragra, arthritis vaga, paralysis, nephritis, calculus, œdemata, tumores erysipelacei, hæmorrhoides, hernia, efflorescentia.

Quæ

Quæ omnia, quo diutius durarunt, vel frequentius redierunt, eo contumacius insistent, certius redeunt, difficiliter defuescunt.

Huc pertinent & ipsæ febres, præcipue intermittentes anomalæ magis.

Item morbi à phantasia matris, sym- & antipathis vel hæreditaria transmissione orti.

In specie congestiones & stagnationes pro ætatum diversitate huc tendunt: familiaris tamen palindrome est ad jam ad vesfacta loca.

Sic in prægressa aliqua ætate evacuationi cuiusdam assueti postea ad alias ejusmodi excretiones, licet loco diverso, proni sunt; præprimis in hæmorrhagiis, quarum varia molimina vix non omnium chronicorum originem exhibent.

Hinc, qui in tenera ætate narium hæmorrhagiis vexati sunt, vel succedente ætate easdem retinent, vel cephalalgias, dolores humeri, cervicis; scapularum, erysipelata, ophthalmias, & anginam, incurrunt.

Aut succedit proxima ætate congestio circa pectus, molimina hæmoptica generans.

Sub vita sedentaria malum hypochondr. & hæmorrhoides internæ, in annosioribus externæ, & his haud expedite succedentibus, dolores lumborum, renum, ischiadici, femorum, crurum, genuum, pedum eveniunt.

Fit etiam, ut homines, ad hæc talia in præcedente ætate proclives, sed in subsequente per dietam, regimen (feminae per puerperia, mares

mares labore) hujusmodi symptomata evitent, in provectiore vero ætate in otium relabantur, tunc natura molimina sua loco ætati conformia repetat.

*Prognosis* dat, quomodo morbi hi diuturni & semper repetita medicatione, tempeſtiva præſervatione, regimine, provida diætâ, morigerò patiente egent, ſi cura felix eſſe debeat.

In ſe hi morbi refractarii, diuturni & facile recrudeſcentes ſunt, hinc difficilioris curationis.

Imprimis facile recidivant etiam in felicionis curæ ſpe.

*Therapia* docet, quomodo nil cito & præcipitanter agendum, ſed repetita medicatione aſſuetudo contraria inducenda.

Tam præſervative quam curative efficax eſt v. ſic, hirudines, & ad catarrhos ſcarificatio repetita ſuo quæque loco & tempore.

Item laxationes, purgationes tempeſtivæ, clyſteres revellentes, aperientes conducunt.

Motus, correctâ materia, corrigendus per ſpecifica.

Animi pathemata, tempeſtates, diætæ vitia, vinum, fugienda.

Staſi opponendus motus, orgasmo quies. Mutatio corporis & animi inſignis in his morbis aliquid mutat, unde pubertas, & matrimonia (præcipue in fœminis) vitæ genus tam in victu & motu, mutationes inferunt.

Cap.



Cap. IX.

*Historia morborum hæreditari-  
riorum.*

**F**undati sunt in communicata agendi idea, a parentibus, concurrentibus tanquam causis materialibus, plethora ejusque commotione frequentiore, Speciali directione ad utiles exonerationes, & inducta jam dum viarum habitudine, tum promptitudine ad actus suscipiendos.

Experientia confirmavit, a parentibus in liberos transmitti 1.) corporis staturam, 2.) lineamentorum faciei similitudinem, 3.) animi pathemata, mores, vires 4. peculiares appetitus & aversiones variarum rerum. 5. certos motus circa negotia vitalia, secretorios, excretorios.

Ita ex utero quidam feles abhorrent, & dormientes.

Morbi, veri autem, ætatum omnes sunt hæreditarii; nempe parentes, præprimis pater, si in ætate aliqua morbum tali ætati congruum insigniter tolerantes, illo maxime tempore infantem gignant, tunc infans eidem ætati appropinquans, eidem morbo expositus erit.

Sunt vero potissimum morbi ex hæreditate, hæmorrhagiæ omnis generis, apoplexia, epilepsia, malum hypochondr. Isciad; hyster: melancholia, mania, podagra, paralyfis, gut.

gutta serena, phthisis, asthma chronicum, contumax, cachexia, ædemata, calculus, nephritis, convulsiones. &c.

Hæreditaria hæc dispositio in liberis maturius ratione ætatis, fortius ratione impetus, contumacius ratione durationis, pervicacius ratione curationis sese exerit.

Et qvo præmaturius oriuntur, eo certius per aliquam ætatem malitiam & per tinaciam experiuntur.

Vix tamen eminentes graviores hæreditarii affectus in liberis erumpunt, qvin prius affines quidam affectus praeludant.

Sic mensium fluxus in matre vel citius vel tardius ab initio obtingens, transfert in filias eundem modum, tempus & ordinem.

Mater, si alvi contumacia laborat, liberi quoque eodem malo communiter afficiuntur.

A podagrico quidam natus, anno circiter 20. jam hæmorrhoides perpesus circa 25. 26. annum, ab ipsa podagra correptus est.

Imprimis illi, qui cum phthisi colluctantur, parentes, liberos gignunt in pueritia ad hæmorrhagias narium, mox ad anginas, asthmata, tussés, peripneumonias, hæmoptysin pronos, qui, si per sudorifera tractentur regimina, in affectus arthriticos, pleuritidem spuriam; per expectorantia in oppletionem; per adstringentia in phthi-

fin:

sin; per opiata in arthritidem plenam facile projiciuntur.

Qui tumorum oedematosorum haeredes sunt, his hypochondriacae tensiones, molimina haemorrhoidalia, icterus, colica, diarrhae, vel contra obstipationes alvi eveniunt, foeminis menses mature perturbantur.

Facile etiam fit in junioribus, ut a pedum aedematibus hydrops per intempestiva artificia, vel per retrocessionem varia fontica acuta & lenta mala inducantur.

Ita liberi vel non absolute pares, vel non exquisite solos illos parentum affectus, sed differentes & varios, genere autem convenientes, experiuntur.

Morbida hujusmodi dispositio raro ad 3. usque generationem admodum sensibilibiter percurrit, longe rarius illam transcendit, conformatio corporis tamen longe diutius durat.

Continuant quidem nonnunquam affectus, v.g. arthritis, phthisis, hydrops, podagra longius, sed tamen, longe mitius, quam in primis generationibus.

Quidam morborum haereditariorum certam, specialem, imo individualement retinent affectionem. Sic v.g. puer quidam usque ad pubertatem ichorosis cutis affectibus vexabatur, cujus matri evererat idem.

Sic totius familiae hominibus circa pubertatem epilepsia lunaribus phasibus respondens

dens evenit , a qua per matrimonium libera-  
bantur.

Aliquando etiam per nudum contagium  
communicatur affectus, v. g. podagra per  
ocreas aut tibialia, arthritidis ab indumentis,  
hæmorrhoides ex culcitris, sedilibus, ephip-  
piis etc.

Quæ contagii communicatio longe tamen  
differt ab hæreditaria.

*Prognosis* docet hoc. Hæreditarii affectus  
mire contumaces sunt, omnesque medica-  
tiones frustra ut plurimum, nisi præservatio-  
nis gratia, per vicarias evacuationes, vel per  
vera specifica iis consulatur.

Unde tanto magis, si in liberos propagen-  
tur, omnem respuunt medelam, & paulu-  
lem imperitius tractati, vel longe ferocius in-  
surgunt, vel graviores subeunt anomalias.

*Therapia*, percuratio igitur solida impossi-  
bilis est, in fronte eloquitur.

Inde nihil cum impetu, sed omnia blande  
& successive agenda.

Hinc præoccupari debent antecedentes  
causæ per vicarias evacuationes, v. s. scari-  
ficat: hirud: it: spontanearum evacuationum  
toleratione, moderatione, imo provoca-  
tione.

Deinde motus animi & corporis impetuo-  
siores corrigendi.

Porro impetus erumpentis prudens tra-  
ctatio sit, non per repellentia, stupefacientia,  
supprimentia.



Tandem specificorum prudens & perita sit applicatio. Quorum tamen nulla prestant vestigia certa.

## Cap. X.

### *Historia morborum corruptorum.*

**O**ccasiones his præbent vel *agrorum* incontinentia & ἀταξία, jectigationes, frigidi potus etc. vel *medicorum* præposterae medicationes, regimina, ex paroxysmorum intempestiva commotione vel cohibitione, calidioribus medicamentis & regimine, diapnoes spontaneæ neglectu, vel turbatione per urinosa volat: nervino-tonica, viscera stringentia.

Ita versatur talis corruptio vel in alteratione, vel in evacuatione inconveniente.

Ex alterantibus 1] absorbentium abusum demonstravit Ettmull. Experientia in hunc diem adhuc, imprimis terrea noxia sint.

2) Dulcia non nimis fugienda, nec tamen iis abutendum.

3) Acida, Spiritus acidi, vitriol. in pectoris adfectibus lædunt. Spirit. Salis, in inflammationibus pectoris immanem tussim excitant. Acetum destill. in affectibus torminosi nocet. Fructus horæi acidi primas vias lædunt.

4) Potus sufficiens febricitantibus non negan-

negandus, nec frigidus, nec insigniter calidus sit. Cibi non sunt obtrudendi, aliâs cardialgia, singultus, tormina, spasmi intestinorum, alvi turbationes oriuntur.

5.) Adstringentia se- & excretiones impediunt.

6.) Opii abusus, & animi pathemata se- & excretiones varie turbant.

Ex euacuantibus. *Laxationes* nocent in morbis exanthematicis, puerperis febrem parturientibus, præcipue si sæmina ad tormina & diarrhæas sit proclivis, in affectibus pleuriticis, hæctica adultiore.

*Vomitibus* intempestivus, nimius, anxietates, angustias, cardialgias, nauseam, aliarumque excretionum retardationem; in hypochondriacis deliria, maniam, in foeminis vomitum cruentum, in hæmoptycis, phthisicis, herniosis gravissima damna producit.

*Sudorum* suppressio vel violenta propulsio turbat *typum* morbi, præc. in morbis exanthematicis, febribus acutis, inflammatoriis.

*Hæmorrhagarum* imperita tractatio plurimorum morborum ferax est corruptorum.

Sic morbi corrumpuntur *prolata*ione, ex acutis chronici, e transitoriis diuturni, e vagis fixi; vel *exacerbatione*, ubi ex intermittentibus & chronicis fiunt continui & acuti, ex indolentibus, dolorifici &c. vel *excretionum cohibitione* vel harum *perversione*, unde ab exterioribus ad interiora repulsio-

nes; vel *alacritatis enervatione* vel *nimis vehementi objectorum impedimentorum excussione*, vel etiam *energia vitalis desertione*, quæ omnia per narcotica facile obtinentur.

In *chronicis* ex non resecta causa materiali. e. g. *dolorum capitis hemieranicorum* perio dicorum, a depletionibus assuefactis emanantibus, sopitione per *narcotica* sequuntur affectus capitis periculosissimi, paralytici, apoplectici, vertiginosi &c.

In *pectoris* vitiis per expectorantia habitualis decubitus ad hunc locum, pulmonumque laxitas conciliatur.

In phthiseos suspitione traumatica excretiones minuunt, nil prosunt, balsamica calida febrem intendunt, inflammationem ulcerationi inducunt, idem fit in hectica.

*Therapia*: 1.) ratione materiæ, si hac neglecta motus cohibiti sunt, est illa corrigenda, expedienda.

2.) Si contra citra materiæ vitium a motuum concitationibus, vel medicamentis pervertentibus sit malum, subveniat demulcentibus, veris anodynis, sine stupefactione delinientibus, vel temperantibus, ardores, irritationes, colliqvationes mitigantibus, vel adstrictiones & coagulationes solventibus.

Morbi corrupti novos sæpe & incognitos morbos mentiuntur; ubi inusitata symptomata ad simplicitatem restituenda.

Sic e.g. ex febris per chinam suppressione  
in

in hydropem quidam incidunt, ubi, si febris revocata denuo per chinam supprimatur, hydrops vero purgantibus oppugnetur, funestus sequitur eventus.

Idem damnum infert china, dum hæctica sæpe febribus intermittentibus per eam suppressis succedit; ubi per vulneraria etiam viscera adhuc magis obstipantur.

Hæmorrhagiæ in corpore plethorico adverte per adstringentia ad violentiorem perruptionem disponuntur, vel etiam nimio abusu viscera obstipantur.

Si vero hujusmodi morbi jam in consuetudinem abiire, vel partium irreparabiles læsiones fovent, sunt illi mitigandi, præoccupandæ materiæ & occasiones, abioluta tamen cura non est promittenda.

Tandem, ubi quis juvare non potest, a damno inferendo abstineat.

## Cap. XI.

### *Historia morborum periodicorum.*

**S**ecundum naturam occurrunt periodicæ mutationes nativitatis, dentitionis, pubertatis, auctioris in longum & latum, generandi facultatis, virium decrementi, generationis lactis, mensium fluxus.

*Præter naturam* brevioribus periodis revertuntur:



*Febres* statis septiennariis vel diebus, imo horis ; quas exacte ut plurimum servant,

Ita *Tertiana* omnes ante meridiem inter horas jentaculi & prandii, *quartanae*, tertia vel quarta pomeridiana ; *sanguineae* diluculo solstitiali sc. 3. vel 4 a media nocte , ut *ephemerae*; *biliosae* a tempore matutino usque ad & post meridiem proxime ; *Choleriodes*, magis circa ipsam meridiem vel immediate post ; *Peccetiales* malignae circa vesperam hora 5. & 6. *Quotidiana* tempore matutino hora 6. 7. *variola* et morbilli post meridiem; *Peripneumoniae*, *Pleuritides* versus meridiem aut mediam noctem ; *Febres catarrhales* circa solis occasum versus æquinoctia, præcipue autumno.

*Plurium dierum* mensura revertuntur *Hæmorrhagia*, quæ sæpe sunt *periodice*; affectus arthritici, podagrici, familiaris æquinoctia & solstitia comitantur.

Ex illis familiaris sunt *hæmorrhoides*, præcipue in melancholicis & strictioribus, statæ ætati virili, vere & autumno magis; adolescente sæpius æstate, adultiore vero magis vere, rarius æstate evenientes.

Post has *mictus cruentus*, *hæmoptypsis*, tandem & *hæmorrhagia narium*, item consuetæ evacuationes vicaricæ, v. s. scarificat. repetitis vicibus adhibitæ.

*Abortientes* maxime plethoricas in abortum iterum tertia, 4ta vice incurrere, septimanis exquisitè respondentibus, primæ vel m. secundæ periode, idque certius, si priores abort-

abortus in menstrua tempora inciderint, quotidie docemur.

Si fæminis menstrua supprimantur, familiares sunt menstruæ cardialgiæ, anxietates, dolores circa lumbos, os sacrum, hypochondrium sinistrum, sinum pudoris.

Quoad anni tempus circa æquinoctia vel vere vel autumno solemius redeunt illi affectus, qui à sanguinis orgasmo dependent. Sudores annui, vomitus, diarrhææ anniversariæ, efflorescentiæ cutaneæ etc. accedunt firio æstuante vel bruma vigente, ubi tamen asthmata, catarrhi suffocatiui frequentiores sunt.

Ita æmulantur sæpe períodos tusses, exquisitæ vero asthmata convulsiva. Nec non

Congestiones erysipelatodes, plegmonodes, rheumaticæ, hemicranicæ, ophthalmicæ, odontalgicæ, ischiadicæ.

Imprimis si mala sint hæreditaria, quæ sæpe eundem annum servant invasionis, quem in parente habuere, præc. si illo tempore nati sint, quo illis parentes affligebantur.

Lunares phases sequuntur visus & auditus hebetudines, tactus paralytodea vitia, rationis labefactiones, deliria, convulsiones, epilepsiæ, quæ omnia luna decrescente & ad plenilunium appropinquante sensibilibiter ingravescent.

ParalySES, hemiplexiæ & apoplexiæ revertuntur sæpe, & gravius quidem illo tempore, anno, quo primo invasere,

Periodici tales affectus â simplicibus probe discernendi ; modesta hinc & adæqvata cura instituenda est, non per turbulenta narcotica.

Facilius & efficacius præservantur, quam curantur.

Inveterati & a patheticis occasionibus orti in paroxysmo non ut simplices curandi.

Narcosis cum sit suspecta, sola generalis temperatio, analepsis, & ethica evamatio, placida exhalatio, præservatio causarum physicarum & moralium convenit.

## Cap. XII.

### *Historia morborum incurabilium.*

Tria horum generum statuuntur.

1.) *Qui vix unquam solide & constanter eradican- tur*, quin longis sæpe intervallis recrudescant.

Videlicet illi, qui evacuationes sanguinis spontaneas quantumcunque assuefactas pro fundamento habent, qui non nisi totius vitæ generis mutatione desuescunt; ventilationibus vero vicariis leniuntur tantum & differuntur, in solidum autem non auferuntur.

Huc pertinent & restagnationes catarrhales aut rheumaticæ circa caput, vielsältige *Flüssigkeiten* in phlegmaticis, dolores acutiores, æstuosiores, frequentiores in sanguineis

guineis magis, quæ omnia heteroclyta medicatione in fonticas anomalias aguntur.

2.) Qui brevioribus intervallis, & gravioribus exacerbationibus recurrentes, ita magis magisque insolescentes, medicam opem in dies ferocius aspernantur, & quo feverius aggregariis, eo violentius contra assurgunt. In quibus ambobus generibus, quanquam morbum superare non detur, datur tamen eundem mitigare, frequentiam ejus præoccupare.

Hujusmodi sunt habituales mali conatus motorii ad translationes varias, imprimis sanguinis, tum etiam serosorum apopleasum.

Sic in sexu masculino evacuationes sinceræ secundum naturam magis alienæ sunt; si tamen contingunt, & vel impeditius vel impetuosius concitentur vel excedant, vel frequentius & diutius affligant, eo citius incurabilem contumaciam acquirunt.

In fœminino vero sexu, si excretiones sanguinis consuetæ turbentur & hæ motuum perversiones diutius durent, assuetudinem non eradicabilem progignunt.

Et hæ quidem eo certius, quo auctior est ætas.

Sunt vero hæ hæmorrhagiæ omnes capite vel ad summum pectore inferiores, si quidem hæmoptylis mature iterum occupata non ita rarissime postea quiescit, & ad summum ad primæ classis periclitationes tendit, item vomitus cruentus non tam propria per-



tinacia, quam succedentibus inde malis, hæmorrhoides vero in sincera sua specie sine longe periculosioribus malis, non in solidum curantur.

Huc etiam spectant affectus hypochondriaco-flatulenti, colici, torminosi jam habituales, item hysterici, suffocativi, spastici, convulsivi, chronici, arthritici, ischiatici, gonagrici, epileptici, vertiginosi, melancholici, maniacy Pariter etc.

Paralysis fortis inueterata, quæ tamen in junioribus melioris spei est.

Nephritis calculola, phthisis hæctica annosiorum, ascites consummata, oedemata diuturniora, præprimis in annosioribus.

Strumæ, sarcocelæ, scirrhi mammarum diuturni, indolentes tumores parotidum, erysipelata rheumata assueta, pariter huius census sunt.

In flatulentia præcavendum, si habitus est in subiecto annosiore, ne calida aromatica adhibeantur, nec flatus retineantur, vel altius sursum ducantur, unde vere atrocia mala icterodea, ascitica, hæctica pullulant, imprimis cavendus intempestivus vomitus.

Accedunt ulcera tam ex-quam interna, manantia; calculus renum, mictus cruentus, strabismus, visus hebetudo, gutta serena, cataracta, lippitudo antiqua, caries dentium & ossium, asthma antiquum, statim post cibum vomitus mucidi, non tamen ciborum, vomitus niger in acutis, & singultus cum perenni

renni cardiagmo, tormina habitualia, hernia inueterata, procidentia uteri habitualis, impotentia virilis, sterilitas foeminarum, fluxus albus, incontinentia urinæ inueterata etc.

Qvorum inveteratorum omnium spes nulla est ex fudamento tollendi;

III.) *Qui nequidem mitigationem vel palliationem admittunt*, sed qvibus ægri curati citius intereunt.

Tales sunt apoplexia profundior, hemiplexia, imprimis annosiorum, vel ebriosiorum, paralytis cum sensus & motus ablatione. Fatuitas cum lingvæ difficultate imprimis ebriosorum, gutta serena, paralytes particulares annosiores & annosiorum, cancer occultus vel ulceratus, sphacelus membrorum à fractura, ruptura, ulcerationes, amorsu, globis tormentorum, ariduræ, impotentia, ani fistulæ & perinæi.

Mitigatio non instituenda per narcotica. Vicariæ profunt servitutes, v. s. scarificatio hirudines, menses promovendi, fonticuli, vesicatoria, setacea, balnea, thermæ prudenter adhibenda.

## Cap. XIII.

### *Historia de morbis recidivantibus*

**S**ubjecta, qvibus morbi facilius recidivant, sunt homines ut plurimum cholericolanguinei, cholericomelancholici, sen-

sensibiliores, debiliores, activiores tam corpore quam mente, immorigeri, valetudinarii. In his.

Recidivæ frequentiores sunt, & facile in variis affectibus contingunt.

Interim in causarum censum referuntur, plethora, cacœchymia, anomalix motuum & excretionum salutarium & artificialium, fonticulorum propter catarrhales defluxiones institutorum intermissio, ulcerum & aliarum excretionum serosarum suppressio, consuetudo, hæreditaria dispositio, diuturni morbi prægressi, morbi complicati, perversa medendi methodus per adstringentia, narcotica, palliativa, fortiter evacuantia, item animi pathemata graviora, visceris alicujus interni labes, mala diæta, regimen perversum, calidius vel frigidius. &c.

Quæ in morbis post crisin relinquuntur, recidivas facere solent, Hippocr. Sect. 2. jam monuit aph. 12.

Et quando morbus, morbo præcedente, periculosior & magis fonticus observatur, uti Hippocr. lib. de int. affect. §. 9. Text. 15. dicit, morbus reversus magis premit, quam ab initio.

Quoad temporis rationem recidiva morborum ut plurimum contingit sine multa interjecta mora, & quidem periculose, vel durante adhuc morbo, vel exeunte, vel brevi superato, vel modo post illum.

Morbi interim, qui facile recidivant,  
&

& ad hanc classem pertinent, sunt potissimum febres omnis generis, acutæ, malignæ, benignæ, catarrhales, inflammatoriæ, exanthematicæ, intermittentes, tertiana, quartana &c.

Spasmodici & convulsivi motus, rheumatismi, hæmorrhagiæ uteri, mensium, hæmorrhoidum, narium, inflammationes, erysipelas, catarrhales defluxiones, præpriis ex sanguinis commotionibus congestiis, lues venerea, hydropici tumores, ulcera a congestiis motibus sustentata.

Signa partim ex Hollerio in Schol. ad Sect. 2. aph. 12. Hippocratis, Zacut. Lusit. Zachia & aliis patescunt.

Quibus jungi possunt, quando præcedens morbus citius miscere videtur, ac remissio adhuc ambigua est, & suspecta symptomata nondum mitigata, urinæ, alvi, sudoris excretiones adhuc turbulentæ existunt, vires, appetitus, & somnus adhuc inordinati, congruæ evacuationes nimis præmature obtinunt, vel plane cesant: in sudore adversus odor, in ore perversus sapor, in urina insolitus color, mentis adhuc perturbatus status, avidus appetitus etc.

Ethic temperamentum, mores, consuetudo, educatio, sexus, ætas, hæreditaria dispositio quam facile anomalum omnium actionum statum inferre possunt.



*Differt* vero recidiva morborum 1) a palindrome morborum, quæ hic fit a parte externa sc. ignobiliore ad internam s. nobiliorē morbi alicujus retrocessione:

2) a periodicis morbis, qui certum invasionis tempus servant, & frequentius recurrunt, recidivæ non.

3) a consequentibus, qui post notabilem temporis moram demum corripunt, ac aliterius sunt plane schematis.

4) a metaschematismo morborum, qui est transformatio & transitus unius morbi in alium.

*Prognosis:* Omnes recidivæ morborum fonticæ sunt, & periculosæ.

Recidiva primo ac prævico morbi gradu, subitanea, præprimis in sensibilibus, debilibus, immorigeris & timidis periculosa, quam quæ tardius, & absentibus prioribus ingruit.

Recidiva præcedentem morbum multum turbans, cum animi & corporis fonticis alterationibus, sudoribus frigidis, animi deliquio etc. periculo plena, & ut plurimum funesta, & quo graviora symptomata sunt, tanto periculosior status existit.

In senibus, infantibus, gravidis, puerperis, & qui rarius ægrotarunt, qui frequentioribus morbis defatigati & post perversam medendi methodum, animi graviora pathemata, imò alium complicatum morbum afferunt, semper admodum sunt periculosæ recidivæ.

Reci-

Recidivæ repetitæ in morbis alias haud adeo periculosis, valde fiunt periculosæ.

In subjectis, labe aliqua interna visceris nobilioris adflctis, valde periculosæ.

Crisis extra dies decretorios contingens, recidivam significat. Hippocr. Sect. IV. aph. 36. Sect. VI. aph. 65.

In *therapia* provide agendum est, hinc omnes impetuosæ evacuationes αἷμα & κἄτω, v. s. curativa, commoventia, diaphoretica, motus supprimentia, narcotica, regimina inordinata, vires destruentia, concentrata adstringentia, incrassantia evitanda sunt.

Pro varia vero circumstantiarum, causarum, morborum differentia differt quoque cura.

Hinc generaliter prodest, quo motus anomali in legitimum ordinem redigantur, et excretiones salutare & necessariae decenter & placide promoveantur, et demum vires, quantum fieri potest, conserventur & adaugeantur.

## Cap. XIV.

### *Historia de crisis morborum.*

**C**risis morborum veteribus magis cognitæ, quam hodiernis, inter quos sunt, qui has plane negant, vel haud multum curant.

*Subjeētis* activioribus, senioribus, alacrioribus præ aliis frequentiores sunt.

Interim in attenta praxi hoc verum esse videtur, quod incolis, qui in calidioribus, quam qui in frigidioribus climatibus habitant, sint frequentiores & solenniores.

Sic in infantibus, pueris & senibus minus frequens observatur crisis in morbis.

Crisis distingvitur in *perfectam* & *imperfectam*.

Crisis interea non est effectus clinitis, diætæ, regiminis & remediorum, sed ipsius *naturæ medicatricis*, & uti veteres dixerunt: lucta seu pugna naturæ cum morbo & sec. Hippocr. κρίσις ἐστὶν ἀπὸ λύσεως νόσου.

Crisis hinc in morbis contingens fit semper justo quodam tempore, termino aut die. vid. Sthal. Diss. de period. auct. §. 45. & diss. de Acrisia §. 2. 3.

Verum objectum criseos sunt febres acutæ, continuæ, synochæ inflammatoriæ.

Critici dies vero veri in his morbis sunt 7. qui magnus dies criticus dicitur. 14. 21.

Veteres iterum 3. dies criticos subalternos animadverterunt, uti 27. 34. 40. qui vero magis in calidioribus regionibus observari videntur.

Hi critici dies suos habent indicatorios dies; sic 7mi diei indicatorius est quartus; decimi quarti undecimus; vigesimi decimus septimus; vigesimi septimi, vigesimus quartus; trigesimi quarti trigesima primus; &

& quadragesimi, trigessimus septimus. vid. Hippocr. sect. 2. aph. 24. Sect. IV. aph. 36.

*Signa* instantis criseos Hippocr. Sect. 2. aph. 13. nervole tradidit: Quibus crisis fit, his nox ante exacerbationem gravis est. Subsequens vero levior plerumque.

Insuper ante crisin animus ægrotantis admodum anxius & dubius est; anima quasi trepidat de prospero & salutari successu.

Æstus fit intensior, vigiliæ acutæ adsunt.

Crises vero in febribus consistunt vel in *diaphoresi*, quæ optima, vel *diuresi*: quæ infrequentior, vel *narium hæmorrhagia*: hæ tres frequentiores & meliores sunt.

Vel vomitu, vel *diarrhæa*, vel *hæmorrhoidum*, vel *mensium* fluxu, quæ vero periculosiores, difficiliore & infrequentiores sunt.

Criseos per *diaphoresin* signa sunt: quando quarto die urina est cocta, habitus corporis exterior fit laxior, levis horripilatio denudato corpore, cum alvo occlusa, urina pauca, hæc denotant crisin septimo die per sudorem fieri. Quæ familiarior in acutis & inflammatoriis.

Criseos per *diuresin* signa sunt, vel quarto die copiosa coctæ urinæ profusio, vel septimo die præcedit molesta tensio in regione hypochondricorum & lumborum, æstus aridior, sitis intensior, quibus supervenit largior urinæ excretio & remissio omnium symptomatum.

Criseos signa per *hæmorrhagiam narium* sunt: In Subjectis adhuc junioribus, activioribus plethoricis, antehac narium hæmorrhagiis



giis simplicibus & harum moliminibus sub-  
jectis, alvus siccior circa dies criticos, urina  
non cocta, limpida, & parca, æstus aridus,  
quinto vel sexto die cephalalgia intensior,  
inquietudo major, tensiones & angustia gra-  
vativæ hypochondriorum & pectoris, cum  
faciei rubore, inflatione, rigore colli cum  
cervice, venarum inflatione, oculorum  
splendore & caligine.

His accedunt interdum lacrymarum effu-  
sio, mentis abalienatio, vigilia, extremorum  
frigus, donec 7mo die hæmorrhagia narium  
larga & strenua succedat, quam excipit  
euphoria, & frequentior est in synocha.

Criseos signa per vomitum sunt; antec-  
dunt vertiginosæ, gravativæ capitis mole-  
stia, angustia præcordiorum, oculorum  
caligines, rigor remissus extremorum, alvus  
siccior, urina cruda, parca, limpida.

Supervenit frequens lputatio, nausea,  
ructus, morsus in ventriculo, sapor amarus,  
tandem actualis vomitus repetitus.

Criseos signa per diarrhæam sunt: sudor  
deficiens, æstus intensus, urina parca, cruda,  
pallida, accedente die critico oriuntur tor-  
minosæ commotiones in abdomine, flatulen-  
tia, borborygmi, morsus circa umbilicum,  
horripilationes externi habitus, gravitas  
lumborum, & demum alvi fluxus critice  
cum euphoria succedit.

Signa criseos per hæmorrhoides vel men-  
ses sunt: æstus siccior, alvus inordinata;  
urina

urina parca, cruda: circa diem criticum vero concurrit horripilatio extremorum moderata, & tensio molesta spasmodica, si hæmorrhoides superveniunt, per infimum dorsum ad os sacrum; similes vero motus tractorii, si menses instant, circa finem aut in locis ingvinalibus & summis, femoribus; demum septimo die perrumpit ejusmodi sanguinis fluxus.

Post omnem crisin, quæ in copiosa & congrua causæ morbificæ evacuatione consistit, ægroti fiunt alacriores, febris symptomata diminuuntur, animus fit quietior, somnus tranquillior, & appetitus redit &c.

Imperfectæ criseos decursus est vel deficiens, vel præposterus, vel excessivus; hinc mox accedunt graviora symptomata, inflammationes, spasmi, convulsiones, deliria, affectus soporosi &c.

Insignes lunæ mutationes ut plurimum criseos decursum legitimum alterant, & turbant, uti pleni- & novilunium & primum quadrans.

Porro secundum Veteres morbi acuti vel crisi, vel lysi, vel apostasi, exeunt ac terminantur; ubi lysis sec. Galenum successiva febris solutio & per certos paroxysmos contingens causæ morbificæ consumptio & quidem salutariter, audit.

Apostasis subinde supplet defectum veræ criseos, ubi materia peccans a nobilioribus internis partibus salutariter ad externas per

naturam demandatur, ibiqueactualem ab-  
cessum format.

Occasio datur apostasi, quando crisis ex-  
quisita impeditur, per minus succedentem  
diaphoresin, per tempus hybernum, per ni-  
mia calida regimina & medicamenta, per re-  
figeria externa, per graviora animi pathe-  
mata; in febribus biliosis per nimis commo-  
ventia materiam biliosam, magis in humores  
impellentia.

Nonnunquam tales apostases in Phlegmo-  
nodeum affectum desinunt, vel in affectus  
contumaces rheumaticos, valde sensibiles &  
refractarios.

Prognosis: Ante omnia justo moderamine  
opus est, ne vel defective vel excessive ope-  
retur natura.

Sic animi pathemata graviora omnino evi-  
tanda sunt, quæ crisin plane perturbare  
possunt.

Si aliis diebus, extra criticos, contingit,  
minus salutaris, sed symptomatica est.

Sudores extra dies criticos contingentes,  
dolorem significant, longitudinem morbi &  
recidivas.

Galenus de crisis dicit: vehementissimas  
esse, quæ usque ad 14. diem eveniant, minus  
iis, quæ ad 20. diem pertingunt, ac debi-  
liores ad huc, quæ ad 40. retardentur.

Si urinæ nubeculam rubram continent  
quarto die & saturata sunt, & sedimentum  
deponunt, salutarem futuram crisin 7mo die  
desi-

designant. Hippocr. Sect. IV. aph. 71. lib. I. Epid. Sect. 2. p. 661. §. 56.

Pleuritis, peripneumonia judicatur 7mo die vel 14 die, Hippocr. lib. de dieb. jud: §. 8.

Si mitior 4to die per tussim, ejecta materia cruenta, circa 7mum diem plerumque per sudorem & liberio rem expectorationem; gravior vero extenditur interdum ad 14 diem, si ulterius in Empyema mutatur.

Largæ evacuationes vel extra vel in diebus criticis contingentes, si symptomatum vehementia non decrescit, pessimum indicium est.

Therapia: Crisis morborum admodum delicata, ita provide tractanda est, ut nunquam simultaneæ evacuationes, nimis commoventia, vel refrigerantia, aut opiata adhiberi debeant.

Sed ante crisis subvenire licet quodammodo cum absorb: digerent: alterant. diluent. abstergent. mucitagnosis, regimine quieto leniter diaphnoico.

Quando crisis instat, nunquam turbanda est cum oblatione ciborum & potuum: vid. Hippocrat: de vict: rat. in auct lib. cap. 45. §. 1. & cap. 63. v. 8. usque 11. Sed ubi impetuosæ commotiones adsunt, quæ semper crisis excessivam denotant, conducunt temperantia nitrosa absorbentia, modeste acidulata, diluentia.

Sub crisi medicamentorum ingestio nocet,



prodest potius bonum regimen cum suffi-  
ciente humectatione & corporis animiqve  
quiete.

## Cap. XV.

### *Historia morborum retrogra- dorum.*

**D**e retrogressis morbis strictim acturus,  
subjectorum mentio fieri debet, in  
quibus præ aliis morborum retroces-  
sio fiat; sc. in hominibus sensibilibus tam  
corpore quam animo, sanguineis, immo-  
geris, teneris.

Consistit retroactorum essentia in eo,  
quod morbi in exteriori habitu sc. partibus  
ignobilioribus, exorti, ad interiora, sc. ad  
partes nobiliores, retrocedant. Et quidem  
horum retrogradorum morborum historiae  
in praxi haud infrequentes sunt.

Causæ, quæ hanc retrocessionem introdu-  
cere valent, & possunt, sunt a parte cor-  
poris cacochymicus status humorum, sen-  
sibilitas naturæ, partium interiorum aptitudo  
sc. labes vel alia læsio.

A parte ægroti, regimen improvidum,  
negligentius, animus impatiens, refrigera-  
tiones, victus & amictus negligentia &c.

A parte medicantis, imprudens therapia,  
tam

tam interne quam externe, nimia complacentia &c.

Morbi, qui præ aliis facile retrocedunt, sunt exanthemata varii generis: bubones, petechiæ, variolæ, morbilli, purpura benigna & maligna, febris urticata, ulcera superficialia, venerea, maculæ scorbuticæ, inflammationes, erysipelas, podagra, arthritis, rheumatismi acres, gravedo, scabies, serpigines, maculæ hepaticæ, gutta rosacea, efflorescentiæ, sudores particulares manuum, pedum, sub alis, defædationes cutis, tumores, oedemata, cutanei affectus, achores infantum &c.

Omnes morbi retrogradi periculosi sunt & anomalici, & quo magis nobiliores invadunt partes, eo magis repentinam & præsentem noxam minantur.

Hi affectus admodum sensibiles sunt, hinc tanto magis evitari debent immoderati artis impulsus. Retrocessorum morborum itaque expulsio tempestiva fieri debet, quoniam diutius remanens materia peccans aliàs grave damnum infert.

In therapia suspectæ stricturæ habitus exterioris emendari debent absque immoderata coactione, cum placido regimine, frictione, humectatione interna, abstinendo ab omni iniquitudine, jectigatione, admissione auræ frigidae; prosunt etiam lenia temperantia, analeptica, discutientia & ale-

xipharmaca. Exulent calida concentrata, volatilia, rubefacientia &c.

## Cap. XVI.

### *Historia morborum Endemiorum.*

**H**æc consideratio haud infima, pro diversitate climatis habet & dissidentes morbos, cujus causa sine dubio tam aeri quam vivendi generi & aliis imputari poterit. Sic.

Videmus in regionibus Septentrionalibus, & Maritimisuti in Lapponia, Svecia, Dania, Russia, Belgio etc. frequentiores esse morbos, scorbutum, intermittentes contumaces, scabiem, hydropes, peripneumonias, ulcera etc.

E contra ibidem pestem, ardentes febres & exanthematicæ infrequentiores esse.

Hispanis, Italis, Hungaris, Gallis, Germanis australis plagæ, Polonis, Silesiis perquam familiares sunt hæmorrhoides, Iphthises, hæcticæ, ardentes & malignæ, imo exanthematicæ febres, calculus, malum hypochondriacum, melancholia.

Locis præcalidis, Africa, Asiæ minori pestis, elephantiasis, dysenterix, variolæ, malignæ, phrenitides, epilepsix sunt frequentiores.

Americanis lues venerea periculosa qualitatis; Æthyopibus, Arabibus lepra Elephant-

phantiasis; Constantinopolitanis, Ægyptiis pestilentia; in Anglia phthisis, in infantibus rachitis.

In Misnia, Thuringia, Austria, Franconia ob vini calcariae indolis proventum copiosum, nephritis, calculus; Polonis plica; Venetiis hæmorrhoides; Romanis febris semitertiana.

Hetruriæ incolis, epilepsia; in Apulia febres ardentissimæ & morsus Tarantulæ; Hispanis melancholia hypochondriaca; In Belgio scorbutus, renum & vesicæ calculus. Lapponibus & Finnis Norvegis, lippitudo, ophthalmia, Peripneumonia; Hungaris podagra, arthritis; Westphalis, peripneumonia; scabies; in Misnia, mulieribus purpura; in Gallia Narbonensi hydrocele; in Ægypto sarcocoele; in insula Ormo Ægypto, Persia, Gvinea vermiculi in carnosibus partibus. Apud Æthiopes, variolæ, morbilli.

Helvetis, Rhætis, Vallesiensibus, in montosis locis habitantibus, & carinthiæ styriæque incolis, & in quibusdam Hercyniæ urbibus strumæ endemiæ sunt.

Neapolitanis roseolæ s. maculæ rubrae mox visibiles, mox invisibiles.

In Russia, Tartaria, perniones, ulcera & pustulæ à frigore.

Apud Chineses, Japonenses, oculorum vitia, lippitudines, cataractæ, caecitates. In Insula formosa pestis. In Armenia oculorum dolores vehementissimi, podagra.



Morbi endemii hoc peculiare habent, quod in quibuslibet climatibus cum istis remediis, quæ ibidem prognascuntur, facilius curari possint.

Hinc quoque observatur, morbos certis regionibus frequentiores facilius esse curationis, & non tanti periculi, quam in alia climata propagatos & translatos.

## Cap. XVII.

### *Historia annorum & morborum Climactericorum.*

**A**nni Climacterici a multis quidem negantur, interim sunt, qui haud sine ratione confirmant hos; a natiuitate semper septimus annus dicitur climactericus, alias siue scalaris, fatalis, decretorius.

Gaudent numero septenario, inter quem numerum præprimis fatalis numeratur 49. 56. præ aliis & 63. annus, qui ideo heroicus adpellatur.

Sicuti enim corpus humanum habet certum tempus, ut à natura struatur, ut ad exitum disponatur; certum tempus requirit, ut ad perfectionem perveniat.

Sic certum tempus requiritur, quo morbi coorti sanentur.

Deinde ex crisi natura, quæ in febribus  
sua

sua stata tempora & dies observant; & paroxysmis intermittentium stata tempora servantibus; ex variolarum, morbillorum ortu, incremento, statu & decremento; ex mensium statuto tempore fluxu.

Sic potissimum existentia climactericorum annorum comprobari videtur, ex historia morborum ætatum, qui morbi omnino differunt pro ætatis differentia, huic vel illi ætati magis familiares.

Interim numerus, quatenus septenarius numerus, hanc vim minime habet.

Tanto facilius vero vis annorum climactericorum sese exerit in corporibus jam morbidis, in virium debilitate, animi pathematibus gravioribus concurrentibus; sic remissionentia, timor & angor multum valet.

Morbi vero, qui annis climactericis adscribuntur, sunt circa 7. mensum dentitio: ex his sæpissime vigiliæ, febres, pavores in somno, diarrhææ, asthmata, epilepsiæ, alvi adstrictiones, tormina, qui affectus omnes, quando imprudenter tractantur, facile infantes jugulant.

14. Mente erumpunt dentes canini, qui vero magis propter longitudinem, & acumina, dilacerant gingivas, ac sæpius lethifera symptomata producant.

Inter 3. & quartum annum, tanquam dimidium septennarium, molares erumpunt, qui facile febres lentas haud sine periculo producant.

7 mo anno decidunt dentes, ubi adfunt, laxitas gingivalis carnis, os faetet, dentes quandoque fiunt nigri, cariosi: hinc diarrhææ, appetitus prostratus, febres stomachales, lumbrici frequentiores observantur.

14. Anno in fæminis ante mensium eruptionem varia sæpius lympptomata præsto sunt, macilentus status, cephalalgia, nausea, appetitus dejectus, lividus color, lassitudo & gravitas in pedibus, lentus calor.

Anno 21. & 28. Fæminæ fiunt salaciores, amatorii subinde febribus corripuntur. Sicuti & Mares appetunt hoc tempore magis res veneræas: unde gonorrhæa ex contagio, fiunt corpore sicciores, calidiore, unde pleuritis, peripneumonia, febres inflammatoriæ, phtifis, hæmoptysis &c.

Anno 42. & 49. Viri in ardentes, biliosas, tertianas continuas, cansum facilius incidunt.

Fœminis præ aliis annus 49. infensus est, propter solennem ut plurimum cesstationem mensium, unde varia pathemata hypochondriaca, hysterica cum lento depascente calore, succedunt.

Anno vero 63. & 70. ubi insignis virium & corporis debilitas accedere solet, fiunt facile morbi chronici: cachexia, asthma, hydrops, apoplexia, quartana, icterus niger, hæmorrhoides cæcæ; subsequentibus vero annis ingruunt visus & auditus imminutio, vertigo, paralyfis, ædemata pedum, maras-

marasmus, stranguria, calculus vesicæ, tremor artuum etc.

Viri solennius in Climactericis annis defunguntur præ sæminis vid. Act. med: Berol. vol. VII. dec. 11. p. 65. vol. X. p. 55.

Hi morbi interim cum morbis ætatum arctam habent cognitionem.

Interea minime dici & statui potest, quod præcise mors in annos climactericos in omnibus subjectis incidat, quin potius in dispositis, vel etiam contingit quandoque vel paulo ante, vel paulo post annum climactericum.

## Cap. XVIII.

### *Historia morborum Imaginariorum.*

**S**ubjecta, quæ præ aliis his imaginariis morbis exposita, sunt homines sanguinei, melancholici, hypochondriaci, splenetici, molles, mobiles, Menschen, die sich baldt etwas zugemüthe ziehen können. tam animo quam corpore delicati, meticulosi, imaginabundi. Leuthe, die sich eine Sache zu gefährlich einbilden können, Empfindliche, Eigensinnige, weichliche Menschen, die man gar leicht frantf reden kan. De vita & sanitate admodum solliciti, diu vivere cupientes, morbos & mortem anxie exhorrescentes.

Quando itaque ex imaginatione ægrotant,  
morbi



morbi per cogitationes imaginarias valde exacerbantur. Sie haben immer etwas zu klagen, heute fehlet ihnen diß, morgen etwas anders, baldt zwacht der Todt hier baldt dort in Gliedern, ex mera imaginatione.

Sexus vero seqvior, & ætas junior activior his magis patet.

Hi ægroti de qualibet levisissima circumstantia pessima quævis sibi præsagiunt: Ein rauschendt Bladt kan sie auf das eusserst erschrecken.

In rebus non naturalibus adhibendis admodum solliciti & scrupulosi sunt; levem aeris injuriam fugiunt; & de omni ciborum genere sibi timent; quando de morbo quodam, præsertim contagioso epidemico audiunt, vel cogitant, præ metu jam ægrotant.

Semper & quotidie novas ægritudines præfigurant, atqve de duplicata quotidiana molestia quærimonias habent. Dahero haben sie die Apothek beständig vor sich stehen, & ingerunt ad evertendas has afflictiones constanter medicamenta.

Imaginantur sibi semper magnam virium dejectionem, pulsum morbidum, pallorem faciei, calores volæ manus, imo indignantur aliis, qui hoc credere reculant.

Inde fit, ut levis aurium tinnitus statim illis metum & terrorem de apoplexia; levis contabescencia vel exscreatio pauca sanguinis de hæctica, phtisi; levis horripilatio & incallescencia de febre fontica, levis intumescentia

tia

tia corporis turgidula , de hydropo & sexcenta alia inducere valet.

Ex hac historia imaginariorum ægrotorum duplex circumstantia fluit. 1.) quod per imaginationem varia morbida pathemata adducantur. 2] quod per hanc plurimi etiam leves morbi exacerbentur, & in deteriorem flatum devolvantur.

Sic abunde constant ex imaginatione , terrore & timore Exempla , scilicet, palpitatio- num cordis, nausæ, vomitus, lipothymia, syncopes, dolorum partium exteriorum, verrucarum , pestis aliarumque febricon- tagiolarum , exanthematicarum , tumorum: febris malignæ ex vilo saltem erysipellate, hæmorrhagiarum narium, epilepsiæ , purga- tionum , colicæ , & ventris inflationis ex nauseosa imaginatione , hydrophobiæ. De his vid. porro Forestus , Solenand: Zacut. Lusit: Raym: Joh. a Fortis etc.

Quid valeat imaginatio in gravidis, satis nota & tristia exempla docent.

Imaginatio, cogitatio intensa subinde ad- auget & exasperat dolores podagricos, ischi- adicos , ac alios morbos.

Tandem quid imaginatio ad mortem ipsam inferendam conferat, var: Autores præc: Henr. ab Heer obs. med: 6. Kerckring: (pic. anat. obs. 41. Act. N. C. Dec. 1. an. 2. obs. 137. & in append. pag. 401. Dec. 3. obs. 81. etc. testantur.

Sicuti haud exigua damna inferuntur , si subito

subito ægrotantibus magna imaginatione pallentibus, funesta imminens mors prædicetur, ubi morbi derepente deteriorantur.

Omnes morbi ex animo originem ducentes valde sunt intricati & refractarii.

Imaginarii morbi fiunt facile complicati, & multiplices, imo corrumpunt manifeste morbos benigniores & simpliciores.

In therapia his imaginariis ægrotis & morbis duplex communiter auxilium prodest, morale & medicum.

Multum consolationis affertur per gratum colloquium & consortium cum amicis, per attentionem ad alia grata objecta, per applicationem mentis ad seria, per cantus, musicam, carmina, jucundas relationes.

In therapia medica, lenia adminicula & providus remediorum, pro diversitate, usus semper quadrant.

## Cap. XIX.

### *Historia de temporibus morborum*

**P**ro diversitate materiæ morbificæ internæ domesticæ, & imminente specie læsionis a natura, ad eas præcavendas & removendas, instituuntur motus proportionales, vel celeres vel tardi; inde duplex morborum genus, Chronicorum & Acutorum nascitur.

Interim causæ procatarecticæ ab extra acceden-

dentes præprimis multum & sæpius præcipuum contribuunt ad morbificas internas adfectiones.

Sicuti hoc præ aliis confirmat Hippocr. Sect. 3. aph. 1. & de Hum. C. VIII. v. 15. de temporum mutationibus maxime morbos parientibus. porro vid. de Hum. cap. VII. v. 1. 2. 3. Epid. lib. 2. cap. 1. v. 20. 21. Sect. 3. aph. 8. de Humor. cap. VI. v. 6.

Hinc Sect. 3. aph. 9. dicit: In Autumno morbos acutissimos & omnino mortiferos fieri; Ver autem saluberrimum & minime lethale esse.

Huc referuntur solstitia, maxime æstivum, & æquinoctia, magis autumnale, quæ præ aliis temporibus periculosiora habentur, propter insignes mutationes & alterationes in macrocosmo, sic & in microcosmo.

Hinc & Hippocratis observatio haud plane de nihilo videtur de nat. hum. cap. 17. Qvicumque morbi hyeme augescunt, æstate desinere solent: Qvicumque v. æstate augescunt, hyeme finiri; Qvicumque vere fiunt, autumno; autumnales v. morbos vere discedere; Qvicumque autem hæc tempora transgrediuntur, eos annuos esse.

Quamquam & sec. Hippocr. Sect. 3. aph. 19. in omnibus temporibus omnes fiant morbi; quidam tamen in quibusdam ipsorum magis fiunt & exacerbantur.

Sic Hippocr. Sect. 3. morbos cuivis anni



tempori convenientes, & præprimis in aph. 20. morbos Vere contingentes recenset: uti sunt ex classe Sangvineorum, Insaniæ, Melancholiæ, Epilepsiæ, Hæmorrhagiæ, Anginæ; ex classe serosorum, Gravedines, Raucitates, Tusces, Arthritides; ex classe impuri & viscidum seri Leporæ, impetigines, Vitiliginis, Pustulæ ulcerosæ, Tubercula.

Aph. 21. Sect. 3: Æstate fiunt horum non nulli & in cholerici febres continuæ, ardentes, tertianæ simpl. & dupl. exquisitæ & nothæ, vomitus, diarrhæa; in melancholicis quartanæ; in serosioribus, opthalmiæ, aurium dolores, oris exulcerationes, genitalium putredines, & sudamina.

Aph. 22. h. Sect. Autumno fiunt ut plurimum multi morbi ex æstivis, & in melancholicis lienes magni, hydropes, phthifis, tabes, insaniæ, melancholiæ, quartanæ; in Sanguineis coxæ dolores, anginæ, volvuli, epilepsiæ, febres erraticæ; in phlegmaticis, Stranguriæ, lienteria, dysenteria, asthinata.

Aph. 23. h. Sect. Hyeme fiunt in Sanguineis, Pleuritides, peripneumoniæ; in phlegmaticis, lethargi, gravedines, raucitates, tusces, dolores pectoris, laterum & lumborum; in magis sanguineis, cephalalgia, vertigines, apoplexiæ.

Porro Hippocrates manifestis aeris qualitibus & alterationibus multum tribuere videtur; in producendo instiusmodi morborum ordine, quando h. sect. aph. 12. 13.

& 14: dicit: Qvod post hyemem siccam, Vere autem pluvioso, æstate facile fiant febres acutæ, ophthalmiæ, dysenteria.

Post hyemem pluviosam & elementem, vere existente sicco, hoc tempore facile abortus aut partus debiliores contingere;

Si æstas fiat sicca, autumnus autem pluviosus, in hyeme dolores capitis, tusses, raucedines, gravedines & quibusdam tabes fieri;

Si autem autumnus siccus & sine pluviis sit, mulieres & humidioris constitutione præditos melius habere; reliquis vero fieri ophthalmias siccas, sanguineas, febres acutas, & gravedines diuturnas, & nonnullis melancholias;

Sic aph. 7. & 10. ejusd. sect: in Siccitatibus, febres acutas fieri, & reliquos morbos pro cujusque anni constitutione, tabes, ophthalmias, arthritides, strangurias, dysenterias.

In pluviosis sec. aphor: ib. plerumque fieri febres longas, diarrheas, putredines, comitiales morbos, appoplexias, anginas;

Hæc omnia interim pro regionis situ & natura variare quodammodo & Hippocr. de Aer. Aq. & loc. cap. 34. v. 1. 6. 7. innuere videtur.

Morbi epidemici non quovis anni tempore, sed certo saltem ut plurimum lævire solent. Sic vernorum exemplum præbent

morbilli, & febres tertianae; Autumnalium vero Dysenteria &c.

Nunc progredimur ad tempus, quod in quovis morbo in specie observatur, scilicet ad periodos particulares seu paroxysmos; de quibus nonnulla retulimus in histor. morb. periodicorum.

Huic observationi accenseri debent Crises morborum, de quibus in Histor. Crises morb. actum est.

Paroxysmi s. circuitus tempora, nempe Principium, incrementum, status & declinatio in quolibet non modo toto morbo, sed & in singulis etiam paroxysmis observari possunt: priora universalia, posteriora particularia vocantur.

Haec omnia interim subinde variant pro morborum, causarum, symptomatum, naturae, virium & reliquarum circumstantiarum ratione.

Hæc temporum distinctio tam in omnibus morbis, quam & in paroxysmis eximium usum habet, præsertim in acutis non tantum in Prognosi, sed & Curatione.

Demum considerata veniunt tempora singulorum morborum.

Febris tertianæ paroxysmus quilibet non ultra 12 horas protenditur. Et sec. Hippocr. Sect. IV. aph. 59. Exquæta tertiana, cæteris paribus, in septem ad summum circuitibus judicatur. Ingruit paroxysmus ante & verus meridiem. Et distinguitur in vernalem, brev-

brevioris, & Autumnalem, longiôris periodi, & aliquando epidemice grassatur.

Febr. tertiana notha ultra 12. horas paroxysmos suos habet.

Quartanae incipiunt ut plurimum declinante æstate, ante æquinoctium autumnale, quæ longæ; aliæ post æquinoctium vernale, quæ breviores singulasque accessiones faciunt, declinante die post meridiem. Principium est æquinoctium autumnale; status est solstitium hybernium, declinatio vero æquinoctium vernale. Quandoque observantur epidemicae.

Febris catarrhalis benigna, maligna, invadit circa occasum Solis, & itidem circa vesperam quotidie suas habet exacerbationes: oritur plerumque sub & circa æquinoctia; maxima ex parte est Epidemica & contagiosa.

Febres sanguineæ, ephemera, synocha etc. Incipiunt summo mane & diluculo, & sunt solstitiales, alii vernal tempus statuunt. Ephemera simplex solvitur spatio 24. horarum; synocha, 7mo die hæmorrhagia narium vel sudore, critice.

Variolæ, morbilli invadunt post meridiem, & plerumque per lustra, exceptis populosioribus urbibus, grassantur. In Islandia vigesimo quovis anno periodicas; frequentes vero in Japponia esse refertur in Act: Hafn. vol. II. Sunt sæpissime epidemicae. Variolæ 3. die apparent, 4. prodeunt, abhinc magis magisque augescunt ad 7. usque, quo



manifestius suppurascent; inde ad 11. maturascunt, & ad 14. siccescunt. Inde Sydenhamio hæc 4 tempora prædeunt; ebullitionis, eruptionis, suppurationis & exsiccationis. Febris Scarlatina nullo non tempore, sed tamen æstate præcipue exeunte oritur. Terminatur primo quaternario macularum eruptione.

Pestilentia in calidioribus climatibus, uti in Turcia, frequentior & fere Endemia est, invadit secundum Barrich. in Pest. Hafn. a<sup>o</sup> 1711. hora plerumque 6. vespertina. Circa Novilunium & Plenilunium plerumque ferocior.

Febris petechialis s. catarrhalis malignior, invadit vespere circa horam 5. 6. oritur plerumque autumno. Maculae erumpunt 4. 7. die, durant 3. 4. 5. dies & febris 7. 11. imo 12. die remittit.

Febris biliosa exoritur facile circa Solstitia, versus solis exortum, & quotidie suas habet exacerbationes.

Febris quotidiana invadit tempore matutino, hora 6. 7. Paroxysmus raro excedit 6. horas.

Febris lactea die 3. vel 4. lochiis rite fluentibus, supervenit, & intra triduum vel quatrimum sudore finitur.

Febris lenta quotidie exasperatur circa vesperam, calor ingruit post, pastum, & sub aurora sudor exoritur.

Sudor Anglicus intra 24. horas vel ad salutem vel ad mortem tendit, & autumno potissimum levit.

Pleu-

Pleuritis est morbus veris, & inter ver & aestatem ambigit; versus meridiem aut mediam noctem invadit. Solvitur critice secundo septenario; mitior vero 7mo die ad salutem; atrocior sexto vel ante ad mortem. Quo sputum maturius apparet, eo citius morbus solvitur Sect. 1. aph. 12. Si vero intra 14. dies non repurgentur aegri, transit in empyema. Sect. v. aph. 8. Epidemice quandoque grassatur.

Peripneumonia eodem tempore ac pleuritis oritur, eandemque periodum servat, acutiores tamen. Epidemica quandoque est.

Hæmorrhagia narium stata subinde tempora, vel æquinoctia, vel solstitia vel utraque servat.

Hæmoptylis periodos ut plurimum servat annuas, vel menstruales.

Vomitus cruentus in fœminis menstrua tempora, & in Viris æquinoctia ut plurimum servat.

Hæmorrhoides certam ætatem occupant, & prorumpunt vel annuatim, vel circa æquinoctia, vel singulis mensibus.

Menses cum tempore pubertatis 14. 15. 16. annor. etc. fluere incipiunt, singulis mensibus continuant, & circa 49. annum ut plurimum, desinunt.

Rheumatismus est maxime morbus Autumnalis. Arthritis servat exacerbationes typicas, impetus omni die remittit & revertitur, invadit ut plurimum circa æquinoctia vel solstitia.

Poda.

Podagra Vere & Autumno præcipue cruciat: Hippocr: Sect. VI. aph. 55. Hora 2da post mediam noctem invadit.

Epilepsia invadit instantanee, ac servat communiter novi-& plenilunia, & quandoque quadras.

Apoplexia ab Hippocr. Sect. 3. aph. 23. ad tempus hyemale & aph. ib. ad imbres assiduos, a Waldschm. ad solstitia, æquinoctia, pleni. & novilunia refertur. Viris 40. 50. annor. frequentius contingit, & certis regionibus quasi Endemius est morbus. Semel sanata, intra 3. annos fere lethaliter recurrit.

Paralysis durat sæpe per multos annos, quamvis in Senioribus cum lingvæ & memoriæ læsione, intra annum sæpius fortior recrudescat: vid Stahl. Theor. med. p. 1201.

Ophthalmia vere magis exoritur, & quandoque periodica est, imo epidemica sec. Gal. Lusit. & alios.

Catarrhus suffocativus ut plurimum brevioris periodi & temporis observatur, maxime hyberni.

Angina eodem tempore, quo pleuritis frequentius invadit, quolibet anni tempore nonnunquam ingruit, brevi sæpe jugulat, & Epidemice quandoque grassatur.

Asthma convulsivum ingruit derepente & vix ultra 3. diem persistit, & frequentius paroxysmum format.

Pthi.

Phtisis frequenter ab anno xviii. ad xxxv. accedit: exacerbatur circa aequinoctia.

Nephritis circa noctem magis cruciat, dolores per aliquot dies & fere ad 4tum durant. Et est periodica subinde.

Colica ordinario dimidiam vel unam alteramve horam, vel si mitior sit, plures cruciat, quo vero violentior, plerumque est brevioris periodi & temporis. Aelianus epidemicam, & Barthol. periodicam observant. Endemia & Epidemica simul est, quae in insulis Caribaeis dominatur.

Passio iiaica, forte ex ingestis crudis, ab Hippocr. Sect. 3. aph. 22. ad Autumnum refertur.

Ischuria ut plurimum infra 7. diem jugulat; quanquam hinc inde observ. profert ischuriae curatae, die 11 usque 19. vid. Ionsf. Forest. & alii,

Dysenteria Autumni proprie soboles & utpl. initio Augusti incipit, sub epidemica constitutione v. aliquoties vere observata est, et subinde epidemice grassatur. Solet dysenteria atrocior primo, mitior 2do septenario terminari. Hippocr. Praed. l. 2. c. 30. v. 12. addiem 20. & 40. quandoque perio- dice recurrit.

## Cap. XX.

### *Historia de Consensu & Dependētia morborum.*

F 5

Mor.



**M**orborum consensus, quomodo nempe magnus sapius morborum numerus in unum centrum quasi confluat, suam utilitatem tam in cognoscendis & dijudicandis morbis, quam in horum vera Therapia abunde comprobatur.

Hæc utilitas tanto clarior existit, quando consequentium, & morborum per ætates, (vid. supra Cap. de morb. ætatum) variantium causas evidenter videmus, qui morbi, decenti ordine, usitatus non se invicem præcurrunt, aut inter se confuse decurrunt, sed semper aliquam observant conspirationem & cognationem. Recte hic morborum per ætatem consensus, merito generalis harmonia dicitur.

Sic in historia medica in genere omnino morborum consensus pro diversitate Temperamentorum quoque existit, qui interim ætatis cognationem conservant, vid. Hist. de Temperament.

Porro evidens morborum consensus occurrit pro diversitate Sexus.

Siquidem in sexu masculino hæmorrhagiæ narium, hæmoptysis, cum suis moliminibus, pectoris inflammationes, nephritis, hæmorrhoidales, lumbares, podagrici affectus etc: conspiciuntur:

Uti in seqviore cum mensium negotio coherant ventriculi & præcordiorum pathemata tormina, flatulentia, cardialgiae, cephalalgiae, hysterica passio etc.

Quæ

Quæ passiones specialiter in imprægnatione, puerperio, & lactatione sese produnt.

In specie vero superflua sanguinis quantitas, ubi in corporibus offenditur, vitæ ac sanitati periculosa existit, & princeps multorum morborum causa sæpius evadit.

Inde videmus, quod plethora omnino consentiat cum hæmorrhagiis præsertim spontaneis activis, Nasium, mensruis, hæmorrhoidalibus &c. sæpius quoque cum secundariis, uti hæmptyli, vomitu cruento, mictu cruento, & varicibus manantibus.

Imò reliquæ hæmorrhagiæ, quæ passivæ habentur, uti lochiorum, vulnerum, cruentationes gingivarum &c. cum plethora præsertim in plethorico statu, ubi largius succedunt, consentiunt.

Cum moliminibus quoque hæmorrhagicis, & quidem in Subjectis, quæ olim hæmorrhagias perpesa, & ad has valde proclivia sunt, sic consensus.

Hinc evenit, quo plethora magis commovetur, ut congestiones tales ex motibus eluctatoriis enatæ magis confirmantur, & exacerbentur.

Ideo tales congestorii motus pro ratione ætatis in capite, pectore vel abdomine varios affectus excitant.

Ex his sanguinis congestoriis motibus & inde evenientibus diuturnis detentionibus necessario dein nexu fuit consensus serosorum adfectuum in diversis glandulosis partibus,

tibus, ubi fluidior substantia serosa sese separat, & excernitur sub variis schematibus, coryiæ, gravedinis, lippitudinis, manationum ex auribus, parotidum, asthmatis humidæ &c. ubi interim causæ externæ occasionales, & internæ impulsivæ semper consociandæ veniunt.

Ex sanguinelein facto spissiore enascuntur in diversis partibus diversæ oppletiones, infarctus, Scirrhi, inflammationes, corruptiones ulcerosæ, sphacelosæ, hæcticæ etc.

Sic in capite affectus apoplectici, soporosi, vertiginosi; in pectore, vomicæ, phthisis, polypi cordis etc. In abdomine, angustia præcordiorum, cardialgiæ, scirrhi hepatis, splenis, affectus hypochondriaci, etc.

Plethoricæ congestiones subinde disponunt & consentiunt cum concretionibus membranaceis verrucosis, fungosis.

Spasmodum exortus simul referri potest ad intensiora molimina hæmorrhagica, & sic ad plethoram. Qui spasmi ut plurimum præcedunt homorrhagias sponte vel ægre erumpentes.

Sic consentiunt cum hæmorrhagicis moliminibus arthritis, ischias, nephritis simplex, podagra, colica hæmorrhoidalis, malum hypochondriacum, deliria, melancholia, affectus quandoque soporosi, apoplectici, paralytici: &c.

Item inflammationes, circa caput, in pectore, in abdomine.

Febres

Febres sæpe consentiunt cum plethorâ, ut ephemera, Synocha simplex. Eveniunt inde febres compositæ ex acuta & chronica periodo.

Imo cephalalgia in febribus semper respiciunt narium hæmorrhagias, quæquam non semper salutare.

Singularis plethoræ consensus cum affectibus serosis & biliosis subinde occurrit, quando cachexia, œdemata, hydrops, jcterus &c. ex hæmorrhagiis turbatis, & ex hæmorrhoidibus quartana proveniunt.

Interea minime existimari debet, quasi ex solo plethoræ fonte omnes affectus resultent; pro diversitate enim occasionum ex aliis etiam causis exoriri & demonstrari poterit consensus.

Sic consentiunt caput cum ventriculo in hemieraniis, & clavis hypochondriaco-hysterici: Renes cum pulmonibus, calculus vero cum ventriculo. Spasmodici convulsivi motus capitis cum hæmorrhoidibus, cum utero.

Sic attenta praxis consensum demonstrat inter febres continuas cum hepate, per icterum criticum: inter intermittentes sc. inter tiana & quartana cum liene per tumores, scirrhum; imo ipsæ febres symbolisant cum motibus hæmorrhagicis.

Flatulentia consentit cum spasmodicis affectibus, calculo, nephritide, podagra, moliminibus hæmorrhagicis, febribus corruptis,



ruptis, diarrhæis & dysentericiis perperam suppressis &c.

Cum pulmonum infarctu consentiunt respirandi difficultas, asthma, catarrhus suffocativus, hæmoptysis, tussis ferina, pleuritis.

Hepatis, lienis infarctus & scirrhus insequuntur cachexia, flatulentia, icterus, hydrops, melancholia, vomitiones cruentæ, nigra sedes. &c.

Ex hoc morborum consensu omnino discere debet medicus clinicus therapiam veram, securam; quo in suis semper curationibus respiciat affectum primarium, ex quo hic vel ille morbus exsuscitatus & prognatus fuerit.

Hæc pauca sufficiunt de consensu morborum dixisse, vid. pluribus Tractatus de cognitione & dependentia morborum ex Foresto ad finem.

## Cap. XXI.

### *Historia de Autocratia naturæ.*

**M**ixtio animalis corruptibilissima ab interno Agente conservatur nihilominus longissime, & quidem inter organa corruptionis, humiditatem, calorem, aerem,

Conservatio vero perficitur circulatione s. motu progressivo humorum ad & per solidas partes; & quidem fundamentaliter per Se- & Excretiones corruptibilium portionum, actu vel potentia in humoribus residentium.

Secretio peragitur tam motus perpetui beneficio, per pullum, quam organorum variorum Colatoriorum, item per Tonum partium, specialissimam structuram.

Portiones recrementitiæ activiores sunt vel spumido-halituosæ, & rejiciuntur per poros cutis, sub sudoris s. transpirationis insensibilis forma; vel Salino-Sulphureæ, & per renes transcolantur, sub urinæ forma.

Paulo spissiores sulphureo-salinæ portiones secernuntur per hepar, sub forma bilis.

Crasiores mucido-mucilaginosæ imo salsæ portiones per intestina cum excrementis rejiciuntur.

Et hæc est ordinaria methodus naturæ autocratoris, quæ instrumentaliter utitur; quoque quando p. n. recrementa e corpore sub morbis rejicienda.

Subjectum *autoxenias* nostræ constituunt morbi chronicoteri & acuti.

In Chronicoteris haud ita solennis est actus naturæ, quoniam omnino differentia tenenda est inter noxam præsentiolem, præcipitem, & inter leviolem, longinquam & segnem.

In priori casu vivaci & vegeto imo pertinaci renisu, in posteriore vero negligenti; & segni obducatur ut plurimum natura.

In morbis naturæ methodus consistit in liberatione & restitutione corporis humani a læsionibus ipsi illatis aut ingruentibus, mediantibus actibus sec. naturam usitatis.

Restitutio est tam clarum negotium, ut demonstratio supervacanea videri possit, v. g. Qvis neget, quod ab intrinseca efficacia, non modo reunio vulnerum, sed erosarum partium restitutio sine figuræ partium notabili alteratione fiat?

Liberatio quotidie occurrit, uti in assumptis, quæ animale mixtionem quidem non penitus & cito disturbant, interim neque eidem proficiunt, neque sine noxa longe retinentur v. g. Salia præcipue acriora, acidiora etc.

Quæ vero, ne longius in humoribus deliteant, Natura autocrator satis mature & tempestive, mediantibus Se- & excretoriis motibus per Emunctoria ejicit.

Sic in morbidis afflictionibus autocraticus naturæ actus ad suam intentionem implendam semper utitur actibus s. n. usitatis sc. Se- & excretoriis, quandoque nutritoriis.

Generaliter non semper autocrator in corpore actuales læsiones expectat, sed imminentibus quoque resistit; harumque causas, antequam effectum ediderint, subinde expellit.

Et hoc luculenter in febribus observamus. Si enim actualis effectus causæ continentis febrilis expectaretur, certe viscerum Sphacelus

celus in malignis; apostemata in benignioribus acutis; ulcerationes vel pertinaces Scirrhus in intermittentibus, praesto esset. Quae vero omnia ne fiant, instituitur intensio motus sanguinis, ac hic frequentius ad Colatoria congeritur, & expellitur. Unde in febribus partes subtiliores per sudorem, vel exanthemata; crassiores vero per vomitum, alvum, urinam, bono & felici successu eliminantur.

Quando ergo proportionata commotio febril. adest, Se- & Excretionum negotia legitime & sine impetu procedunt; ibi gravissimae febres non modo vitaliter, sed & tolerabiliter superantur.

Sic æstus cum actu frigidis, vigiliæ cum opiatis, Sudores vel cum intempestivis ex-stimulationibus vel, opportune emicantes, cum opprimentibus, critica molimina aut actuales maxime Eccrises cum cohibentibus improvide tractantur.

Quod tanto evidentibus videre licet in febribus apud pauperiores, qui sæpe absque ullis medicamentis, evitatis saltem refrigerationibus, sola abstinencia & quiete, feliciter & tranquillius sanantur, quam illorum febres, qui satis pretiosis, variisque experimentis utuntur.

Interea in acutis tanto manifestiores sunt autocratiae concursus, quanto magis in talibus Energia causae lædentiæ vegetam & alacrem resistantiam requirit.



In chronicis vero malis magis sese exerunt molimina discusforia, & excusforia, quam perfectæ *παρηγεαία*.

Uti videmus in spasmodicis incompletis motibus, ubi Arthritides non secus atque Cephalalgiae & Hemicrania recurrentes, modo narium hæmorrhagias moluntur, aut consuetas olim, jam vero suppressas, Scarificationes &c. sudores, laboriosum & sudoriferum vitæ genus, insequuntur. Scapularum & humerorum arthritis respicit hæmoptycas eruptiones: lumbaris mictiones cruentas aut calculum Renum: Ischiadica, hæmorrhoidales excretiones: podagra vel hæmorrhoides vel varicosos sanguinis decubitus. &c.

Hæmorrhagiæ narium puerili & adolescenti ætati solennes, sed jam ægre procedentes, inferunt cephalalgias, otalgias, opththalmias, anginas &c.

Hæmoptysis adolescentis & juvenilis ætatis morbus, haud vero perrumpens, infert phthises, rheumatismos, pleuritides, tusfes &c.

Hæmorrhoides virili ætati competentes, non vero eructantes vel suppressæ, inducunt Asthmata convulsiva, hypochondriaca, colicas hæmorrhoidales, nephriticas, ischiadicæ, arthritides &c. In Senioribus inferunt mictiones cruentas, calculum, nephritidem, varices, aut horum loco, gonagram, podagram.

Hydrops

Hydrops, Anasarca spontaneæ, sine adhibitis medicamentis, quandoque solvitur diarrhæa, largissimis aqueis vomitibus, ingenti sudore, motu assiduo, largissima narium hæmorrhagia &c.

Paralyseos annosæ resolutio per timorem, iracundiam ab observatoribus docetur.

Præservativi motus autocratici elucent in diarrhæis spontaneis, & sudoribus, vel stasis temporibus, vere & Autumno, vel ex diætetico errore sc. pingvibus &c, vel certis tempestatum mutationibus contingentibus. Contra suppressi tales motus autocratici, accersunt varias alias graves passionēs.

Idem tenendum de epilepsiæ solutione sub pubertatis tempore; morborum solutiones virgineorum adminiculo matrimonii, graviditatis, partus, lochiorum etc. Hypochondriorum pathemata per menses & hæmorrhoides fluentes solvuntur etc.

Naturæ vero constantia in agendo vel ejus aberratio exacte convenit cum rationalibus s. animi motibus in patiente; ut in segnibus, segniter; in præcipitibus, præcipitanter; in tranquillis, placide hi actus perpetrentur:

Ubi semper conspirant in corpore viarum libertas, ætas & vigor corporis. Itidem huc referri debet, quod illi, qui rationali actui impensius dediti sunt, gravius fere in morbis laborent, quam simpliciores & incurii,

Ex hisce motibus naturæ medicatricis usum Therapeuticum sumere debet medicus, quod primo ex variis hujusmodi moliminibus & excussionibus autocraticis discat veras causas variorum affectuum: secundo, quod medicus motus organa & tempora in omnibus subjectis Se- & Excretionum perspiciat & cognoscat. Denique, quod concurrentibus hisce motibus, & tempestiva eorundem promotione, curationem & certissimam, & securissimam perspiciat, nempe.

Ars in suis administrationibus naturam vel excitet, promoveat, extimulet; vel, ubi aliena irrita & effera molimina, sedet, cohibeat, vel in viam reducat errantem.

Ubi itaque plethora onerat corpus & respicit eructationem, ac subsistit in moliminibus, externus Medicus discat methodum interni, & sic ægroto imperet diætæ moderamen, motum laboriosum consumptorium; vel ad minimum propter luxum seculi & mores corruptos svadeat tolerabilium hæmorrhagiarum puerilium tolerationem; circa adolescentis vero confinia, Scarificationes circa Ver & Autumnum: In Juvenibus securius V. S.

Porro inflammatio profundior, si moderate pergat, suppuratur sine omni periculo. Si huic vero actuale frigus, infrigidantia, stupefacientia, adstringentia adplicentur, vel sit putredo s. sphacelus; vel sit Scirrhus,

vel

vel maligna ulceratio : erstifte Schäden, Tod-  
ten-Bruch. Inde optime facit medicus sal-  
tem moderare inflammationem.

Si Hæmorrhagiæ omnis generis depletio-  
nes abundantis sanguinis intendant, & recte  
succedant, noxæ nullæ; Sin impeditior sit  
succesus, oriuntur congestiones in vicinia,  
unde pro diversitate ætatis, temperamen-  
torum etc. varia truculenta symptomata.

Sic in febribus autocratica naturæ methodus  
ab externo medico itidem probe attendenda  
est; sc. quid sit paroxysmus, & quod cum  
paroxysmo ordinario medicari, sit optima  
& certissima methodus: sc. per corrigentia,  
alterantia, temperantia, absorbentia, leniter  
diuretica, diaphoretica, diluentia suffi-  
cientia; non vero per confusa vomitoria,  
purgantia, sudorifera, regimina præ-  
postera, V. S. intempestivas, &c.





II.

# Historiæ Medicæ Pars specialis

De

Morborum singulorum circumstantiis,  
phænomenis, symptomatibus essentiali-  
bus & accidentalibus particulariter.

Sect. I.

de

## Anomaliis pulsus S. Fe- bribus.

Cap. I.

### Historia febrium in genere.

**Q**uoad Subjecta docet experientia,  
quod febres non tam facile & crebro  
uni eidemque homini per totum vitæ  
tempus eveniant, præcipue diver-  
sarum specierum.

Sunt vero ad eas proclives plethorici, cho-  
lerici, & qui animi sunt activioris, ad iram &  
terrorem proni; minus Melancholici, &  
phlegmatici; magis juvenes & adolescentes  
quam seniores, imprimis ad acutas: Senio-  
res,

res magis [quartana, hectica,] lenta afficiuntur.

Causæ antecedentes variant pro diversitate febrium acutarum vel chronicarum. Potissimum vero in genere contribuunt omnes res non naturales, animi pathemata, transpirationis, mensium, hæmorrhoidum turbæ etc.

Symptomata sunt: circa vitalium actionum insignes alterationes: α) appetitus languidus, vel plane abolitus vel nauseosus; in quartana vero fit appetitus major subinde; imo nimius, certis etiam eduliis insolitis intentus.

β.) Concoctio læsa, hinc carnes difficilius, vegetabilia facilius feruntur. Cibus perperam ingestus, cardialgias, frigus extremorum, sudores anxios frigidos, virium jacturam, denique totius morbi pejorem succesium progenerat.

γ) Motus præterea sanguinis sensibilibiter alteratur per pulsum celeriores, respirationem laboriosiores; hinc calor, color, dolor, inflatio aut exinanitio valorum. A toni alteratione procedit horror, rigor cum æstu insequente.

δ) Has comitantur valde sensibiles actuum animalium & rationalium alterationes; Siquidem sensus externi intenduntur; gustus & tactus depravatio; somni & quietis cessatio,

latio; langvor corporis; insomnia, deliria adfunt.

1) Deinde tempora & statæ periodi motuum febrilium notantur. Initium est primus paroxysmus & insultus; qui per opportunam evacuationem materiae morbificæ in herba subinde suppressi potest, quod aliàs noxium conamen. Incrementum est, dum virium lapsus, anxietas, æstus, cephalalgia, sitis continuant. Status est, ubi hæc symptomata ἀκμῇ sunt nacta. Declinatio est, cum sub motibus & temporibus criticis hæc omnia fiunt tranquilliora & tolerabiliora.

2] Excretionum insuper alterationes sunt notabiles. 1. Urina loco citrini offert colorem aurantium, imo magis rutilantem, dum calet; refrigerata evadit plane turbida, vel deponit sub declinatione sedimentum, aliqua superstante urina quodammodo pellucida. Hoc signum est salutaris eventus, si vero deficit, funesti.

2. Sudor, si legitimo tempore sub paroxysmorum remissione prodeat, bonum: regimine quieto, temperato promovendus. Si vero ante hoc justum tempus vel sponte vel arte prodeat, malum. Ejus emanatio trahit post se in acutis anxietates, æstus internos, virium dejectiones, deliria, convulsionem, mortem; in Chronicis vero idiurnitatem aut transitum in acutas.

3. Excretio alvina & emetica in certis solum

lum febribus contingunt; uti diarrhæa in malignis, vomitus in tertiana, utrumque in biliosis.

4. Hæmorrhagiæ denique vel in primo conatu, vel ultima crisi à natura instituuntur.

η) Ejusmodi vero excretiones convenientes succedentes sequitur Euphoria; unde omnis exacerbatio remittit, animi & corporis alacritas accedit, item somnus & appetitus redit.

Ante criticos vero dies, si mutatio in melius & remissio obtingat, malum, & hoc eo magis per negligentem tractationem; nisi critico tempore confirmetur; imo intermittentium præmaturæ cohibitiones sunt malæ consequentiæ.

θ) Inde patet, omnis generis febres frequentius restitui sine medicamentis, sola abstinencia, quiete, animi tranquillitate, spontaneis evacuationibus, sc. per sudores, diarrhæas, vomitus, urinam: & quidem hac naturæ medicantis methodo aequè certe ac secure, quam externa medicatione, maxime vulgari, heroicarum commotionum.

ι) Contrarium vero evenit Subjectis nimis valetudinariis, sc. pectoris, hepatis capitis &c. vitiis laborantibus, quæ facile sanguinis intensiorem commotionem incurrun, & hectici, phthisici, ascitici evadunt, maxime in senioribus aut minus vegetis.



In aliis sæpe lucta febrilis periculosas dispositiones corrigit.

θ) Externa medicina sine aut contra has internas luctas parum valet ; præsertim si motus febrilis, calor, excretionum molimen, periodica exacerbatio &c. turbetur, gravior inde redditur morbus, unde plures febricitantes sine medicis convalescunt, quam per medicos.

## Cap. II.

### *Historia febris Epidemicæ, malignæ in genere.*

**I**ndoles febrium continuarum statim innotescit, si æstus in primo paroxysmo plurimum ultra 12 imo 16. horas duraverit.

Uti feberi in genere competit certa temporis ratio ; ita imprimis acuta habet stata tempora exoriendi, increscendi, subsistendi, ac remittendi.

Recte vero decurrens febris habet evidentem sanguinis commotionem, & consequentis caloris p. n. vicissitudines.

Tendit ad ecrrises vel successivas lenes diaphnoicas ; vel confertas exanthematicas aut criticas.

Acuta stata commotiones excretorias sanguinis non habet, nisi in principio, aut sub declinatione circa dies criticos.

Habet

Habet hæc febris manifestas alterationes Urinæ; Bene enim decurrens diebus statis concoctionis, turbationis, sedimenti indicia præbet: si vero nihil mutetur, aut mutata denuo cruda sequatur, malum.

Magis vero & utilius acuta tendit ad excretionem periphericas, quam ad introrsum spectantes, non tamen nisi statis temporibus & graduâli augmento in diaphoresin tendit.

Sine sufficienti tali & tempeſtiva diaphoreſi tendit in lentam, ſuccedentibus ſudoribus colliqvativis.

Si talis febris criticis ſuis temporibus exactius incidat in lunæ duas præcipuas mutationes, Novi & plenilunium, imprimis poſterius, eſt longe periculoſior, quam extra hæc.

Epidemica dignoſcitur ab acuta benigniore ex frequentia ægrorum, convenientia, item modo invadendi ac ſymptomatum.

Omnes tales febres aliquid monſtri alunt, ſi malignæ ſunt, licet benigniores typos ſimulent; unde etiam ex tertianis epidemicis multi moriuntur.

Sic tales ordinario continuant, quantumcunque diſſimulate, ut & ex uno typo in alterum ruant: curatæ quoque facillime recidunt, aut in lentas hecticas abeant.

Reſpondent vero typis communiter illi anni temporis, in quod incidunt, convenientibus; ſc. Vere, tertianario: Autumno quartanario: Vere adultiore, pleuritico: Autumno

tumno humidiores, catarrhali, tussiculoso; æstate dysenterico etc. ordine grassantur.

Therapia in epidemicis malignis regimen & medicamentum æstuosius, item adstringens terreum noxium dicit: pariter V. Stiones, refrigeria, opiata, purgantia noxia. Contra materiæ tenuis putredinosæ halituosa excretio sub motibus & temporibus criticis promota, per alexipharmaca temperantia, acida, aq. diapnoic. interpositis analepticis, diluentibus utilis existit. Regimen quietum contra jectigationes commendatur, in convalescentibus nocent injuriæ aeris; Contra moderatus hinc cum alexipharmacis refracta dosi continuandus est usus.

### Cap. III.

#### *Historia petechialis malignæ.*

**C**ontagiosa hæc febris grassatur per omnes generis Subjecta; magis vero invadit tenera, otiosa, timida, ac aeris injuriis minus adsveta.

Sibi interim relictæ, non perturbatæ, historia hæc est & ordinario occurrit; quod ægri primo Catarrhali molestia afficiantur cum tussi non adeo sicca, gravedine, Coryza & torpedine membrorum, sicuti in catarrhali coryza contagiosa; hoc tamen contagium certa anni aerisque constitutione legnescere quandoque videtur, ut 3. 4. septimanarum intervallo aliqui

aliqui corripantur ex illa familia, in qua antea quis hoc morbo decubuit.

Autumnali præcipue tempore ægri experiuntur per plures dies gravedinem, Coryzam, branchum, tussim &c. qui affectus vero ex improvise cohibiti, aut non libere succedentes, hanc facile febrem excitant, cum languore, torpore, horripilatione, rigore, maxime sub aura liberiore.

Quod in genere de epidemicis dictum, hic repetendum; sc. sub vere pleurites aut tertianarias mentitur; Martio, Aprili, Majo, Junio calidioribus, causos, cholericas, cardialgias; Julio, Augusto dysentericas; Septembri, Octobri, catarrhales cum multa tussi.

Quæ vero ex solo contagio subnascuntur, ut plurimum sine tussi prodeunt.

Causæ procatacticæ potissimum sunt aeris varia irregularis constitutio, potus & cibus fermentescens, animi pathemata, præcipue timor, iraque suppressa, refrigeratio corporis exæstuantis, contagium.

Tempus invasionis est vespere, hora 5. 6. cum frigore horrido & rigido, tensione in dorso; ubi nec pedes, tibiæ sensu stringente carent. Hic horror non durat apud singulos per æquale tempus.

Succedit calor satis fortis cum angustia præcordiali. Durat æstus, pro mensura plethoræ præ. tertium dimetiendus, per horas multas



multas ac totam fere noctem, ita ut in primis paroxysmis calor usque ad novam exacerbationem maneat.

Sudor vero in his primis paroxysmis vix nisi summo continentiae regimine quieto & quidem declinante paroxysmo mane sentitur, & quidem subtilissimi halitus forma; quod si fiat, insequentium paroxysmorum insultum mitigat.

Per noctem interim acerbiora omnia symptomata comparent, sc. inquietudo, oris siccitas major. &c.

Quando vero transpiratio, quæ admodum necessaria, retardatur, ac partes inferiores refrigerantur, facile deliria accedunt.

Hæc exacerbatio, sine tamen frigore, repetitur die secundo eodem, quo pridie invaserat, vespertino tempore, durans per æque longum tempus: imo fortior sæpe est, donec versus meridiem usque ad vesperam iterum paululum remittat. Sicque durat insequentibus diebus usque ad 4. diem, ingravescendo magis quam decrescendo. Post 4. diem reliqui paroxysmi non solum nihil augescunt, sed potius, si cætera bene succedant, ad sensum mitescunt.

Ulteriore recrudescente paroxysmo, lassatio, dolor capitis, tussis magis increscunt, & quidem tussis maxime, dum multi ante paroxysmum nil tussunt, redeunte vero exacerbatione, summa tussi corripuntur, indeque

deque eo pejus afficiuntur. Imo sæpetus sis index est paroxysmi redeuntis.

Sub hoc rerum statu est quasi characterisma specificum, summa lassitudo, vibrationes in artubus, præcipue in ulnis & suris, in dorso in adultis; in infantibus ex horum motuum exacerbatione convulsiones, pavores in somno, primis statim diebus, accedunt.

Somnus abest, sine tamen conspicua hujus defectus causa. Hinc leviter saltam dormituriunt, quando dormiunt. Nec etiam incommodo inde, nedum damno afficiuntur, a delirio & stuporibus alieni, imprimis si tranquillam mentem servant. Si ergo medicamentis sollicitetur somnus, gravis est, morbumque magis turbans.

Occurrunt nonnunquam aliqui, maxime juniores, qui in statu morbi somno potius quam vigiliis laborant, quod vix non pro comate somnolento haberi posset, nisi & ad poscendum potum & excretiones perpetrandas sponte evigilarent, quibus peractis, statim iterum in somnum relabuntur, non quidem anxium, suspiriosum, sed naturali non absimilem & satis æqualem. Hi sine ullis peculiariter contra hunc affectum remediis directis, sed illis tantum, quæ ipsum morbo destinantur, ad se redeunt.

Cephalalgia vix unquam tanto impetu angunt, ut ipsis directe remedium necesse esset. Notatu dignum vero, quod illi ægri, qui

nota.

notabilioribus capitis doloribus afficiuntur, communiter minus periculosi deprehendantur, quam isti, in quibus imprimis plane nullus in capite sensus molestus occurrit.

Sicuti in genere notandum, ubi ægri nullius morbi sibi conscii esse videntur, licet de reliquo mente constent, præter lassitudinem insignem, appetitum plane deficientem, somnum nullum aut levem etc. quod ibi ordinario maximum soleat esse periculum.

Exquisita ordinarie adest inappetentia, nausea, nisi ad cibum coactis, nulla positiva est. Nulla ad vomitum inclinatio, nisi in individualibus forte dispositionibus & ventriculi statu, jam magis ante morbum onerato: & quidem exemplis satis raris.

Plerique sitim quidem satis sentiunt, non tamen adeo enormem. Alii quidem sunt valde sitientes, sed cerevisiam, alias usitam respuunt. Quidam fastidio quodam cerevisiæ & aliorum decoctorum afficiuntur. Quomagus v: sitis deficit, eo peioris ominis res est.

Potus aqueus tepidus nil facessit negotii, licet largus sit; qui calido potui sunt addicti, illi utiliter talibus uti pergunt.

Interea ægri notabilem contabescentiam incurrunt; licet in hac febre, uti in aliis lentis etc. nil adeo magni periculi alat, cum superato morbo facile flos corporis recuperetur.

Durat hæc febris ad 7. 11. interdum 12. diem;

diem; ubi sæpe concurrens specialis dolor tendens, trahens, dorsi artuumque præcursor est Macularum, & id sæpe 4. 7. die, imo initio, sed non nisi paucis individuuis; erumpunt dispersæ, magis vero circa artus, pectus, scapulas, non æque in facie & abdomine conspiciuntur. Posunt etiam exasperari, uti variolæ, morbilli; imo benignior earum conditio, medicationum fortiorum interventu, præter solitum exacerbare potest.

Interdum pustulæ ex ipsis maculis apparent. Si paucæ, emergunt ægroti communiter; si multæ, moriuntur. Hæ maculæ sunt huic feбри & quidem soli propriæ, sed tamen non perpetuæ; humores enim quandoque solum per diaphoresin ventilantur, unde magis petechizans nuncupari poterit.

Neque tantum sunt symptomaticæ, sed criticæ hæ febres: quamvis non exquisitè criticos dies vel horas sequantur; ecçrisin tamen utilem habent, imprimis sibi relictæ, decenter expeditæ magis, quam promotæ, non vero intempestive retardatæ.

Qui ægri methodo leniore, naturæ convenientiore tractantur, illi rarius, pallidius, maculas suas exhibent, criticis aut certe proximis temporibus: set, sub diversis methodis copiosius, impetuosius, imo præmature, aut justo tardius, prorumpunt.

Maculæ, quo tardius circa 7. diem erumpunt, eo melius: quo vero citius, eo magis



vagæ & periculosa; si nimis copiosae uno impetu prodeant, plerumque funestæ sunt. Maculae rosæ, pallidiores, rubellæ tamen & floridæ, meliores sunt quam obscuræ, lividæ, persistunt 3. 4. dies & evanescent si Maculae, quæ post 7. diem erumpunt, si nil levant, nil boni sperandum, nisi die 3. post appareant in maculis pustulae sive purpura alba, ubi iterum bona spes affulget. Ita purpuræ succesus sæpe expectandus, si petechias nec melioratio, nec deterioratio subsequatur, licet tales efflorescentiæ cum gravioribus anxietatibus & virium jacturis ingruere soleant.

Quod si vero talis purpura una cum petechiis appareat, periculosum est, & subest plerumque impulsus diaphoreticus.

Diarrhæa post purpuram, petechias non recte succedentes insequentem, utilis est. In genere diarrhæa circa statum & declinationem plus commodi quam damni adfert; alvi adstrictio, contra. Unde nunquam sistenda, sed nitroforum & alexipharm: usus iterandus. In principio v. ambigui eventus est diarrhæa. Obstructio o auget symptomata, delirium, aphthas etc.

Aphthæ & prunellæ sunt familiares huic feбри, maxime alvo adstricta; si insolescant, funestum indicium exhibent, imprimis si ad aliquot dies invaluerint; Wenn der Hals in 2 Tagen gelb wirdt, und das man das gelbe Wasser mit einem Pinzel abstreichen kan, auch in den Oesopha

go zusehen ist. Hæmorrhagiæ ordinariæ aut criticæ, haud eveniunt. In principio debilitatem majorem, mentis abalienationem, anginas, mature adducunt, cum vagis præcordiorum angustiis. Excitantur etiam in statu, maxime sub alvi siccitate.

Sudores largi præsertim ab initio salutares raro sunt. Quo minus v. mador halituosus exit, eo æstus gravius & diutius affligit, cum periculosioribus symptomatibus. In moderato calido regimine 4 ad minimum die & sequentibus paroxysmis inter horam matutinam 4 vel 7. lenis erumpit sudor, non sine notabili levamine.

In quibus materia majoris corruptionis abundat, in illis sæpe talis halituosa excretio successu continuo gaudet, magis tamen tepesciente paroxysmo prodiens.

Regimen tamen ultra frigoris exclusionem non debet extendi. Tale qui cum continentia quietæ molestia excusant, aut quasdam corporis partes denudando refrigerant, mox aphthas periculosas incurrunt, & quidem eo maligniores, quo impetuosiores ingruunt.

Contra qui in anxio nimis calore continentur, in illis, in principio quidem, magna prolicitur sudois copia, sed cum insigni debilitatione.

Si vero hic sudor in morbi augmento pertinaciter supprimatur; symptomata exacerbantur, petechiæ monadiciæ, inconstantes, dispersæ micant, & iterum recedunt,

cum fatali morbi exitu. Inde

Faucium inflammatorium vitium succedit cum funesta catastrophe, quam in plethoricis incondita regimina una cum fervidis medicamentis accersunt.

Urina est rubella, vel post refrigerium turbatur; deponit consistentiam lacteo-roseam, levi flavedine pallentem, & simul vitrum, in quo est, alba cuticula imbuat.

Symptomata ergo in hac febre sunt ex una parte catarrhalia, ex altera vero maligna & petechialia: hinc secundum posteriora admodum placide & provide tractari debet.

Differentia hujus febris a castrensi non est in essentia, sed quoad accidentia, & quidem I) quoad regimen in nuditate, frigore aeris, tempestatum injuriis repositum, decubitusque in nuda humo; æstus diurnus accedens inæqualitatem auget. In potu nullum regimen. II) Quoad dietam prægressam occurrunt inopia, cibi olim situ confecti, nunc vero luxus; aqua sæculenta, impuræ cerevisiæ, vini & spirituum ardentium abusus. III) Quoad medicationem occurrunt tot monstra, maxime diapnoes defectus vel excessus; usus opiatorum, emeticorum enæ V. Sect. &c.

Quoad exitum hæc febris, sibi relicta, est lenis, & in suo genere lenta, nec ad peracutum statum proclivis. Ordinarie non incipit nec desinit cum evacuatione, nisi  
quod

quod ad diarrhæam in statu præcipue senescente inclinēt. Unde aegri, hac febre placide laborantes certius evadunt. Qui vero aliis evacuatoriis commotionibus corripuntur, pessime habent, & vitæ periculum incurrunt. Quoad medicationes, quantum hæc a placido æquali decursu aberrant, tantum Febres a leniore exitu recedunt.

Hinc i.) vomitoria in primo principio subjectisque robustis sunt adhuc tolerabilia.

Quodsi vero aeger, maxime faemina, a primo paroxysmo gravius afficiatur, & vomitus lentius suscipiatur, alvo sicciore, accedunt in ipso vomitu enormes anxietates cardialgicæ, & typus lenior inurbationem deicitur.

Circa criticos dies ex levi causa revocantur vomitus, reliquum progressum turbantes, facileque funestum exitum adducentes.

ii.) Purgationes pariter hanc typicam febrem initio turbant, maxime diapnoicam discussionem revocant.

iii.) V. Stio, in vere non adeo absolute, æstate vero, hyeme & autumnò, certa mors est. Non habet ulum nec necessitatem: imò nunquam sine periculo esse solet.

Si quidem porro 7. 9. 11. incompletam congestionem hæmorrhagicam, a caput attrahit quæ erumpere per nares nesciens, fauces occupat, aphthas producit, nec non stagnationem sanguinis intra caput, quæ cum delirio,



comate, lethargo inde succedentibus, aegrum jugulat.

In tali statu, si hæmorrhagia Narium V. S. nem admissam subsequatur, in aliquibus aliqua spes sanationis est.

Sudores in principio præmaturi sunt, ut supra dictum, & typum turbant; item facile vel colliqvativos vel suppressiones causantur.

Si vero die 7. 8. sudor fervidis medicamentis urgeatur, laturatæ exeunt maculæ, raro felicitis eventus futuræ.

Inter juvantia vero experientia commendat, quæ præc. cap. dicta sunt; sc. Febrem leniter succedentem expectare, adjuvare, congruo tempore, criticos motus. Illa porro commendat præcipitantia, colliqvantia absorb. acido citr. tart. satur. nitrosa versus paroxysmum; Alexiph. eo exeunte; in Infantibus tenuiora diapnoica. In Maribus acida nitrosa interpositis alexiph. conducunt. Absqve his confert abstinencia & expectationis cura.

## Cap. IV.

### *Historia Pestis.*

**P**estis est morbus summe contagiosus & epidemicus: ut plurimum flagellum Dei.

Quoad subjecta: pestis omnis generis homines juniores, adultiores, præcipue vero juni-

juvenes plethoricos, cholericos, floridioris habitus &, ut ex Polonia relationes retulerunt, foeminas juniores, juvenculas invadit.

Incredibili celeritate urbem imo totam regionem inficit, per aliquot menses furit, tandemque remittit, & per dimidium vel totum saeculum saepe (nisi ubi endemia est, uti Constantinopoli) non rediens.

Quoad anni tempus plerumque aestatem servat.

Subiecta, quae peste corripuntur, compluribus symptomatibus obnoxia sunt, quae febrem petechialem antecedunt, vel concomitantur, licet hic gradu multo vehementiore.

Contribuunt vero magis ad pestem, aer inquinatus, mala victus ratio, annonae caritas, metus & imaginatio timida, otia, exundatio aquarum putrilaginem relinquens, retentiones transpirationis, urinæ, mensium, hæmorrhoidum: Exhalationes corporum post magnam stragem; Effluvia venenola etc.

Vulgo inter pestem & febrem pestilentialem aliqualis differentia ponitur. Siquidem observare licuit, quod pestis sine febrili evidenti motu contigerit, raro interim. Variat quoque aliquando nonnullis symptomatibus, aliumque simulat genium; & hoc pro diversitate locorum, subjectorum, & temporum. Interim essentielles circumstantiæ ubique conspirant.

In multis convenit cum febre petechiali.

Pathognomonieum vero signum constituunt bubones & anthraces, pluribus evenientes.

Hinc hi tumores bubonodes ob præcipientem ad sphacelosam corruptionem dispositionem cum magnis anxietatibus, doloribus, lipothymiis &c. bene discernendi ab aliis tumoribus bubonodeis simplicibus.

Eventus simul characterizat pestem, qui familiariter apud plerosque est lethalis &c.

Invadit cum doloribus capitis, ventris, dorsi, intercurrente frigore, horrore, vertigine ( *düsterkeit des Haupts, daß ihnen Grün und Gelb vor den Augen wird* ) his succedunt summa anxietas præcordialis, calor diversi gradus, pulsus inordinatus, lentus, debilis, cum insigni debilitate, & conatibus vomibundis anxiis.

Postridie augescunt symptomata usque ad mentis perturbationem, & quidem eo vehementius, quo diutius se. & excretiones retardantur: ubi vero vomitus vehementiores, diarrhææ, hæmorrhagiæ enormes, lethargus, convulsiones, syncope accedunt, sunt imminentis mortis prænuncii: antea tamen plerumque sudores multi colliquantes, lividæ, fuscæ, nigræ maculæ & anthraces erumpunt.

Tempestiva quieta & lenis diapnoë per dies 3. 4. & bubones in locis glandulosis, parotidibus, post aures, sub axillis, in inguinibus &c. succedentes & maturationi haud difficulter obsequentes, morbum intra 8. dies minuunt.

Recen-

Recensitas circumstantias universales sequuntur nunc particulariores secundum naturam Subjectorum, rationem curationis &c.

Varia temperamenta varia etiam symptomata incurrunt. Unde Sanguinei vehementes dolores, deliria, debilitates, sudores, hæmorrhagias &c. Cholericus vomitus impetuosiores, diarrhæas, fortiora deliria & hæmorrhagias; Melancholici majores anxietates, dolores, debilitates, minus sudores; phlegmatici lethargum, dolores artuum, vomitus sustinent.

Pro diversitate temperamentorum etiam diversus respondet exitus: unde in Choleris erumpunt facile petechiæ cum carbunculis; in Sanguineis petechiæ cum bubonibus; in Phlegmaticis bubones lente prodeuntes, nec ita pestiferi; in Melancholicis bubones cito & facile exeuntes.

Melancholici sæpius a contagio immunes sunt, uti & podagrici, calculosi, hæctici. Sic ulcera, scabies &c. præservant.

Peculiaris & rara est circumstantia, unum subjectum bis à contagio mortis periculum subire.

Illæ frequentior est, quando febres catarrhales malignæ (rarius vermium excretiones) præcesserint, gravidæ facile abortierint etc. nonnunquam dysenteria pestem inolecuta est.

Rarissime pestes hominum & brutorum inter se communicant.



Prognosis hæc est omnia symptomata sunt periculosa & raro fortiuntur eventum bonum. Interim pestis omnium consensu tribus modis salutariter excurrit: e. g.

α.) Largis sudoribus in ipso initio, β.) bubonibus, γ.) Anthracibus, sed utrisque his mature & satis prompte erumpentibus.

E contra funeste:

α.) quibus nulla talis excretio tempestitiva obtingit, β.) vel emicans iterum disparet & retrocedit γ.) vel plane ad interiora secretoria & excretoria organa deferatur, & varios fonticos affectus format.

Ideo, quoniam pestiferum miasma summe subtile est, hinc prudens & constans indicatio curatoria desumi debet, quam optime per lenem & tranquillam transpirationem semper prosequatur medicus.

## Cap. V.

### *Historia variolarum & morbillorum.*

**N**ovum Europæis esse morbum, uti petechiæ, & lues Venerea, aliqui putant, cum Orientales medici nil de eo scripserint. Maxime ex Africa ad nos delatus est; cum Nigris talis affectus cutaneus per omnes ætates valde familiaris, ut-

utpote forte ex diurno æstu & nocturno frigore oriundus.

Alii male incusant sanguinis menstrui impuritatem, cum & gravidæ menstruata prolem variolosam edant

Interim est materia maligna, quæ contagii instar inficit.

Omnis homo ad variolas dispositus est; ita ut etiam provectiores ab hoc contagio immunes non maneant. Infantilis & puerilis ætas facilius occupatur. Nec facile bis afficit homines, ut fæminarum traditio est, quod qui in plantis pedum nullas gerant, altera vice hunc morbum incurrant. Adultioribus majus periculum afferunt.

In omni vero ætate facile in progressu suo turbantur: per se vero non tanti periculi sunt, exemplo plebejæ experientiæ: nisi ab adventitiis causis.

Variolæ ut plurimum gravitate morbillos superant; licet etiam pro diversitate temporum & annorum subinde maligniores, interdum mitiores reperiantur.

Communiter cum febre incedunt; quamquam historia medica testetur, quod & in individuis sine febre quandoque decurrant.

Causæ antecedentes excitantes subinde sunt: aer contagiosus inquinatus, crapula, corporis motus immodicus, vel nimia desidia, somnus & vigiliæ vel excedentes vel deficientes, sudationes vel purgationes assuetæ  
nter.

intermissæ aut neglectæ, terror, metus, & conversatio cum variolosis etc.

Servant, imprimis in progressu, statam periodum; eruptionis a 3. ad 7. diem; maturationis a 7. ad 11. desiccationis ab 11. ad 14. Sine typis tamen decursus absolutiur.

Invasio prima fit sine horrore aut frigore notabili; ubi vero tale quid, & pulsus ataxia, motus convulsivi concurrunt, prognosis deterior est, & metus inflammatoriæ invasionis in aliquo viscere.

Oritur, post meridiem maxime, languor, lassitudo, calor sat levis, capitis turbatio gravativa, vertiginosa, ciborum fastidium: in quibusdam odor amarus & aduersus, rarius nec valde utiliter Vomitus.

Multis teneriorum juniorum eveniunt tormina in abdomine, quæ tamen, nisi verum proventus adsit & hi plerumque mali ominis, parvæ considerationis sunt.

Accedit plerumque tussis & pectoris infarctus, dolor dorsi tensivus, & leviter punctorius.

Convulsiones sub eruptione sæpe accedunt, sed non frequenter aut necessario. Si vero minus frequentes aut vehementes eo minus periculi subest, præsertim in subiectis ad eas quasi adsuets.

Tertio die vel quarti initio erumpant pustulæ, primo exiguæ milii instar cum rubore ambiente, augeſcunt tamen pedetentim,

ut

ut magnitudinem ciceris imo minimi pisi adæquent.

Turgent semi-pellucido humore, qui sensim 2. 3. dierum spatio magis magisque spissescit & purulentam consistentiam inducit. Durat itaque eruptio a die 3. ad 7. Fit eruptio sine insignibus alterationibus febrilibus, sine excretionibus multis sudorum.

Si vero eruptio simul & semel præpostere aut inconstanter ante 3. 4. diem contingat, vel ex nimia copia ulceratio copiosior fiat: tunc vel facile regurgitat impetus, vel nimia inflatio prægravat naturam, ut utrinque opus deferere cogatur.

Obstructio alvi eruptionis tempore est pene ordinaria, nec tunc temporis irritanda. Si vero ante variolarum eruptionem nimis diu extiterit adstrictio alvi, diarrhæam gravem post se trahit sub eruptione retrocessionem inducentem: uti contra variolæ retrocedentes diarrhæam & convulsiones causantur.

Moderata vero diarrhæa in initio sponte accedens, raro nocet; sed tempore eruptionis impetuosius continuans, aut immoderate exorients haud bonæ notæ est.

Circa 7. diem non modo pure turgidæ apparent pustulæ, sed & rubet circumferentia: sin vero pallet, mali ominis est.

Extuberant fastigiatae pustulæ bullulis similes, rotundæ bonæ; sessiles v. & depressæ in medio



medio, malo; circumcirca pallentes pessimo omine, uti & lividæ. Quæ vero limpidaæ manent, & mature rumpuntur, sind die weissen Pocken. Quæ acuminatæ, die Spitz-Pocken. Utræque mitiores existunt. Mature subsidentes s. dehiscentes cum sangvineo quasi nigro stigmate, loco puris, in adultis plerunque, in infantibus non ita absolute, lethales. Quale quid etiam evenire solet, si urina copiosa sub suppuratione prodeat.

Ab XI. die sponte disruptæ, effusa purulenta sanie, subsidere incipiunt; innascitur siccescens crusta, quæ versus 14. diem sensim deabitur, restituta subtus cuticula. Remanent tamen aliquamdiu rubicunda, sub tenuiore cuticula, vestigia, non raro etiam foveæ, ipsa cute profundius erosa.

Sub statu suppurationis dejectiones saniosæ cum striis sangvineis, non frequentes nec copiosæ aut torminosæ, adeo periculosæ non sunt: maturis vero & rumpentibus succedentes etiam utiles sunt.

Periculosæ v. sunt tempore eruptionis, & si maturatio languida sit cum ægri imbecillitate, ac insigni febrilium symptomatum vigore.

Tales diarrhææ, si sensibilis variolarum retrocessio, earum extenuatio, livor in ambitu & pallor reliquæ cuti superveniant, mortis prælagia evadunt.

De succedaneo variolarum exitu notat observatio, quod in lento & inæquali progressu,  
dum

dum aliæ post alias prorumpunt, vel prioribus jam maturefcentibus aliæ novæ succedunt, quod, inquam, hæ novæ facile retrocedant, & aegri convulsionibus coortis facile intereant.

Fit hoc maxime, si primis maturatis & euphoria succedente, regimen moderate calidum negligatur.

Ratione paucitatis notandum, quod si iusto tempore & prompte exeant, numero paucae variolæ, non malæ spei sint, & plerumque mitissima habeant symptomata: languide v. exeuntes non careant periculo, & plerumque alias tarde succeduras habeant in recessu; vel ipsæ ad retrocessionem pronæ, sint pessimo exitu.

Symptomata extraessentialia sunt perturbationes capitis vertiginosæ, pectoris tussiculosæ, ventris tormina, murmura, inflationes: fluxus alvi, hæmorrhagiæ narium, largæ semper; variolæ intra nares, infundibulum, fauces, sternutationes, angustia per nares respirandi, faucium inflationem post se trahens, oculorum læsiones, erosiones, & foveæ cutis &c.

## Morbillorum.

Idem est typus quoad tempus inuasionis & efflorescendi.

Sunt vero exanthemata leviter protuberantia lenticulari elevatione, depressiore sc. quàm

quam variolarum, rubicunda, sine sensu, nisi quod sub sui finem, dum post paucos dies ruborem dimittunt, & subsident, pruritus quendam & levisimas squamas seu furfures abscedentes forment.

Morbilli & variolae primo eruptionis die vix distinguipossunt, secundo vero facilius, quia hae mox elevare sese solent.

Interdum satis benigni, quanquam copiosi sint; interdum valde periculosi & pluribus funesti observantur, & maxime a tempore vel tempestate praegressa vel praesente. Semper tamen benigniores variolis sunt: sc. in suo gradu, ubi coincidunt. Unde ab eorum retrocessione, nisi valde maligni ea tempestate sint, tam certum mortis periculum non absolute imminet,

Neque diarhaeae adeo periculosae sunt, ut in variolis, reliquis circumstantiis bene se habentibus; malis v. accedentibus sunt m. satis malae. Semper tamen facilius toleratur sponte coorta, quam medicamentis excitata diarrhaea.

Improvidè tractati, praecipue quando alvinae excretiones vel transpiratio post morbum non curiose observantur, saepius relinquunt asthma & infarctum pulmonum & alia pathemata.

Inter symptomata communia sunt faucium anginosae inflammationes, oculorum inflationes; nonnunquam variolae oculis & medio

medio tunicae corneae innascuntur, cum summo visus periculo.

In utrisque tempore suppurationis, præcipue in variolis, inflatur admodum totus ambitus corporis cum insigni rubore, & quidem cum bono omine ; si emanat, malo, imo pessimo.

Anni constitutio ad malignitatem multum contribuit ; quæ etiam ad diarrhææ noxium effectum multum confert.

Achores, scabies, defædationes, purpura rubra &c. a variolis & morbillis vel præservant, aut ad minus salutare sunt.

Cura : Hic semper leniter & cum prudentia agendum & secundum Sydenhamm, fere nulla medicamenta adhibenda sunt.

Præmature stimulatî progressus, movent quidem copiosiores solito eruptionem, sed mature iterum recedentem :

Inconsiderate vero retardatî & per narcotica cohibiti vagum faciunt successum, & retrocedentem, lethalis sæpius euentus.

Quod m. de refrigerationibus, saltim particularibus, constat, sub eruptione & maturatione, imo ruptione ; quas retrocessio, abscessus maligni, facile insequuntur.

Sic regimen æstuosum & medicamenta calidiora omnia turbant.

Ergo in his qui pereunt, magis inculpari possunt 1) artificia medica 2) malum regimen, 3) accidentes causæ externæ, quam morbi malignitas.



Variolæ, imprimis ruptæ & jam desiccata, tantum subinde periculi sovent, ut tene-  
riores ab aere libero, frigido, aut turbido, vitæ  
discrimen imo jacturam subeant, id quod  
imprimis valet in variolis lento successu aliis  
post alias emicantibus. Hinc facile sub im-  
provido regimine retrocessuræ etc.

## Cap. VI.

### *Historia Febris Biliosæ.*

**S**ubjecta sunt homines cholericæ, maci-  
lenti, non æque succulenti, nisi iracundi  
di cholericæ sanguinei, calidiori diætæ ad-  
sueti, & ante vel post cibum assumptum  
ira graviore commoti; præsertim si mox  
vel frigidum vel fermentescentem potum su-  
perbibant, vel dulcia acria ingurgitent; un-  
de facile procataris nascitur.

Hinc omnia, quæ effusionem bilis in ven-  
triculum possunt suscitare, apta sunt ad has  
febres.

Exoriuntur facile circa solstitia & aggre-  
diuntur versus solis exortum.

Quæ vero vespere cum æstu, amaritie oris  
invadunt, non biliosæ, sed a ventriculi cru-  
ditate, vel ab iracundia ortæ sunt.

Habent quotidie suas exacerbationes, se-  
mitertianaria commotione, sed sine vehe-  
mentibus rigoribus: cum horripilatione  
tamen sub principio exacerbationis.

Corripiuntur ægri, præcedente proca-  
taris,

trahi, horripilatione, tetrico aspectu, langvore cum præcordiorum angustis, nausea anxia (synoptica, æstu totius corporis, dolore capitis, in gradu suo per individua variante.

Succedit vomitus acris biliosæ materiæ quæ dentium stuporem, labia ulcerosa efficit, & cum pulvere terreo efferuescit.

Conjungitur dejectio biliosa, tenesmus, pruritus intestini recti ejusque excoriationem, maxime in infantibus, efficiens.

Utraque hæc evacuatio fit cum synoptica anxietate. Quo vero maturius hæc excretio succedit, eo accedit citius levamen. Si vero diutius inde conclusa hæret materia, efficit intensum ardorem inflammatorium ulcerosum, anxium; unde syncope, deliria, convulsiones.

Maxime vero succedit symptomatum summa exacerbatio, si vomitus non mature exeat in casu ab ira post cibos, alvi vero siccitas adsit, ut siccitas oris, sitis a largis potibus augeatur, debilitates, dolores præcordiorum sensibilissime tactum respuentes, increseant.

Hoc rerum statu urina est subrufa, flamea, pauca, crassa, turbida, rosea cum simili sedimento: flavedo immixta manet.

Æstus præ omnibus febribus est intensus, licet externæ corporis partes facile palleant & frigeant.

Singultus facile accedit, invalescente ma-

gis intestini recti, duodeni & mesenterii, in o diaphragmatis inflammatione.

Causus communiter infestat cholerico melancholicos aut sangvineo-melancholicos, ad iram satis proclives, sed ut plurimum dissimulantes & supprimentes eam.

Causus neque vomitu nec diarrhæa soluitur; æstus, sitis, ariditas est intensior, imo facile in apthas, deliria comatosa fit transitus; semper vero in hoc statu alvus sicca periculosior est, quam nimia ejus solutio, præcipue in statu; facile in Leipyriam, inflammationes internas degenerat, ut plurimum funestas.

Procatarepticæ causæ sunt sæpe assumpta siccantia immodice calefacientia, ardor solis liberalior, potus vini fortioris, longa sitis, labor, venus inexhausta.

Si cholera sursum ad vomitum inclinat, magis pathemata circa caput progenerat: si deorsum, tormina, palpitationes epigastricas, singultum.

Dejectiones tamen criticæ tetricæ materiæ raro utiles sunt, vesponte vel arte excitatæ.

Accedunt faucium prunellodes siccitas ad fissuras proclivis: agrypnia, pavores in somno, animus summe fastidiosus, impatiens, ad deliria furiosa, imo convulsiones proclivis.

Lingva arida, nigra, labia nigra propria hujus febris signa sunt.

Transeunt hæ febres leviter mitigatæ per stomachica præcipitantia, acida, in lentam, cum

cum majore virium & appetitus dejectione, somno pauco, siti multa, aspectu inter audacem & meticulosum fluctuante; qui status, si pro phthisi habitus per traumatica tractetur, in hecticam immedicabilem transit, in humidioribus tumores asciticos relinquens.

Suppressæ biliosæ immediate quoque Leipyriam accersunt, quæ si statim ita incipiant cum æstu torrido, frigidulositate externa, periculosæ utique sunt. At si biliosæ jam unum alterumque diem vigenti hæc alteratio accedat, funestum est; maxime dejectiones & vomitus nigricantes obitum præcurrunt aut inlequuntur.

Biliosæ in tertianam sæpe mitigantur, sed suspectam: neque oris amarities aliud quid quam bilis restagnationem in ventriculo indicat.

Si vero omnia recte eveniunt. die 7. vel 11. fit crisis, vel per icterum, vel per diarrhæam, rarius malam.

Periculosus hic morbus est: sine provido enim regimine appropriatisque remediis raro salutarem sortitur eventum.

Obsidet viscera, si sine matura materiæ ejectione invaluerit.

Therapia confirmat, quod absterfio & excretio sint primarius scopus.

Hæc per emetico-cataracta, imo leniora clystica impetratur. Hinc simplex aqua tepida sufficit, imo pulv. digestivus nitratus. Emetis vero sit matura, maxime in statu pro-



xime admissa iracundiæ; post partum, in tenerioribus, clysteres sufficiunt.

Illa per absorbentia v g. cryst. mont. ostracea cum nitro regenerato, parcis & repetitis dosibus, conjuncta humectante dilutione per decoct. pullor. tenue.

Mitigatio absolvitur per nitr. cum emuls. sem. card. mar. etc, in inflammatoriis specificis.

Discussio diapnoica ultimo præstat pro abstersione & inflammationis præoccupatione per Ess. alexiph. mixt. s. sine regimine. Spontanei sudores nec concitandi, nec reprimendi.

Potus sit dilutus, temperatus instar thee, Decoct. C. C. citre etc. vel non sæculentus, non frigidus, qui aliàs anxietates intendit: parum acidulatus non nocet.

## Cap. VII.

### *Historia febris inflammatoriæ in genere & specie.*

**S**ubjecta sunt communiter magis vel minus plethorica, rari sime eminenter melancholica, atqve aliàs sanguinis commotionibus subinde exposita.

Ejusmodi febris internam inflammationem respicit, & exhibet; præcipue dolorem summe ardentem in aliqua regione, sub qua viscus

cus quoddam delitescit, qui pro diversitate visceris, sic etiam periculosior, variat, dum in sensibilibus magis acutus & continuus existit, ut in pulmonibus; in ventriculo, ubi cardialgia, dolorosissimus; in renibus sensibilibissimus &c.

Quibus vero obtusior inest sensus, in illis rariores & veluti intercurrentes tantum sunt puncturae, & saltem nudus ardor urget: imo saepe hæc utraqve ita obtusa, ut nisi valde deserti ægroti, nequidem mentionem illorum faciant, nisi interrogati.

Concurrit in hoc statu febris intensa sitis cum magna faucium siccitate, potui mox iterum succedente.

Perpetua quasi horripilatio adest, si leviter saltim corpus ventiletur.

Pulsus est febrilis, frequens & celer. Pulsu enim sano interiora uri extremis frigentibus, nondum compertum est.

Concurrunt interdum singulares angores & inquietudines.

In his febribus operationes Naturæ diversæ sunt, tam quoad inflammationem, quam quoad ipsum typum.

Ex inflammatoriis, si male res cedit, periculosiores sunt ventriculi, hepatis, intestinorum, duodeni, pancreatis inflammationes: proxime splenicæ & nephriticæ.

Facile quoque male cedentes in hecticam aut lentam transeunt.

Eximii vero periculi sunt inflammatoria, ab arthriticis motibus repulsis genitae.

In inflammatoriis, maxime abdominis, vomitus materiae nigrae circa dies criticos evenientes, mortis praesagium sunt. Imo diversorum colorum insolitorum excrementa alvina nullius boni praesagii sunt.

Quamvis ita materia, quae primitus resolutionem & inflammationem intulit, ejiciatur, persistit tamen ab ipsa productus effectus, scilicet: inflammatio, & pergit in corruptionem.

Omnis inflammatoria febris praeter discussionem nullum fere salutarem exitum sortitur, nisi interdum tempestivae haemorrhagiae in Subjectis junioribus contingant, quam 4to dieremissio doloris indicat.

Quo vero intensior dolor, malum omen in tempus criticum metuendum.

Suppuratio succedens raro salutarem exitum nanciscitur. Aut enim die 9. vel 11. desinit penitus agens, aut in hecticam transit.

In consistente aetate, sexu foeminino, vincere nonnunquam deprehenditur Natura.

### a.) Inflammatio Ventriculi.

Hic affectus magis familiaris foeminino sexui, ob mensium reversionem, quam virili.

Oritur saepius a medicamentis vel venenis acrioribus, vel acicula deglutita, vomitu laborioso, concussione graviore, cucurbita exterius diutius apposita relicta, topicis calidis externis, intensiore ira, potu frigido, cor-

peri valde calefacto ingurgitato, retentione bilis, post dysenteriam, mensium & haemorrhoidum quandoque regurgitatione etc.

Differt vero a cardialgia in eo, quod dolor in ventriculi inflammatione intensior, & febris coniuncta sit.

Praeter generales inflammatoriae febris characterismos, specificè indicant hanc insignis cardialgia cum dolore aestuante, urente instar prunae, pungente vel ad minimum lancinante, ita ut levissimum praecordiorum contactum reformident; in medio pectoris sub scrobiculo cordis adest fixus & vehementissimus dolor.

Si quid, praesertim frigiduli, deglutiant, potulenti agri, emicant statim ructus, singultus cum immanibus lancinatoriis intensificationibus, vel increbescit cardialgia adeo vehemens, ut subinde animo linqui appareant.

Nec alimenta nec medicamenta facile ferunt: febris adest cum pulsu celeri & inaequali debili.

Quo levior inflammatio, eo maior spes curationis; quo profundior, tanto promptior ad sphacelum, exulcerationem via.

Inflammatio levior aliquando accidit in variolis, morbillis, diarrhoea, dysenteria, Ictero nigro, cholera; item diarrhoea & dysenteria suppressa adstringentibus, opiatibus, frigidis etc.

Non totus semper ventriculus inflammatur, sed tantum pars, maxime fundus, non



nunquam tenuior sinistra pars , ubi vasa brevia jacent ; aliquando ejus orificium, quod periculosissimum est , & , uti Forestus loquitur, Iovis filii dicendi sunt, qui evadunt.

## b.) Lienis inflammatio.

Sicuti ventriculi inflammati dolor regionem scrobiculi cordis occupat ; ita cooritur , & frequentius quidem, haud multo dispar dolor, in sinistra regione sub costis, ardor, tensio, & actualis turgescens tumor.

Dolor est punctorius summe sensibilis, imo contusorius gravissimus. Adest æque calor febrilis, pulsus celerior, siticulositas, appetitus dejectio, agrypnia &c.

Durat hic affectus ad plures horas, imo ad 3. 4. diem, quamvis gradu diverso.

Familiaris quoque huic affectui, uti omnibus circa V. P. sanguinis restrictionibus, alvi adstrictio existit.

Viget tamen & persistit hic affectus alvo satis succedente, unde facie discernitur a colico dolore.

Oritur frequenter a mensium vitiis, ita ut male succedentes vel antecedit, vel sequatur, aut comitetur.

Succedit interdum vomitui cruento, aliquo etiam tempore tolerato ; nonnunquam etiam in talem erumpit : sc. inflatione aut inflammatione tali lienis a mesenterii & intestinorum constrictione fiente.

Tanto magis notandum, quod statata periodo recurrat , menstrua , ac certa tempora

perduret ; ubi dispiciendum, quantum inflatio congestoria a stasi inflammatoria differat.

### c.) Hepatis inflammatio.

Subiecta sunt magis sanguinea, habitus corporis spongiosi.

Causæ antecedentes sunt consuetæ naturales & artificiales sanguinis missiones omisæ, refrigerationes externæ & internæ corporis antea intensius calefacti per potum, spirituosum, sudorifera calidiora, balnea, maxime ira gravior, eaqve cohibita &c.

Rarior est affectus quam Peripneumonia, sed periculosior; quia facile terminatur in suppurationem, aut Scirrhum, hydropem vel atrophiam.

Periculosa ergo, difficilisque dignotionis.

Adest punctura acutissima in dextro hypochondrio, faciei uti & oculorum color flavus, cum febre, siti, agrypnia &c.

Signa hepatidis spurix sunt dolor magis occupans partes inferiores circa costas nothas, & sese extendit ad cordis scrobiculum, cum febre, tussi, præcordiorum anxietate, & doloris, in inspirando, augmento.

Differt ab inflammatione pleuræ; quod sub inflammatione hepatis dolor mitior & potius gravativus sit, cum tussicula arida, dilucida habente intervalla etc.

Differt ab inflammatione musculorum abdominis in eo, quod corpus quoad colorem fer-

ferme non mutetur, tumor oblongus ac per totum ventrem sit extensus, & cutis circum circa sit tensa.

Prognosis: In hepatis inflammatione singultus malum Hippocr. Sect. 7. aph. 17. per experientiam adhuc roboratur. Unde Iudæis familiarior est affectus & sub singultu, livida facie hippocratica, exit.

Vomitibus nigri perniciosi sunt.

Et si res male cedit, convulsiones præsto sunt, vel si diutius durat, quidpiam hydro-pici, vel hæctici ob abscessus latentes relinquit.

Cura: V. Stio initialis plethoram derivat, subiecta diapnoica discussione.

Stimulus alvi turbat v. portæ.

Sublevatur affectus die critico, primo sudore, & hæmorrhagia.

### (d. Pectoris inflammatio.

Subiecta sunt familiariter juniora in ætate juvenili, magis virilis quam fæminini sexus, habitus corporis sanguinei, & præcipue post sanguinis turgefactiones, atque in illa periodo, qua hæmoptysis contingere posset, ac quæ olim narium hæmorrhagiis adsueta fuerunt, & harum incompleta molimina experiuntur.

Causæ procatarcticæ sunt, exæstuatio, motus nimius, spirituosa, animi pathemata graviora, sc. ira, refrigeratio immodesta, corpore calente admissa, evacuationum solitarum, præcipue hæmorrhagiæ narium, suppressio,

pressio, artificialium ad veterum intermissio.  
ictus, contusio, lapsus, ponderis gravioris  
elevatio, etc.

Peripneumonia frequentior pleuritide, qui  
quidem diversus status per sputum cruentum  
discernitur.

Pleuritis est inflammatio in musculis inter-  
costalibus & quandoque in pleura; Peripneu-  
monia est in ipsis pulmonibus.

Oritur versus meridiem aut mediam noctem  
cum horrore, nausea, vomitu, sensu punctu-  
ræ in alterutro latere pulsui respondente.

Tussis individua est, non tamen exacer-  
bans statum, cum æstu, agrypnia, gena-  
rum rubore, languore, urina copiosa flam-  
mea, alvi stipticitate.

In peripneumonia major anxietas & respi-  
randi difficultas; in pulmonibus percipitur  
sub respiratione gravis renisus & dolor.

Prognosis: Hæmorrhagias narium & qui-  
dem salutare quidam experiuntur, qui &  
multo sudore critico solvuntur.

Et quando 4to die in urina coctionis signa,  
7mo expectanda largior sudatio, quando-  
que exquisita critica.

In Subjectis cholericis, si discussio 4to die  
non sequatur, sed suppuratio immineat, cum  
dolorum continuatione; tum facile & eo  
magis aut funesta evadit, aut in hæcticam  
transit.

Delirium, vomitus, diarrhæa, aut convul-  
siones haud adeo boni ominis sunt.

Em-



Empyema verum rarus est affectus, in annosis lethalis, maxime in subitanea dolorum remissione & respirationis ingravescentia.

Sic apostema a pleuritide natum, quando pus in cavitatem pectoris effunditur, & sub commotione corporis in pectore fluctuat, certe periculosum; in peripneumonia periculosius.

Qvo statu febris & dolores quidem remittunt, sed lentus status fit.

Per paracenthesin quandoque thoracis pus evacuatur, & ablesus quodammodo repurgari potest. Quando vero materia purulenta in pectore remanet, ipsos pulmones afficit, & hecticam, phthisin, imo mortem inducit.

Hi vero affectus incongrue exorientes sicque adultiora & senilia corpora corripientes, semper periculosiores sunt.

Therapia ait, quod traumatica suppurationem adstringant, & hecticam accelerent.

Præstat discussio promota per salina diuretica colliquantia. Calida præcipitant tranquillam talem resolutionem. Plethoram V. Stio matura tollit. Acida vegetabilia æstum mitigant: mineralia tussim augent & diuresin. Alvi irritatio inflammationis absterisionem avertit & impedit.

Si epidemice grassatur, tunc magis lenis tractatio indicatur.

Pleuritis spuria rheuma arthriticum est,  
non

non vero inflammatio pectoris; facile tamen eo inclinat. Incipit cum horrore succedente calore, puncturis lateris pulsui & inspirationi coincidentibus, vagantibus, urina tartarea cum crystallis rutila, æstus augetur in sanguineis, cholericis, in diætâ vinosa.

### e.) Nephritis.

Subjecta sunt plethorica, hæmorrhoidalia, facile spasmodicis afflictionibus & aliâs aliis superioribus hæmorrhagiis, addicta, juniora.

Ad tale molimen hæmorrhoidale per renes disponunt vênus, diætâ spirituosâ, diuretica fortiora, balnea, equitatio &c.

Levior & brevior est affectus, quam lienis aut hepatis inflammatio.

Adsunt ardores, puncturæ, dolores ardentés, acute strictorii, in alterutro lumbo, virium dejectio, angustia, appetitus defectus, febris, vomendi conatus, alvi segnities, urina pauca & tincta.

Ut plurimum ren sinister laborat, quando vero hoc malum insistit, simul alter ren in consensum trahi solet.

Nephritis simplex non nisi per incongruam medendi methodum degenerat in calculum verum.

Quando congestio, constrictio & inflammatio aliquomodo remittit, tunc urina paulo

paulo largius exit, hinc limoso-roseum sedimentum deponit.

Vera renum inflammatio complectitur statim sanguinis cum læsione urinæ, in supurationem aut ulcus, nisi mature prævertatur, abeuntem; in nephritide v. subest tantum congestio sanguinis major & stagnatio, sponte & arte facilius discutienda; nisi tamen hoc succedat, maiorem inflammationem & ulcerationis periculum illatura.

Inflammatio vesicæ adest, quando dolor circa regionem pubis in perinæo cum pondere constringens urget, cum mictu difficili, stranguria, tenesmo, alvo adstricta, febre lenta.

Magis familiaris viris, quam foeminis, senibus quam juvenibus, præsertim hæmorrhoidariis, aut calculo renum vel vesicæ laborantibus.

Malum communiter diuturnum & difficilius curationis, ac degenerat subinde in verum ulcus.

## f.) Phrenitis, & Paraphrenitis.

Subiecta, quibus ab internis commotionibus contingunt, sunt communiter iuniora plethorica, activiora, cholericosanguinea, Sanguineo-cholERICA, ad incandescentiam proclivia, spontaneis excretionibus sanguinis, ut narium, adstricta; commotionibus præcedentibus vel præsentaneis obnoxia.

Idiopathice magis exoriuntur ex repentina

lan

sanguinis congestione in intimiora capitis, ob  
subitaneas hæmorrhagiarum suppressiones,  
vel omissam adsvetam Venæsectionem, scari-  
ficationem, ob iram etc.

Occasionaliter fit in febribus a venæsectione  
intempestiva, vel a calefacientium remedio-  
rum & regiminum adhibitione, vel in activio-  
ribus a refrigerantium etc. cometione.

Accidentaliter ab ictibus & percussioni-  
bus capitis periculosioribus.

Signa antecedentia sunt vigilæ immodicæ,  
fortis pulsatio in capite, respiratio magna,  
rara, suppressio urinæ, aliquando paucæ san-  
guinis ex naribus stillæ. Præsentia sunt  
oculi rubicundi & truces, alienatio mentis,  
verborum sine sensu & ordine prolatio, la-  
crymarum involuntaria effusio, dentium  
stridor, extremorum frigus, violentia in cir-  
cumstantes, laboriosum erumpendi cona-  
men.

Deliria phrenetica consistunt in inflam-  
matione meningum & satis communiter  
magis symptomatice ex raptu humorum ad  
caput acutis febribus superueniunt: raro  
per se contingunt, nisi ad minimum vehe-  
mens cephalalgia præceserit, aut concurrat.

In Paraphrenitide nullam diaphragmatis  
inflammationem observatam fuisse in  
Bonetti sepulch. anat. &c. asseritur. Hinc  
magis esse affectum complicatum sive in  
pectore s. abdomine testantur phænomena  
internæ inflammationis.



Phrenitis mediocris per initia non tam periculosa est quam in statu; cum aliis a malis signis, præcipue virium jactura, summe ambigui eventus; critico die, aliis signis conspirantibus, narium hæmorrhagiarum impeditio prodromus est; sed non sine periculo.

Castrensi stricte dictæ s. Hungaricæ feбри quasi essentialis est non tam phrenitis, quam paraphrenitis, a ventriculi, vel diaphragmatis, vel alia interna inflammatione derivata.

Quoad prognosin febris est acutissima & periculosissima; raro ultra dies 7. excurrit, sæpiusque hoc die vel antea jugulat.

Urina aquosa, Dejectio albicans stridor dentium & convulsio, rigor & lethargus, signa sunt lethalia;

Item dementia cum vigiliis, alvus cum urina pertinaciter compressa, distensio neruorum & contractio, syncope.

Contra illa dementia spem præbet, quæ continuum risum admixtum habet, maxime si superveniat fluxus hæmorrhoidalis.

Therapia: Oleosa, Salia volat. concentrata calida, opiata, camphorata, magis nocent quam prosunt.

V. Stio in fronte ambigui eventus. Aliàs salutariter exit uel sudoribus vel largo sanguinis profluvio hic morbus.

Veteres itaque medici prudenter annotarunt, quomodo in hisce affectibus narium hæmorrhagia tempestiva admodum profuerit

Cap.

Cap. VIII.

*Historia febris catarrhalis.*

**S**ubjecta sunt familiariter sanguineo-phlegmatica, spongiosa & seri inquinamenti abundantia.

Causæ occasionales contribuunt; veluti refrigerationes immodestæ, tempestas frigido-humida, retropulsio scabiei & aliorum ulcerum, spiritus vini abusus, transpirationis impedimenta, potus frigidus, calente corpore, sumptus, coryza retropressa etc.

Evenit dispositioni catarrhali. Præcurrunt vel statim junguntur gravedo, coryza, fauces cum raucedine, deglutitionis molestiis, imo erisypelacea intra collum constitutione prægravantur. Adsunt capitis gravitas, prægravatio pectoris, tussis ferox, parum tamen excernens, languor universalis, sitis, calor febrilis, per noctem exacerbatus, pulsus celer, appetitus prostratus, somnus turbulentus.

Exsurgit circa occasum Solis, versus æquinoctia, vere, præcipue autumno.

Quæcunque v. continuæ inter ortum & occasum solis invadunt, fere inconstantes, vagæ, aut in intermissionem proclives sunt.

Veteribus quotidia, imo phlegmatica dulcis salsa & rheumatica dicebatur.

Sistit communiter indolem continentis

sine invasione cum frigore & horrore. Est quidem sine typo, sed non sine periodo & criticis alterationibus.

Vomitus & alvi profluvium (quod non æque perniciosum; nisi excedat) accidunt à principio; in fine v. per coctionem, sudor vel diuresis.

Si virtus fuerit debilis statim ab initio, vel appetitus dejectio adsit, lethale. vid. Forest.

Angina magis per accidens accedit, vel ob malum regimen vel medicationem, sicuti & febris lenta, quando ex hac febre exoritur.

Erysipelati frequenter supervenit, quo subito disparente pectus prægravatur, & anhelosiores fiunt ægri. Hanc conversionem Hippocr. malam pronunciavit.

Hic non adeo eminenter tussis sentitur, quia non tam pectus, quam præcordia, ventriculus, œsophagus, diaphragma ab erysipelate retrocedente afficiuntur.

Inde est, quod febres ejusmodi rheumaticæ in floridis sanguineis biliosis cito ad interiora conversis, præcordia & hypochondria, maxime dextrum invadendo, inflammationes viscerum producant, & ita primum insultum cum horrore forment; maxime si malum ortum sit ab externo frigore, ira, motu; unde vomitus biliosi accedere solent.

Urina, ut in omnibus febribus, est aurantia, crassa, primo sine secessu, ac sedimento; at huic peculiare est, quod pauca mora  
vitra

vitra tenuissimam cutem inducant, lacteo colore rubentem.

Contagiosæ sunt etiam hæc febres; imo à diaphoretico regimine facile petechizant, quod per se non faciunt.

Pejoris m. indolis evadunt, si in ver aut autumnum incidant, ubi sensibilior sanguinis commotio existit; acrior enim fit facile inflammatio.

Epidemica constitutio catarrhalem benignam larvam induit post hyemem tepidam; ubi repentini tumores glandularum sub auri-  
bus, maxillis, collo, faucibus, cum deglutiendi difficultate &c. exoriuntur.

Febricula lenis accedit, ut orthostadia non impediatur.

Discussione vero non rite succedente, acerbior redditur cum inquietudine, anxietate, vomitu, fluxu ventris &c.

Eo magis ejusmodi rheumata epidemica distinguenda sunt, quo magis repente cum capitis gravitate, perturbatione, dolore acriore, appetitus & virium languore, febre acutiore invadunt; ubi corruptivus status prouti serum mucidum ejicitur.

In ejusmodi statu, si post tussiculosa initia aphthiferæ & prunellodes congestiones succedant, majoris sunt considerationis hæc consecutaria, quam anorexia, agrypnia, gravedo cephalalgica.

Ex hisce patet, has febres lenes esse &

K 3

lenta-



lentarum commotionum ; acutæ tamen & satis exquisitæ periodi.

Prognosis: Simples catarrhales constitutiones per se periculo carent; quo vero acrior inflammatoria subest stasis, eo propius ad acriores, raucedines, cynanches, erisypelaceas, peripneumoniacas diffusiones, & causticas exulcerationes accedit, hincque periculosior evadit.

Hæc febris admodum sæpius diuturna; ita ut in non nullis ante 40. dies non finiatur secund. Forest. obs. 33. lib. 11.

Urina subtilis in substantia, & pauca in principio cum deliriis, debilitate virium, difficili respiratione mortem propinquam significat; uti & tempus admodum frigidum & humidum, habitus pituitosus, paucus sudor, paroxysmus longus, somnus profundus, simile prælagium adferunt.

Uti limositates in dentibus febrem fortio-rem ac diuturniorem; ita sudor citius magis copiose apparens eandem brevioris periodi fore prælagiunt.

Sic Forestus cit. loc. paroxysmo incipiente cum stupore quodam ac somni profunditate, a multis oscitationibus, facie tumida, quodam livore comite, facile in carum ægrum prælapsurum adserit.

Item si facies pallida citrina, oculi concavi, cutisque, veluti corium siccum, tensa & arida fiat, in hecticam transire vel cum eadem mixtam esse febrem hanc docet.

In hypochondriacis, plethoricis, mensium vitiiis semper gravior est hæc febris.

Coacta regimina turbant & materiam ad interiora retropellunt, cum infausto successu.

Therapia: Spontanea diaphoresis placida, statuta est utilissima, si justo tempore promoveatur vel sponte procedat.

Alexipharmacorum usus providus sit, nisi petechizantem statum inducere velimus: imo ex abusu prædicit Baglivius mortem.

Quam ob rem assiduæ moderatæ transpirationes naturæ molientis potius expectandæ, quam alexipharmacis stimulantæ.

In teneriore ætate aquæ diapnoicæ sufficiunt, fumaris tamen exulet; uti & lignosa, catarrhalia; succinata simplicibus catarrhis quadrant; hic vero exulent, nec non salia volat. urinosa, oleosa, spirituosæ, opiata.

Una cum leni diapnoico regimine diuretica lenis abstersio ulcerosæ acrimoniæ & commotioni humorum intestinæ in hac febre convenire videtur per absorb. nitrosæ, quæ in rheumaticis retrocessionibus utilissima sunt.

Ob lenem internam diapnoem continuandam, æger convalescens, aeri moderate affuefiat.

Pro usu demum therapeutico differentia tenenda est in ejus statu acriore sanguineo, a stasi urente catarrhali, rodente, ulcerascente, venereo in naribus, infundibulo,

palato, tonsillis &c. nam per mercurialia augetur. Unde tanto magis omnis impetus & hic abesse debet: utpote hic lenis & levis absterfio febrilis sufficit.

## Cap. XI.

### *Historia febris Hæctica & Lentæ.*

**H**æctica Subjectis magis familiaris scioribus, sensibilibus, animi pathematibus expositis, uti & evacuationibus sanguinis consuetis & artificialibus intermissis aut suppressis & præcipue junioribus; item febribus sive intermittentibus sive acutis, in subjectis, diæta calida, vinosa, aromatica, utentibus, præpostere tractatis.

Causæ antecedentes ergo communiter sunt viscerum internorum inflammationes, abscessus, exulcerationes, scirrhusa induratio febres acutæ, putridæ, quartanæ, diarrhææ, dysentericæ diuturnæ, hydropes, cachexia, dispositio hæreditaria &c.

Ejus Symptomata sunt per leves occasiones inductus calor siccus, languor p. n, animi fastidium, inappetentia, sitis, major potus quam cibi, & ex in his major frigidorum quam calidorum appetentia, caput vertiginosum, somnolentia magis delasans, quam  
refi-

reficiens, alvus irregularis, sudor colliquativus & diarrhæa in fine &c.

Specialissime sensibiles sunt sub tempestatis mutatione, & ferunt fere melius, (domi tamen) pluviosam quam gravius serenam. Æquinoctia & Solstitia fere fatalia sunt, neque illud tantum, ut vulgi opinio est, ex tempestate, sed sæpe ipso die aut circiter; maxime quando febris intenditur, cum exacerbatione reliquorum symptomatum.

Quo sensibilius vero dicta symptomata sese exerunt, eo magis exacerbatio febrilis accedit: sc. post pastum torpescunt magis & incallescunt, maxime in volis manuum.

Color faciei quidem vividior est, sed in reliquo corpore major languor, sitis &c. sentitur.

Hæc omnia exacerbantur sæpe, daß sie sich auch über alle Macht aufhalten müssen.

In lenioribus vero exacerbationibus, imo extra illas, nutritio lente succedit; magis in longum quam amplum. Si tamen contingat, laxior semper & subtumidus est habitus.

Tusis formaliter omni hecticæ non convenit. Tusces in pectoris ac hepatis induratione frequenter perennes sunt: illius humidior, hujus siccior est status.

Febris hectica interim manet auctior sanguinis motus, pro perpetua absterfione ulcerosæ labis ac corruptionis in aliquo viscere



susceptus; independent prædicta symptomata.

Diagnos̃is interea visceris læsi difficilior est; sensatio & morbi prægressi aliquid indicant. Itaque

Si dicta hæctica pathemata incidant in subjecta sensibilia, ab auræ tempestate, acidis, animi pathematibus, cibis crudis, motu corporis : & inde succedat languor corporis, color pallidus, oculi lividi, volatici ardores cum rubore genarum : tunc est hæctica pulmonum.

In hepatis vero vitio tussis est sicciore, faciei color lividus, hypochondrii dextritensio etc.

Sic renum hæctica ex præcedanea nephritide dijudicatur.

Lienis vero ab anxietatibus hypochondriacis conjunctis etc.

Differt à Lenta. In ea m. 1) febris acuta inflammatoria præcescit, & hæctica instar acutæ succedit continuæ 2) Essentialia signa gradu non solum majora sunt v.g. languor, fastidium, agrypnia, extenuatio, exacerbatio post assumpta etc. sed eorum major ad plures septimanas duratio accedit. 3.) Interea auge-tur tabes, & 4.) vitalium torpor. 5.) cum exacerbationibus acerbis sine typo, ferociore impetu, non in sanitatem, sed in languidiorē febrem mitescente. 6.) viribus itaque corporis & animi semper in pejus ruentibus.

In specie de Lenta notandum. Nam est ex continuarum censu, nec oritur sponte, vel  
non

non tam diu durat, sed in typicam abit, & facile succedit, febribus e. g. typicæ vel acutæ continuæ, diariis, quotidianis: vel intermittenti ut tertianæ, præcipue in plethoricis, ubi diaphoresis retardata fuit, vel ubi perversa methodus adstringens vel nimis calida adhibita fuit; sic & hæmorrhagiis excedentibus, gravioribus vulnerationibus, longioribus morbis præcedentibus etc. 2. Lenta, nisi in typicam abeat, potest transire in hæcticam, 3. lenta vel mitescit vel in aliud schema transit, hæctica non. 4. Lenta in profusos statim ruit sudores; Hæctica vero non nisi consummata sit. 5. Et illi sudores non tanti periculi sunt, facileque obtemperant medicamentis, quod sudores hæctici non faciunt. 6. Lenta de vehementia in dies remittit, hæctica augetur.

Indicia lentæ sunt, lapsus virium insignis, appetitus remissior non penitus dejectus, sitis, mediocris corporis calor, stupor capitis, temulenta capitis turbatio, maxime in plethoricis, color corporis pallidus cum genarum rubore, sudor largior sub omni somno. Urina in prima emissionem est rutila, crassa cum sedimento roseo, liqore claro superstante.

Quandoque præter sudorem hæc febris sese ventilat cum diuresi.

Transitus lentæ in hæcticam fit, quando appetitus redire videtur, reliqua symptomata tamen persistunt; maxime si sicca tussis urgeat, laboriosior respiratio, præc. si in  
unum

unum vel alterum latus fiat decubitus, sensibilis gravitas in hypochondrio, dextro &c.

Quodsi lenta recentior, & tertiana vel alia intermittente legitima s. composita nata, in intermittentem simplicem transeat, minus periculosa est, quam si in lento typo continuet, aut in hecticam vel acutum statum transmigret.

In hectica constans nulla prognosis, quia innititur internæ corruptioni.

Juniores & activiores hectici, ob nimiam impatientiam, citius moriuntur, quam adultiores, temperatiores, & qui sunt continentioris animi.

Hectica dysenteriae, acutis & hæmorrhagiis superveniens, mali eventus est.

Sudores colliqvativi, diarrhææ hecticorum, profecti & funesti mali signa, adstringentibus & anodynis tractatæ, accelerant eo magis mortem.

V. Stio curatoria nihil utilitatis, quandoque præservatoria, si necessitas, adfert.

Exulent ubique purgantia, vomitoria, Saturnina, antimonialia, nimis refrigerantia, abulus absorbentium terreorum, bolarium, adstringentia, Salia volatilia, Expecto- rantia, Balsamica, anodyna. etc.

Experientia vero comprobat lenem expeditionem per acrimoniæ urinariæ abster- sionem ex absorbentibus, ostraceis cum succo citri,

citri, tart. vitriol. aceto destill. qvibus nitrosa, emulsiva interponantur.

[Post exacerbationem discussio lenis alexiph. ex] rad. pimp. vincet. hel. subjicitur. Humectatio medica & diætetica utiliter conjungitur.

Balsamica pro scopo præservativo tum demum locum habent; antevertendi exacerbationes febriles, præmisla V. Sne. & qvidem temperata ex succino, scord. maxime si ab evacuatione omisla hæctica orta sit.

Eqvitationem pro hæctica abdominis pro levamine commendat Sydenhamius. Confert & navigatio, dum nautis raro hæctica ingruit.

## Cap. X.

### *Historia febris ephemeræ continentis & synochæ.*

**F**amiliaris est plethoricis, floridæ ætati, & qvidem juniore sanguineo-cholericis, succulentis, monachis otio & ingluviei deditis. Evacuationibus naturalibus & artificialibus adsuëtis intermissis, & talibus motibus succedentibus, &c.

Excitatur communiter, ab aere frigido post calidum subitaneo, exæstuatione, crapula, motu vehementiore, vigiliis excedentibus, à consuetis excretionibus transpirationis, sudoris



Sudoris, urinæ, alvi, mensium, hæmorrhoidum lochiorum, interceptis vel suppressis, venere immodica, laboribus nimis, gaudio effuso, ira, macore, tristitia immodica &c. Plethora ubique est causa materialis objectiva.

Invadit sine repentino horrore & frigore, sed majore sanguinis commotione; Inde insignis capitis dolor, calor inflatorius, punctorius, tensivus, facies rubicunda; turgida, virium & appetitus dejectio, sitis, & ubi nimia voracitas, vomitus, urina tincta roseum deponens sedimentum, pulsus celer. etc. prodeunt.

Incipit diluculo circa solstitia, peracta tertia cococtione, pergit æquali tenore subinde ad 7. diem, ubi crisis per hæmorrhagiam narium vel sudorem copiosum fit.

In Ephemera v. ab exæstuatione externa solum subnata, periodus talis intra 1. vel 2. diem terminatur, nisi in sua indole turbetur: tunc transit in ephemeram plurium dierum.

Si vero impetus excedat, & omnia symptomata vehementiora fiant, tunc facile phrenitis vel angina criticis & aliis indicatoriis diebus accedit, & stases periculosas internas producit.

Crisis hæmorrhagica quoque sæpe excedit, vires consumit, vel suppressa, hæcticas, cachecticas, hydropicas, hypochondr. valetudinarias viscerum obstipationes relinquit.

Interdum hæc febris comitatur bubones in locis glandulosis, ingvine, alis, circa aures &c.

etc. quæ tamen mitis & periculo vacat, si bubones ex causis evidentibus nati sunt; secus ubi hi fiunt a delitescente intus causa, ut viscerum inflammationibus, humorum malignitate pestilentiali.

Per se adeo periculosa non est, & ut plurimum intra 24. horas terminatur. Ephemera, sed plurium dierum, talis febris in junioribus soluitur hæmorrhagia, in adultioribus sudoribus largis. Si vero sine sudore declinet, aut hoc exeunte diem tamen naturalem excedat, cum calore post assumptos cibos intensiore, & pulsu duro, succedit hectica; præcipue in macilentis biliosis subjectis.

Sin vero calor magis augeatur, cum urina tincta sine digestionis signis, male olente, & corporis foetore, 5 vel 4 die in putridam periculosam, præcipue in cacochymicis, permutatur.

Aliàs in synocham abit in humidis & calidis, cum inflatione faciei insolita, rubedine pulsuque pleno.

Calor siccus, cephalalgia continua usque in crisin increbescens, ad hæmorrhagicam congestionem tendit.

Subinde etiam ad variolas s. morbillos fit transmutatio critica vid. Forest. Lib. 1. obs. 17.

In junioribus male cedens synochus phrenitidem, convulsiones; in adultioribus sopores excitat; in sanguinis constitutione crassa facilis

facilis transitus in lentam, hecticam, tumores.

Facile etiam anginae & peripneumoniae malo omine accedunt: illae in incremento, hae in principio.

Alexipharmaca calida & regimina coacta nocent, & aestum magis augment. Camphorata in & externe progressum turbant. V. Stio praecipue in simplici supervacanea.

Sufficit dilutio, temperatio nitrosa, & acida & subacidula in sanguineis; Alcalina absorbentia cum nitrosis in cholericis. Magis alexipharmaca cum praecedentibus in phlegmaticis etc.

Ephamera in lentam vel hecticam transiens, facilius curatur, quam si a schirrhis vel ulceribus viscerum propullulant successus tabidi.

In Synocho putri plerumque Subjecta sunt juniora plethorica, in diaeta plena & regimine irregulari constituta, sanguinis evacuationibus aliâs adfreta, & jam aliquomodo turbatis.

Et in hac finis duplex est, primarius, qui circa qualitatis depurationem; secundarius, qui circa quantitatis imminutionem versatur.

Sic periculosior noscitur ex urina livida, aut foetida, excrementis faetidis, sputo subinde amaro, pulsu inordinato, symptomatibus acrioribus, mentis alienatione, statu diuturniore ad diem 11. 14. etc.

Alvi fluor sub initium copiosus a copiosissima.

materia morbum brevem reddit : maculae purpureae die critico salutares, alias lethiferae.

## Cap. XI.

### *Historia febris purpureae.*

**S**ubjecta, quibus facile evenit, sunt juniora plethorica, otiosa, plena diæta viventia & iracunda; præcipue familiaris quibusdam puerperis, &, vel id magis individualiter, vel epidemice, vel endemice.

Causæ sunt contagium, hæreditaria dispositio, evacuationes naturales & artificiales suppressæ & neglectæ, medicamenta exagitantia, regimina in. & externa calida, præcipue in morbis exanthematicis & catarrhalibus, diæta crassa in minus adsuætis. &c.

Invadit cum virium dejectione, horrore vel frigore aliquali, subsequente æstu. Anxietates insignes & angustia præcordiorum, artuum & dorsi dolores tensivi adsunt : Ardores faucium, magis anginodes quam aphtodes; in quibusdam lipothymia, interdum deliria sese exerunt.

Distinguitur in rubram & albam, quæ posterior præcipue miliaris dicitur. In aliquibus locis alba, in aliis rubra periculosior est; ac posterior familiarior est in Subjectis plethoricis. In aliquibus locis endemius apprehenditur affectus.



Succedit 2. 3. 4. die asperitas cutis sub-  
mida, præcipue in artubus, collo, corpo-  
re & pectore; quæ sensim, sed tamen satis  
tempestive, format numerosissimas exigua-  
as pustulas, aqvositatem continentes. Non  
dico persistunt, sed fere diei spatio disruptæ  
in adultioribus, & minus humidæ constitu-  
tionis, mature siccescunt.

In junioribus & tenuioribus humidisque  
excoriationes quasi & paulo diutius ma-  
nantem formam inducunt.

Sub toto hoc decursu nec vehemens pru-  
ritus, nec insignis ardor sentitur.

Rubra præcipue, subjecta, quæ semel occu-  
pavit, ægre desinit: sed per intervalla facile  
recurrat; imò in debilioribus, valetudinariis,  
& calido regimine viventibus, continuat fe-  
re sine notabili aliqua remissione per annos,  
sicque seminium quoddam deponit & relin-  
quit.

Dum rubra est cum aut sine evidenti febrili  
motu, hinc posterior haud tanti periculi &  
magis chronica dici potest.

His ita actis febris mitescit, & æger intra  
7mum diem ad se redit.

Historiæ medicæ testantur, quod hoc semi-  
nium purpuræ cum sanguine materno in in-  
fantes propagetur: unde hæreditarium ma-  
lum prodiit.

Subinde hoc inquinamentum etiam in aliis  
affectibus exanthematicis simul concurrit,  
veluti in petechiis, variolis, morbillis & præ  
alba;

alba; ubi primarii affectus tanto periculosiores evadunt.

Gravius quoque habent puerperæ a lochiis retentis, vel ira motæ, purpuram inducentibus

Differt a febre petechiali; 1. scilicet pustularum proventu, qui hic paucissimus. 2. materiæ contentæ diversitate, quæ in miliarum magis quasi purulenta existit.

Retrocessio purpuræ albæ, imo, quanquam iterum expellatur, ubi symptomata tamen, ut apthæ, mentis alienatio, anxietas summa, manent, ut plurimum est tethalis.

Idem tenendum de hac quæ cum petechiis præcipue mature erumpit.

Purpura vero rubra haud adeo peritiosa, præcipue quæ sine febre contingit; cum febre vero sub peculiari constitutione epidemica, vel sub languida eruptione retrocedens, quandoque funesta evadit.

V. Stio proprie non quadrat. Camphorata, calida alexipharmaca, regimina calida & nimis refrigerantia, item irritatio positiva alvi ubique nocent.

Purpura est omnium delicatissimus morbus, qui ergo temperatis temperantibus alexipharmacis, ac regimine accurato & curioso potius tractandus est.

Methodus albæ & rubræ fere coincidit, atque in genere haud multum recedit à cura exanthematicarum febrium.

Cap. XII.

*Historia febris Compositæ*

1.) ex acuta periodo.

**S**ynochus cum synocha, continens cum continua, synochus cum putrida, periculoso, ad minimum graviore successu, conjunguntur.

Synochus enim sanguinis abundantis resolutoriam consumptionem; Synocha vero qualitatis secretoriam depurationem intendit; qui scopus conjunctus difficiliter obtinetur.

Unde plethorici febre maligna gravius decumbunt; nam qualitatis secretio lentum progressum, quantitatis v. resolutio summam motus intensiorem requirit.

Inde Synochus non tantum periculi, quam putrida secum fert. Conjunctio vero actum febrilem laboriosorem reddit.

Synocha facile putres producit stagnationes, inflammatoriam febrem, hepaticam, phreneticam, anginosam. etc.

Synochi puræ septentrionali nostro climati rariores sunt.

Synochus æquali tenore cursum absolvit:

Continua vero non intermittit. *Gene liegen in einer hitze fort; diese wechseln umb, daß sie zu einer Zeit sehr hart angegriffen werden, zur andern sich wider leidlicher befinden.*

In

In continente non intenditur caloris gradus; impatientia major, quam æstus; oppletiva magis gravitas quam virium defectus obruit ægrotos.

Mentis turbatio levior, nisi phrenitis superveniat. Complicatio vero periculum adfert.

Crisis fit hæmorrhagica in anginosa congestione subsistens, cum mentis obnubilatione, aurium obtusione ac strepitu, oculorum splendore; ultimo apoplexia l. suffocativa mortis scena, & post mortem effusione sanguinis e naribus, infundibulo; quam erroneam crisin indicat strictura inferiorum, daß sie von unten auf sterben.

Si Synochus cum causo, variolis &c. conjungitur, gravis admodum status est.

V. Stio raro bene cedit; larga typum invertit; parcior sanguinem magis ad hæmorrhagiam invitat, atque statim lethalem in capite generat.

Calida alexipharmaca inde valde nocent; nisi larga V. Stio præcesferit, atque regimen διατρονισμὸν curiose conservetur. Illa vero ventilatio in primo principio fieri debet, imo versus crises repetita, in fronte, naribus, lingua.

Attamen talis miscela morbi methodum leniorem per diluentia, temperantia,  
L 3 diap-



diapnoica lenia, potum calidum, regimen temperatum praeferendam esse svadet.

## 2.) Ex intermittente periodo.

Hæ febres certas dies & certas quoque horas exacerbationis habent, & quidem cum frigore ac horrore recurrunt.

In paroxysmis subsequētibz, licet æstu, impatientia etc. sensibilibz acutis, sæpe tamen frigus vel plane nullum vel satis moderatum deprehenditur, ut extremitates digitorum, nasus, auriculæ leviter frigeant.

Tales compositæ v. sunt modo tertianæ, modo quotidianæ, hemitritæ, præsertim si quoad horas recrudescentiæ varient.

Tales febres raro exquisitum tempus servant, sed plerumque anticipant, quod non adeo malum, si 1. vel 2. horis fiat; pejus v. si plurimum anticipent, vel vago motu titubent. Quæ multum anticipant, & breve frigus formant, illæ præcípites sunt ad statum acutum inflammatorium.

Si vero parum anticipent, aut plane postponant, inclinant in lentam, & hæcticam, nisi recte curentur.

Quodsi v. sensibiles remissiones ante novum insultum exhibeant; tunc mitiores & minus periculosæ sunt.

Tertianæ & quotidianæ continuæ in talem diversum statum in specie inclinant.

Quartanae v. continuæ facile in lentum, imo

imo hecticodem statum, vel duplicem typum, transeunt.

In genere omnes compositae febres proclives sunt in acutas aut instabiles typos.

Recidivae vero, quancumque typum intermittentem & quasi benignum forment, nunquam tamen suspicione carent.

Quod quidem eo certius contingit, quando prior febris status adstringentibus obrutus fuit.

Hectica ex his, praecipue in subjectis siccioribus & strictioribus; in laxioribus oedemata, hydropes etc. facile fiunt.

Aliquibus tussis & pectoris angustia phthisin praesagiunt ac sensim inducunt.

## Cap. XIII.

### *Historia febris secundariae ac symptomaticae.*

**S**ecundariae febres adiunguntur inflammationibus & abscessibus internis, congestionibus arthriticis, affectibus biliosis, vulneribus, maxime sensibilium tendinosarum & nervosarum partium laesionibus, acrioribus dysenteriiis, alvi fluxibus, urinæ suppressionibus diuturnis, scabiei suppressae, ulceribus repressis, calculo, colicae, rheumatismis, lochiis, secundinis putrefactis, foetui in utero mortuo. &c.

Symptomaticarum nomen minus congrue hic usurpari docet Stahl. in *disl. de febrib. secund.*

Sunt sine typo; quae vero cum evidentiori typo invadunt & progrediuntur, vel non sunt inflammatoriae, vel benigniores. Quo magis ergo typum tranquille servant, eo minoris sunt periculi.

Malignitas non competit febri, sed humori stagnanti.

Fundamentum latet in staseos discussione, vel si hoc fieri nequeat, fermentativae portionis depulsione.

Crises nunquam expectandae neque expediendae sunt. Ad acutum tamen schema inclinant, & staseos discussionem ad 4. diem intendunt.

Lenta v. discussione opus est in abstersione discusforia ulcerosorum internorum adfectuum, ne sub impetu collectio sanguinis corruptionem praecipitet.

Unde talis lenta discussio facile exacerbatur in acutius schema per externas occasiones.

Pulmonum exulcerationes prae aliis visceribus hujus febris feraces sunt. Habent tamen ejusmodi affectus a febris separatam existentiam, quippe qui febrem stricte non supponunt; quia non desunt exempla vomitarum & suppurationum viscerum sine febre pus effundentium. Qvalia subjecta sub corporis

poris motu intemperantiore, & vini largiore potu, suffocationem derepente lethalem incurrunt, & si demortui secentur, pulmonum suppurationes inveniuntur, cum vivi ab hecticis caloribus prorsus fuerint immunes.

Rheumata arthritica patent huic etiam feбри, maxime in subjectis sanguineo-cholericis, plethoricis.

Arthritis & podagra, haud libere procedens, s. retrograda, hanc febrem facile inducit.

Si vero segniores fiant retrocessiones. loco febris tumores œdematosi ac hydropici subsequuntur.

De Erysipelacea, quandoque epidemica, febre, acriore biliosa, notatur, quod ejus materia acris per humores ad superficiem expelli debeat, nisi ex regurgitatione maxime ægros in gravia damna conjicere velis.

Intus enim lethales viscerum corruptiones facile relinquit; Extus vero moderato calore a reliquo sanguine distrahitur: temere vero intercepta, facile ulceratio phagadenica, vel plane sphacelosa, subnascitur.

Istæ v. expulsiones erysipelacæ, quæ per apostases actu biliosas formantur, tanto magis his periculosis eventibus subjacent; unde initio facile ad interiora regurgitant, ac subsistentes aliquamdiu cum interioribus conspirant.

Simplex v. erysipelas non semper est cum febre; sed erysipelati adsueti imprimis foc.



minæ, a levi ira, terrore vel repentino timore, tacite illa febre corripuntur, maxime si sensibilis phlegmaticæ sint constitutionis, cum languinea, cholERICA, natura symbolizantis.

Ejusmodi febres CholERico - Erysipelacæ quando vel sponte per ægros turbulentiores, aut ira adhuc gliscente (vel arte) intempestivis aut perversis humorum commotionibus vel casu, (malo regimine, aut dispositione prægressa) a proportionato progressu turbantur; tunc extrusa aliqua portione, hærente a. adhuc aliqua graviore læsione in interioribus, in solennia illa tentatæ & insufficienter patrata criseos schemata, sc. languores repentinos, desperabundam virium & totius activitatis omissionem transeunt.

Simplex itaque & successiva staseos discussio felix habetur; cui proxime apostasis ad ignobilem partem externam accedit. Tertia v. deterrima est, quando neque discussio obtinetur, neque, licet aliquid extrorsum sit propulsum, reliquum plane dissipetur.

Vulneraria v. evidentior omnibus est, & evenit, quando hæmorrhagia, maxime plethora commota, violenter adstricta per adstringentia; vel si dolor pungens, ardens circa læsam partem, vel ingens confusio oboritur. Aut violenta constrictio & inde ingens congestio sanguinis coagulati, corrupturi sit præsto; vel quando a nimia hæmorrhagia debilitatus sit æger, & natura facta

facta torpidior; vel si æger inordinata diæta, calidis acrioribus, aut frigido potu utatur, imo in refrigeratione corporis, maxime partis affectæ, motu immodesto excedat; vel si pars ipsa sit nobilior, vel actu valde sensibilis, vel vulnus amplum, vel evacuationes debitæ, præcipue alvi, supprimantur.

Imprimis si his omnibus causæ antecedentes in humoribus & animi adfectibus diuturnæ prægressæ accedant.

Inflammatoriæ accidunt in inflammationibus multum materiæ complectentibus.

Cum Inflammationibus partium abdominis, præcipue non valde exquisiti sensus, fere typus tertianarius complicatur.

Febres Lochiales facile in veram febrem exardescunt, quæ tamen, uti aliæ omnes symptomaticæ, proniores sunt in continuarum typum, quam intermittentium.

Tali febrili motu aliæ quoque excretiones erumpunt, unde horrores lactis: it. horrores, fluorem album aliquandiu cohibitum, expellentes.

Motus febriles à scabie retropulsa, ulceribus antiquis consolidatis, pedum sudoribus cito suppressis, evacuationibus artificialibus sanguinis admissis vel cohibitis, dentitione difficili, foetu mortuo. &c. succedunt, similis proæac. eventus sunt,

Cap.

Cap. XIV.

*Historia februm intermittentium in genere.*

**G**enerale signum est, quod paroxysmus cum omnibus symptomatibus per aliquod tempus notabile interpositum relinquat vacuum à commotione febrili; Ut ad summum torpor aliquis & fatigatio, quasi a labore, & aliqualis appetitus imminutio vel tensio post cibos tantum restet.

Has febres plerumque præcurrere solet spastica quædam corporis exterioris commotio, tanquam longinquum quoddam molimen.

Sed exserit se tensione quâdam obscuriore, quam interpretantur ægri: Es liege ihnen in den Gliedern, sie sindt so müde, bleischwer.

Deinde accedit sensibilis pandiculatio cum oscitatione, appetitus fastidio, capitis perturbatione, gravitate somnolento-vertiginosa.

Hinc proxime transitus ad frigus & horrorem corporis exterioris, quem præcedit decoloratio insignis, extenuatio & veluti repentina emaciatio externi habitus. Et hæc increbescit insigniter in ipso paroxysmi frigido initio.

Hinc digitorum apices veluti acutiores, nares contractæ, aures compressæ apparent. Simul

Simul concurrunt valorum sanguiferorum exquisita evanescencia; unde totius corporis pallor & strictior habitus ac frigus. Succedit ita paroxysmus æstus.

Hæ febres sæpius existunt epidemicæ, & quando hoc, pertinaciores & periculosiores sunt.

Intermittentes differunt ab acutis, quod priores magis chronicæ, magis contumaces, neque ita periculosæ, nisi valde perturbentur, vel in malam consuetudinem abeant.

## Art. I.

### *Historia tertianæ simplicis & duplicis.*

**E**st hæc febris paradigma omnium febrilium passionum, actionum, motuum & effectuum.

Subjecta, quæ occupat, sunt magis juvenilia & virilia activiora, masculini præc. sexus, sensibilia, nauseabunda & voracia.

Materiam & occasionem suppeditant esculenta viscida, inordinata, pisces, caro dura, cibi cum nausea assumpti, ira suppressa, impedita transpiratio, vita sedentaria, otiosa, refrigerationes, scabies retropulsa, evacuationes naturales & artificiales sanguinis suppressæ, neglectæ, &c.

Huc referri meretur prægressa longa aeris  
con-



constitutio austrina, nebulosa, inde tertiana epidemica.

Usitatus invadit tempore verno & æstivo, et servat tempus paroxysmi magis ante & versus meridiem; circa tempus jentaculi in illis, qui jentare solent.

Interim post errores diætæ non statim ingruit paroxysmus; sed præcurrunt prius incommoda circa ventriculum & appetitum.

Sic de reliquo, antequam exquisitum typum prodatur, invadit cum capitis doloribus, æstu & defatigatione multa, adeo, ut facilius febris continua, quam intermittens prædici queat, donec paulo post cum simplici typo manifestior fiat.

Omnis paroxysmus præludit tensionibus artuum, ad oscitationem, pandiculationem, gravitatem crurum, brachiorum; tendentibus.

Proxime paroxysmum præcedit strictior habitus, quem vocant das üble Aussehen.

Signa præsentia sunt: notabilis horror & refrigeratio a regione lumborum ordinarie ascendens ad scrobiculum cordis. Hic sensus primis insultibus quasi formicarum fremitus tenerrimi tremoris forma sese offert, cum levi quasi aura frigida; quo magis v. increbescit, eo sensibilius frigus rudorem tremorem format.

Succedit nauseabunda & anxia angustia, quæ sub exitu mox in actuale vomitum, nunc cibi indigesti, nunc saburræ mucosæ,

nunc

nunc biliosæ finitur; quod quo maturius fit, eo citius febrem tollit, & contra.

In quibusdam solvitur paroxysmus frigoris cum parvo horrore & nullo vomitu, cum diarrhæa, præc. in minus vegetis, phlegmaticis, anæstis, vel in quibus mucus indigestus in primis viis diu hæsit, aut aliàs jam natura ad diarrhæas inclinât, vel motus emeticus ad exitum perducere non potuit, vel etiam contraria medicatione vomitus cum febre fuit cohibitus.

Utraque v. hac via paroxysmus frigoris non exiens febrem in longum protrahit, quia ad quaslibet anomalias hinc promptior est, faciliusque perversa medicatione in lentam, acutam, hydropicam metastasin transfertur.

Frigus per unam & alteram horam durans immediate excipit languor contusorius, als wenn ihn alles zerschlagen wäre; exceptis illis, in quibus nausea diutius continuat propter anxietatem internam.

Fit inde transitus ad æstum, qui successive vel præcipitanter ingruit.

Sensus adest oppletivus, inquietudo insignis, præcipue in plethoricis intensior, longior, cum pulsu celeri, frequenti, siti, siccitate oris, hinc: schmecket ihn alles wie Holz; in quibusdam amarities oris, in aliis cardialgia accedit. Urina est flammea, postea magis cocta.

Sudor

Sudor primis paroxysmis, non semper sequentibus v. 3. 4. &c, augeſcit.

Ordinarie in æſtu abeſt ſudor, miteſcente v. æſtu prorumpit.

Intermedio vero ſtatu inter æſtum & frigus ſunt vomitus in junioribus evemetis, & diarrhææ in adultioribus aliquando, quavis hæc quoque durante frigore procedant,

Horror importunior fit illis, cum plogiſtibus levibus emicantibus, qui evomunt; illis vero, quibus diarrhæa accedit, fit major rigor, quam frigus tremebundum.

Æſtus ordinarie ad 6, 8, 12. horas durat.

Pallor ſub æſtu ſuſpectæ malignitatis quid fovet; item ubi æſtus longior, & vehementior, ibi febris in continuam magis inclinat.

Æſtus poſt 8. 12. horas in ſudorem remittit, qui placide promotus reliquos paroxyſmos lenit. Nimium v. concitatus in febres compoſitas, lentas, acutas, ſudatorias debilitationes deducit. Impeditus & cohibitus in febrem magis chronicam langventem.

Quæ tertianæ ſine tempeſtivis ſudoribus affligunt, illæ pertinaciores ſunt; uti illæ, quæ vomitu & diarrhæa non ſolvuntur.

Si tertianarius paroxyſmus ultra 12. horas perduret, pro compoſita habetur ad continuam accedente, ſi præcipue vehemens æſtus poſt paucum frigus duret.

Ter-

Tertiana vaga in illarum typum proclivis est, quarum horis diutius immoratur; anticipans in continuam, postponens in lentas vel quartanam.

Rarius ante 4tum, sæpius vero cum 7mo paroxysmo, recte sc. observata & administrata indole, finitur.

Non vero observata in nostris climatibus, vel 4i. vel 7i. paroxysmi efficacia ad effectum quasi critice terminandum.

Si languidius vel maturius emanat, tum tamen alternis diei languoris insultum, fastidium, segnitiam, gravitatem, somnolentiam, refrigerationem relinquit.

Tertianæ autumnales communiter observantur difficilioris curationis, ipsis vernilibus.

Impetuosiores tertianæ vertente anno eodem circiter tempore facile recrudescent.

Suppressa præmaturius vel redit, idque salutariter, vel degenerat in continuas in subjectis calidis plethoricis, vel hæcticas, phthificas in segnioribus pituitosis, aut quartanas in autumno, aut in icterum hydrope, choleram alvi obstructions, appetitus vitia, cardialgias, affectus hypochondriacos.

Insolita edacitas, præcipue ante paroxysmum, Fress-Fieber, pertinaciam & diurnitatem prælagit propterea: Weil sie volle Nahrung haben.

M

Auctior



Auctior appetitus post febrem facile recidivam parit.

Peculiare huic feбри est, quod 1) in edacibus maxime in consuetudinem abeat, licet nulla semper urgeat materia 2) Quod in dispositis contagium e. g. contactu, lecto, bibendo ex iisdem vasibus, iisdem cochlearibus utendo exerceat. 3) Quod aliæ epidemicæ hunc typum semper mentiantur præc. tempore verno, quamvis haud raro sine peculiari majoris periculo.

Plethora hanc febrem magis incendit, & exasperat, & ægerrime medicamenta calida vel cohibentia tolerat.

Ordine v. exeunte febre, sanitas ut plurimum firmior redditur, appetitus vegetior, augmentum corporis majus, idque sæpissime tertiana sine febre soluta.

Et quæcunque sponte curantur, vomitoria sub frigoris finem, sudatoria sub æstus remissionem sunt.

Therapia: Hæc febris fere nunquam secure per purgantia, vomitoria aut per cohibitionem curatur.

1.) Catharsis veterum mitigat quidem, sed febrem ut plurimum longius protrahit.

2.) Recentiorum emesis in robustis aliquid, sed in tenerioribus, plethoricis, inconcocto mucos, nocet. In evemetis ad vomitum propendentibus facile hypercatharses inducit, eo magis, quando febris in habitum deducta, parum prodest.

3.) Cohibitio in robustis, perfecte antea sanis, post aliquot paroxysmos, quandoque sine praesentanea noxa adhibetur. Contra v. sine respectu ad paroxysmum, die sc. saltem vacuo, nihil juvat.

Noxia eo magis, si materia nondum praeparata, & evacuata, febris adhuc vigeat in plethoricis, sudores non vel parum promaneant, aut si largius adstringentia adhibeantur cum sudore coacto.

Et licet haec methodus adjumento videatur, sequitur tamen cum appetitus augmento alvi obstipatio pertinax, quæ ab adstringentibus introducta est. Stimulo vero cathartico referata, statim novi paroxysmi redeunt.

Minus itaque caute adhibita cohibitio, fonticas infert noxas, vel tardiores, ut, angustias insolitas, in magis plethoricis *Φλόγασες*, capitis gravitates, tensiones in abdomine cum borborygmis &c. vel praesentiores, pathemata, colica, inflammatoria, abscessoria Scirrhusa, icterum, cachexiam, oedemata, ascitem, tympanit: labem &c. vel praecipites, febres acutas, anginas, strangulationes, febres lentas sudatorias, anomalas vagas.

parcius datus cortex nil perpetui praestat, maxime materia nondum sublata.

Versus paroxysmum propius instantem datus nonnunquam vomitum vel alvi fluxum, aliquando utrumque simul excitat.

E contra aliam methodum naturæ medicantis adjutricem commendat experientia.  
 1.) Digestionem & præparationem materiæ adjuvare versus paroxysmum per Salia med. c. absorb. in magis chronico statu per amara aromat. pip. zingib. rad. arigent. v. herb. absynth. cent. m. 2.) sub finem æstus discussionem per alexiph. parca promovere. 3.) motum, ne in consuetudinem abeat, tollere per cort. chin. croc. ♂ ♂ii vel  $\Delta$ ris, pil. Wildeg. conch. uftas (in robustioribus) &c.

### Tertiana duplex.

Dignoscitur ex alternorum paroxysmorum conuenientia, ratione temporis invadendi & durandi vel utriusque.

Eget typus curiosa observatione, ut à quotidiana dignoscatur, quod facile fit, si tertiana simplex præcesserit.

Illud magis considerandum, an revera sensibiliter remittat. Ex negligente & calida tractatione facile in continuitatem inclinat.

Aliam curationem vix requirit, quam tertiana legitima.

Interim palliatione & cohibitione curata facilius recidivam vel acutam, sub temporis & tempestatis mutatione, parit. Quæ tardius recidivat, in simplicem degenerat.

Acutæ

Acutæ tales ex intermittentibus natæ, sunt peiores.

Anticipantes verò in continuam; postponentes in lentam, vel remissionem, si paroxysmi decrescant.

## Art. II.

### Historia quotidianæ.

**R**arior est aliis intermittentibus, & invadit subjecta magis phlegmatica, seniores & sexum sequiorem.

Causæ antecedentes coincidunt cum causis tertianæ, nisi quod hic quantitatis & qualitatis materiæ major gradus adesse possit.

Invadit tempore matutino hora 6. 7.

Adest frigus & horror ad horæ spatium cum vomitu, vel diarrhæa, vel utroque.

Insequitur calor satis æstuans, cum dolore capitis, siti, inquietudine.

Totus poroxysmus raro 6, horas transcendit.

Æstus paululum remittens sudorem spontaneum ordinarie producit.

Differt à tertiana duplici in eo, quod quotidiana constans & uniforme tempus invasionis & durationis singulis diebus exhibeat; in tertiana duplici non singuli paroxysmi, sed alterni sibi respondeant.

Terminatur fere breviori tempore ac



periodo tota febris, præsertim si dictæ illæ excretiones vegetæ succederint.

Reliquæ circumstantiæ eventus & curæ conveniunt plerumque cum tertiana.

### Art. III. Historia quartanæ.

**C**onsistenti ætati & ultra, segnioribus, melancholicis, splenicis familiaris est, raro junioribus, & infantibus non nisi epidemice.

Et est lenta incompleta præcipue in annosis.

Succedit quandoque aliis febribus prægressis, male tractatis, ictero, diarrhaeis suppressis, venereis morbis, passioni hystericae etc. male curatis.

Inter causas externas aer pluviosus, terror subitaneus, mœror, frigidus & sæculentus potus, irregularis & crassa diætâ prægressa, hinc Westphalis frequentior, abusus acidorum & osorum recensentur.

In feminis mensium vitia per medicamenta minus convenientia alterata; in viris hæmorrhoidum suppressiones, alvi obstructiones etc. notantur.

Autumnalis plerumque est, & horis pomeridianis tertia vel quarta invadit, usque ad futurum æquinoctium plerumque se se protrahens per semestrem tempus, hinc ut plurimum admodum pertinax,

Redit

Redit hæc febris 4to die, diebus 2 interval-  
cuis.

Imminente invasione ægri antea corrip-  
untur, nausea & torpedine membrorum;  
mox vertigo cum dolore capitis gravativo &  
præcordiorum, succedente rigore langvido  
& tensione membrorum (non fit horror cum  
stridore dentium, uti in tertiana, nisi in ju-  
nioribus, vegetioribus) id quod per. 1. 2.  
durat horas.

Frigus tale raro insequitur vomitus, nisi  
admodum prava diæta præcesserit, aut  
diarrhæa, ut in tertiana: sed alvi obstructio  
plerumque est sat gravis: conjunguntur  
tensiones in hypochondriis cum anxietate,  
in artubus fastidiosus languor, gravitas &c.

Dein lento gradu succedit æstus magis  
molestus quam vehemens, (nisi in junioribus  
plethoricis auctior evadat) cum odiosa sic-  
citate.

Quæcunque v. quartanæ diu æstuant ve-  
spertinæ, aut nocturnæ, aut vagæ in con-  
tinentem vergunt, vel lentam hecticam  
cum sudoribus sub somno, alvi siccitate &c.

Durat æstus vix utra 3. horas, donec tan-  
dem ægrum profundior capiat somnus tur-  
bulentus, cum pulsu debili. Adest dolor  
capitis gravativus, stupidus, Iunioribus ple-  
thoricis calidioribus vertigo insultat.

Duobus vacuis insequentibus diebus ægri  
sat bene valent, nisi quod sint non nihil tor-  
pidi,

pidi, morosi, & sensum habent profundum contusionis & contractionis, sunt flatulenti.

Appetitus valde vagus est. Sunt famelici, at die intermissionis ad prægravationem ventriculi proclives.

Appetitus initio fastidiosus, aslvescens a febre in voracitatem mutatur.

Potus parciore tenentur desiderio, vel plane fastidiunt consuetum potum, quamquam sitiant.

Tussis sicca & profunda satis quidem familiaris est, sed non ordinaria.

Somnolentia in paroxysmo non ita incommoda est. Cohibitio ejus v. vertigines & capitis graviores dolores adducit.

Prognosis: In quartanariorum sectis cadaveribus hepar plerumque reperitur aridum & corrugatum. Hinc uti hæc febris sæpe succedit, ita etiam præcedit icterum. Inde etiam familiariter hectica insequitur, nec non ascites, ædemata etc.

Ex translatione & apostasi afficiuntur sæpius pedes, unde tumores duriores, & non raro pessimi moris ulcerationes fiunt.

Adstringentia præmature adhibita, inducunt subinde icterum nigrum, hydropem, hecticam, asthmata, catarrhum, melancholiam etc.

Quandoque per se male decurrit, ex interna quadam constitutione viscerum mala, & eadem pathemata inducere valet.

Suppressa magis quam curata post annum, citiusque facile recidivat.

Sca-

Scabies, quæ interdum succedit, felicem febris decursum promittit, quanquam non minus molesta, quam contumax sit.

Sic solvitur quandoque per hæmorrhoides, urinas crassas, abscessus.

Ad nullam excretionem notabilem hæc febris ordinarie inclinatur.

Autumnalis ordinarie contumacior, & durat non raro ad vernum tempus, bis die Räume ausgeschlagen. Vernalis brevioris periodi observatur.

Reciprocantur interdum quartanae cum ictero, dyspnæa, tumoribus ædematosis asciticis, cachexia, tabe.

Interdum conjunguntur, & concurrunt; superveniunt, & complicantur.

Therapia: hic neque vomitoria, purgantia fortiora, v. Stiones, sudorifera, salia volat, uinola approbantur.

E contra alterationes, apertiones lenes abstersoriæ, lenes laxationes ex usu sunt.

Specificæ & sopientia non nisi sub remissione paroxysmorum, materiæ satis præparata & leniter evacuata, profunt.

Summa: uti quartana in se lento progressu & motu leniore gaudet, atque languida, lenesque solum resolutiones stagnationum in visceribus circa primas vias intendit; ita omnes commotiones impetuosiores absint. Hinc Ballonius dicit: cum quartanis agendum mitissime, ne officiosa sedulitas plus oblit, quam profit.



Specialis

Sect. 2da.

Anomaliæ Toni,

ubi occurrunt

*Historiæ Hæmorrhagiarum.*

Cap. I.

*Historia status hæmorrhagici,  
in genere*

quoad α. internas

β. externas.

γ. insolitas.

δ. incongruas.

ε. naturales.

ζ. Artificiales.

*Historia Hæmorrhagiarum*

*in genere.*

ubi

I. Internæ.

**S**ubjecta præcipue juniora, sana, agilia,  
sensibilia, plethoricæ constitutionis, vo-  
racia quæ vasibus instructa capacioribus,  
cholericis sanguinea, alacris animi, ad iram &  
terrorem præcipitia internis hisce crebriori-  
bus

bus ac largioribus prompte succedentibus hæmorrhagiis exposita observantur.

Interim non omnes plethorici in hasce incurrunt ; ingens enim hominum talium numerus vivit, non modo nullis subjectus hæmorrhagiis, sed m. neque periclitationibus & præsentioribus sanguinis commotionibus.

Et hoc maxime in illis, quibus 1.) animus est liber & tranquillus. 2.) Rerum non naturalium moderatus usus, 3.) absentia violentiæ externæ, & commotionis plethoræ per fortiores corporis & animi motus. 4.) neque exitus semel est factus, indeque nulli sc. motui ad excretionem repetendam sese assuefecit natura.

Unde & apud insuetos nullum notabile damnum insequitur per satis longum tempus.

Internæ causæ sunt præter temperamenti habitum, hæreditaria dispositio, plethora &c.

Externæ, assumpta aromatica, calida, potus spirituosus, aer calidior, humidior, frigidior, commotio incalescens corporis, lapsus, verbera, contusiones, & assuetudo.

Ante eruptionem inflantur vasa arteriosa & venosa in loco affecto, & longe lateque circa cum strictura partium remotiorum.

Ita e. g. in mensium fluxu minus expedito color & calor adest, aspectus attenuatus cum internis angustis, & sub levi corporis motu oppletionibus.

Erumpunt a. hæc ordinariè tacite, fluunt  
mode-

moderate, desinunt sua sponte ac tranquille.

Neque eas a vitiis craseos intestini motus tam augeri certum est, quam ab animi pathematibus, præc. consuetudine, quam facillime suscipiunt.

Adeo, ut quædam stata periodo etiam revertantur, ut maxime mensium & hæmorrhoidum fluxus.

Hæc periodus tam in genere ratione reditus, quam in specie ratione durationis, non adeo facile, multo minus perpetua & essentiali consecutione a crasi alteratur, licet ipsius fluxus successus minui aut sanguis ad exitum ineptior evadere soleat.

Prognosis: moderata hæmorrhagia nullo modo debilitat, sic nequidem largior fluxus spontaneus, modo non impetu repentino evacuetur, sed potius allevat, prægressam gravitatem eximia alacritate permutat, & a variis morbidis affectibus præservat, & curative ab iisdem præsertim assuetis eruptione sua liberat.

Imo Subjecta has certo tempore diu experta, & citius morbos superant, & vivaciores existunt aliis, qui hæmorrhagiis non adsveti sunt.

Causis v. & moliminibus ad exitum præsentibus nec tamen succedente hæmorrhagia multo periculosiores oriuntur affectus, sc. congestiones, dolores, æstuationes, stases, inflammationes, suppurationes, spasmi, palpita-

pitationes, convulsiones, translationes, & vagæ graslationes, corruptiones sphacelosæ funestæ: vel etiam febres, labore & duratione ancipites,

Differunt internæ α) essentialiter ratione ætatis & loci; puerili enim ætati hæmorrhagiæ narium, juvenili hæmoptysis, consistenti hæmorrhoides in- & externæ, vomitus cruentus: (in sæm. magis) lenili mictus cruentus eveniunt, fœminis peculiaris est fluxus mensium.

β) accidentaliter ratione 1.) consuetudinis, 2.) hæreditariæ dispositionis, 3.) periodi.

## II.

### Externæ

### Violentæ & passivæ.

**A**d has quadantenus pertinent lochia, hæmorrhagiæ narium à scalptione post pruritus, pectoris a gravi con-  
nili versus pondera.

In genere magis proprie huc referuntur:

Ruptiones a nilu vehemente, ponderum lapsu, e thorace, ventriculo, intestinis, utero maxime exeuntes.

Lacerationes a morsibus animalium & rerum asperiorum contusionibus, calculo.

Erosiones frequentius ab internis causis, ulceribus pectoris, renum, rarius ab externis, halitu corrosivo, &c,

Sectio-



Sectiones à quovis ulcerationis genere.

In his quancquam nimia sanguinis amissio damnum potissimum est, excretio tamen non admodum immoderata æquale incommodum haud infert.

Quod tanto magis valet, si plethoricis hæ obveniant, utpote qui in præsens minus periculi subeant à talij profusione, quam à præpostera illius cohibitione in futurum. Hanc facile insequuntur inflammationes, febres, spasmi etc.

Quid! quod anniversariis sanguinis motibus expositi sint, qui in ejusmodi casus inciderunt, non secus ac a scarificatione & V. stione neglectis & repetendis.

- Specialius a nuda vi externa hæmorrhagiæ differunt.
- 1) Ratione locorum sc. viarum.

Ubi e partibus spongiosis, quæ ex earum vulneribus hæmorrhagiæ procedunt, sæpius satis prodigæ sunt, præprimis in laxa corporis & spongiosa textura: non tamen communiter æquant illas profusiones, quæ ex ipsis vasculis incisis erumpunt.

Dispar vero ratio est ipsorum vasorum, in ramis sc. non in capacibus truncis, quibus alias inflicta vulnera, uti rara sunt, ita nimiae & funestæ profusionis.

Arteria enim insigniter consauciata (non item venæ, quarum vulnera cito & facile coalescunt) v.g. dimidia sui capacitatis aut amplius

plius incisa longe minus cohiberi potest, quam simpliciter sane resecta.

Unde cavendo ab infaulta tractatione per actualia cauteria; nullum certius hic datur remedium, quam plenaria dissectio, spiritu vini rectificatissimo ad sistendum sanguinem dextre adplicato.

2.) Ratione motus s. impulsus; qui singularis occurrit, in variis exemplis, ubi per ingurgitationem vini, cursum, & motum, animi pathemata, iracundiam, brutales libidines venereas, profusiones sanguinis præc, in dispositis, aut plethoricis admodum concitantur.

Commendatur hic paracelsi monitum: Mann solte das Bluth lauffen lassen, bis auf seine Stadt, ut sc. non supprimatur sanguis præcipiti impetu, sed potius largius antea fluere permittatur.

Pariter memorandæ sunt hæmorrhagiæ recrudescentes a præmatura aut rudiore & improvida escharæ, post violentas sanguinis eruptiones, obductæ, remotione.

Neque omittenda est circumstantia anniversariarum post hasce sanguinis profusiones commotionum, circa ipsa loca atque partes præcedente tempore violatas; de quibus m. supra.

### III.

## Criticæ in genere.

Hæ,

**H**æ, uti sponte aliquando erumpentes, si febris reliqua fuerit vehemens, nil medici servant.

Ita si ipsis per aliquam vim via quasi pandatur, v. g. per V. Stionem sub lingua, accidit non raro, ut venae ita incisæ ingentem sang: quantitatem profundant, difficulter admodum cohibendam.

Si vero iusto parcius sanguis emittatur, vel amittit omnem efficaciam salutarem, vel potissimam ejus partem.

Adeo, ut ægri, si demum vitam auferunt, diuturnis langvoribus, fastidiis, inquietudinibus, lentis & hæcticis febribus, rheumatismis, apostasibus ad certa solum membra obsideantur, vel motus pertinaciorum morborum ingruat.

Unde in hujusmodi casibus parum communiter satisfacit moderata nedum modica emissio aut eruptio, quin potius vel plane exacerbet consilium universum, vel ad minimum nullum operæ pretium faciat.

Specialiora vid. infra sub hæmorrh. Narium.

#### IV.

##### Insolitæ.

**H**æ passim ab Autoribus referuntur, præcipue de sexus muliebris menstruis e loco aliquando alienissimo erumpentibus.

Ubi tamen plerumque,

1.) Vel

1.) Vel aditum ad talem regionem jam olim ægra experta est, sc. a generaliore hæmorrhagica inclinatione; unde postea menses e media gena, a cantho oculi, ex aure &c. erumpentes, evadunt.

2.) Vel frivolam occasionem dederunt immodesta scalptione, fortuita sectione aut contusione vulnerata, aut tenuissimis quibusdam varicodeis tuberculis.

De quorum censu varices existunt, quæ pruriginosæ scalptione læduntur, inde eximius sanguinis fluxus sequitur, germ. Bluthseinen.

3.) Maxime vero si hæc contigerint circa ipsum tempus menstruum usitatum, imprius aut ubi via ordinaria vel interclusa penitus, vel admodum impedita, conatus tamen si satis constat.

## V.

### Incongruæ.

#### a) Spontaneæ.

**S**olent videlicet interdum evacuationes sanguinis senioribus competentes, junioribus etiam contingere, & reciproce.

Causa quærenda est in hæreditaria dispositione, rarius in medicatione stimulante.

Quanto magis vero incongruarum notam tales merentur, eo plurimum & graviorum incommodorum feraciores existunt,



Ita observata sunt exempla infantum menstrua per genitalia passarum, puerorum defectionem sanguinis sinceram alvum expertorum, qui tamen omnes mature vivere desierunt.

Qui v. adolescentes à pubertate ad 20. 24. annorum ambitum etiam per hæreditariam translationem veris hæmorrhoidalibus evacuationibus adsuæfacti occurrerunt.

Illis partim nil temperans nedum ordinatum evenisse animadversum est.

Partim mature ischiadicos, podagricos, imo deteriores eventus successisse aut vitam non ultra 40. ad minimum 50. annos produxisse.

Annosiores superiorum partium imprimis hæmorrhagias perpesi, si hunc morem ex advetudine ita servaverint, ut per juvenilem m. ætatem frequentius ex hoc loco depletio facta sit, neque tam crebris nec imprimis vehementibus in posterum perturbationibus obnoxii sunt.

Interim vix unquam sine conspicuis incommodis.

Tanto magis quicumque præter continuatam hanc advetudinem, occasione deficientium aliarum hæmorrhagiarum magis convenientium ad narium hæmorrhagias procedunt, ubi fluxus est præceps ad intemperiem, indomitus, anomalus, fonticorum malorum scaturigo.

Vetulis, quibus revertuntur uterini fluxus.  
apu.

apud ipsum vulgus infames sunt ob vitæ brevitatē ab illo tempore succeduram (nisi a ramulo hæmorrhoidali potius uteri fluxus prodierit.)

Et certe communiter raro fallit præſagium, niſi dexterrimæ medicationi æque atque reſ mediis tempeſtive obtemperauerint.

### β) Non ſpontaneæ ſ: artificiales.

Inter has ſe nobis offert,

1.) Venæ-ſectio, cujus incongruus uſus ſuperſtruitur, tempori, loco, quantitati.

Temporis intuitu in valde tenera puerili imo adoleſcente ætate non convenit eam inſtituere libere, nedum liberaliter, ob peiores inde conſequentias.

Natura m. non ſolum poſt longiorem uſum, ſed ſatis mature imo præmature adſueſcit, facta inde poſthac ſenſibiliffima impatiens & pertinaciſſima, ut niſi ſatis officioſe & velut ad veram indulgentiam tempeſtive continuetur, ſumma protervia, inſolentia & vehementia in has res conſpuitur.

Cum potius ſatis certum, incommoda in his ætatibus, v. Stione vel præoccupanda, vel auferenda, nequaquam tanta eſſe, quin m. aliis methodis efficaciter ſe expugnari patiantur.

Minus quoque tempeſtive v. Stio adminiſtratur in morbis, qui concuſſum plethoræ ad exitum inclinantis naturæ ſub ſe complectuntur; interim magis jam effectum cau-

farum involvunt, quam singularem veluti cauſandi energiam.

imo enim niſi rarissime tollit effectum.

2do uſitatae noſtræ parcae miſſiones non ſatiſfaciunt tali effectui, ſi vel maxime largæ hoc forte poſſent.

3tio ſigna communiter confuſa ſunt, & indoles horum effectuum rarissime ſimplex vel ſincera eſt; unde familiariter potius mala ingruunt.

Id quod præcipue de V. ſtione in febribus prudenter æſtimandum.

4to ſi quam maxime exacerbatae ita naturæ ſatiſſit, rapit illa hanc indulgentiam in peiorem partem, ut alia vice propter leues occaſiones pari procacitate ad ſimiles impetus feratur, neque alii methodo niſi huic ſoli pareat.

Quo vero ægri magis magisque conjiciuntur in proſectiores & ferociores ad minimum affectuum reſuſus.

Ratione Loci & temporis etiam inauſpicata ſanguis emittitur in ſuperioribus corporis regionibus, v. g. ſub eruptione menſium, aut ſub hæmorrhoidum fluxu plus minus ſtato.

Ratione quantitatis aberratur variis modis.

Parca enim miſſio curative, niſi ſubjectum oppido ſenſibile ſit, & ad quietem propenſum, tali tempore ſimpliciter fruſtranea eſt, & majores potius commotiones & turgæſactiones provocat.

Quod

Quod & in illa, quæ præservative instituitur, valet.

Nonnunquam etiam nimis exili punctura fluxus ipse languidissime succedit, cum ex ad-  
verso subjecta sensibilia ad alterationem v. s.  
subeundam disposita, etiam hac ipsa circum-  
stantia repentinæ copiosæ eruptionis, insigni-  
ter magis afficiantur.

Alibi vero etiam ab imperitis balneatori-  
bus plusquam expediat, detrahitur, respectu  
ad magnitudinem, robur, plethoram ægro-  
torum neglecto.

Et periculosus non minus error est repe-  
tentium quocunque tempore missionem.

Id quod maxime valet de v. s. media  
æstate, fervida tempestate, imo vel pro-  
miscue ad phases lunæ, nullo prorsus respectu  
habito in quibuslibet ægris.

II.) Scarificatio non minus incongrua  
est, nisi in Subjectis spongiosis, & præc. in  
contentiosis pertinacibus congestionibus  
circa caput hæmorrhagico-rheumaticis.

Quamlibet vix efficax sit, nisi iteratis vici-  
bus, vulgata tamen singulis mensibus educatio  
indifferenter minus convenit; longe pru-  
dentius ordinanda ad anni, temporum, tem-  
pestatum, exacerbationum varias propor-  
tiones.

Ratione ætatis quoque & vergentiæ hæ-  
morrhagiarum hic pariter ac supra error  
committitur, dum annosioribus & juniori-



bus plures cucurbitulæ circa superiores quam inferiores partes affiguntur.

Qvo facto iterum arthriticis rheumatibus eorumque anomalo motui via sternitur.

Rursus & hic adsvetudo promptissime inducitur, cujus certissimus effectus 2 plex est.

Imo, ut quanto intemperantius emissio hæc admittitur, tanto citius parum aut nihil amplius desiderato fini satisfaciatur.

2do, si jam nihil amplius adjumenti adferat, tunc penitus eam omittere tamen periculosum sit.

Omissiones adsvetarum harum evacuationum artificialium strictim nunc recensendæ.

Stolidus profecto sermo est, tam de annosioribus promiscue, quam de junioribus, speciatim phthificis, vel qui tabidi solum apparent, pronunciare, ut potius sibi languinem in corpus coëmerent, quam ita prodigerent: Sie solten sich lieber das Bluth in Leib fauffen.

Experitur potius quivis attentior Practicus, tum detrimenta, certiorum & plurium malorum fomenta, tum incitamenta insequi, ubicunque diutius assvetis temerarius neglectus persuadetur.

Ipsam jam vulgus compertum habet (nisi a sciolis expertibus experientia vana autoritate in transversum agatur) frivolum scarificationis assvetæ neglectum antiquis incommodis portam aperire.

Unde nec annosioribus emissio utilis, maxime

xime si plethorici cum euchymo cibo, spiri-  
tuofo potu etc.

Nec tabidis hecticis eadem semper interdi-  
cenda est, præc. tempeſtiva, ordinata, tem-  
perato æſtu febrili; ſub æquinoctiis, vel or-  
thoſtadia, revertente.

## Cap. II.

# *Hiſtoria hæmorrhagiarum, Specialis.*

- 1.) Narium  $\alpha$ ) ſimplicis,  
 $\beta$ ) critica,  
 $\gamma$ ) phlegmaticæ.

In Specie

## I.

### Hæmorrhagia Narium ſimplex.

**A**d Subjecta quod attinet, regulariter huic  
expoſiti ſunt juniores, pueri, & ado-  
leſcentes, alacres, plethorici, maxime  
ſexus virilis, quandoque puellæ activioris  
& plane ſingularis indolis.

Non evenit in ſenioribus citra peculiare  
rationes hæreditariæ diſpoſitionis, adſuetu-  
dinis, vel externarum commotionum, vel  
etiam palindromes.

Fit ergo incongrue interdum, ut qui in  
juniore ætate huic evacuationi adſueti fue-  
rint,

rint, & deinde vicarias evacuationes s. hæmorrhoidum vel mensium experti sint, his vero a quacunque causa impeditis, palindrome ad primum locum instituatur cum refrigeratione inferiorum.

Hæc familiarior sæminis, quibus menses vel plane non vel impeditius succedunt.

Sic hypochondriacis m. juvenilis ætatis loco hæmorrhoidum moliminum, vel eruptiones e naribus, vel molimina contendunt sæpe accidunt.

Scorbuticorum frequens narium hæmorrhagia plethoræ simul adscribenda est.

Palindromen etiam sanguinis ad caput, tam prægressa jam olim narium hæmorrhagia vel moliminum ejus consuetudo, ad alieniore etiam ætate maximopere invitat temere instituta v. s. in brachiis præcipue in febribus acutis & aliâs sub ipsis moliminibus, ita, lautior spirituosâ in senectute diætâ & otium.

Cusæ sunt, Plethora, corporis & animi commotiones vehementiores, abusus Vini, aliorumque spirituosorum, & aromatum, fervor solis vel conclavium calefactorum, somnus, vigiliæ insolitæ, inclinatio capitis ad terram, colaphi, collisiones, scalptio, corrosio per halitus, emunctio vehementior. etc.

In pueris, præter has, & dentitio, ploratus, exercitatio memoriæ, cursitatio in Sole, nudo capite, consuetudo, voracitas, inferiorum sensibilis refrigeratio etc, suscitant hanc excretionem.

Im-

Imminentis signa sunt, Cephalalgia gravativa, vertiginosa, facies tumida, rubra, oculorum rubor, scintillulæ ante oculos, lacrymarum effusio involuntaria, pulsatio arteriarum circa collum & tempora, narium siccitas, pruritus, tinnitus aurium, alvi adstrictio, urina tenuis, frigus partium exteriorum, præcipue inferiorum.

Quando v. minus impeditur prorumpit, hoc fit tacite & sponte, sine fere incommodis.

Prognosis: Hæmorrhagia narium moderate & proportionate succedens, ut plurimum sensibilem alacritatem adfert, & a multis afflictionibus præsentibus & futuris præservat.

Et de moderata fere nunquam timendum, quod pththis subsequatur; sed tunc facilius, quando improvide cohibetur, aut quando prodiga repente supprimitur.

In consistentiore ætate molimina & concitationes, præcipue cum animi motibus impetuosius factæ, producant non raro apoplecticos affectus, in senibus serosam, in junioribus sanguineam apoplexiam.

Hyberno & autumnali tempore adeo prompte haud, quam verno & æstivo profluere ut plurimum solet; quanquam quandoque periodum suam servet vernali & autumnali tempore.

Rarius excedit fluxus, nisi quandoque 1.) extra ætatem contingat, 2.) nisi consuetudine,



dine, aut 3.) per dispositionem hæreditar: confirmata 4.) per immoderatas vel corporis vel animi commotiones violenter provocata sit.

In defectu vero peccans omnia signa sunt graviora, etiam graviora pathemata insequuntur stiles, inflammationes, febres acutæ.

Si vero consueta veluti cesfat & eminet, graviores minatur anomalias.

Si itaqve moliatur quidem sed non æquatur exitum, inde varia assurgunt incommoda fontica circa caput & pectus.

Quæ quidem tanto graviora sunt, quo magis adsveta fuit ventilatio.

Symptomata illum usum non infert: hinc in chronicis imprimis consummatis parum prodest; Sæpius magis nocet; Sic excessiva funesta in malignis, petechialibus & continuis; tolerabilior in variolis & morbillis, febribus intermittentibus.

Qui juniores immoderationibus hujusmodi eruptionibus adsveti fuerunt, si vel intermedia ætate ab iis fiant liberi; hi facile in adultiore ætate in tales vergunt affectus, quo vel inclinationes, vel hæmorrhagicas translationes, vel palindromes periculosas adsciscunt.

Sic in illis ultra 30. annos progressis, hæmorrhagiæ narium ut plurimum importuniora pathemata spastica rheumatica seu verius arthritica habent.

## Et hoc quidem triplici modo:

Si 1.) Eruptiones excessivæ per irritationes externas proliciantur, indeque mala consuetudo introducatur. Si, 2.) ab hæreditaria dispositione pendeant. 3.) Si impetus tales hæmorrhagici sub aliis affectibus vel exasperentur vel reliquum affectum exasperent.

Hujusmodi hæmorrhagiæ familiares sunt, maxime arthritidi vagæ, tabidis & hæticis, quam simpliciter phthisicis, uti foeminino sexui.

Habitualis narium hæmorrhagia, quæ ætate minus congrua fit, labem cujusdam visceris abdominis sæpe conjunctam habet.

Suppressio vero, nisi alius salutaris fluxus substituatur, turmam pathematum producit; scilicet palpitationem cordis, asthmata, catarrhum suffocativum, hæmoptysin, pleuritides, peripneumoniam, febres acutas etc.

Ab inconvenienti chirurgica medicatione per Vitriolacea, & æruginosa pro scopo cohibendi, facile inducuntur polypi narium, ulcerationes fædæ, ozænæ dictæ.

Therapia: Subita restrictio per vulgaria adstringentia, in- & externa, opiata, terrorem, per characteres, immisionem profundiorum intra Nares spirituosorum, velli- cantium, acrium, stypticorum refrigerationem præmaturam, uti hepatis, Scroti etc. ubique magis nocet, quam prodest.

Quod

Quod eo magis valet 1.) in hæreditariis, 2.) in illis fluxibus, qui ab impetuosis spasticis translationibus & stricturis congestoriis pendent, atque foventur.

Si fluxus itaque sponte & legitime succedit, satis raro omnis medicatio necessaria est.

Potius vel in excessu vel defectu per vicariam ventilationem opportunam, & subjunctam commodam temperationem, apertionem & roborationem succurrere licet.

### β.) Hæmorrhagia narium critica.

Hæc, quanquam diu ingens sanguinis commotio & turgescencia præsto fuerit in febribus & alibi, ubi accidit, non tamen erumpere solet;

Nisi certo tempore ad peculiarem diem non solum, sed etiam (rem exquisite capiendo) ad certas certæ diei horas, mensura penitus definita, larga tamen cum insigni decumbentis euphoria.

Quo magis a. à liberali & larga efficacia deficit, eo pejus cadit negotium & eo minus lenitionis ac mitigationis adfert.

Accedit hæc cum evidenti apparatu motuum presensorum versus caput ex inferioribus.

Hinc tanquam Signa præcedunt tensio hypochondrii dextri, urinæ suppressio, aut imminutio, tenuitas, sudoris suppressio, frigidulus ad tactum inferiorum sensus.

Contra v. faciei inflatio, vasorum colli & temporum turgescencia, oculorum prominenten-

mentia & siccitas quasi, quin rubor, sonitus & sibilus aurium, mentis aliquando vacillatio, vertigo, ante oculos quasi appa-rens scintillatio, tandem narium pruritus, vel sine vel sub qualicunque scalptione, eruptio sanguinis.

Contrarium & alterum hujus ejusdem rei schema occurrit in funestis acutarum febrium catastrophis, prægressa constitutione plethorica male exeuntibus.

Præcurrit repentina dictorum signorum syndrome, item angustia internæ suspiriosæ, mentis perturbatio, oculorum furor, ferocia &c. cum refrigeratione inferiorum, maxime pedum, daß sie von unten auf sterben.

Tandem magis magisque corporis totius insensibilitas & immobilitas, quibusdam vitia anginodea faucium, denique mors, cum respiratione per oppressionem veluti intercepta.

Illis, quibus hæc repente ita eveniunt indubie, quibus vero segnius, familiariter erumpit sanguis copiose post obitum e nari-bus & per infundibulum ex ore.

Unde scarificatio narium Ægyptiaca pri-mam duxisse originem perhibetur.

### γ.) Phlegmatorrhagia Narium.

Facile contingit Subjectis, quæ ante hac congestiones hæmorrhagicas ad caput subie-runt, aut rheumaticis capitis affectibus obno-xia fuerunt,

Hinc



Hinc etiam discrepat a coryza, in qua successive evacuatur, quod in hac quasi simul & semel prosequitur.

Consistit hæc in congestione s. appulsulari-giore sanguinis hæmorrhagico, vel ad hæmorrhagiam destinato ad nares.

Cum autem motus ad exitum non pertingat partim ex viarum, partim sanguinis crassioris & cum tenui sero non satis subacti vitiis, secedit ita serositas & stillat e naribus, non secus ac hæmorrhoides, mucosæ & fluxus albus ab impedito hæmorrhoidum aut mensium fluxu contingunt.

Subsistit hic fluxus communiter intra guttas non ita multas, ut stillicidium verum, quale hæmorrhagia narium format, non prosequatur.

Notissima tamen etiam est notabilis huius fluxus continuatio spissioris æque, quam tenuis materiæ in acriore coryza.

### Cap. III.

#### *Historia Hæmoptbyseos.*

**S**ubjecta sunt ordinariæ juvenes & auctiores ab anno ætatis 18 ad 35. plethorici, cholericæ-sanguinei, cholericæ-melancholici, aut sanguineo-melancholici, sexus sequioris ob mensium turbas magis quam masculini, literati vita sedentaria gaudentes, hypochondriaci, etc.

Causæ

Causæ internæ (adſveta in puerili ætate hæmorrhagia Narium, jam deſinens vel ſuppreſſa, item menſtruorum turbatio, hæmorrhoidum regurgitatio in ſenioribus.

Causæ externæ (concusſio pectoris à lapſu, immoderato clamore, cachinno, concionatione, niſus corporis cum anhelitu, deſidia, compreſſio abdominis, animi pathemata vehementiora, præc. ira, terror, exaſtuatio, ingeſtio calidarum & commoventium rerum.:

Cauſa remota quandoque Saburra ſtomachi, qvæ per emeſin ejeſta, nonnulli hæmoptyiſi, qvæ laborabant, liberati ſunt.

Affectus eſt rarus reſpectu ad hæmorrhagias narium & ani.

Molimina hæmoptyica tanto frequentiora ſunt, qvæ partim idiopathica, partim & præcipue ſymptomatica ex aliis hæmorrhagiis ſuppreſſis. Sic quando hæc molimina in effectum non deducuntur, tunc tranſeunt facile in ſpaſtica, inflammatoria, rheumatica, phthiſica, aut in confiniis pectoris in ulcerofa, interdum ſeirrhofa & alia conſectaria & pathemata.

Praecedat aliquibus ſenſus aliquis preſſionis, titillationis, pruritus qvaſi ſecundum longitudinem aſperæ arteriæ, qvaſi nucleuſ ibidem hæreat.

Apud alios v. longe profundius intra bronchia preſſio & reniſus cum actuali dolore.

Hinc

Hinc observatur , quod illis , quibus hæmoptysis tacite magis sine externa vi erumpit , primus ille sensus circa laryngem accidat ; posteriorem v. profundius illi experiantur , quibus a violentis causis eruptio coorta est.

Nonnulli hæmoptyici peculiarem , exquisitiorem doloris sensum profunde in hypochondrio sinistro , sub ipsis costis nothis ; alii motus spasmodicos circa humeros *Stülße am Hals und in dem Achseln* sentiant.

Non raro praecedit vel intercurrit vertigo , somni defectus , tacita animi anxietas & dejectio.

Aliis erumpit post tussim non semper immoderatam , saepe parvam , maxime vero siccam.

Rarissime v. a vehementia tussis suborta hæmoptysis notatur , imo exempla sunt hæmoptyseos absque tussi.

Alios contra invadit quasi tacite sine ullo praegresso alterius cujuscunque mali sensu , ut simpliciter calidum quiddam scaturire e pectore in fauces percipiatur , quod ejectum sincerus floridus & communiter spumidus sanguis esse deprehenditur.

Quo vehementior & copiosior contingit excretio , eo pallidior imo sublividior aegri est aspectus , vasis circa collum & tempora turgidulis. Alvus fere est adstricta.

Periodice facile recurrit , ita ut stata tempora septimanarum , vel lunae mutationum , vel anniversaria servet.

Quo

Quo vero sæpius recurrit, eo impetuosior esse observatur, & quando mox in initiis vehementer erumpit, ac graviter affligit, malum omen est.

Omnis hæmoptylis periculosa est consequentiæ propter nobiles & teneras pulmonum partes.

Bene cedentis signum est, si facile sanguis egeritur, nec mensura excedit, nec importunam diuturnam tussim relinquit, nec revertitur facile, neque sæpe.

Repente v. subsistens, suffocativos & inflammatorios pectoris & febriles affectus relinquit.

Periculo itidem haud caret, quando extravasatus sanguis relinquitur, qui corruptio- nem ulcerosam & phthisicam inducit.

Quod etiam facile fit, quando impetuosius & frequentius recurrit.

Notabilis congestio sufficientem exitum non inveniens tussis siccas, asthmata spuria, sicca, spastica, peripneumonias, anginas, phthises; extus affectus spasticos, rheumatico-arthriticos, apostemata in glandulis subaxillaribus, scæminarum mammis exsuscitat.

Differt 1.) à sputo cruento, quod saltem striatum est sanguine, sreatu ex infundibulo vel gingivæ partibus prorumpens.

2.) a vomitu cruento, in quo ejicitur sanguis grumofus, magis nigricans, sine tussi, cum actuali ventriculi vomitu.



Striæ sanguineæ in peripneumonia hæmoptyses nomen haud merentur.

Therapia docet quod V. Stio non sit parca, & in hæmoptysi, quasi per se orta, pro citiore alteratione in brachio; in perturbatis mensibus & hæmorrhoidibus vero in pede celebrari debeat.

Sic neque per evacuantia valde stimulantia, per valde commoventia, sistentia styptica, opiata, repellentia, valde refrigerantia, tussim magis excitantia pectoralia, hæmoptysis secure curatur:

Sed potius profunt temperantia, cum securis anodynis & adstringentibus, in casu necessitatis, prudenter combinata

Revulsiones per diapnoica temperata, & externa, sc. frictiones etc. usui sunt.

Alvus semper sit libera, quod fit per laxantia, clysteres.

In declinatione, ad relictas forte grumositates, Pectoralia resolventia conducunt.

Præservatorie in malo ex hæmorrhoidibus & mensibus conducunt apertiones horum fluxum tempestivæ; item

V. Stiones & scarificationes ad vetæ æquinoctiales.

## Cap. IV.

### *Historia vomitus cruenti & nigri.*

Sub-

**S**ubjacent huic sæpius fæminæ, rarius viri, (& hoc in confirmatis hypochondriacis, spleneticis & perturbatis hæmorrhoidariis affectibus): inter illas v. rarius puellæ, frequentius annosiores, maxime tamen adhuc menstrua experientes, sed cum turbis.

Omnibus vero subjectis & ætatibus a causis violentis contingere potest.

Causa interna est sanguis, V. Portæ restricta, spissior.

Procatarectica, hæmorrhoidum & mensium fluxus impeditus: sic insolitas hæmorrhoidum & v. mensium, vias constituunt abusus potuum spirituosorum, iracundia & alia animi pathemata.

Vomitus cruentus cum corrosivis, a virulentis, drasticiis, & vehementer emeticis, vix ad hunc censum pertinet.

Vomitus cruentus omnium hæmorrhagiarum species est rarissima.

Antecedit alvi inordinatus succesus, excipit appetitus defectus, cardialgia in lipothymiam proclivis, capitis perturbatio, in sinistro hypochondrio intensior angustatio & tensio.

Succedit angustia præcordialis & nausea, mox conatus vomendi, donec tandem ipse sincerus cruor in copia excutiatür.

Non tamen uno actu omnis sanguis eliditur, sed sub quietis tempore in stomacho ita

colligiscentitur, ut succedentibus dein novis conatibus frustra integra coagulati sanguinis prodeant.

Duratio in fæminis plerumque brevior est, sed facile cum menstruis periodis revertitur; longior in viris, & in hilce circa æquinoctia ut plurimum exitum molitur.

Apud fœminas etiam sponte crebro cessat: non item apud viros.

Prognosis minus bona est; apud fæminas non tantum periculi quam viros timendum: ab ita tamen facile in consuetudinem, & tunc in viris tabem, in fæminis communiter cachexiam infert.

Sanguis in ventriculo in putrefactionem abiens, pericula à veneno, assumptomajora, producit.

Periodicus non adeo periculosus, præcipue mensium vicarius, quam vagus.

Si vero vel in copia excedat, vel minus discutiat, & adstringentibus perperam tractetur, disponit ægrotos ad inflammationem lienis, vomitum nigrum, cachexiam, œdemata, hydropem, hæcticam & alia spasticoconvulsiva pathemata hypochondriaca, hysterica, melancholica, scirrholia interna, colica, ictERICA, suspecta.

Vomitus cruentus & niger in febribus inflammatoriis, communiter est res extremæ & desperatæ salutis.

In Therapia: Vomitoria, acria purgantia, positive adstringentia, martialia, styptica acido-

acido-austera, narcotica, calefacientia volatilia spirituosâ, nimis refrigerantia, obviscantia, minus secure adhibentur.

Securior medicatio fit in mensium & hæmorrhoidum successu tempestivo & legitimo, temperatione orgasmi, parca adstrictione ob immediatum ingressum tonicorum securiorum.

Alvus ubique servetur aperta.

V. Stio non in omni vomitu cruento, si sit mitior, necessaria: si vero gravior, in pede tempestive prodest, præprimis in omnium hæmorrhagiarum turbis.

Specificum constans & fidum hic est Essentia millefolii per paucos dies usurpata.

Præservatio iisdem remediis obtinetur, maxime V. Stione in pedibus.

## Vomitus nigrorum.

Morbus hic præcedenti maxime cognatus est, sed longe rarior.

Occurrit vel per chronicas solum hypochondriaco-spleneticas contentiones jam obfirmatas:

Vel per acutos affectus & febres vere heteroclitas vigiles taciturnas præter mores patientum, cum debilibus viribus: maxime per veram lienis inflammationem.

Materia vomitu ejecta fuscum refert colorem diapruni instar, aut rob. juniperi vel sambuci.

Specialis nonnunquam æqualis grumosis



tis species adest oblongis & veluti fibrosis, quamquam brevibus, moleculis.

Non raro discolores ejectiones videntur post cerevisiam spissiore, assumpta condita, juglandem nucem, vel cerasa condita, vel martialia, aut decoctum prunorum.

Unde narratur saepe color niger & materia consistentia picem æmulans, wie Theer, Pech. ab aliis siccitatem simul expressuris: es gehe wie verbrandt von ihnen.

Autopsia anatomica testatur, quod lien plerumque sit magnus, induratus, aut corruptus, vasa brevia distenta & sanguine infarcta & disrupta, in intestino ileo vasa sanguinea rupta cum materia nigricante.

Prognosis: Si post chronica mala eveniat, mediocria nos sperare jubet, in acutis vero funestum metuere eventum.

In partu difficili, & cum intolerabili fatore, malum.

## Cap. V.

### *Historia Haemorrhoidum.*

tam in genere  
quam in specie  
internarum  
externarum.

*Hæ-*

## *Hæmorrhoides in genere.*

**S**ubjiciuntur hisce plethorici, sanguineum, sanguineo plegmaticum, & melancholico-cholericum temperamentum, ætas virilis, senilis, raro juvenilis, sexus potior magis quam sequior.

Causa interna est plethora & spissitudo sanguinis, specialissime apparatus genitalis, & conspiratio inquinamenti venerei cum locis hæmorrhoidalibus; hinc venerei podagræ sunt expositi, & secundum Hippocr: Eunuchi podagræ sunt expertes, ob consensum sc. causalem motus podagrici cum hæmorrhoidibus.

Huc referri merentur dispositio hæreditaria & habitualis factus hæmorrhoidum fluxus, sed per incongrua artificia perturbatus, equitationes, scybala dura, hæmorrhagiarum assuetarum emanatio, abusus aloes, helleb. Vini Hungar. alli, Elix. Propriet. &c.

Communiter non eveniunt, nisi sub certa ætate, exceptis externis fortuitis occasionibus, ab alvo dura, equitatione, tempore, sanguine, diæta calidis, concurrente præsertim hæreditaria dispositione.

Materia est sanguis venosus purus à stagnatione spissior.

Ante eruptionem ordinarie motus spastici ischiadici, lumborum, coxarum, femorum, pedum dolores, daß es Zucket, ziehet, reisset,

spannet & sentiuntur, vel ipsis hæmorrhoidibus hi motus superveniunt.

Fluxus fere nunquam perpetuo successu procedit, sed semper nūsum pressorium sub alvi excretionē experitur.

Fluentes sæpe periodum servant:

Aliis rarius eveniunt cum nullo sensibili intervallorum ordine;

Aliis cum quodam ordine circa æquinoctia:

Aliis sæpius per annum, sine certa periodo.

Aliis frequentius cum exquisita menstrua periodo.

Prognosis non admodum bona est, dum facile advescit, & impeditus motus gravia post se trahit pericula.

Si junioribus fluant & inconstanti successu continent, hi variis pathematibus per vitam exponuntur, & raro inigne senium attingunt.

Et in his quoque facilius, cum periculo, ad interiora repelluntur.

Contra in annosioribus pertinacior fluxus; & his, si moderate & ordinate succedat, longiorem vitam quasi pollicetur.

Sicut & aliàs debito ordine ac proportionē fluxus hujus succedentis effectus salutaris est abundantis sanguinis depletio, & præoccupatio incommodorum a moliminibus circa V.P. orta; sc. hypochondriacorum, aliarumque congestionum periculosarum ad pectus, hepar etc.

Peccat autem, sed rarius, vel in excessu,  
ubi

ubi a natura sponte suscepta copiosa depletio vix nocet;

Vel, quod sæpius, in defectu; quando hujusmodi molimina vel exitum non inveniunt, vel jam adsuetae supprimuntur, unde vero varia graviora eveniunt symptomata: sc. colica torminosa, spasmodica, durities abdominis flatulenta, lienis pathemata, vomitus cruentus, niger icterus, asthmata; in junioribus translationes ad pectus, tusse humida, melancholia hypochondr. mania, ascitis &c.

Therapia consistit in sublacione plethoræ per v. s. vel scarificationem pro diversitate Subjecti: in superioribus, si desvesfacere, in inferioribus, si invitare velimus.

2.) æquali dispartitione, dilutione, motu secretionis salino-serosæ expeditiore per nitrosa, emulsiva.

3. Assuesfactarum promotione, apertione per hirudines, v. s. sub poplite, malleolo; scarificatione.

### a.) Internæ.

Obtingunt plethoricis, sanguineo-cholericis, sanguineo-melancholicis, quandoque sæminis plethoricis, vel gravidis, largius aut menstruatis, vel intempestive menstrua amittentibus; sæpius tamen viris, quam sæminis, in ætate consistente, senili; in juvenili vero ob hæreditariam dispositionem.

Causæ internæ sunt plethora, narium



hæmorrhagia prægressa, hæreditaria dispositio &c.

Externæ sunt diætæ vitia, siccitates alvi, cursitationes, vita otiosa sedentaria, perfrigerationes corporis, evacuationum sanguinis artificialium intermissio, abusus spirituosorum, aromaticorum, aloeticorum &c. animi pathemata.

Fluxus hic prodit e Vena hæmorrhoidali interna, quæ ramus est rivenæ portæ ramo splenico descendens, & ad intestinum rectum excurrent.

Præcurrunt communiter varii motus tensivi, spastici circa ventriculum, mesenterium, lienem, hepar & intestina.

Percipiunt sensum aliquem in intestino recto intus hærentis nuclei duri; & quo tumor altius introrsum sentitur, sunt cæcæ hæmorrhoides: hinc facile fit stasis inflammatoria.

Signa præsentium sunt sanguis rite & frequenter fluens sincerus & floridus; sed raro & impedit exiens spissus ac nigricans; in raris moliminibus procedens, exit materia mucosa.

Facies ut plurimum flavo-viridescens est, cum urina crassa, sedimentum rosei coloris exhibente, vel tartaream concrescientiam.

Interim non fluunt spontaneo & perpetuo successu, sed semper exspectant pressionem: sit: nisi excretionis facum alvinarum.

Internæ interim non modo maturius sese pro-

prodere solent, sed etiam frequentius, imo & facilius, ideoque brevioribus moliminibus & congestionibus, quam externæ.

Sic differunt mensura excretionis, in his fatis moderata, in externis parcior.

Item internæ servant magis statam periodum nunc [menstruam, nunc] semestrem Vere & Autumno redeuntem, in quibusdam alium certum terminum.

Si vero extra æquinoctium ingruant, tumultuarium plerumque adipiscuntur successum.

De assuetudine notandum, quod huius generis evacuatio facilius & pertinacius quam alia ulla, advesiat, adeo, ut vix ullus ei bis, ter obnoxius sit, quin in posterum novos ejusdem insultus experiatur.

Fæminæ, si loco menstrui fluxus impediti hæmorrhoides [semel iterumque] passæ sint, harumque suppressionem tum incurrant, neque vicariis ventilationibus aut medicationibus utantur; certissime varia gravia pathemata incurrunt.

Sic sæpius & in illis consuetudinem induit fluxus, in quibus jam dispositio adest ad motus: uti in gravidis.

Prognosis: Salutaris omnino est fluxus, si tempestive recurrit; vel post suppressionem haud adeo longam prorumpit; sic multorum imminentium morborum vera & efficax medicina fit; & internæ hæmorrhoides fluentes multa commoda adferunt venæ portæ, hepatis, spleni, ventriculo, mesenterio, pancreati,

toti intestinorum tractui: e contrario contra.

Interim internæ ad externas facile convertuntur, idque facillime regimine sudorifero, per calida oleosa, volat. Spir. Tart. C. C. ebor. urinosos &c. in paroxysmis data & hoc fere infallibiliter, si paroxysmus magis motus impetu quam materiæ quantitate excesserit, quod prompte ab animi passionibus evenit, ubi facillimus ad arthritidem rheumaticam, vagam habitualement, in junioribus hysteriis scæminis ad epilepsiam fit transitus.

Hippocrates aph. 21. VI. observavit, quod hæmorrhoides insanientibus supervenientes, delirium solvant.

Sic solvunt quandoque affectus arthriticos, malum Ischiadicum, gonagram, podagram, mal. hypochondr. etc.

Hæmorrhoides vero legitime, vel ad excessum fluentes, si supprimantur, non solum graviora pathemata, sed & vitæ periculum inducere valent: uti sunt viscerum infarctus, inflammationes, colica, melancholia, mania, vomitus cruentus, hydrops, icterus, asthmata, malum hypochondr. tussis humida etc.

Hæmorrhoides revera nimix, & continuo fere fluentes, labem visceris alicujus in abdomine s. scirrhosam, s. ulcerosam, metuentam præfagiunt.

Hæmorrhoides, quando impeditius procedunt,

cedunt, inducunt lienis inflationem ardentem lancinantem, in scirrhum vel vomitum cruentum transientem.

Sic motus colici presforii formant ileon hæmatitem Hippocr. vel colicam hæmorrhoidalem, cum torminibus, angustis, in fœminis maxime in cachectica chlorotica, hypochondriaco, scorbutica mala transeuntibus.

Quæ tormina etiam non ita facile uti flatulenta, pereunt, facilius exacerbantur, sanguineos invadunt, & congestiones scorbuticas relinquunt.

Therapia. 1. Suppressio haud facile exercenda, & inducenda est.

2.) Temperatio potius præstanda per nitros. cinnab. cum alvi expeditione per rhabarb.

3.) Tonica roboratio præservatoria per Sal. volat. parca & repetita dosi.

4.) Specifica motus alteratio per millefol.

5.) Tempeſtiva V. Stio, motus corporis, iræ fuga.

6.) Martialia nihil constanter agunt, nisi post dicta ad æqualem tonum; acidulæ non nisi in spongiosis suadendæ.

7.) Fæminis injungenda, post mensium emanſionem, vita laboriosior, subjuncta v. s.

Suppressarum revocationem in successu hecticæ vel ascitis difficilem dicit experientia.

Stimulantia enim Myrrhata, aloetica, hel-leborina motus presforios magis augent, inſequentibus colica, melancholia, passionibus



bus asciticis &c. Quibus consopientiis etiam dicta methodus p. v. s. motum, laxantia, diluentia, leniter discutientia &c. inservit.

### β.) Externæ.

Subjecta sunt magis succulenta, spongiosa sanguineæ prædominantis indolis, phlegmatico-sanguinei temperamentis.

Causæ sunt plethora cum spissitudine mucosa, attritiones, a partu difficili, evagatione &c. infectio in loco adhuc calido, cui insedit, qui hæmorrhoides habuit exulceratas. Abusus calidorum, aloet. &c. intermissio consuetæ scarificat. v. Stionis in partibus inferioribus.

Sunt ramuli numerosi, oram magis & limbum intestini recti circa exitum ani occupantes, quas Anatomici dependere observarunt a ramis Venæ cavæ Iliacis internis & quidem ramificatione earum hypogastrica.

Signa instantium sunt pruriginosi ardores in orificio intestini recti; præcipue cum inæqualitate notabili, ut alibi quidem æqualiter molle sentiatur, uno vel altero loco quasi nodulus quidam, mollior in turgentibus, durior in tumentibus.

Difficilius & inordinatius ut plurimum externæ fluunt, hinc etiam majoribus difficultatibus expositæ sunt.

Motus ad hæc hæmorrhoides interdum eminus solum & frustra se exerunt circa longitu-

gitudinem dorsi & lumbos, aut inferius circa femur, genua, & pedes.

Si vero ad exitum pertingere debeant, compressorii spasmi in ipso intestino recto in inferiore ejus parte & in longitudine ossis sacri percipiuntur.

Per hos motus aliquid sanguinis ad & circa exitum ani comprimi & inde vel turgescitio vel tumor succedere solet.

Appellantur hæmorrhoides cæcæ, aliæ turgentes, aliæ tumentes.

Illae exhibent vesiculam transparentem atro rubente sanguine per ipsam conspicuo sine sensibili dolore, nisi quod sub alvi excretionem sensus pressorius, quasi fabae aut pruni, nuclei ibi hærentis, percipi videatur.

Perrumpunt aliquando flaccida rugosa restante vesicula; sin minus, aperiri debent, si sc. assueverit homo fluxui.

Vocant has inferiores Saxones *Tacken*, superiores *Mastkörner*.

Tumentes contra paulo profundius intra limbum delitescunt; duræ inflammatoriae cum exquisitissimis doloribus ex infarctu & stasi sanguinis in vasculo aliquo longiore verum furunculum referentes.

Vocantur hæmorrhoides cæcæ dolentes, uti priores indolentes, imo κατ' ἐξοχήν ubi de hæmorrhoidibus cæcis sermo est, hæ intelliguntur.

Harum nisi matura fiat resolutio, fit mox  
sup.

suppuratio, quæ facile in fistulosam ulcerationem transit.

Ante maturationem vero præsertim incilæ profundius non solum ad ulcerosam sed & sphacelosam corruptionem proniores sunt.

Antecedunt tumentes spastici motus & quasi morsus s. convulsiones intestini recti; percipitur mox molecula quædam, sub depositione alvi velut nuclei pressionis acutæ sensum formans; dolor hic perpetuo incrementum habet.

Cæterum hæmorrhoides externæ raro periodum in fluxu servant; sed magis perpetuo fluunt, ubi tamen periodus adest, satis statim deprehenditur.

Ob tenuiora & pauciora vascula successus harum non solum est impeditior, tardior, rarior, sed & minor, hinc semper magis in defectum quam excessum declinat, quam in externis.

Enata vero semel, quod non raro fit, vesiculari protuberantia, hac occasione & promptiores ad repullulandum existunt, & plus emittunt, præc. assuetudine fluxus jam inducta.

De anomala pauca quoque proferemus excretionem.

Galli & hæc & mucosæ hæmorrhoides, albas hæmorrhoides nuncupant.

Ita in externis hisce attritione, frictione, scalptione, sæpe major aff. & effluxus concitatur & sequuntur sæpe serpiginosi pruritus &

& ulcuscula, circa anum, vel sæpissime repullulantes, vel nunquam ad plenariam desiccationem pertingentes, cum nullis aut plane levibus incommodis ischiadico - spasmodicis.

Hæc si diutius jam sederint, & sæpius manant (quamvis paucissimum & tota hebdomade vix uncia una materiæ exfudet) & tunc consolidentur, devolvuntur ægrotantes in perpetuas molestias arthriticas ischiaticas, gonagricas, podagricas, urinæ vitia, molimina ad mictum cruentum.

Non conveniunt hi cum mariscis veterum, aut pruritu ani, cujus Forestus meminit lib. XXIII. obs. 2. sed cum illis, quas idem in schol. obs. 9. dicit a recentioribus quibusdam attrices appellari.

Cingunt interdum ad 2. digitos latos ambitum ani, mox vel iterum introrsum ad limbum ejus coeunt.

Accedunt subinde rhagades s. fissuræ circa ani orificium, non tamen, nisi a scalptione vel attritu, pars nimis exagitata, intumuerit, ubi sub nisu duriorum faecum talis fissio contingit, & sanguinem per vices denuo eo fundit.

Differt tamen hic affectus a formica inde directe non nascens, nisi venerea inquina-  
menta concurrant; ubi tamen fere in glande tales formicales affectus observantur.

Veneræ v. mariscæ & condylomata, ut & cristatæ exandescentiæ, huc non per-



tinent, licet non raro ipsa vasa hæmorrhoidalia occupent.

Denique à prima turgente congestione, si diutius & pertinacius continuetur, oriuntur interdum variæ quasi protuberantiæ mutuæ, papillarem congeriem variasque figuras [exprimentes.

Nec minus ab [ejusmodi congestionibus (in vesicalibus) ubi sanguis non prompte exit, aut lentior evadit, sine tamen insigni dolore.

Imo ubi actu demum perrumpunt, fit inde [facile] [similis] [ulceratio], unde excrementiæ verrucosæ, diversa concretionum schemata, sub ficuum, mori, uvarum similitudine, efformantes cum callosa quadam siccescente duritie, à germanis feigwarzen dictæ.

Mucosæ v. hæmorrhoides vocantur, quando post tenesmodes conatus a dispositis nonnunquam mucus excernitur instar tragacanthæ solutæ, communius coloris subrufi, quasi rôsei, interdum subtilibus striis cruentis interspersis.

Motus ad hæmorrhoides externas earumque consuetudines perlustrare libet, sub occasione mucosarum hæmorrhoidum.

Occurrunt hic frequentissime sensus tensivi, quos sub rheumatismum nomine vulgo accusant : Es seye ein Fluß in die lenden gesunden, liege ihnen darin wie ein Stein, stecke

stecke ihnen Eißkalt, wie ein Eißschollen in dem Rücken; der Schenkel seye wie taub, wie eingeschlaffen.

In importuniore v. conatu dolores adsunt sensibiliores, lancinantes : daß es ihnen wehe thut, wie Bluth, Schwähren, daß es darinnen reisset, zerret, sticht &c. Et hoc jam per dorsum, in lumbis, coxendicibus, femoribus, pedibus.

Quæ vel antecedunt fluxum, partim suppressum excipiunt. &c.

Siquidem sat multa exempla eorum prostant, qui post hæmorrhoides in juventute fluentes, postea emanentes, mox in ischiades, arthritidem, podagram, pedum stupores, contractureas, aut impotentias paralytodes recta prolapsi sunt.

Uti nonnulli ab his morbis per hæmorrhoides liberati aut saltem sublevati vixerunt.

Nephriticorum pathemata facile sese jungunt hæmorrhoidalibus, & per hæmorrhoides a calculo & nephritide sublevantur.

Hinc pridem Hippocr. aph. 13. sect. vi. monuit, melancholicis & nephriticis hæmorrhoides supervenire, bonum.

Sic facile ab hæmorrhoidibus suppressis & improvide sanguine per calidiora agitato & motibus concusforiis graves nephritides & mictus cruentus eveniunt.

Ubicunque in ancipiti ad exitum titubatione,

tione, molimine non sufficiente, diu Energia consumitur, tempus absumitur, intentio fluctuat, ut nihil ferme agatur, periculosus status est; quo spectant pareses & colica hujus indolis; vel ultimo post perversum impetum, colica inflammatoria aut iliaca vel convulsiva singultuosa pathemata ejusmodi ægrotos jugulant.

## Cap. VI.

### *Historia Hæmorrhagarum uteri in genere & specie.*

- 1.) quoad Excessum.
- 2.) defectum.
- 3.) emanationem.
- 4.) motum per vias insolitas.
- 5.) finem cum consecrariis.
- 6.) Lochia.

#### I. In genere.

Inter animantes obtingit speciei humanæ (simiarum & fæmellarum canum rariora prostant exempla) & quidem sexui fæminino, nullo ordine excepto, uteri hæmorrhagia.

Via hujus solitæ sunt omnia vasa cum utero communicantia hypogastrica, hypochondriaca interiora, cum vena portæ connexa.

Specialissimæ sunt ramificationes uteri ab  
Iliacis

Iliacis internis & hypogastricis, & quæ a ramo hæmorrhoidali ad cervicem uteri distribuuntur.

Ingruit communiter cum tempore pubertatis anno circiter 13. 14. 15. cum fine 2di septenarii; in laboriosis & rudis, & quarum matres etiam serius, annis 18. 20. & ultra demum

Et definit communiter circa 49. annum, sicque circa finem septimi septenarii: in quibus vero serius iusto erumpunt, in illis quoque tanto longius ut plurimum progrediuntur & durant.

Fluunt ordinarie legitime constituti, sponte tacito & tranquillo successu, & per aliquot dies continuo.

Et est sanguis sincerus, ac ejusdem bonitatis, ac reliqua individui massa.

Quo longius v. fluunt, tanto firmiori sanitate gaudent; quo parcius, tanto facilius ægrotant.

Instante hoc fluxu tonicæ per totum corpus strictionis, torpor, lassitudo animi cum aspectu extenuato, pallido, cum internis angustiis, & sub levi corporis motu, opppletionibus: sc. in qualicunque minus expedita exeundi libertate.

Et quidem primo erumpentes menses variæ anomalix facile concomitari solent,

Fæminæ plethoricæ, iracundæ, lascivæ,



laute viventes communiter largum fluxum experiuntur; hinc & fieri potest, ut etiam sub notabili & largo fluxu tamen defectus & noxa subesse possit.

Servat periodum menstruum; dupliciter tamen, ut præcipuis lunæ phasibus, novi- & maxime plenilunio exacte respondeat; deinde, licet ipsas phases non æque respiciat, intra mensem sc. septimanis tribus vacuis cum quartæ initio revertatur,

Per unam v. circiter hebdomadem five 7. dies lenissime promanare continuat.

In aliis vero, sed minus sanis, sanguine spissiore vel animi motibus affectis, variat & titubat: nunc vago tempore, nunc minus parce, prodige, excernitur, facile in longas tendit retentiones, ut aliquot periodis nihil effluat, cum tamen nec gravidæ sint, nec fecunditatis annos prætergressæ.

Sanæ mulieres in rito hujus fluxus progressu (si sc. fœtus neque in utero, neque lacte materno alatur) nihil incommodi sentiunt ab eo, nisi qualemcunque fatigationem etc.

Sensibiliores autem sunt animo magis fastidioso, quo magis cum potioribus lunæ phasibus conspirant.

Emanet ordinarie mensium successus mature, quando fœmina fœtum concipit, nec fluere solet tempore lactationis infantis, cum parvis aut nullis incommodis.

In perpetuum v. subsistit circa finem 7. septena-

narii , ubi hoc deficiente deficit etiam concipiendi , speciemque ulterius propagandi Energia.

# I. In Specie, mensium excessus.

Illis Subjectis facilius evenit, quæ sunt plethorica, vegeta, iracunda, in actionibus præcipitia, contumacia, voluptuosa, cholericomelancholica, vasis amplis instructa, hysterica, hypochondriaca, in plena diætâ constituta; per aliquot tempus mensium cessatione, abortu, vel mola, laborarunt.

Causa interna est plethora & ejus orgasmus, spissitudo, consuetudo, dispositio hæreditaria.

Procatareticæ sunt diætâ aromatica, vinosa, insolita, abusus pellentium, ira, intensa Veneris appetentia, motus corporis, saltatio, ulcus uterinum, ictus, vulnus, partus difficilis, violenta secundinarum avulsio, valida sternutatio, gravioris ponderis elevatio, vigiliæ nimix, evacuationes per V. S. scarificudorem intermissæ, lætitia, terror, abortus etc.

Antecedunt vel concomitantur angustix internæ præcordiorum, animi & virium languor, lassitudo insignis, propensio in lypothymias, & mollities circa præcordia, es ist ihnen so weichlich umbs Herz. pallor, contabescencia, frigidulus exteriorum & alternans incallescens sensus.

His inleqvitur impetuofus et excedens fluxus fubinde cum fruftis coagulatis, durans jufto diutius, vel nimis cito recurrens, 2. da vel 3. feptimana.

Imprimis his exceffibus expofitæ funt maritata, quæ vel in puerperio lochiorum vitiis fubjectæ fuerunt, vel poft ablactationem non ita prompte menftruum fluxum experiuntur.

Exceffus vero refpicit vel quantitatem turgefactoriam, ubi fingulis menfibus plus jufto & largiter admodum fanguis effluit, vel motum, tum nempe jufto brevioribus periodis recurrit.

Interea vitium exceffus longe rarius eft defectu, & fæpe diu tolerabile & minoris periculi.

Prognofis : Si fluxus affuefcant, varia exfurgere folent incommoda, circa concipiendum, imo & geftandum foetum: tum etiam circa partum & puerperii decurfum.

Diu durans exceffus difponit ad cachexiam, febrem lentam, pedum oedemata, hydroperem, tabem &c: —

Sic per adftringentia incongrue fuppreffus majora damna inducit, quam fi fui relictus fuiffet.

Therapia: purgantia drastica, quandoque Vomitoria ad revellendum imprudenter adhibentur; fic Suffitus, pefli adftringentes & pofitiva interna adftringentia, refrigeran-

gerantia sensibilia in. & externa, sic dicta roborantia & antispasmodica calidiora, opiata vulgaria, immodestæ revulsiones &c. minus secure adhibentur.

Venæ sectio semper præservatoria, quam curatoria, melior est. Ad diversionem v. in junioribus interdum in superiore; in illis, quibus menses per ætatem ad finem properant, potius in inferiore regione.

Veneris abusus absit; mens tranquilla, corpus quietum, alvus aperta semper sit.

Methodus naturæ aptior est, quæ fit per motum corporis, per temperationem, per providam cohibitionem & combinationem tonicorum cum sedativis, per præservationem cum roborantibus, Sal. volat. pil. balsam: v. sione, nitroso temperantibus:

## 2. Mensium defectus 1. obstructio.

Subjectis plethoricis largo fluxui aliàs assuetis familiarior, tam junioribus, quam adultioribus

Causæ sunt plethora, spissitudo eius, diæta cruda, incongrua, e. g. panis calidus, cibus siccus, dyspepta, farinacea [flöße] dulcia fermentescentia, mellita, fructus horræi (an welchen sie sich die Zeit verschaffen) potus parcus, & assumptus corpore calente: Quævis acida & austera, vita sedentaria, refrigerationes externæ repentinæ, pedum



tempore menstrui in aquam frigidam immisio vel alio modo refrigeratio, animi pathemata, terror, mœror, delirium, alvi constans occlusio, adstringentium abusus, sudores nimii, emetica drastica, improvida sanguinis subtractio in opposita regione sc. brachiis, fluentibus vel instantibus mensibus, fascinum.

Animi pathemata præ reliquis efficacia sunt mensibus turbas inferre.

Sic refrigerationes quævis majoris sunt periculi ipsis mensibus fluentibus, quam alio tempore, præcipue in robustioribus & in sensibilibus.

Frequentior est quam excessus & longe periculosior dictus defectus.

Imminutio sæpe præcurrit plenariam suppressionem: aliquando prior status contumaciter persistit.

Signa suppressionis sunt, corporis & virium languor, dolor circa lumbos, color faciei pallidus, respiratio in ascensu difficilis, inappetentia, Inflationes ventris, Urinæ crudæ sæpe flammeæ, palpitatio cordis, capitis dolor, frequentior caloris & frigoris mutatio in corpore etc. rarissime sec. Hippocr. lactis præsentia in mammis,

Quando periodum plane deferunt, quo longius a consveto tempore & ordine recedunt, eo propior est plenaria cessatio.

In-

Interim pro causarum habitudine vel levior vel pertinacior est suppressio :

1.) Si natura in medio profluvio repente sistatur.

2.) Si neglecto remedio obstipatio obfirmetur.

3.) Si dyscrasia sanguinis nimium invaluerit, unde successive decolores, tandem suppressi menses.

4.) Si translationibus ad vetus sit sanguis.

5.) Si sanguis deficiat & vires languant post chronicos morbos.

6.) Si annosiores sint feminae

7.) Si mola laborent, vel aliae excrescentiae meatus occludant.

8.) Si aetas infantilis, & in gravidis & lactantibus ut plurimum, non semper, emanent menses.

Prognosis : cessatio aut defectus mensium junioribus graviora, cuiusvis v. aetatis certa infert pericula. Et Equus velut Trojanus est, ex quo plurimi perniciosi affectus prodeunt ;

In abdomine, mala hysterico-hypochondriaci tormina, stricturae intestinorum, conatus vomendi, vomitus cruentus, dolores lumborum, nephritis, suffocationes cardialgicae. etc.

In Thorace, angustia & respiratio difficilis, palpitatio cordis, pleuritis spuria, haemoptysis, asthma siccum & convulsivum.

In

In Capite, vertigo, cephalalgia pertinax, hemicrania, angina, hæmorrhagiæ Narium.

In omnibus partibus spasmi, convulsiones; paralyfes spuria, cachexia, hydrops, scabies, rheumatico-arthritici affectus.

Fæminæ ex mensium vitiis proniores sunt ad vomitum cruentum quam Viri; non item ad hæmorrhoidales evacuationes.

Mensium suppressio, licet frequentius occurrat, facilius congrua methodo curatur, quam aliarum hæmorrhagiarum obstructio.

Therapia : V. Stio in superioribus & simultanea hic nocet. Sic Vomitoria, purgantia positiva, pellentia valde calida acria, stimulantia externa, martialium & volatiliū indiscretus usus etc. nullius sapius sunt utilitatis

Ante præparationem statim fortiora emmenagoga adhibere satis periculofum est.

Itaque natura errans in viam potius reduci-  
tur V. S. scarif. pediluviiis; frictionibus circa tempus consuetum eruptionis aut phases lunæ insignes.

Sp. sm. sanguinis diluitur sufficiente potu & de oris.

Dein natura torpens excitanda per nervina balsamica, uterina blandiora.

Peculiare quid habet Sabina ejusque Essentia spissior, oleumque vitriolatum. Item Perficaria sub calcaneis gestata.

Coagulatio interea grumescens prohibetur

tur per res solventia & alterantia & prius per absorbentia, per alcalia volatilia & fixa ma cra magis quam oleosa.

Crasities mucida per acriora amara aromatica corrigitur.

Defectui sanguinis subvenitur refectione dietetica.

Relaxatio viarum fit (1. v. s. si ab infarctu orta sit obstructio. 2.) balneis s. infusibus, plethora absente vel ventilata. 3.) pesariis, & emollientibus & blande nervinis. 4.) injectionibus per metrenchytam s. cum Glauerberiano clysmate vaporoso.

Præservativa cura consistit in diæta & regimine providis, v. s. circa lunæ phasim in inferioribus, strictiore ligatura inferiorum, clystica injectione.

### 3. Emanatio ultra 2. Septenarium.

Puellæ, à prima ætate hunc defectum expertæ, sunt vel nimis plethoricæ vel ex antecedentibus morbis sanguine viribusque exhaustæ, vel alienæ evacuationi assuetæ, vel dispositionis exquisitæ phlegmaticæ, mucidæ, pituitosæ.

Sic nonnullis menses emanent ad 16. 18. 20. annum, & etiam in perpetuum.

Hæ eo citius pathemata huic emanationi succedanea incurrunt, quo maturius cessarunt menses, vel si per tempus aliquot artificialibus ventilationibus maturis & sat largis



gis utentes satis bene valeant, in vita activiore laboriosa; crescentibus vero annis aliæ in hypochondriaco-hystericas, aliæ nephriticas, aliæ arthriticas passiones prolapsæ observantur.

Hæc perpetua mensium absentia utplurimum stipata est sterilitate.

Certum: rarissima talium, quæ nunquam hunc fluxum expertæ sunt, occurrere exempla, quin vel ante pubertatem in valetudinario statu fuerint, aut aliis evacuationibus, præc. narium crebris, largis affuctæ; vel ad minimum mox in adolescente, juvenili & consistente ætate in illa morborum genera incidant, quæ aliàs a mensium turbis dependent.

Contra quibus mature emicuere menses, anno scil. 12. 13. his nonnunquam solito maturius desinunt.

Ita vetulæ & Infantes menses habuisse aliquando notantur.

Illæ jam LX. annos prætergressæ, præsertim, ubi in causa fuit largior vini potus, aliquot adhuc annos supervixerunt.

Infantes v. anno minores & majores hunc fluxum expertæ intra annum forte spatium, multis inusitatis symptomatis exerciti, moriuntur.

In therapia mensium emanentium ventilationibus subjungenda sunt alterantia, conjunctis modestis commotionibus sanguinis  
per

per vitam agiliorem & sufficientem dilutionem.

Admodum periculosa vero talis emanatio per acria pellentia tenuia martialia tractatur, indeque continuo atrocia oriuntur mala.

#### 4. Mensium eruptio per vias insolitas.

Subiecta, quæ talem extraordinariam viam experiuntur, observantur præprimis admodum plethorica, juniora, animo & corpore alacriora, ad animi pathemata proniora, vitæ lautæ & sedentariæ dedita, perversis aliis & medicationum causis subiecta.

Menses per vias insolitas primum vicinas, si non inueniant exitum, pro dispositione prægressa per dissitas vias eruptionem quarunt.

Primaria via insolita est vomitus cruentus, sursum & hæmorrhoides, mictus cruentus deorsum.

Hinc congestiones restagnatoriæ ad Venam portæ, ramum splenicum mesenterii, & per consensum intestinorum spastica stricture angustie præcordiorum, tensio cardialgica suffocativa (als wenn man ihnen unter der Herzgruben einwärts etwas zusammen drückte, wodurch ihnen alsobaldt der odem benommen würde.)

de.) mox conatus vomendi, tandem sincerus sanguineus Vomitus Hippocr. Sect. v. aph. 32. 33. de morb. mulier. lib. I.

Interim rarius contingit, ut ex aliis viis menses erumpant; molimine vero tanto frequentiora sunt in aliis partibus.

Motus vero ad hæmorrhoides frequentiores sunt; hinc tormina, stricture inferiorum mesenterii partium.

Fæmellæ juniores ad superiores, profectiores ad inferiores evacuationes propendent

Sæpius non subsistit motus in propinquis viis, sed & pro diversitate ætatis ad longius disita loca redundat, ad caput, & pectus.

Hinc per caput retentus fluxus juvenculis & nares & pectus exitum modo quærit, modo perpetrat.

Sic juvenculæ narium hæmorrhagiis affectæ 16. 17. 18. annum sine mensium proventu prægrediuntur sine insigni incommodo. His v. cessantibus, nec mensium eruptione succedente, gravia propullulant pathemata.

Hinc quando vel paululum menstruatio turbetur, vel leviter omittatur, ad pristinas vias recurrit, vel ad minimum vergit.

Ex congestionibus his exurgunt varii dolores capitis, oculorum, aurium, dentium, cervicis, scapularum etc. aut loco œdematosorum in partibus inferioribus tumorum, in  
supe-

superioribus fluxiones per nares , plegma-  
torrhagia , manatio oculorum , sputatio.

Paulo vero magis plethoricis & adultioribus,  
circa pectus, oriuntur respirationis coarcta-  
tio asthmaica, tusficulosa angustia, & ple-  
naria eruptio hamoptica, quæ sæpius satis  
exquisite statis mensium temporibus respon-  
det.

Porro natura intendit insolitas vias quærere  
per sudorem sanguinis ex umbilico, e mam-  
mis, gingivis, alveo dentis, unguibus,  
pedibus, oculorum canthis, vulnere, pollice  
pedis, reliquis digitis, crure, ulceribus,  
futura sagittali etc.

Familiarius tamen alienæ eruptiones eve-  
niunt, si legitimi motus menstrui plane abo-  
leantur, sine relicto ullo vestigio.

Mentes per insolitas vias communiter  
foeminas steriles faciunt.

Therapia generalis occupatur in promp-  
ta restitutione fluxus menstrui, cavendo a  
palliatis & damnesa harum excretionum,  
per adstringentia, opiata, cohibitione.

In specie viæ sunt libertati restituendæ,  
& motus ad ordinariam viam incitandi;  
quod fit per emmenagoga severa, justo  
tempore adhibita, sec. phases lunæ, cum  
v. Stione in pede, velus Novilunium, circa  
æquinocia.

Salia volat. non circa tempus instantis  
debitæ evacuationis, sed tempore interme-  
dio



dio adhibenda, quibus tamen parum tribuendum, ut & martialibus.

Facta ventilatione instituantur leves cathartes cum epicrasi versus tempus soliti justifluxus, ita ut circiter 8. dies ante terminum incipiant, & circa illud tempus desinant.

Tum demum mensium eruptio sollicitanda, sine tamen fortiore totius sang. commotione. Conferunt jam pediluvia.

Aliquoties nitrum regeneratum menses per aliquot periodos suppressos referavit.

### §. Finis mensium consecretaria.

Fæminæ in plena, aromatica, vinosa, otiola dicta constitutæ, plethoricæ, menstrua larga expertæ, subsistentibus his per ætatem, circa typum & exitum fluxus incidunt in molestos affectus.

Tales morbi si eas jam ante tentarint, cessante fluxu exacerbantur. Hujusmodi sunt:

I.) Menstrui fluxus perturbatus successus, ut nempe per aliquod tempus emanat, deinde cum majori profusione & longiore duratione redeat; vel præmature, scil. multo ante 49. vel 50. annum, desinat.

II.) Sicut a. fæminæ, quæ ipso sanguine abundant, jamjam sub præcedente adhuc, quanquam laboriosius, fluxu devolvuntur in hysterico, hypochondriaca pathemata, eoque cessante in exacerbationum incrementa; ita, similia illis eveniunt, quæ vel  
nil

nil tale antea vel sub puerperiis vel ab animi motibus passæ sunt; imprimis viduis junioribus, in diætâ lauta, luxu, lascivia viventibus.

Exerunt se convulsivis quasi doloribus spasticis, torminosis, in intestinis & medullis mesenterii.

Adsunt volutationes torminoso-flatulentæ, stosse aut Hærg, nothi & violenti singultus clangosi & clamosi, suffocationes præcordiorum aut strangulatoriæ œsophagi & faucium.

Distensiones flatulentæ obstinatæ intestinorum, stricture alvi spasticæ, pertinaces, etiam cannulæ clysmaticæ aditum negantes.

III.) Aliæ tentantur rheumaticis affectibus, uti sunt: phlegmonodes, erysipelatodes, affectus circa caput, collum, humeros, coxas, femora.

Vel etiam stagnationibus magis internis cum partium externarum stricture afficiuntur.

IV.) Affectus dolore tractorio, spastico percellentes, cum partis quadam compressione, arthriticæ prosapiæ; qui si circa humeros, coxas, imo caput ossis femoris se sistant, solidam podagram magis, magisque expriment.

Tam arthriticis quam rheumaticis affectibus hisce communis & facilis est repulsio ad interiora; in his quidem magis importune

inflammatoria vel certe stasi proxima; in illis v. spasmo cum effectibus stagnatorio-inflammatoriis propior.

Illis demum affectibus succedunt vel consumptiones tabidæ, vel communius tumores œdematoso hydropici.

Tabes superiorum se jungit tumoribus inferiorum; quibusdam circa cessionem mensium fluunt hæmorrhoides non temere sistendæ.

**Therapia:** Cavendum est a repentinis curationibus, a curatione symptomatum intacta radice; item Vomitoriis, stupefactoriis, calidioribus carminativis, Sal. volatilibus, martialibus, aloeticis, acrius stimulantibus, flatulentis, diaphoreticis importunioribus etc.

Potior cura consistit in præoccupatione.

Convenit ergo V. S. in pede circa æquinoctia præservative quotannis.

Motus tonico-spastici sunt mitigandi.

Excretiones legitime conservandæ diætâ humectante, mollientibus, abstergentibus, moderate laxantibus, non tamen sine prudentia adhibitis.

Flatus ne reprimantur, sed promoveantur per clysteres aperientes, emollientes.

Interne prodest nitr. c. absorb. sal. digest. & cinnabarinis. Radix pimpinell. alb. omnibus aromat. & sali volat & oleis præferenda: cui in spasticis circumstantiis societur millefolium.

To.

Tonicum effectum minime ab interno Castorei usu expectare licet.

Optimum præstant effectum Pil. Bech. Stahl.

V. Stio usque ad 70. annum, bis quotannis, si qualiscunque vigor suppetat, ad minimum ad uncias 3. in pede repetenda est.

## 5. Lochiorum Fluxus; hujus Excessus & Defectus.

Omnes puerperæ, partum legitimum excludentes, obnoxia sunt huic fluxui.

Causæ sunt plethora, & avulsio secundinarum ab utero.

Diagnos: legitime procedit fluxus e genitalibus, post partum & secundinarum exclusionem, per 8. 10. 12. 14. imo plures adhuc dies: prioribus quidem diebus sanguis sincerus & largus, posterioribus vero tenuior, dilutior, carniū loturam referens, tandemque serosior manat, donec sensim desinat.

Prognosis: rite succedens non solum utilis, sed & summe necessarius est.

Aberrans a debito ordine & successu, tam in excessu, quam defectu, frequentior est & peioris ominis.

1.) Excessus Subjecta sunt plethorica, temperamenti cholero-melancholici, quibus olim menses largius fluxerunt, quibus animi & corporis alacritas præsto est, & quibus in partu exiguus fluxus fuit.



Causæ sunt insignia animi pathemata, Diæta vinosa, aromatica, terror, refrigeratio in- & externa, secundinarum insufficiens excretio, abusus pellentium & commoventium sub partu.

Excedit vel uno impetu repentino vel diuturna refractaria fluxione: vel a secundinarum violenta avulsione vel post abortum etc.

Et legitimo partui succedunt lochia nimia quandoque; si ægra quieta decumbat, frustra coagulati sanguinis per spasmos uterinos eliduntur.

Imprimis in retentione secundinarum fluxus fit diuturnus.

Prognosis: Seqvuntur nimium fluxum febres acutæ inflammatoriæ, tormina spastica, uteri & mesenterii, ad concipiendum perturbatio, graviditatis incommoda, vel plane abortus, vel difficiliore subseqventes tempestivi partus, vel iterata similis profusio, cum animi & corporis torpore, propensione in lipothymias etc.

Seqvuntur pariter mensium perturbationes a retentione quadam in utero; fiunt inflationes abdominis constantes; nonnunquam eduntur infantes debiles, valetudinarii, minus vivaces.

Nimius hic fluxus non tam cito in totum desinit; minime sine incommodis.

Ante partum sanguis copiose profluens, abortum omnino provocare aptus est.

II.) De

II.) Defectus subjecta sunt plerumque plethorica, temperamenti sanguinei, laxioris corporis habitus.

Causæ sunt: plethora organica, refrigerationes, potus frigidus, pellentia, calida, animi pathemata, immodici labores ad partum, æstus conclavis, acida, styptica, partis cujusdam, sc. mammarum, dolor aut inflammatio.

Signa per se satis nota sunt.

Prognosis: Relinquit hic affectus damna vel mitiora: angustias præcordiorum, appetitus dejectionem, inquietudinem, dolorem & perturbationem capitis etc.

Vel ferociora: febres acutas, inflammatorias, congestiones hæmorrhagicas ad caput, deliria, anginas, aphthas, chronicas passionem, ulcerationem uteri malignam, hecticam suspectam, cachexiam, tympanitidem, ascitem. Certo certius

Mensium ataxiæ sequuntur, & durabilia periodica spastica hypochondriaco. hysterica mala.

Therapia: Quoad Excessum, immoderata evacuationia, repentina lochiorum restrictio per valde incrasantia, narcotica, adstringentia, acria nervina; externe efficacia repellentia, perversum regimen, refrigerantia &c. nocent.

Potius conducunt temperantia, tonica, lenientia, ligaturæ partium exteriorum.

V. Stio quandoque in brachio moderata & repetita, si vires permittunt, prodest.

Lochiorum interim legitimus successus ab excessu bene discernendus est. Namque illa more solito cum euphoria largiter succedunt, quando foeminae alias insigniter plethoricae, aut antehac plethorae commotionibus adfectae, aut olim menses largiter fluxerunt; & hoc tanto magis, si ante partum insignes commotiones praecesserint.

Therapia; quoad Defectum drastica pharmaca, narcotica, diversa suffimigia, suspecta pessaria, pellentia, calefacientia improvida, regimen aestuosum, anxium, castoreata haud temere adhibenda esse jubet.

Magis e re sunt, absorbentia, temperantia, lenientia, diluentia, antispasmodica, & quando motus irregulares mitigati sunt, vel sponte lochia redeunt, vel stimulum moderatum exigunt, hic secure obtinetur per Pil. Bech. Stahl.

Crocata interim, quando aestus insolitus adest, vix sunt adhibenda.

V. Stio quandoque derivatoria, praesertim si sanguis ad caput tendat, prodest.

## Cap. VII.

### *Historia mictus cruenti.*

**O**btingit senioribus & his plethoricis frequentius, & quidem magis viris quam feminis: Symptomatice & junioribus interdum ex violentis causis. Rarissimus omnium haemorrhagiarum morbus est.

Cau-

Causæ internæ sunt plethora, & sanguinis hæmorrhoidalis translatio ad renes.

Procataccticæ sunt: veneris abusus, quo Senum matrimonia referri possunt, animi pathemata, diæta lauta, spirituosa, casus ab alto, contusio in lumbis, vermes, ulcera renum, ureterum, vesicæ, ponderis gravioris elevatio, saltus, equitatio, calculus, diuretica acriora, fortiter pellentia, cantharides, olea calida, præprimis in plethoricis biliosis, consuetarum sanguinis evacuationum naturalium & artificialium omisio.

Qui itaque in juventute narium hæmorrhagiis laborarunt consuetis, iam cessantibus, facile mictum cruentum incurrunt.

Sic ab accidentalibus læsionibus facilis est inclinatio ad reditum hujus fluxus, propter locum minus idoneum, importuni & periculosi; longe tamen securius hic cohibetur, quam idiopathicus & spontaneus ille in senioribus.

Quo magis spontaneus est fluxus, exit sanguis cum urina copiosus, sincerus, floridus, quasi tacite; quandoque cum tensionibus & gravitatibus in lumbis.

Præcurrit tamen insolita lassitudo animi & corporis, alvi inordinatus succensus, vel strictura. &c.

Ex causis magis violentis, præcipue a calculo, comitantur illum sensibiliores dolores.

Prognosis: Durat vel impetu longiore;

Qs

vel



vel pacatius & moderatius procedit, iterum vere quiescit, sed ad reversiones in posterum inclinatur, cum magna pertinacia.

Et si tum repente supprimatur cum graviorum hydropicorum, spasticorum aut tabidorum affectuum periculo imo renum ulceratione continuatur.

Quoties sensibilis dolor conjunctus est, de calculi præsentia & concursu justa est suspicio.

Sub ipso largiore fluxu non raro accidit, ut vel in uretere, vel in vesica sub longiore mora, coagulatus sanguis nec sine gravi pressione in collo vesicæ & non sine magni nisu & dolore excuti possit.

In uretere, qui ita coagulatus est sanguis, vermem quasi spithamæ longitudine, & calami olorini crassitie referre solet.

Mictus hic præcipue conspirat cum hæmorrhoidibus suppressis.

Effectum habet nullum utilem; præponerant enim damna & pericula.

Hoc malum admodum contumax est & nisi per ventilationem maturam naturæ satisfiat, ad varios irregulares excessus valde inclinatur.

Senes in mictum delapsos vix diu superstites fuisse, & (nisi commode & libere succedat) intra paucos annos mortuos esse experientia docuit.

Urina cruenta in variolis, morbillis, petechiis, peste, haud caret periculo.

Stilli-

Stillicidium sanguinis ex præputio rarior est affectus in plethoricis & senio jam proximis quandoque contingens, ubi sanguis guttatim & quidem continuo stillat, & congestorios motus pro fundamento habet.

Mistio cruenta, quandoque in aliquibus morbis critica, cum periculo repente sistitur.

Therapia : Fortiora evacuantia, adstringentia improvida, opiata, spirituosa concentrata, acriora nimis calefacientia therebinthinata, juniperina, Succinata, diuretica, aloetica, refrigerantia, nimis incrasstantia, regimen turbulentum ubique magis nocent, quam profunt.

Magis conveniunt nitrosa, absorbentia b cinnabarina cum provida combinatione blandorum adstringentium.

Specificè laudantur succus urticæ, virgæ aur: decoct: millef. fl. albo, hed. terrestr. chærefol. &c.

Alvus semper aperta servetur clysteribus.

Præservationis ergo V. Stio in pede, statotempore, repetita prodest.

Ubi hæmorrhoidum & mensium obstructio in causa est, harum fluxuum ratio ante omnia habenda erit.

## Seçtio

## Sectio III.

## membrum II.

Historia motuum hæmorrhagicorum, five

Morborum Consequentium

Pars I. generalis.

## Cap. I.

*Historia Congestionum.*

**S**ubjectis eveniunt, quæ evacuationibus sanguinis s. naturalibus s. artificialibus; vel evacuationibus serosis, e. g. fonticulis, fetaceis, vesicatoriis adsveta sunt, illis autem immunia postea vivunt, vel illas negligunt.

Causæ sunt plethora valde commota, aer humido frigidus & calidus, refrigerationes partium oppositarum.

Redeunt violentius & insistant pertinacius post hæmorrhagias, quæ antea libere fluxerunt, emanentes, vel artificiales assvefactas omissas.

Præcipue, quando post hæmorrhagias narium adsvetas, hæ imminet, plethorici acri æstuoso & tensivo capitis dolore, cum rubore frontis infestantur, hinc: wenn sie nur bluthen könten, so würde ihnen der Kopf leichter werden.

Locus

Locus s. terminus a quo, per quem, ad quem, in quo, sunt omnes partes porosæ, tum late patentēs corporis regiones, tum exiguæ ejusdem partes & particularia fere membra, ubi exitus hæmorrhagicus evenire solet.

Notandus est periodicus insultus congestionum præcipue sanguinearum ad varia loca, id quod maxime commotiones menstruæ docent, sanguinem ad aliena loca tali utique tempore adigentes.

Ita tamen, ut secundum diversam ætatem, diversa etiam occupent loca.

Et quidem 1.) in Pueritia congestio talis circa caput excitatur, præter adfuerudinem, ab exagitationibus corporis æstuosis immoderatis, vini potu insolito, versatione in Sole capite nudo, aut in hypocaustis humilibus & prope terram sitis, unde pedes & crura frigore, caput v, calore sensibilius alterantur.

Comitatur hanc oppletio, gravitas, rubor, calor, dolores, donec hæc omnia fluxus sanguinis solvat.

2.) In Adolescentia & proxima adulta ætate, tum etiam fæminis in impeditiore mensium fluxu eadem in pectore occurrit, ubi angustias & oppressiones format, præc. sub corpus acrius agitando, vel scalas, clivos ascendendo etc.

Qualem constitutionem, licet non eadem prom-



promptitudine, tamen non ita rarissime excipit hæmophthisis.

3.) Ad ventriculi regionem sistit se in virili, magis sequiore, sexu, ubi splenicæ inflationes cum cardialgiis & vomendi conatibus, hinc vomitus cruentus.

Arctissime omnium exerunt sese ejusmodi congestiones in hæmorrhoidalium & vicinorum vasorum inflatione: tum in hæmorrhoidum vesiculis, tum duris tumoribus, & veris furunculis, nempe hæmorrhoidibus cæcis sine & cum dolore.

Serosæ congestiones oriuntur vel à directis contentionibus sanguinis, unde ita dicti catarrhi, cum effusione humiditatum serosomucidarum, coryza & tussi humida, tum etiam diarrhææ ab assumptis haud ortæ.

Vel ab obstipatione certorum colatoriorum per congestiones sensim inducta, unde tumores frigidi, tam œdematosi, quam scirrosi, glandulosi.

Huc referantur tumores illi œdematosi podagricorum laxioris corporis habitus, transitorii quidem & sensim iterum evanescentes, interim satis sæpe diuturni per 3.4. septimanas in paroxysmis durantes; imo interdum continuitatem servantes, præcipue si dolores per narcotica sublati fuerint.

Prognosis: A congestionibus facile stagnationes, ab his deinde stases, & corruptiones oriuntur.

Con-

Congestiones in consuetudinem transientes refractariæ admodum sunt, licet causa etiam materialis sublata sit, facileque ex levissimis causis novam scenam ludunt.

Congestiones, incongrua ætate contingentes, periculo non carent.

In Therapia, in genere ad prophylaxin v. Stiones derivatoriæ, item laxationes rhabbarinæ repetitæ usui sunt.

## Cap. II.

### *Historia Rheumatismi.*

**S**implices generaliores junioribus, maxime virilis sexus, plethoricis ad hæmorrhagias dispositis, aut antehac artificialibus sanguinis depletionibus dicatis, omisiss, præc. vero habitus porosi sanguinei vel sanguineo-phlegmatici, (fœminis familiariores sunt in adultiore ætate) accidunt circa caput, pectus, scapulas, humeros, dorsum; mediæ, s. juvenili & floridæ virili ætati magis per dorsum & coxas ad femora exterius.

Et facile adoritur, hos qui febrem Synocham passi sunt, ac vini & veneris delitiis nimium dediti fuerunt.

In retrocessione vero ad interiora in illa ætate magis circa caput, lauces, pectus;  
in

in his circa hypochondria, intestina, renes, damna moliantur.

Causæ sunt commotiones plethoræ, congestiones, stagnationes; specialius Venæsectiones omissæ, scarificationes, vesicatoria, fonticuli adsveti, intermisssi, ulcera manantia, ambustiones, luxationes, contusiones, fracturæ non satis mature restitutæ, motus fortiores sangvineo-plethoricorum etc.

Rheumatismus v. specialis oritur post febres, inflammationes erysipelaceas, vel phlegmonodes dolores, firmiorem apostaseos insinuationem, violentiam externam, & illorum quidem per repellentia, coagulantia, narcotica, incongruam tractationem.

Serum acre, quanquam per se effectum hunc producere non valeat, potest tamen in certis individuis sensibiliorem reddere, & ad peculiarem locum diffundere.

Sic temeræ & subitanæ mutationes frigoris præsertim noctu, cum insigni calore & contra; causam etiam præbent rheumati.

Differentia accidentalis magis quam essentialis rheumatismi simplicis & specialis, cum aliis affectibus complicati, notanda est.

Simplex ille frequentior & mitior est, plethoricis familiarior vel evacuationibus asvetus, vel tamen ad evacuationes tendit.

Exerit se hic per totum corpus post defatiga-

ga-

gationem vel æstum corporis temere refrigerati.

Est vel floridior, vel serosior, pro diversitate temperamenti & pro minore vel maiore dy/crasia.

Speciales vero rheumatismi occasiones paroxysmorum sumunt vel a commotionibus sanguinis hæmorrhagicis, vel talibus; qvi etiam simpliciores rheumatismos sive restagnationes a sanguineis congestionibus ortas (a calore, colore & exquisitiore sensu, hixige Flüße dictas) concitare solent.

Hæc etiam mala pro diversitate ætatum latius se diffundunt, & in loco simplicioris rheumatismi ætati conveniente consensum imo complexum semper movent, cum maiore & anxia perturbatione, imo ad vagos maxime motus, qvin etiam ad febres rheumaticas proclives sunt.

Natura interdum in qvibusdam febribus symptomatice rheumatismos format, & per eosdem particulares decubitus aut metastasies, cum moliminibus hæmorrhagicis consentientes, efficit.

Invadit cum spasmodico rigore, dolore vel etiam vario ardoris, punctionis, vibrationis, palpitationis, mordicantis & compungentis sensu, cum tumore, inflatione, rubore, qvæ omnia per motum voluntarium augentur.

R

His



Cum his concurrat animi & corporis torpor, appetitus vacillatio, & si in superioribus, caput una perturbatur.

Committit prompte, imprimis per sui prima initia, palindromen ad interiora, febrilibus inflammatoriis difficillimis generibus aptam.

Æmulatur magis fixam, rarius vagam vel ad summum diffusam late.

Respondet amussim requisitis ad hæmorrhagias spectantibus actibus, & periodicum reditum, quem facile levi ex occasione v. g. mutationibus aeris, atque temporis statibus formare solet.

Uti etiam sedem ex uno loco in alterum non ita raro transfert.

Rheumata, quæ nephritico hæmorrhoidales conatus sæpius sequuntur, per dorsum deorsum per coxendices se exerentia, ætati, sine manifestiore causa externa, hæmorrhoidibus opportunæ, familiariter eveniunt.

Quoad prognosin illis, qui post aliquot dierum incommoda spontaneum lenimen sentiunt, moderatus obtigit rheumatismus, cum vel sine evacuatione materiæ placide & lente, nec statim tempore, erumpentis.

Pejoris sunt consequentiæ non solum restagnationes nimium copiosæ, verum & tandem inflammatoriæ stases.

Non quidem suppuratoriæ apostematodes  
sed

sed potius phlegmonodes, & frequentius adhuc erysipelatodes, facile cum periculo ad interiora retrogredientes fiunt.

Coorta tali congestione, infarctu, & inflatione, rheumatici motus non solum promptius resuscitantur, sed etiam illuc tanquam in sedem suam statim se recipiunt, cum majoribus incommodis, ardore, rubore, dolore, febrili languore, inquietudine, inappetentia, agrypnia, & anxiis circa præcordia angustiiis.

Quæ omnia eo periculosiora sunt, si ad interiora relabantur.

Recurfus a. rheumatum itidem respondet hæmorrhagicis moliminibus; in ætate tene-riore circa caput, in mediocri circa pectus, diaphragma, præcordia; in ulteriore circa V. Portæ illique annexa viscera, tragicos suos effectus inflammatorios, febriles, convulsivos, suffocatorios formant.

Benignius & inprimis in habitu serosiore per excretiones aliquas successivas tranquilliores relinquunt.

Imo œdemata rheumatica ortu impetuosa & pertinacius durantia magis magisque hydropicorum indolem assequuntur, maxime & præsentissime, si ab exterioribus ad interiora divagentur.

Conspiratio magna est cum arthritide, est-que primus gradus, incidens in communia

R

cum

cum arthritide loca & tempora, secundum aetates nec non tempestatum mutationes.

Et sicuti fontes sunt communes, nempe sangvinearum ventilationum molimina, ita rheumatismus propiore progressu recta in arthritidem obfirmari potest.

Differentiam ergo constituunt, 1.) Rheumatismi irruptio inundatoria quasi & stagnatoria diffusio; haec major affluxus & exundatio.

2.) Ille plane propiores, arthritis altiores & longius gliscentes, causas habet.

3.) Ille magis est congestio, stagnatio indeque tensio cum calore, ardore & inflatione: haec vero magis est contentio spastica, fibrarum & tendinum vellicationes, vibrationes, quasi rupturam, minantes.

4.) Ille magis in porosis cum lata diffusionem; hae vero in tendinosi partibus est, quamquam & veri podagrici dolores in spongiosis semper latius, quam per solos tendines, nempe etiam in musculos extenduntur.

5.) Ille hanc semper praecedat.

6.) Rheumatismus specialis cuius aetati contingit; haec vero ad certas magis aetates restricta est,

7.) Ille evidentius febrilibus inflammationibus praegressis, haec vero haemorrhagicis moliminibus originem debet.

8.) Ille ab exterioribus facile ad interiora  
recc-

recedit; haec, sc. sincerior arthritis, a regressu libera est, quāquam in hoc regressu vaga arthritis cum rheumatismo conueniat.

Acrimonia v. humorum praecipue Venerea, quae stagnationes producit acres, ardentes, rodentes, reißende gesalzene Flüße, nequaquam pro his, vel in theoria vel praxi, habenda.

Huc in specie pertinet dolor dorsi, qui evenit familiariter habitioribus sanguineis plethoricis.

Tensivus motus est non sine insigni exacerbatione momentanea, a regione interscapulari deorsum ad lumbos usque. Sensus est veluti contusorius, ut in rheumaticis doloribus cervicis.

Concurrent fatigationes corporis l. alterutrius lateris, vel ad minimum brachii alterutrius lateris quasi pondere onusti.

Quamvis non sit dubium, quin hic dolor proximo gradu in nephritidem vergat.

Perperam tamen hic vulgus medicorum statim nephritidem arguit, & quidem ex saburra & crystallis! urinæ vitro sese affigentibus, quas sabulum esse pronunciant; est potius salino-tartareum concrementum, omnibus arthriticis familiare: vid. neph. calculos.

Si vero hic dolor lumbos magis secundum latitudinem adeoque utrumque latus spinæ dorsi occupat, tanto minus pro nephritico haberi debet; qui alterutrum & communi-



ter quidem finistrum latus magis seorsim obidet.

Quod etiam valet de extensione ejus versus scapulas ad superiora; cum nephriticus magis ad inferiora tendat, & femoris illum stuporem prope musculum Ploas inducere soleat.

Differt porro insigni ipsius doloris exiguitate, quiete & insigni remissione, si corpus quiescat; cum nephritis communiter quietum corpus magis exagitet & motu, ad minimum per initia, mitescere appareat.

Conjuncta quidem est, (raro tamen uno eodemve tempore) stranguria, sed cum neque hæc directe aliquid ad calculum faciat, neque aliis similis habitus corporibus, licet de dorso nihil querentibus, insolita est, non probat dolorem esse nephriticum.

Refertur huc febris rheumatica seu catarrhalis, quæ comitatur rheumaticos insultus fortiores, minime tamen quoslibet, scilicet sensibilis motuum tonicorum alteratio, frigoris & caloris volatica variatio.

Quamquam autem hæc veris febris circumstantiis minime quadret; conjungitur tamen non raro febrilis humorum impulsus.


Causam huic præbet affluxus materiæ copiosus, & motus vehementia partes obruens vel sensum exquisitum inferens, vel stagnationem penitiorum inferendo inflammatorii quiddam non æque apostematodes quam phlegmonodes & erysipelatodes.

Quam.

Quamdiu vero hæ rheumaticæ coacervationes circa exteriora corporis hærent, vel exonerationem quamcunque nanciscuntur (e. g. in acricoryza, broncho, tussi humida) febres sunt leniores.

Si v. circa interiora restagent, aut ab exterioribus eo propellantur, stasis, inflammatio, corruptio promptior est, cum febribus sensibilibus et fortioribus magisque ancipitibus.

Therapia. Positiva purgantia in vigore præprimis, regimina & medicamina positive diaphoretica, calida  $\Delta$  ea, acria, aromatica, Salia volat, opiata, communia anticatarrhalia sic dicta edulcorantia, externa topica oleosa, acria, therieb. succinat. emollientia, unguinosa, relaxantia, emplastica obstipantia, adstringentia, calida & frigida repellentia, &c. summo cum moderamine aut nunquam secure adhibentur.

Conferunt magis interne nitr. cum absorb. temperantibus, interpositis laxantibus, tum etiam alexipharmacis, ess. Succin. 

Externe Camphorata, moderate crecata, pediluvia profunt.

Acidulæ brevis & inconstantis ut plurimum effectus in diuturniore malo nihil solidi efficiunt: contra improvide usurpatæ dubiæ sunt, imo funestæ.

Præservative prodest V. S. in pedibus, non item curative; si vero illa in brachio instituatur, in ætate 25 annos prætergressa, augeat congestiones ad superiora.

Laxationes repetitæ quoque usui sunt.  
Spontaneæ salutare hæmorrhagiæ turbatæ omnino in ordinem sunt redigendæ.

### Cap. III.

## *Historia inflammationis in genere.*

**S**ubjecta magis sunt plethorica, commotionibus sanguinis abundantis & ante hac evacuationibus sanguineis obnoxia, de temperamento sanguineo & sanguineo-cholerico participantia, quorum vita, circa motus & assumendas res, minus est moderata.

Causæ internæ sunt plethora, & inde activa congestio & restrictio copiosioris sanguinis ad portionem illam motu privatam, s. stasi sanguinis ex congestione natam.

Externæ sunt violentæ relaxationes, & interceptiones, a contusionibus, vulnationibus, ligaturis. etc.

Locus & pars, cui insidet, sunt partes porosæ, carnosæ, parenchymaticæ, rarissime exsanguæ.

Diagnos: facta stasi sanguinis, succedit tumor circa partem ipsam & viciniam, cum rubore, æstu s. ardore, & calore patienti & tangentibus sensibili.

Dolor

Dolor concurrit lancinatorius, punctorius, arteriarum pulsui respondens.

Hæc symptomata quando per aliquot horas apparuerunt, fit interdum, ut sensim decre-  
scant & omnino evanescant. de quo dicitur:  
Es hätte sich wieder verzogen, zertheilet, es  
wäre nicht zum aufbrechen gekommen.

Et evenit hoc satis mature intra 4. ad sum-  
mum dies, si paulo copiosior & profundior sit  
stasis; si magis in latum, quam profundum  
porrecta sit, septem dierum spatio.

Specialiter rubor maxime spectabilis, ar-  
dor & æstus ipsum ambitum inflammati tu-  
moris occupat.

Unde hæc symptomata, quoniam inevita-  
bilia sunt, non raro ægrotos inquietos, impa-  
tientes & interne anxios reddunt.

Discussione non succedente abit inflamma-  
tio in corruptionem, vel purulentam, lauda-  
bilem nullius fœtoris, vel spacelofam, lethala-  
lem ut plurimum.

Hic affectus, in media sui frequentia, si  
ad potentiam causarum suarum refera-  
tur, satis rarus est.

Differt inflammatio a febribus & ardoribus  
atque æstuationibus stagnatoriis; quod illa  
non diu possit durare sine discussione, suppu-  
ratione, aut sphacelo; febres ero v. & ardores,  
qui à stagnationibus congestoriis pendent, non  
solum diu durare, sed & varie jam remittere

R 5

jam



Jam intendi possint citra effectum discus-  
sorium vel corruptorium.

Item æstus tales sequuntur stagnationes:  
etiam inflammationes veræ simpliciter actu-  
ales stases.

**Prognosis:** Quando dolores & ardores gra-  
visimi, & rubor bruneus, livescentibus &  
nigricantibus striis intertextus apparet, in-  
flammatiō gangrænā præ se fert.

Evanescantibus vero repente dolore, ar-  
dore, calore, & succedentibus frigiditate &  
flacciditate in parte affecta; præsto est sphace-  
lus.

In Scirrhum interdum abiens inflammatiō,  
proclivis tamen magis manet in putredino-  
sam quam suppuratoriam corruptionem.

In Therapia omnino vitanda sunt tonum  
enervantia, pure adstringentia, saturnina,  
coagulantia, ranina sine camphora, valde  
calescentia, concentrata, acria, spirituosā,  
nimis refrigerantia, narcotica, nimia hu-  
meccantia, siccantia etc.

Potius conferunt alvi successus, plethoræ  
prudens ventilatio, organica sanguinis con-  
temperatio: externe tempestitiva discussonis  
tentatio, aut hac irrita, justo maturationis  
tempore puris exitus promotio, tum mundi-  
ficatio, denique consolidatio justa.

Partes cujuscunque generis inflammatae, in  
tranquillitate, quiete & moderato calore, sunt  
conservandæ.

Et

Et omnino ab immatura, sub medio supurationis actu, incisione abstinendum est,

In diffusioribus, præcipue ab externis violentiis, hæmorrhagiis vulnerum repente suppressis, venam secare ex usu est.

## Cap. IV.

### *Historia Inflammationis in Specie.*

- |                  |  |
|------------------|--|
| 1) Erysipelatis. | 2) Phlegmones                                    |
| 3.) Apostematis. | 4.) Gangrænæ.                                    |
| 5.) Sphaceli.    | 6. Ulceris simplicis,<br>fistulosi apostematosi. |
| 7. Furunculi.    | 8. Carbunculi.                                   |
| 9. Scirrhi.      | 10. Cancri.                                      |

#### I. Erysipelas.

**S**ubjectis communiter familiaris est, quæ hæmorrhagicis moliminibus activis interceptis & passivis neglectis laborant.

In communi vita satis frequens est, repente exoriens & cito ad statum suum perueniens,

Causæ sunt plethora, & post stases in latum cum profunditate quam minima diffusas facile oritur simul contribuunt; cruditates in primis viis, iracundia, terror, transpiratione

tio prohibita, cibus acrior aromaticus, potus excedens, artuum in aquis refrigeratio.

Armat partes maxime membra naceas, artus exteriores præcipue brachia, manus, femora pedes, caput, faciem etc.

Unde stiles ejusmodi etiam ob tensiorem harum stricturam, penitiorem aditum omni sanguini denegantem, plus feri & lymphæ, quam strictè dicti sanguinis continent.

Præcedit per plures dies languor & lassitudo, sine causa manifesta; Et quamvis actu non adsit frigus, horridula tamen adest sensatio ad quemvis corporis metum, sic ad quamvis allabentem auram horripilatio cum *φλόγωσι*;

Donec accedat dolor, rubor, latior intumescencia in parte aliqua cum pallido-roseo rubore, quæ intumescencia adeo increbescit, ut cutis splendeat.

Quo gravior ergo commotio, eo gravius fit erysipelas, cum præcipiti magis horrore, æstu, palpitabundo tremore, cum anxietate, alvi adstrictione, siti, appetitus vacillatione &c.

Durant hæc symptomata fere per 4. dies: tunc omnia remissiora fiunt, & evanescent, cum flacciditate cutis, secedente cuticula.

Quandoque divagatur per artus, imo & totum corpus perrepat.

Prognosis: Sæpe talis commotio in consue-

suetudinem abit, ut vel tempus antiquum servet, vel, si tempestas importunior concurrat, hoc anticipet.

Quo sensibiliores & nobiliores partes occupavit, eo diutius continuat status febrilis, ut in capitis, erysipellate &c. & etiam periculosior est.

Retrocessio vel vesicularum eruptio sæpissime funesta est. Hippocr. Sect. VI. aph. 25.

In Senibus, si sæpius revertatur, in cachecticis periculosa est, tandem moriuntur febre, delirio, vel affectu soporoso.

Suppuratio per incongrua adminicula mali ominis est: hinc: Mann solle die Rose nicht zum aufbrechen bringen.

Sonticus status ut plurimum est, quando erysipelas ulceribus, vulneribus, fracturis artuum supervenit.

In therapia evitari debent positiva purgantia, omnia nimis commoventia, volatilia, opiata, adstringentia, repellentia, refrigerantia; externe unguinosa relaxantia, emplastica, pingua, nimis acria, irritantia, crassa Saturnina, oleosa calida.

Magis quadrant interne ad alvum apertam servandam, laxantia blandiora, contemperantia, alterantia, temperata alexipharmaca.

Externe resolventia sicciora moderaissime reprimentia ex rad: herb: flor: discutientibus cum camphora mixt:

V.S.



V. S. tempeſtiva quandoque in magna capitis eryſipelate locum habet.

Et omni ſtudio cavendum, ne eryſipelas in corruptionem abeat, ſec. Hippocr. Sect. VII. aph. 20.

## II.) Phlegmone.

A priori diſtinguitur, & rarius contingit, quod profunditate inſigni gandet, cum ambitu non minore.

Excipit frequenter prægreſſam febrem catarrhalem, acutam per metaſtaſeos ſpeciem, & per plures dies, imo ſeptimanas, durat aliquando, ſicque facile in priſtinam febrem repelli poteſt; idiopathice facile febriles commotiones adducit.

Occupat externam partem ſ. pedem ſ. brachium etc. cum tumore profundiori, diffuſiori, ardore, duritie, pallido rubore & dolore lancinatorio, tenſivo circa ambitum.

Concurrentibus ſæpius, præcipue ſi ex metaſtaſi febrili oriatur, horripilatione, calore febrili, ſiti, ardore ingenti.

Interim ad ſuppurationem & abſceſſionem minus idonea eſt; & ſi ad maturationem incongruis adminiculis urgetur, maligna ulceratio, phagedenica, fiſtuſoſa, aut perfectæ ſphacelatio ut plurimum præſto eſt.

Prognosis: Plegmone in partibus externis ſenibus & cachecticis ſemper fere fatalis eſt.

The-

Therapia: Quæ vitanda in Erysipelate, & hic simul arcenda.

Item per interna magis res expediunda est, quoniam stases hic sunt profundiores. Ergo conveniunt discutientia, resolventia, alexipharmaca, moderate nervina etc.

### III.) Apostema & inflammatio Apostematodes.

Hæc posterior vero maxime in partibus superioris sanguinis aditui expositis, ubi ille in stasim ruite, suboritur.

Hanc insequitur inflatio partis affectæ, tumor durus cum rubore, præcipue in ambitu magis, quam centro, colore eximio, & dolore vellicante punctorio, cum tensione ægroto oppido sensibilibus.

Hæ circumstantiæ, quando acrius exagitant, excepto nimium repentino enormi impetu horum omnium, tanto certius evenit actualis abscessio, & hæc tanto certius, si tumor in nodum quasi magis collectus sit.

Absolvitur hæc intra spatium 4 aut ad summum 8 dierum.

Nisi quod partis valde exsanguis plane peculiaris constitutio & faciat minorem moram & ferat.

Sicuti vero discussio, s. resolutio staseos, in inflammatione scopus primarius: ita secundarius est suppuratio; prior interim status  
haud

haud tantis molestiis & consequentiis subji-  
tur, quam posterior.

Ubi tamen tactu molle planeque maturum  
evasit, & sponte vel arte rumpitur, effun-  
dit liquamen spissiusculum album nullius  
aut certe pauci odoris, ad ulteriorem putri-  
dam corruptelam non amplius propensum.

Quo facto eximius ille dolor quasi in mo-  
mento cessat, remanente tantum quasi fre-  
mitu quodam.

Emissio absterfoque tandem universo pure,  
apparet superficies cavitatis crudasive subcru-  
enta: recenter dissectæ carnis instar, sine ta-  
men sanguinis actuali effluxu.

Resarcitur & consolidatur hæc prompte,  
nisi quod, specialissima constitutio, glandu-  
loso-tubulosa singularem imprimis manati-  
onis refractariæ contumaciam objiciat.

Aut plane in deterius procedens corrupti-  
onis abscessoriæ indoles e simplici suppurati-  
one ulcerationem fecerit.

Quo magis rubor in suppuratione deficit,  
eo minus minusque insequitur restituti-  
o, sed manet potius fluxio ulcerosa coalitui  
refractaria.

Differt apostema a furunculo, quod in illo  
fit sanguis in porosæ partis foraminulis extra  
vasa corruptus: in hoc vero exilis sanguinis  
portio, in extremitate proprii vasculi, cor-  
rupta.

Quod ad Prognosin attinet in genere, siccit  
in

internorum viscerum inflammationes apostematodes ambigui maxime eventus : sic in illis etiam partibus, abscessu tali facto, ubi neque spontanea evacuatio facile succedit, nec arte commodè juvari potest, neque mundificatio vel nimii effluxus interceptio locum habet, nisi plane naturæ bonitate singulari spontanea restituantur, non raro certe exemplum hæcticæ, aut funestæ & incurabilis pene mali exhibent.

Sicuti vero vulgariter erratur, quando præmaturius suppuratio urgetur, dum discussio adhuc locum invenit ; ita etiam quando discussio nimis urgetur, ubi suppuratio jam instat ; est quod sub maturationis promotione temperata resolventia & quandoque roborantia prudenter adhibeantur.

In therapia, nisi discussio spei respondeat, maturatio intenditur per mucilaginosâ, pinguiâ, gummata non valde acria cum camph. emplastr. diachyl. cum gummi. &c.

Suppuratio præoccupatur quidem per Camphorata ; si vero hæc tardius adhibeatur, illa jam fiente aut facta, cavendum, ne dissipatis tenuioribus partibus fiat suppuratio, & pus nimis spissum.

Ad mitigandam inflammationis vehementiam conducunt refrigerantia saturnina &c. cum aliis remixta.

Maturi abscessus ruptionem promovent mel,

S

fer-



fermentum pistorium &c. nisi vero vel his remediis vel sponte rumpatur, aperiendus est instrumento; emissio pure, absterasio per digestiva, mundificatio & restauratio per balsamica, Ess. myrrhæ & succini peragitur.

Ante omnia cavendum, ne abscessus alibi mundus, & alicubi pure tenacior diu oblesus maneat: inde enim caro luxurians.

#### IV.) Gangræna.

Summus hic inflammationis prævalens gradus supervenit subinde statibus inflammatoriis, vel cum magna copia affluxus, & quidem præcipitis factis, vel etiam juxta cum adfluxu copioso irritationem secum trahentibus.

Variæ autem causæ naturam invitant ad affluxum talem impetuosiores, uti sunt: nimia sensibilitas & præcipitantia naturæ, plethora, & accidentaliter commotiones humorum per remedia interna calefacientia; externa acria, refrigerantia, adstringentia etc. offensiones & læsiones partium valde sensibilibus violentæ, frigus externum, compressiones, ligaturæ, ustiones morbi maligni pestilenciales, paralytes, morsus animalium venenatorum etc.

Signa diagnostica sunt tumor magnus, durities insignis, cum rubore saturatissimo, & livido nigricante, ardore intolerabili, & veræ adustionis sensum imitante,

Hæc

Hæc comitantur dolores lancinantes exquisitissimi, spastici, circumjacentium partium, & ægroti singularis anxietas, cum aliquali sensus obtusione, nec non partis laxitate & efflorescentia pustulari insequente.

Quoad Prognosin, nisi discussio mature præveniat, quæ tamen maximopere impeditur per impetuosiores in partem oblesam congestionem, deterrimum sortitur eventum, degeneratque vel in ulcus pessimi moris, vel sphacelum.

Quamdiu in gangræna adhuc sensus & rubor cum calore adest, tamdiu aliqua spes avertendi sphacelum superest.

In externis partibus aliquando curabilis: in internis semper est lethalis.

Sic etiam gangræna ab internis causis vel a veneno orta, semper pertinacior quam illa, quæ fit a contusionibus, fracturis vel combustionibus.

Theraphia: Omnia ea nocent, quæ nocere in inflammatione in genere notata sunt.

In Therapia positiva magis proficua sunt in insigniter plethoricis V. Stio tempestiva, temperantia, absorbentia, temperata alexipharmaca diluentia, abstergentia, diuretica & laxantia.

Externe resolventia & discutientia cum camphoratis, nervina, & lenientia adhibenda.

Magis proprie in principio gangraenæ lau-

dantur decoct. Scordii, insuper poma putrida, sive muria & faeces vinosae, sive cerevisariae etc.

## V.) Sphacelus.

Oritur ex inflammatione suppressa: aut ex inflammatione excessiva: ex coagulatione sanguinis per frigus, adustionem: ex interceptione per ligaturas, compressiones violentas: ex laceratione partium, tono viarum gravissimelæso; ex paralytica aut hemiplectica constitutione; conquassatione partium fibrosarum; sensu acerrimo inflammationi conjuncto copiosum affluxum & hinc incarcerationem, coagulationem sanguinis provocante; vulneribus male tractatis per refrigerantia, adstringentia acria, septica; humoribus depravatis & scorbutica iniquinatione confirmatis; imperita deligatione graviorum contusionum cum fractura ossium, aut hæmorrhagia feroci, unde suffocatio partis: *Erstickte Schäden*; moribus animalium venenatorum; læsionibus venenatis.

Sphacelus sicuti ex sanguine stagnante primum oritur, ita quoque sangviferas partes maxime inficit; quare ab ulceribus malignis distingvendus est: quanquam in his faetor adversus quoque adsit, sub quando hæc in sphacelum ruunt, hic non ita repente procedit.

Sphacelo partibus ergo corporis superveniente, disparet calor vitalis, & in frigus  
muta-

mutatur, color lividus nigrescens in parte immediate affecta; per ambitum autem ejus pallidus, & a florida vivida temperie alienus.

Cessant ibi dolores & fit sensus expers natura, adeo ut scalpello facta incisio minime ab agrote percipiatur.

Membrum est flaccidum & turgescit ordinarie per viciniam tumore pallido frigido, œdematoso.

Si post aliquot horas pars tumida scalpello feriat, non percipitur ibi sensus; neque fluit e vulnusculis sanguis, sed mœrus tantum ichor cruentus & flavescens:

Apparente in vulnusculis manifesto nigro densato sanguine, a fluxilitate debita alienato.

Ruit autem pars adfecta præcipiti progressu in fœtidam putredinem:

Adeo, ut non solum plane mollis & quasi semifluxa evadat, sed etiam olidisimum fœtorem cadaverosum spiret.

Prognosis: notabilis est observatio, quod destitutio sensus atque toni vitalis circa partem correptam se exerat, antequam actualis corruptio his partibus evenerit; subtilitamen constitutione, sensum atque motum, curatione feliciter succedente, recuperent patientes.

Ipse vero corruptio repente & per momenta serpit & progreditur in circum ambientes partes succedunt virium dejectiones animi angor, rigor, horripilatio, quandoque ppothymia.



Pars ergo correpta, nullam restitutionem admittura, omnino auferenda est; vel excidit etiam a reliqua viva parte, sponte sua, nempe abscedendo.

Sphacelo interno, internas inflammationes insecuto, supervenit repentina omnium dolorum circa locum affectum cessatio, sine ulla succedente purulenta evacuatione.

Huic admodum promptè junguntur virium dejectiones gravissimæ, lipothymix, pulsus debilissimi, palpitationes cordis, anxietates, refrigerationes extremorum.

Lentius vero, quam in aliorum viscerum sphacelo, eveniunt hæc in hepatis partis gibbæ sphacelatione.

Cæterum raritas mirifica sphaceli notatur.

Therapia: Itidem nocent ea, quæ de inflammatione dicta sunt, quod nosceant; insuper balsamicorum promiscuus usus, arsenicalia, corrosiva mercurialia, & omnia ea, quæ segnius operantur damno sunt.

V. Stio tantum locum habet, ubi plethora admodum urget.

Interne profunt discutientia alexipharmaca temperata, quibus interponenda roborantia, analeptica præ: aqua cinamom: citri, resolventia, abstergentia.

Externe pars corrupta auferenda sectione, unctione quæ omnibus præfertur in principio, sepsi, scarificatione.

Si sphacelatio profundior ossa & tendines in-

infecerit, amputatio quantocius locum habet.

Olea cinamomi & cariophyllor. a Recentioribus admodum laudantur, quod efficaciter externe sphacelo resistent.

## VI.) Ulcus in genere.

Obtingit partibus potissimum exsangvibus, sed tamen seroso-lymphalibus libere patentibus, aut per accidens ita dispositis, ut sanguis sincerior recipi non possit.

Unde subjectæ sunt ulceration partes cutaneæ, membranaceæ, tendinosæ, & ligamentosæ, tandem glandulosæ.

Per accidens transeunt in ulcerosam constitutionem etiam suppuratorii abscessus perperam cedentes, & vulnera post suppurationem non consolidata.

In specie invadit caput, unde in tenera ætate achores, crusta lactea, excoriationes retro aures.

In variis ætatibus scabies oritur; item eveniunt intertrigines, variæ ulcerationes a scalptione, allisione, erosionem aut ustione, foniculorum exemplo &c.

Seroso lymphalis ulcerum materia, si cum levissima & paucissima sanguinis parte intermisceatur, acres & urentes efficit serosæ corruptionis effectus.

Ipla materia serolo, lymphalis, quo plus serolæ, eo salior, quo plus lymphaticæ materiæ continet, eo acrior deprehenditur; acrius autem fermentescens, si plus de salivali materia, acerrima vero, quo plus de sanguinis miscela participat.

## In Specie. a) Fistulosum.

Fistulosum per multiplices angustos ductus & quasi speluncas in affectam partem transit; imo plane ad ossa penetrat, iisdemque suspectam cariem affricat.

Effundit materiam pravam foetidam & ratione coloris suspectam: hinc tale ulcus sæpius occalescit, & deterius fit, quando affluxus humorum pravorum adest.

Hæc materia est vel, insita in partibus vasculoso-tubulosis, vel adventitia in parte glandulosa. Hanc postquam arrosit, apertis ita multorum meatuum imo tubulorum orificiis, aperit exitum copiosius allabenti humori, qui aliàs per talem partem moveri debet.

Ejusmodi ulcus semel invento exitu incoercibile fere manat.

Quo adultior fistula, tanto pertinacior; hinc in primordiis omnimodo resistendum.

Quemadmodum ergo hæc ulcera omnino suspecta sunt; hinc a medicamentis valde pin-

pingvibus, emollientibus, adstringentibus, refrigerantibus, acribus, corrosivis suspectis, & cauteriis præmaturis abstinendum est.

Interne conducunt laxantia repetita, catarhalia & corrigentia humorum, Ess. Succin. alexiph. Stahl. tinct. Antim: Decoct. lignor. Decoct: vulner. Paracelsi e. rad. Ari & pimp. alb.

Externe. juvant Incisio, ubi huic locus est, abstergentia, detergentia, mundificantia, septica mitiora secura, discutientia, consolidantia, balsamica roborantia.

### β.) Apostematosum, vel e purulento abscessu subnascens.

Oritur hoc post apostema pure jam liberatum, si affluxui floridi sanguinis pars, ob densam structuram non pateat, sed tantum in læsa hac continuitate serum cum diluta lymphâ transmittat primo mucescens deinde mota falsedine sua partem aggrediens.

Vel etiam ex neglecta abscessuum mundificatione & inconvenienti tractatione per unguinosa.

Unde abscessus in ulceris indolem conversi, superficie pallida, livido quasi nitore decolore, pruriginoso ardore molesto, saniem decolorem tenuem exhibente (vermahlosste,)



unreine Schäden) insenescentes & in obfirmata transeuntes, (alte Schäden)

Hæc non solum copioso confluxui ad talem locum viam sternunt; sed etiam quicquid in corpore commotionem subit, statim ad locum affectum quasi peculiariter dirigitur.

Imo talis locus, consolidato licet ulcere, in posterum a peccantibus, si qui oriuntur, humoribus illico occupatur; unde variæ congestiones, stagnationes, inflationes, rheumatismi.

Et non raro ad ipsam ulcerationem denuo reducitur.

## VII. Furunculus.

Stasis sanguinis non tam intra poros musculosæ partis, quam simplicius in vasculo aliquo sanguifero s. venoso s. arterioso detinetur.

Format tuberculum vix baccae lauri amplioris vel cerasi nigri magnitudinem excedens cum ardore insigni & rubore ad purpuream usque obscuritatem.

Vehementia doloris major quam pro mole sua, in comparatione ad alias inflammationes: imprimis in majore furunculo maxime insolens est non solum pungitivo-æstuosus, & eximie urens, sed etiam spastico-vibrativus cum ingenti inquietudine,  
agry-

agrypnia, anxietate, calore febrili, hinc:  
es. thue so weh, wie bluthschweren.

Signa emollitionis aut maturationis per aliquod tempus non ita cito exhibet, sed difficulter suppurationem subit.

Qua v. facta exiguum pustulam suppurationem sistit.

Hac scissa vel rupta exiguum foraminulum videtur, exeunte post expressionem una vel altera gutta puris modo spissi, modo inæqualis fluidi, discoloris, ichoreosi, cui sub paulo fortiore pressione cruentus ichor aut modicum sanguinis sinceri succedit.

Rupta suppuratione manet ambitus non solum longe latius, quam in aliis etiam capacioribus suppurationibus solet, perquam durus; sed etiam dolens adhuc & ardens præter simplicium morem.

Foramen est quidem non nihil profundum, sed summe angustum vix crassioris acus ambitum excedens.

Hoc si turunda aliqua leniter dilate tur & sine irritatione conveniente tractatione consolidetur, eis eum ambiens tumor durus pedetentim subsidet, & pars restituitur.

Prognosis: Si furunculus ut maior, maturatio tardius succedat, & emplastris attractivis, unguinosis, incongruis mellitis perperam tractetur, oritur diffusior corruptio in albam & tenacem materiam.

Si locus furunculi sit mundificationi minus  
aptus

ptus, & diu persistat, antequam vel sup-  
puretur vel pus suum emittat, subsequitur  
nonnunquam fistula e. g. hæmorrhoidalis  
ani.

Aliàs suppuratione minus prospere cedente  
in sphacelum præceps; imo hoc ipso ad  
foetidam qualiscunque suppurationis depra-  
vationem pronior est furunculus.

Therapia: Abstinendum interne a positi-  
vis diaphoreticis & refrigerantibus: exter-  
ne a nudis refrigerantibus præsertim a diutur-  
no ipsorum, usu nam inde scirrhositas, ulcera-  
tiones malignæ, ipse sphacelus.

Si vero in unum nodum collectus furuncu-  
lus exiguam illam veluti tubulosam suppura-  
tionem assequatur, tractetur Empl. vel dia-  
chyl. c. gummi, vel de minio cum camphor.

Totus igitur ad suppurationem perducere  
opus non habet.

In pustulæ suppuratæ foraminulum, eva-  
cuato pure, prodest immissio guttulæ Ess. ex  
myrrh. succin. cum aliquot guttis olei there-  
binth.

## VIII. Carbunculus s. Anthrax.

Nascitur hic ex eodem fonte, quo præce-  
dens, nisi quod hic specialis plerumque pu-  
tredinosa concurrat efficacia.

Unde facile concurrat sphacelus.

Quod sit, quando vehementissimæ in-  
flam-

flammatoriæ commotiones inducunt doloris excessum, colorem e purpureo nigricantem, ardorem ita urentem, ut veluti rubore exandescat, denique nigrescat, & veluti adustam relinquat partem, desinentem in sphacelum.

Distinguitur hoc malum in benignum, rarius (citra pestem, ubi tamen satis malignum est) & malignum pestilens.

Quoad prognosin anthrax etiam sine peste mortem minatur, ob promptissimum sphacelum.

Si vero salutariter exeat, lenioribus præcipue remediis tractatus, vel in vel extra pestilentiae tempus, vix unquam in laudabile pus transit, sed in meditullio sui putrescit, parte circumjecta suppurationem fuscipiente, meditullio putrido excidente.

Differt furunculus ab anthrace, quod illius sedes magis superficialis in corpore, hujus vero profundius introrsum hæret.

Furunculus extrorsum protuberat, Anthrax magis introrsum indurescit, & corruptione succedente, etiam quantumcunque felici, insigniter dehiscere & excidendo aliquid amittere solet.

Therapia: Anthracum s. carbunculorum, cura maturam deposcit suppurationem per cataplasmata & emplastra emollientia maturantia, maturam apertionem, & per mundificantia vulnus eluendum.

Quodsi vero tales tumores critici retrocedere



re videantur, ferrum calidum vel in vicinia  
vesicatoria admoveantur.

## IX.) Cancer occultus, & ulce- ratus.

Subjecta huic sunt loca glandulosa, tu-  
bulosa, membranacea, tendinosa, mam-  
mæ præcipue fæminarum, facies, labia, na-  
sus, genæ, uterus, partes genitales.

Excrefc ntiaæ qvoque fungosæ glandulo-  
farum & membranacearum partium, stru-  
mæ ulceratæ, diutius toleratæ, illæ fere sæ-  
pe, hæ promptissime in tale genium dege-  
nerant.

Cancer mammarum, in qvibus verus &  
perfectus est, oritur â vitiis lactis, contusi-  
onibus, compressionibus, acutis compuncti-  
onibus, vitiis menstruorum.

In aliis partibus, imprimis glandulos-  
tendinosi aut cutaneis insigniter contusis, un-  
de sugillationes in scirrhum indurataæ  
sunt, ut & a violentis compresforiis vellica-  
tionibus, *knipen*, *zwicken*, acutis contusio-  
nibus, subtilibus puncturis, a subtili, co-  
piosa tamen varicosa vasculorum sensim  
schirrhosa constitutione.

Hic sæpius concurrunt temperamentum  
præprimis melancholicum, cholicum, lues  
venerea, febris 4tana prægressa, hæredita-  
ria

ria dispositio, aer frigidior post sudationes repente admissus, cibus dyspeptus, vina acida austera, moror d'uternus, curæ graves etc.

Fit igitur ab his vel aliis causis collectio nodi varicosi duri inæqualis livida v. g. in mammis.

Hæret ibi per satis notabile sæpius tempus sine, aliquando cum, magno sui incremento.

Et hoc posterius præcipue e mala diætâ, irregulari regimine, & immoderatis animi & corporis motibus, vel perversa medicatione & irritatione.

Dolor cooritur pro sensibilitate ægroti vel major vel minor, plerumque non moderatus, sed acutissimus, urentis ardoris cum animi angore gravissimo ad lipolhymias usque.

Omnibus v. quibus dura hæc inflatio mammam latius obsedit, una contingit glandularum sub ejus lateris axilla sensibilis inflatio, induratio, dolor, quod nonnunquam colli & brachii vicinia experitur.

Quo major dolor, eo major febricula, quæ interdum adeo invalescit, ut hectici caloris gradum longe superet.

Adsunt vigiliæ, insomnia, metus & terroris plena, cum languore, appetitu ut plurimum exiguo, rarius, ubi mentis turbatio, inordinate adaucto.

Co-

Copiosior vero alimentorum assumptio mala est.

Manent ita per longum saepe tempus sine actuali ulceratione occulta [cancrum occultum vocant)

Hac vero succedente & corruptione praevalescente erumpit incoercibili impetu aut intolerabili dolore grassatur, donec perumpat.

Labia ulceris turgida & quasi occalescentia evadunt vel livido communissime, vel roseo quasi rutilante colore conspicua, idque cum tanta saepe viciniae laxitate, ut sublevi scalptione mox cuticula abradi possit, & substantia ipsius cutis substratae velut miliaris, sed mollioris tamen texturae appareat, humiditatem multam & quasi perpetuam fundat, imo mox visibilia foraminula exhibeat, quibus ichor talis veluti ex profundo scaturit.

Materia ex ulcere manans tetri coloris & odoris, praec. si paulo crassioris consistentiae, existit.

Est vel tenuior flavescens vel subgruenta communiter admodum corrosiva, ut lintea imposita brevi tempore, tanquam aqua fortis, corrodat & friabilia reddat, ipsam etiam cutem in parte adhuc sana, veluti aduret.

Quid? quod ferramenta rubigine prompte afficiat, & cum absorbentibus interdum effervescat.

Foe-

Fœtorem spargit acetosum & putredinosum carnis in muria salina vel aceto computrescentis æmulum.

Abcedunt, licet rarius, quandoque integra frustula. Adhuc rarius ut aliquid excrescat, quasi luxurians, nisi ubi per sarcoctica, balsamica pars quædam mundificata sit.

Prognosis: Quo magis depascit, eo major est fœtor: sin minus & tamen acerrime cruciet, prævalet acris corrosivitas.

Quando hæc mitior, tunc omnia mitiora.

Si v. nulla prorsus acrimonia insignis oriatur, increbescit putrefactio.

Cancer occultus admodum sensibilis, & curatio ut plurimum dubii eventus existit, Hinc Hippocr. vere dicit. Sect. VI. aph. 38. Quibus occulti cancri fiunt, eos non curare melius est, &c.

Cancer in mammis semper, quam in aliis partibus, periculosior est.

Cancer adhuc recens, aptis remediis tractatus, melioris curationis est inveterato.

Animi pathemata, si non majori, certe pari gradu cum assumptis incongruis ad falsam acrem fermentationem & putredinem contribuunt.

Exstirpata hujus mali maxima parte, sæpe vel unica venula isto infecta, causa est de novo provenientis corruptionis.

Facta jam & irritatione & affluxu majori, tum etiam corruptione aucta, si corrosio

T

in-



inhibeatur, putrefactio, fætor & colliquatio magis insolescit.

Si vero corruptioni resistatur, exardescit tanto magis arrosio, ardoris & vellicationis acerrimæ sensus.

Quo in subjecto simul concurrit cacochymia vel plethorica constitutio, & congestio frequentior, uti sunt mensium vel lochiorum vitia, & alia corporis & animi turbæ; eo majus periculum imminet tam in occulto, quam aperto cancro.

Etsi uterque malæ indolis, longe tamen deterior exulceratus est.

Contagiosus est, his præcipue qui ad illum recipiendum magis dispositi sunt, in genere vero non æque.

Therapia: in occulto semper melius est, intactum relinquare, quam remediis irritantibus aggredi: hinc jam Hippocrates ab irritantibus, emollientibus, maturantibus cavere jussit.

Porro nocent unguinosa, pingua, gummata acria, resinæ, refrigerantia, valde repellentia, septica, in- & externe valde commoventia, mercurialia.

Conveniunt universalia laxantia, repetita v. s. bis in anno, maxime adsueta; tum ob-  
sorbentia cum leni diaphoresi. Externe, præ aliis, multis, crebrior usus Spirit. vini camphor. circa partem.

In ulcerato præstat abstinere a septicis, corrosivis fortioribus, oleosis acribus sulphuratis

ratis, emollientibus, pinguibus, refrigerantibus, exsiccantibus, acidis, arsenicalibus, mercurialibus corrosivis, opiatibus, narcoticis &c.

Conducit mundificatio per ol. laterin. empyreumat : corruptionis inhibitio per myrrhæ usum providum; affluxus repulsio, per spirit. vini camphor. rectificatum; denique consolidatio per sarcotica.

Loco opii in & externe ad dolores mitigandos conducit nitrum cum Tartar. vitriol. & absorbentibus: externe tabacum &c.

Varia specifica proferuntur, quæ hinc inde quidem laudantur, sed Stahlius & alii admodum extollunt succum ex, onopordo, s. acanthio, in cancro faciei.

## x.) Scirrhus sanguineus & seroso-glutinosus.

Ortum debet maxime prægressis commotionibus humorum, vehementibus contusionibus, sensibilibus vellicationibus (zwischen, kniepen) aut undecunque natis tumoribus, & externo neglectui aut malæ administrationi debitarum resolutionum ac discussionum, perverse tractato erysipelati, phlegmoni, oedemati &c.

His scirrhis tumoribus æque expositæ sunt internæ partes, hinc interdum nobi-

lora viscera afficit; qvi etiam periculosi-  
ores externis omnino sunt.

Specialior vero horum indoles variat se-  
cundum partium., in qvibus nascuntur,  
varium habitum ad receptandos humores  
vel seroso-glutinolos, vel spissius cruentos.

Differt 1.) ab inflammatoria stasi, qvòd  
in hac facilior discussio. 2.) ab ulcerosa con-  
stitutione, qvòd hic serosa salivalis acris  
humiditas concurrit.

Scirrhi sanguinea stasi nixi simpliciter pes-  
simi moris & cancrôsæ veluti indolis sunt.

Scirrhi Sanguinei s. exsanguës, in qvacun-  
que sive externa s. interna parte exorientes,  
valde exacerbantur, subinde circa anni &  
tempestatum diversas mutationes, ex præ-  
gressis animi & corporis motibus, pravis  
regiminibus & diætæ vitiis.

Hippocrates jam consuluit sanguineos  
intactos potius relinquere, & hodierni chi-  
rurgi usum emollientium interdiciunt.

## Cap. V.

### *Historia dolorum in genere.*

**C**ausæ proximæ sunt motus a conge-  
stionibus & propter easdem; remo-  
tiores, coloris & frigoris repentini  
insultus, acres salinæ materiæ. Occurrunt  
variæ species.

1.)

1.) Urens & ardens.

2.) Rodens, citra æstus, ad tactum quasi contusorius (es thue ihnen so wehe, als Bluths schneiden).

3.) Pruriginosus, in ulceribus, scabie.

4.) Lancinans compunctorius in capitis agitationibus, concussionibus.

5.) Mordicans, manifesto spastico impetu, uti in intestino recto quandoque.

6.) Tensivus, ut in colica.

7.) Gravativus plethoricorum.

8.) Gelidus sensus in vertice imprimis, rarius in lumbis.

9.) Versatilis acer, jam de suppuratoriis, jam de arthriticis rheumaticis dicitur, zerrendes, reißende. etc.

10.) Terebrans in lue venerea

Inter innominatos:

1.) Ελκιδής, quasi ulceris crudi, es sen wie rohe, beiße, nage, wie ein offner Schaden. Tum contusorius post motus corporis minus consuetos fortiores, ubi convenit cum rodente.

2.) Οσεόκοπος post intimam lassitudinem & fatigationem, quam ad ossa & medullam penetrare dicunt.

3.) Fremens inquietudinis author in partibus mollibus, (es summet ihnen in den Gliedern) alii formicantem quasi expressuri, es krüble darinnen wie Ameisen.



4. Palpitatorius, non raro a convulsivis motibus.

Quemadmodum autem motus congestorii & inde varii dolores facile citra materiam proportionatam etiam in consuetudinem abeunt; sic iidem a patheticis animi commotionibus promptissime redeunt.

Comitantur dolores, inquietudines & corporis & animi, vigiliæ, & impatientia, imo metus periculi cum spei abiectione, somniis terrificis.

Sequuntur non tamen æque sæpe vel perpetuo debilitates virium, spasmi, convulsiones, paralytodes membrorum enervationes, atrophix, ariduræ, contracturæ.

## Cap. VI.

### *Historia motus humorum spasmodici in genere.*

**S**ubjectis facilius evenit succulentis, spongiosis, sangvineo-phlegmaticis vel sanguineo-cholericis, plethoricis, omnium maxime hæreditarie prædispositis.

Præterea gracilioribus plethora tamen oneratis, præcipue post assuetarum sanguinis evacuationum omissionem vel intermissionem.

In dispositis tanto citius spasmi oboriuntur ex diætâ plena, lauta, spirituosâ, exagitantibus

tibus volatilibus, corporis præcipitibus motibus, animi pathematibus, veneris intemperantia. Remotius, a vermibus, calculo, globis sclopetariis, morsibus animalium, contusionum doloribus (das sie oft einen Calender am Leibe tragen müssen.)

Item respondent ut plurimum istis hæmorrhagicis commotionibus & moliminibus per ætatem contingentibus

Rarior est universalior aut late admodum per corpus se diffundens spasticus actus: uti tetanus, emprosthotonus etc.

Frequentius se exerunt in singularibus corporis partibus, brachio, manu, cruribus, in aliquo musculo femoris, pedibus, horumque digitis;

Circa caput infamis est spasmus cynicus; circa occiput in musculis capitis erectioni inservientibus; seqviorem præcipue sexum cum aliis rheumatico-arthriticis passionibus invadit, cum circumflectendi capitis impotentia.

Nec improbabile Thoraci interdum spasmos evenire, cum respirationem intercipient, & dubiam reddant apoplexiæ aut catarrhi suffocativi indolem.

In œsophago & ventriculo nati sunt tales rigores deglutitionem remorantes aut ita renitentes ut nihil ventriculus admittat; præsentem simul anxietate cardialgica.

Uti & in intestinis, ubi colicos dolores formant; præcipue Intestinum rectum nonnunquam tanta contentione stringitur, ut ne quidem cannulam clysticam, nedum altiorrem ipsum clysterem, admittat.

Vesica non minus exposita est spasmis, in stranguria, commotione calculi, & anus in tenesmo.

Species spasmodorum variæ sunt:

1. Tetanus, obrigescentia corporis in situ recto, ut immotum maneat; facile revertitur.

2. Emprosthotonus, incurvatio corporis antrorsum.

3. Opisthotonus, eadem retrorsum.

4. Catalepsis, obrigescentia totius corporis in situ, quo præhenditur, a profunda cogitatione, terrore, amore, admodum rarus affectus est.

5. Incubus Thoracem dormientibus comprimit, respirationem & motum corporis impedit; exsolvitur motu unius membri, & relinquit aliquam lassitudinem.

6. Succubus similis affectus; subjectis v. lascivis obtingens.

7. Asthma convulsivum vigilantibus potius accidit, & occupat tantum thoracem.

8. Spasmus cynicus os hominis ad modum rictus canis a cursu anhelantis dehiscere, sive circa angulos hiare aut pertinacissimæ claudi

cogens , convulsioni , epilepsia , apoplexia , hemiplexia , in quem facile ruit , propinquior , lethiferi communiter eventus.

9. Ritus sardonius in utraque maxilla semper fere cum delirio junctus idem efficit.

10. Priapismus, penis violenta, dolorificatensio magis quam erectio, quo ipso differt a satyriasi in procaci hujus erectione ad leves phantasias constante.

11. Chorea Sti Viti est saltatio quædam pedum involuntaria , uti in Tarantismo , fere idem contingit.

12. Uti etiam in arthriticis , Apoplexia , (in thorace suffocativus) aridura , contractura , nodis podagricis varia se spasmodum exhibent schemata.

13. Specialiter inter se differunt spasmi, dum alius in paucas fibras tantum exercetur , unde fibrillaris arthriticis familiaris incompletus, tarde in agitatione , contumaciter in duratione ad *ακμην* productus, lente remittens, vibraticus , *zitterndt* , *reißend* , wie gegen ein ander fahrende Messer.

Confirmatus talis spasmus fit completus, exsuccus , pallidus , frigidus , stupidus.

14. Alius est muscularis , qui totum musculum comprimit fluidi transitum excludit , vasa inflat , unde congestio & directio humorum ad certum locum.

Prognosis : Nisi optatus finis per expressionem



fionem obtineatur ; metuenda sunt ab universalibus repentinis spasmis inflammationes internæ, a partialibus in capite convulsiones.

Spasmi junioribus frequentius evenientes, augeſcente ætate, arthritidem; ſenibus minus adſvetis, apoplexiam, aſthmata convulſiva, paralyſes, minantur.

Si acutis morbis, vulneribus, cerebri commotionibus ſuperveniant, mali ominis ſunt & ad convulſiones propenſi.

Simplices tranqvillis & plethoricis, qui accidunt, magis innoxios pronunciare licet.

Semel v. in conſvetudinem abeuntes, ſæpius recurrunt.

Therapia curatoria ad motum ſiſtendum commendat, ſemper præmiſis generalioribus, ſuccin: Liqv: c. c. ſuccinat, nitrum, annulos antiſpasmici: ſal. volat. vrinofa cum Tinct. Sal. Tartari remixta.

Præſervatoria materiæ educationem per V. S. ſcarif. hirudin: opportuno tempore & loco, laxantia, attenuantia, placidum corporis motum etc.

## Cap. VII.

### *Hiſtoria motus humorum ſpasmici in ſpecie.*

#### I. Arthritidis vagæ.

Sub-

**S**ubjecta sunt maxime sana, plethorica, succulenta, spongiosa, otiosa, diætæ plenæ lautæ, aromaticæ, vinosæ, rebus venereis indulgentia, iræ aliisque animi pathematibus dedita, & , quia talia minus fovet paupertas, præcipue divites.

Rarius evenit juniore ætati, nisi graviores præsentaneæ causæ adsint: item post potus spirituosos copiose ingestos, refrigerationes corporis repentinas post æstum, fortes artuum allisiones, concussiones subluxatorias cum dictis concurrentes etc.

Causæ sunt potissimum dispositio hæreditaria, evacuationum sanguinis suppressiones aut neglectus, plethora, & ea, quæ in descriptione Subjectorum indicata sunt.

Strictius sumptæ arthritidi subjacent magis juvenes a XX. ad XL. annos.

Occupat potius superiores partes, scapulas, axillas, humeros, brachia, dimidium caput ( in hemicrania ) nucham, cervicem, imprimis dimidiam posteriorem partem thoracis, anterioris thoracis alterutrum latus; circa thoracem a clavicula ad hypochondria grassans pleuritidem notam exprimit.

Aliàs communiter in illam ætatem incidit, in qua hæmorrhoides exitum affectare solent.

Ubi itaque incipit circa dorsum, lumbos, coxas sese exercere cum passionibus nephriticis

ticis plerumque complicata, a quibus tum ægre discernitur.

Quam diu arthritici tales affectus mitiores & ad exacerbationem sui veram collati, adhuc indolentes sunt, appellantur admodum usitato nomine Rheumatis: der Fluß liege ihnen in der Achsel, oder an der einen Seite des Halses, am Schulterblat, im Rücken, stecke im dicken Schenkel in der Hüften, daß Sie sich nicht wohl bewegen, umbsehen, bücken, niedersitzen, und wider aufstehen können.

Quo rarius talia eveniunt & diutius durant, quo magis interiores partes, os sacrum, coxendicem, acetabulum ossis femoris, exteriorem femoris musculosam partem vel articulationem pedis cum metatarso den ballen am Fuß occupant; eo magis verum iuum nomen profiteri incipiunt jschiadis, podagræ.

Quando exquisiti tales dolores in uno loco corporis successive, contumacius tamen & constantius subsistunt, chiragræ, gonagræ, mali jschiadici, podagræ nomen assumunt.

Differt arthritis à podagra 1.) loco, 2.) ætate, in illa juniore, in hac seniore, 3.) ordine, cum illa podagram præcedere soleat.

Inlequitur arthritis vaga hæmorrhagias naturales, & artificiales emanentes, omis-  
sas: imo molitur sub tali spasmodicorum motuum exundantia, maxime in foeminino sexu; sc. mensium & hæmorrhagiarum marium.

Si vero sudores succedant, æque bono omine fiunt, modo diu ac temperate conserventur.

Vaga arthritis cognoscitur e doloribus ab una parte in alteram discurrentibus, sine admodum diuturna plurium dierum, nedum constanti in singulis mora.

Exposita est huic solennius junior ætas, sexus fæmininus; seniores à prægressis ætatibus malo hoc tenaciter obsessi permanent, rarissime demum ab ipso liberantur.

Doloris sensus supra de motibus spasmodicis expressus est.

Servat exacerbationes typicas ut febris, ut impetus omni die remittat, & revertatur: cum pulsus alteratione febrili.

Pervagatur unum post alterum membrum, usque dum etiam pectus obruat.

Compages musculorum sub motu spastico dolorifico est compressa, quasi arida, ut flecti non possit præ dolore; venæ sunt inflatæ, subsequente partis spongiosæ intumescencia remittit dolor & æstus, exacerbatio.

Prognosis: Omni modo frequens recursus averti debet, quoniam facile in contumacem consuetudinem abit.

Levis aberratio sive in diætâ, s. regimine, s. medicatione, affectum deteriorat, & alia fontica mala inducit.

Arthritis vaga, scorbutica, quo crudelior & diuturnior, eo facilius ad varias hæ-



hæmorrhagias ruit ; ubi quam diu fluit sanguis, dolor cesfat simulatqve fluxus sistitur, dolor redit.

Therapia arthritidis vagæ haud secure perfert purgantia positiva, vomitoria, confusas V. Stiones, multas sudationes inordinatas, nimis calida concentrata, sulphurata, salivantia per mercurialia, externa adstringentia, nimis refrigerantia, narcotica, repellentia, topica, obstipantia &c.

Cura vera consistit in tempeſtiva V. S. Scarif. in contemperatione per nitroſa, absorbent. ſalia digest. in ſpongioſis per acida; humorum ſæquali diſpersione per diaphnoica, regimen blandum quietum.

V. Stio vero ſi arthritidis vaga adſit, nocet, hinc magis præſervatoria prodeſt.

Externe nil æque prodeſt quam calor & ſotus temperatiſſimus, camph. & ſacculi diſcutientes.

## Cap. VIII.

### *Historia podagræ & mali ischiadici & varicis.*

**S**ubjecta & cauſas cum arthritide habent communes, niſi quod huic etiam obnoxii ſint graciles vel ex hæreditate, vel qui antea ſpongioſi fuerunt ; ætas quoque magis virilis, vel ſenilis;

Iunior

junior non item, nisi vel ex parentum translatione, vel motibus hæmorrhoidalibus prægressis cum vini, iræ, & veneris excessu.

Fœminæ magis malis spasticis hysterico-arthriticis subjacent; quæ vero ad podagram inclinant, cælibes, plethoricæ, hæmorrhoidariæ sunt, ubi ab jschiade plerumque incipiunt.

Inter causas reliquas accensenda est rheumatica dispositio ex apostasi febrili, nisi longo alexiph. temperant. diuret. usu discutatur. Transpiratio suppressa, pedum sudor emanens, aer pluviolus, frigidus, cibi indurati, salsi, vina austera, acida, nimia desidia, animi pathemata graviora &c.

Præluit præcipue apud amplioribus vasis instructos cum vasorum per tibiā conspicua inflatione, cui jungitur gravatio totius corporis & tensio per ipsum femur deorsum, cum aspectu pallido partium musculosarum.

Sensus doloris est apud alios tractorius, vellicatorius, vibratilis, acutissimus, interlancinans, cum inquietudine, & sæpius clamore ægrotantium, horripilatione æstus volatico.

Apud alios, præprimis phlegmaticæ magis constitutionis, est prorsus obtusus non dolorificus, nisi quod stuporem, gravitatem, & impotentiam, aut si hoc fiat, subtilem acutum sensum tanquam aciculæ inferat.

Orditur aliis à superioribus deorsum, a coxa  
&c.

etc. aliis ab infimo pede ab ipso pollice majore, vel dem Mollen pedis.

Quanto acrior autem est sensus, magisque dolorificus, eo minor comparet communiter alteratio externa sive coloris, s. magnitudinis. s. sensibilis caloris.

Subsistit per plures dies temporaria tantum remissione, permanente semper rigore, tensione, quæ leni corporis motu denuo ferocit.

Somnus sub remissione parvus est cum frequentibus pavoribus, ubi allisione pedis semper dolorem revocant; remittentes pavores indicant & paroxysmum remissurum esse.

Post. 2. 3. 4. septimanas desinit dolor in rigorem, stuporem.

Quibusdam statim circa principium, aliis circa finem evenit tumor, quo facto facilius refocillantur, & diutius persistunt immunes.

Ubi quidem tumor tempestivus parum coloratus, cum rigido stupore membri ad aliquot septimanas jugiter contumaci, phlegmatico-sanguineis, vel phlegmatico-melancholicis est.

Sanguineo-cholericis familiarior est tumor sine dolore, vel supervenit huic interdum tumor subrufus erysipelaceus.

Musculi autem manent compressi, diuque nec lenissimam flexuram sine nova doloris irritatione ferunt.

Et cum sæviente dolore nullum nisi anxium

um habeant sudorem, nunc langvescente impetu lenis prodit mador vellargus sudor, ex ipsa etiam parte laborante.

Quibus, sub ipso adhuc dolore, corpus sudat, iis plerumque pars dolens pertinacissime sicca manet.

Appetitus aliis est constans, aliis omnino jacet; imo absunt nausea, vomituritio vomitus.

Concurrit cum his posterioribus fere syndrome pathematum in abdomine, nempe in sinistro hypochondrio colica, alvi ficcitas; cum prioribus v. magis passiones lumbares, renales, nephriticae, calculolae.

Redit paroxysmus statò tempore, verno imprimis & autumnali: tum sub insignibus etiam tempestatum mutationibus frigido-humidis; ubi tamen facile & exasperatur & provocatur ab ira, terrore, venere, baccho, motibus concussoriis, diata mala hypochondria turbante.

Hoc tempore invadit saepe cum pectoris angustia, tussim mentiente & asthma humidum, concurrente coryza.

Dictam scenam iterato ludit, ut post tensivas gravativas inquietudines in artubus sensim (nisi ab animi pathemate) dolores se exerant, quos comitantur febriles circumstantiae: vagae sensationes volaticae, refrigerentiae & incalescentiae per habitum corporis, appetitus imminutio, somni perturbatio, lan-



guores tædioſi, ſiticuloſitas cum faſtidio fere uſitatorum potuum, impatientia.

Inter accidentales hujus affectus circumſtantias annotantur ſeqventes & in prognofi notandæ.

Spontaneus paroxysmus invadit ordinarie media nocte; ira vero vel terrore accitus in momento irruit.

Quælibet una periodus abſolvitur pluribus paroxysmis, qui quotidie media nocte orti verſus meridiem miteſcunt.

Periodus per 2. 3. 4. ſeptim. durat; Diutius vero, ſi ſopitione maxime turbetur, irritatione in habitum deducitur.

Quo magis dolor urget, eo brevius hic durat & alacriorem relinquit ægrotum.

Sudores ſub finem paroxysmorum, maxime poſteriorum, erumpunt.

Furfuracea ſquammofa ſecesſio non omnibus, ſed magis cholericis obtingit.

Sic & nodi tophacei infrequentes ſunt, niſi in ſtatu inueterato, & illis præcipue qui acres dolores perſentiſcunt: neque raro enaſcuntur poſt externa coagulantia, refrigerantia, membrorum applicationem ad niſum fortiorem, iram.

Quo magis vero a paroxysmis remanet inſigne vitium ſ. tumoris ſ. torporis ſ. rigoris ſ. nodofæ duritiæ, ſive contractæ diſtorſionis, eo promptior ſit recursus, aut ad minimum tanto certior & in univerſum communiter pertinacior.

Utra-

Utraque podagra dolens pariter & stupens  
ordinarie fatiscit in hebetem quendam atque  
torpidum sensum, vulgo Einschlaffen der Glieder,  
oder als wenn sie auf Pesse giengen.

Parcissimi podagrici sunt, qui non renum &  
urinæ calculosis vitiis & hæmorrhoidibus sunt  
obnoxii; imo præludunt nonnunquam pathemata  
vere nephritica.

Ubi vero nephritica calculosa saburra podagræ  
complicatur, ibi raro simul observantur hæmorrhoides.

Urina est rubicunda crassa instar cerevisiæ;  
deponit sedimentum; crudiore adhuc malo,  
paucissimum & leve, pallidum, albicans; pro-  
vectiore v. malo, crassius, submucidum, magis  
roseum, dimittit ad fundum & latera vitri  
granula fabuli pellucida, colore carneoli  
i. e. saturato & cum rutilatione insigni auran-  
tio.

Prognosis specialior est, quod contracturæ  
arthritico-podagricæ rariores sint, nisi gra-  
vibus animi pathematibus, diaeta intempe-  
rantius vinosa, inconditis artificiis, balneorum  
alienius medicatorum abusu inducantur.

Quo tamen non referre decet familiarem  
præcipue gracilioribus impotentiam flectendi  
partem sub doloribus, & sub finem eorum  
tractionem & rigorem.

Juniores podagrici minus diu supervivere  
aut certe senium non attingere observantur.

Hi tamen ante omnia expositi sunt 1) evi-

dentiori podagræ conſpirationi cum paſſionibus hypochondriacis admodum vehementibus. 2.) faciliori ejus retroceſſioni ab artubus ad interiora. 3.) vel magna vehementia, convulſiva magis quam ſpaſtica circa corpus externum exagitantur.

Regurgitationem vero ad interiora excipiunt inflammationes viſcerum, febres acutæ, obſtipationes viſcerum.

Exitus v. juniorum, qui hoc malo inſeſtantur, fere eſt vel ad dictis affectibus, vel a paralyſi partium imo apoplexia: accidentaliter concurrentibus vomitu cruento, colica, ſingultibus, lienteria, fluxu hepatico &c.

Contra, qui maturis annis tarde podagra tentantur, vitam communiter ad ſeram uſque ſenectutem producant.

His autem retrograda vel, ad interiora repulſa, appetitus dejectionem cum vomitu vel vacuo vel aſſumptorum, graviora ſplenica mala, febrem lentam & hecticam, viribus ſignanter proſtratis, agrypniam, vomitum cruentum ſæpe inferit.

Exit his plerumque in marasmodem, hydropico - hecticum aut paralytico - apoplecticum ſtatum; in vegetioribus adhuc in febrem acutam.

Podagra inveterata ſubinde ſaltem mitigari, rariffime funditus eradicari poteſt.

Cholerico - ſanguinei fere à tumoribus immunes ſunt, potius ſtriſtura quædam partium & inde timenda aridura ſuperuenit.

San-

Sanguinei habent tumores duros, rubicundos; phlegmatici vero molles, œdematosos utrinque cum doloris sensu.

Hæmorrhoides legitime & sufficienter fluentes, non ischiadicas passiones solum, sed veram podagram, solide auferre possunt.

Therapia: Hic magis exulare debent vomitoria, positiva purgantia, indiscretus venæsectionis usus, vigente præcipue paroxysmo, valde commoventia, acria nervina calida, volatilia oleosa, narcotica, lignosa calida, mercurialia; Externe adstringentia, bolaria, refrigerantia, sulphurea, emollientia, topica, unguinosa, obviscantia, acria spirituosæ.

Magis prosunt interne contemperantia nitrosoabsorbentia, in spongiosis acida, Decoct: citrat: acidulata pro potu; matutinis horis lenia diapnoica, decocta resolventia; Alvus semper sit libera per lenientia. Externe discutientia, sacculi nervini, spirituvini camph. irrorati &c.

Prophylaxin explet depletio sanguinis, motus corporis consumptorius, hircinum applicatio in hæmorrhoidariis, pulv. temperans, externe camph.

Godofredus Kirch scarificationem pedis & emissionem sanguinis, quantum in aqua calida sine cucurbitularum suctione, sola lignei quasi cultelli pressionem obsequitur, in ipsa hora novilunii, commendat.



## In specie Malum ischiadicum.

Subjecta habet cum podagra communia, sc. plethorica, sanguineo-cholerica, quæ in juventute narium hæmorrhagiis obnoxia fuerunt.

Oritur ex dispositione hæreditaria, hæmorrhoidum præc. externarum molimini-bus, aut internarum fluentium suppressioni-bus, evacuationum sanguinis assuetarum neglectu, vinorum calidorum, austerorum, hungaricorum, veneris &c. abusu,

Conspirat inde maxime cum podagra, arthritide, nephritide simplici & calculosa.

Obsidet coxendices: doloribus & vehemen-tia & pertinacia singulari sævientibus.

Dolor est magis fixus & spasmodico-strictorius, rigidus, qui dolor quandoque & lumbos & femora afficit; adsunt torpor, lassitudo totius, horripilatio, maxime per dor-lum, volaticus æstus a ternans, alvi turbæ &c.

Prognosis: malum ischiadicum, quoniam loco excretionis sanguineæ propius est, longe promptius mitigatur, quam podagra & gonagra.

In therapia, omnia ea nocent, quæ in spasmodicis aliis affectibus nocere indicata sunt.

Exempla curatorum per hæmorrhoidum tempestivum reditum, hirudinum applicatio-nem

nem, V. S. multi autores comprobant. Præterea ea profunt, quæ in aliis spasmodicis affectibus laudantur.

Externe speciatim Emplastr. saponat: Barb: camph. non diu nimis parti dolenti impositum, sed aliquoties remotum commendatur.

## Notandum quoad Varices in specie, quod

Subjecta maxime sint plethorica, in juventute narium hæmorrhagiis, aut aliis evacuationibus sanguinis s. spontaneis s. artificialibus adsueta.

Hominibus 49. & ultra annorum præcipue hæmorrhoidariis eveniunt, raro infra, nisi hæreditaria dispositio adsit.

Oriuntur a vehementi onerum in altum sublatione cum magno nisu; exposcunt maturam per emplastra discussionem. In gravidis, sæpius in futura graviditate recurrentes, in vehementi partus labore, ab internæ materiæ evacuandæ intentione spontanea, oriuntur.

Circa venarum valvulas contingere videntur.

Existit primo dolor tensivus ardens in femore cum rubore, venarum inflatione, cum parvis hinc inde nigris venis.

Rarius in brachiis observantur.

Tandem hinc inde fiunt noduli molles, initio parvi oblongi sine dolore, nisi mutata

aeris temperie, vel assumptis cibis calidis, ubi valde dolent, sed sine inflammatione.

Nonnunquam quoad antenus abeunt; quod si fiat, lente ut non omnino delitescant, ægrum non alterat; si vero simul & semel, gravia suscitât symptomata.

Varices nonnunquam sub vehementi retentione respirationis rumpuntur.

Therapia, in gravidis & quidem præservatoria V. S. habes sicut vor das niedrige, motum lenem, frictions cum excutia deponit.

Alias etiam V. S. temperantia nitrosa emulsiva paregorica, hæmorrhoidum promotio, motus corporis laudantur.

## Cap. IX.

### *Historia 3. Convulsionis.*

**S**ubjectis familiarior plethoricis, iracundis, succulentis, sæminis præ viris, infantibus.

Distinguitur in idiopathicam (sincerius epilepticam) & symptomaticam, cum aliis affectibus conjunctam.

Causæ antecedentes plerumque sunt sanguinis spissitudo, plenitudo, mensium & hæmorrhoidum perturbationes, alvi obstructio, retenta flatulentia nimia ventriculi oppletio, arthritidis, podagra &c. retropulsa, hystericum malum vehementius, ventriculi & intesti-

testinorum inflammatio, venena & vomitoria incaute adsumpta, morsus canis rabidi & venenatorum animalium, morbi acuti, variolæ amor, taciturna animi pathemata graviora, scabie: retropulsa, lues venerea, secundinarum retentio, lochiorum suppressio Hæreditaria dispositio. &c.

In Pueris ulcerosorum seroso-lymphalium humorum circa caput præsentia, mucus pectoris tenax, fæces retentæ, lumbrici, dentium eruptio difficilis, tormina ex lacte acido, meconium haud expurgatum &c.

Partes musculosæ præcipue velluntur atque raptim trahuntur reciproce, per breviora temporis intervalla tam remittendo, quam revertendo.

Invalescentes vero, non solum motu sed etiam situ, hantes ipsas trahunt.

Accedunt alienatio cogitationis, s. sensuum internorum obnubilatio, ut neque quid fiat, neque quid factum sit, desinente impetu, meminerint.

Pollicis in pugnam compressio sub initium paroxysmi & spumæ aut certo muci salivæ ex ore effluxus magis sub finem ejus non nisi gravioribus convulsionibus junguntur.

Periodus idiopathicæ s. chronicæ, lunæ phasibus respondens, non rara est, sed explicatu difficillima.

Prognosis: In chronicis sane nil æque periculi post se trahit, nisi impetu excedat.

Interim semper formidanda est prompta



harum affuetudo, quamvis materia & causa occasionali sublata.

In acutis, ut variolis, morbillis &c. per ipsa initia invadentes, minoris periculi sunt, longe majoris vero, si in ipso morbi statu: insuperabiles & funesti exitus, quæ in declinatione accidunt.

Pueri facile incidunt in convulsiones epilepticas, si matres sunt hystericae, vel gravidæ ira excandescunt: item Si nutrices ira vel terrore commotæ, statim infantes mammis admovent.

In genere deteriores sunt, quæ adolescenti & adultæ ætati eveniunt fortiores tam extra acutos morbos, quam in talibus; non item, si tenerrimæ adhuc ætati eveniant.

Minoris etiam sunt periculi, quæ ad epilepticas convulsiones extra acutos proclivibus obveniunt etiam talibus, quam quæ aliàs ignotæ erumpunt.

Illud item certissimum, quod convulsiones symptomaticæ minime certius & promptius percurentur, quam adfectu ipso tam in genere quam in specie secundum illam circumstantiam, quæ convulsionibus anam præbuit, in meliorem statum traducto.

An autem idiopathica, vel symptomatica sit? cognoscitur, quia in illa continua capitis & sensuum hebetudo præcedit; hic autem ventriculi, uteri &c. male constituti signa occurrunt, & ægri auram quasi ab illis partibus sursum perferunt.

Chro-

Chronica habitualis plerumque incipit in abdomine & partibus extremis.

## Cap. X.

### *Historia 4. Epilepsiæ in specie.*

**S**ubjecta & causæ in præcedente cap. de convulsionibus in genere recensita sunt.

Pueris interim & adolescentibus est frequentior.

Distinguitur in epilepsiam internam & externam: prior adhuc in intestinis latet, hinc: Die Darm-Sucht, das innerliche böse Wesen.

Dijudicatur ex oculorum austeritate, varia oris retractione, morosiori conspectu, insolito ejulatu, commotione quadam in abdomine atque pedum calcitationibus.

In externa antecedunt in aliquibus oculorum obscuratio caduca, perturbatio vertiginosa, scintillulæ splendidæ: in aliis extremitatum frigus & tensio, sicuti de epilepsia e pedibus ascendente historiæ produnt.

Corripitur tandem ægrotus repentinis motibus convulsivis vehementibus.

Contentio est contumacissima corpus rigidum fervans motu omnino forti, nequaquam autem quiete ulla flaccida,

*Dum*

Dum in terram cadunt, statim sub initio manibus in pugnam collectis, pollices in hanc fortiter imprimunt, neque fere eripi illinc eosdem sinunt.

Afficit præcipue artus convulsivus motus & pectus, hinc fit respiratio sonora.

In junioribus admodum caput sæpius vehementer exagitur, oculi distorquentur, maxillæ ad fridorem dentium corripuntur; in quibusdam adsunt clamores.

Lingvæ extensio antrorsum, indecens & juniore & adultæ ætati evenit, hinc lingua a dentibus graviter læditur.

Violentæ artuum & corporis jactationes & concussiones simul adsunt.

Spuma, ad minimum mucus salivalis, ultimus paroxysmi est effectus, & ex ore effluxus quandoque largior existit. Oculi sunt aperti torvi, quanquam sensus sint impotentes: nullius rei finito paroxysmo recordantur.

In nonnullis paroxysmus in spermatis ejaculationem, vomitum, diarrhæam, hæmorrhagiam narium desinit.

Ordinarie lassitudinis sensus remanet, non secus ac ab alio laborioso motuum genere, cum capitis vertiginosa perturbatione.

Alii paroxysmum præsentunt, alios inopinato simul & semel ita corripit, ut nonnisi ad se reversi factum esse recordentur.

Alios vehementibus, alios segnioribus contentionibus exercet, & hos magis in rectum

tem-

tendentibus, daß sie wie ein stük Holz erstarr-  
ren.

Prognosis: Infrequentia & in hoc malo ob-  
servatur, nisi quod familiarius in ætate infan-  
tili occurrat.

Pollices si magna vi adhibita extendantur,  
universus fere paroxysmus etiam distrahitur:  
quamvis, si per ipsa initia hoc fiat, hic effectus  
non æque subsequatur.

Vehementior oculorum distorsio non adeo  
infrequenter durabilem strabismum post se  
relinquit.

Sic epilepsia caput gravissime affligens sæ-  
piusque invadens inauspicato stupefacit pas-  
sim sensuum energiam & ipsius rationis  
promptitudinem.

Peculiare est, quod invasio hujus morbi  
habitualis insigniores lunæ mutationes im-  
primis novi- & plenilunia, tum quadras ejus  
& quidem sæpe secundum diei horas excipiat.

Vis adsvetudinis hic maxime valet, unde  
& inexpugnabilis fere contumacia pullulat,  
ut, quos adultos corripuit, illos vix amplius  
deferere pro certo habeatur.

Contra quibus junioribus ab infantia aut  
pueritia obtigit, circa pubertatis tempus, fa-  
cilis iterum desuescit. Hippocr. sect. 3.  
aph. 28.

Chronicæ epilepsiæ adsveti, quanquam aliis  
morbis simul laborent, haud adeo pericu-  
losum.

Epi-



Epilepticæ convulsiones semper contumacia-  
cloris sunt indolis , quæ ab animi pathema-  
tibus , hæreditate , veneficiis & philtris  
oriuntur.

Epilepsia nocturna propter remediorum  
difficiliorem applicationem , majoris est diffi-  
cultatis , quam diurna.

Mutationes , maxime ætatis , regionum &  
vitæ ad mutationem spontaneam Epilepsia  
conferunt Hippocr. sect. 2. aph. 45.

Epilepsia circa mensium eruptionem in  
puellis eveniens , in sæminis tempore gesta-  
tionis & præcipue partus recurrit facile.

Therapia minus adprobat V. stiones indis-  
cretas , purgantia acriora præc. in infantibus ,  
adstringentia , narcotica excitantia impetuosa  
per Sal. volat. sternutatoria , calidâ acria ,  
impellentia , refrigerantia , nimis nervina ,  
sanguinem decollati hominis calide potum ,  
confusum specificorum utum etc.

Conducunt magis in symptomatica ea , quæ  
illis morbis uti uterinis , acutis , achoribus  
repressis etc. ex quibus epilepsia orta est ,  
quadrant , sublata enim causa , ut plurimum  
tollitur effectus sc. Epilepticus motus.

In idiopathica magis usui sunt varia & qui-  
dem probata selectaque , post corporis debi-  
tam præparationem , & hæc parce ante pa-  
roxysmum cum quiete & vigiliis , & conti-  
nuanda aliis diebus , iisdemque horis.

Cap.

## Cap. XI.

*Historia defectus motuum  
in genere.*

- & specie 1.) Virium.  
 2.) Paralyleos. 3.) Apoplexiæ.  
 4.) Syncopes 5.) lethargi..  
 6.) Deliriorum. 7.) memoriæ læsæ.

## Defectus motuum 1.) Virium

**D**efectus motuum sub illis ætatis annis familiarior, quibus ob nactum senium vel prægressas multas animi & corporis defatigationes facile contingit.

Hinc virium prostratio in variis occasionibus tam extra statum morbosum, quam in eodem lese manifestat.

Oritur vel ex repentinis terroribus, trepida æstimatione in rebus quæ videntur ambigui eventus & periculi pleni, cujus exemplum suggerunt hæmophobi, quorum ali, & prolixiore graviorum vulnerationum mentione statim in largas sanguinis effusiones incidunt, plurimi in V. S. instruendæ apparatus virium motuumque omnium defectum patiuntur ac lipothymiam etc.

Vel a consumptione fatigatoria post labores, dolorum vehementiam, inquietudines, agrypniam, nutritionis debitæ energiam perversam etc.

Fra.

Præcipuum v. criterium virium vere fatiscientium exhibet pulsus parvus ac debilis, concurrente in quiete anxietate & desperatione de exitu salutari cum vero pervigilio, sine ulla manifesta causa.

Ubi consideratione digna est distinctio inter vires amissas & omissas.

Namque ut illæ non adeo peioris sunt ominis & facilius reparantur; ita hæ non nisi admodum periculolam corporis constitutionem sequuntur,

Videmus hoc in acutis, contagiosis, peste, variolis, morbillis &c. ubi ille defectus non toti speciei propius quasi est & essentialis, sed tantum accidentalis per individua.

Imo non raro per malam tractationem, vel etiam gravia animi pathematum accidentia inducitur.

## II. Paralysis.

Subiecta & quidem idiopathica, sunt sanguinea, sanguineo-phlegmatica, seniora.

Causæ sunt, in magis idiopathica, neglectus evacuationum sanguinearum salutarium & artificialem, plethora, ebrietas, animi pathemata graviora, ira, terror, mæror, excernendorum suppressio.

In symptomatica sunt epileptici motus diuturni, scabiei, ulcerum, variolarum, malus successus, spastica dolorifica exagitationes, unde dicitur: der grosse Schmerz  
hæ

habe das Glied ganz zuschanden gerissen; rheumatici dolores, colica, arthritidis, podagra imprudenter repulsa, ulcerosa exanthemata, scorbutica temere cohibita, valida & acria purgantia, vulnera, percussiones, frigus, dislocatio, distortio in infantibus, das Verbrechen: luxationes, contusiones, fumus mercurialis arsenicalis, venus nimia &c.

Signa diagnostica sunt extraordinariæ angustiae, insolitus virium languor, somni & appetitus perturbatio, mox stupor, torpor in parte, insolitum frigus, impotentia movendi.

Aboletur plerumque & sensus & motus seu in parte exigua, ut in sphinctere ani, vesicae, musculo linguae, laryngis is palpebrarum &c. seu diffusiori, pede, brachio, toto latere &c.

Habet tamen gradus suus, ut plenaria omnem simul tonum auferat, adeoque pars correpta insigniter infletur, ac flaccescat; dicitur paraplexia.

Hanc ordinarie fere repentinus excipit sphacelus.

Prognosis: Si huic congestionis actui potenter occurratur, succedunt pedetentim aridurae in moderatiore; nempe paralyti.

Stahlius observavit, omnes, quotquot linguae paralyti correptos ipsi videre contigit, successivam memoriae debilitationem & puerilem quasi insipientiam incurrisse: juniores tales diu superstites, annosiores vero



recrudescente forte paralyfi aut paraplexia potius fato suo defunctos fuisse ; quoniam conjuncta est cum insigni aliqua cerebri vel cerebelli labefactione.

Paralyseos veræ mira infrequentia annotatur.

Intractabilis curatu est , maxime inveterato malo , & in annosis ; neque sponte unquam solvitur.

Qui ex paralyfi in apoplexiam incidunt , ut plurimum moriuntur.

Cura difficilior in senibus & tempore hyberno : faciliior in æstate & florida ætate.

Nisi quod exquisitos activæ intentionis motus in ira & in summis periculis incendi &c. hic saluti fuisse , quamvis rarissima exempla doceant.

Quamquam & curetur paralyfis , certius tamen recidiva , eaque gravior , timenda est : ita , ut raro tertius recursus observetur.

Ebriosi in paralyfin prolabentes omnem simul memoriã & ingenium perdunt.

Paresis ex colica , narcoticis vel regimine sudorifero præcipue tractata , rarior quidem est , eandem tamen in cura difficultatem præcipue in annosis , involvit.

Spuria paralyfis s. scorbutica dicitur , si alterutrum tantum vel sensum vel motum violet , altero superstite , quin sensu exacerbato.

Hemiplexiam facile incurrunt apoplectici  
motus

motus ac dispositiones, vel cum arthriticis doloribus diu colluctati.

Alterum totum latus dimidium corporis ejusmodi infauſta motus & ſenſus cohibitiſ occupat, cum viſceribus internis.

Latus, aboliſo tono, videur livore ecchy- matico ſuffundi.

Loqvela vel tota vel ſolummodo diſtincta læditur.

Convulſivi motus ſani lateris, cynicus ſpasmus, tortura faciei ſubinde ſuperveniunt.

Obtingit nonnullis alterius lateris correpti ſphacelus, anteqvam moriantur.

Prognſis : Quo magis omnem motum ſuſtulit, eo breviori tempore funeſta eſt, imprimis ob reſpirationis graviffimam læſionem, thoracis uno latere immobili reddito, coarſcentem.

Ceſſat quandoqve vitæ periculum ad aliquot meſes, imò unum & alterum annum.

Periculoſior eſt ſiniſtri quam dextri lateris reſolutio.

In therapia horum affectuum minus conveniunt, V. S. nes, ubi affectus aliquandiu duravit, nec vomitoria & purgantia & ſudorifera fortiora, præcipue in ſanguineis, calefacientia, commoventia nimia, nervina acriora, ſulphurea, Sal. volat. nuda, opiatâ, adſtringentia interna, mercurialia interna & externa, unguinoſa, pingvedinoſa, oleoſa acria, refrigerantia, humectantia, exſiccantia, balnea, conferunt &c.

Conveniunt vero V. Stib, si plethora, præsens ætas, & suppressæ hæmorrhagiæ hanc exposcant, larga; Clysteres roborantes carminativi, quandoqve laxantia, cum roborantibus, infusis nervinis. Nervina pro diversitate temperamentorum, roborantia, frictiones modestæ cum linteis calidis etiam cum spir. Serpilli vel formic: irroratis.

Embrocationes, urticationes, sinapismi, cæcio cum virgis caute adhibendæ, præprimis in calidioribus, ne inflammatio excitetur.

In Paralyfi linguæ clysteres stimulant & præsentē plethora V. S. larga in pede, cum internis & externis discutientibus, roborantibus prioribus, profunt.

Præservatorio scopo conducunt tempestivæ V. S. in adævetis, revocationes mensium, hæmorrhoidum, serosorum fluxuum.

### III. Apoplexia sanguinea & serosa.

Subjacet ætas senilis, raro juvenilis, nisi ex plethora post vini abusum, & immodicam animi indignationem. Sanguineæ viri â 45. ad 50. annos magis quam ulli juniores; serosæ præfectiores, lautæ diætæ dediti &c. vegetiores adhuc & plethorici.

Oritur ex cessatione adsueta spontanearum sanguinis evacuationum, narium hæmorrhagarum, hæmorrhoidum, mensium, lochiorum item artificialium; uti & fonticulorum, ulcerum

rum manantium, sudorum pedum spontaneorum, coryzae tussis humida porro ex hæreditaria dispositione, sanguinis nimia exagitatio-  
ne, subita refrigeratione, tempestatum mutatione, (hinc hyems & æquilonaris tempestas multos opprimit) coacervatione capitis congestionum catarrhalium ad interiora, vehementibus cerebri concussionibus, casu ab alto, strangulatoria jugularium vasorum cohibitione, immani inebriatione, ira, terrore, excessu circa regimen animi & diætam, venere nimia, balneorum & sternutamentorum abusu, carbonum maligno fumo.

Certis quandoque temporibus grassatur hic morbus, id quod haud sine ratione tempestatum mutationibus repentinis attribuitur; hinc certis in locis fere endemius deprehenditur.

Signa præcedentia sunt vertigo, sonitus & susurri aurium, torpor & lassitudo, tremor artuum, oculorum splendores transitorii, & subita visus obfuscationes &c. ass. notat

Præsentem, post vertiginem, in momento in terram calus sine motu.

Cum diverso vero gradu invadit apoplexia, dum alia præcipiti omnium motuum vitalium sensuumque amissionem adeoque mortem infert: alia

Lenior sensum & motum quidem, præcipue hunc, tollit, relicto tamen pulsu cordis & arteriarum.

Interdum etiam mediocris movendi potentia remanet, quæ tamen ipsa mox eva. nescit.



Adiunt ubique stertor s. sibilus e pectore, tanquam ab infarctu liberæ respirationi resistente.

In Sanguineis inflatio vasorum circa tempora & rubor aliquis genarum; in phlegmaticis vero aspectus magis pallidus, totiusque corporis tepor, non frigus.

Oculorum communiter adest apertura & claritas, cum hac amen differentia in leviori malo. 1.) sehen sie ganz gläsern, 2.) pupilla magis est dilatata. 3.) der wider Schein vom Licht und Fenster ist ganz alterirt, es ist keine rechte Spiegelung mehr objectorum versus oculum.

Prognosis ex symptomatum gravitate, ut & respirationis vel majori vel minori difficultate sumitur.

Nebula infecti oculi pessimum signum & lethale exhibent.

Pejor est sanguinea quam serosa Apoplexia.

Karus est hic affectus, paralyti tamen frequentior.

Si levior sit & vel in paralytin desinat, vel remittere appareat, serius ocyus majori energia reverti solet, semperque in animo vel corpore singulares quasdam infirmitates relinquit.

Qui semel ita tacti sunt, rarissime alio morbo intereunt, quam huius repetito vehementiore insultu, & inter 3. annos subinde recurrens tandem jugulat.

Multi pro apoplecticis efferuntur, qui thoracis

racis potius spasma interiere; ubi quidem rubor genarum, apoplecticis senioribus cum phthisicis pessime habentibus communis, considerationem meretur.

Serosa desinit in senibus pituitosis, languidis, morientibus, in excretionem spumæ ante os.

Desinit communiter cum motibus convulsivis, imprimis circa caput.

Sanguineorum apoplecticorum mortem certius insequitur eruptio copiosi sanguinis e naribus, & infundibulo: item protuberantia oculorum, inflatio faciei, & maxime vaporum jugularium: accedunt item

Post mortem, cranio aperto, in ventriculis cerebri aliquot cochlearia extravasati sanguinis reperiuntur.

In phlegmaticis vero loco sanguinis, totidem seri mucosi invenitur.

Therapia, minus approbat in sanguinea, v. s. parcam præcipue in capite, antequam universalis sanguinis subtractio largior præcesferit. Vomitoria remedia calida, aquas spirituosas vitæ, potius hic mortis, olea cephal. Balsam. apoplect. vulgaria, Narcotica, sternutamenta, salium volat. abusum, incrasstantia, nimis acida, oleosa acria externa, seu veolentia, adstringentia, regimen æstuosum, anxium haud conferunt.

In Serosa V. S, ubi nulla præsto plethora, inspissantia, salia volat. nuda, sternutatoria

excessiva, svaveolentia, balsama apopletica opiata refrigerantia, emplastica unguinosa, urticationes, rubefacientia immoderata etc. nocent.

Curativa vero exposcit in sangvinea V. S. largam in brachio, & si spes adhuc adest, sectionem raninarum aut in fronte, vel naribus more *Ægyptiorum*; item congestionum discussionem per nervina blanda, discutientia, roborantia: in statu magis sangvineo organico temperantia nitrosa, cinnabarina, frictiones partium inferiorum.

In magis phlegmatica quandoque vomitorium locum habet, ex sale vitrioli, sec. *Langium*, cum vehiculo largiore. Ubi tamen semper magis cardialgico-suffocativum, quam simpliciter apoplecticum statum fuisse suspicio est: frictiones partium inferiorum, sc. in plantis pedum, complanatio cum ferro lotricum calefacto. *trames Riegel Eisen.* clysteres stimulantés acres locum habent etc.

Præservatoria requirit in pede largiores V. S. circa æquinoctia, aut hirudinum applicationem, congrua laxantia fere singulis mensibus. Tonico-nervina interpositis temperantibus, antispasmodica, diætam frugalem. etc.

#### IV. Syncope & Lipothymia.

Gradu distinguuntur, & varia, apud diversos, acceptione: magis vero recepta, hac leniorem sed frequentiore, illa fortio-

tiorem sed periculosiorem attamen infrequentiore gradum denotat.

Subiectis facilius accidunt admodum teneris, sensibilibus, melancholicis, phlegmatico melancholicis, & a quacunque causa li-  
pothymiae adfectis.

Causae sunt morbi chronici . acuti, miasmata maligniora epidemica, polypus cordis, sanguinis seminis aliorumque humorum repentinæ & largiores profusiones, dolores, ira, terror, metus a sanguinis missione, subita caloris cum frigore mutatio, nimia ciborum oppletio, copiosa statuum retentio, sensibilitas gravidarum . speculationes profundæ, hyperemesis, insoliti labores, inedia, partus laboriosus, venena, incendium, fama mortis personæ dilectæ, vitæ periculum. etc.

Aliàs & imprimis in viribus ab aliqua hæ-  
morrhagia nimis profusis, solenne est per  
somnia lipothymias, syncopen, imo mor-  
tem obrepere Quo respectu etiam faminis  
frequentior & puerperis magis exhaustis non  
facile, sine sollicita observatione illarum sub  
somno, hic libere & largiter concedi solet.

In hisce affectibus præcurrit communiter  
insolita animi mollities . præcordiorum an-  
gustia, frigidi sudoris eruptio, virium lan-  
guor, membrorum tremor, oculorum obscu-  
ratio, faciei pallor. Es windt ihnen grün  
und gelb vor den Zungen.



Succedit in utraqve repentina virium, non animalium solum, sed & vitalium disparitio, ut sensus & motus imo pulsus officium suum amisisse videantur.

In priore cum plenaria ἀσφυξία s. pulsus cessatione, & respirationis omissione;

In posteriore v. cum debilissima pulsatione, imo tremore solum cordis cum respiratione vix sensibili.

Communissime affecti pallent, & frigent ad minimum in extremitatibus: oculos habent clausos vel torpidos saltem, totum corpus minime riget, sed torpescit, flaccescit.

Os clausum non strictum est, vix unquam nisi in adsvetis indecore niat.

Ad se redeuntes ægroti, profunda suspiria & respiria habent.

Lipothymia a Syncope differt, quod hæc si ad mortem vergat, hominem sub paroxysmo flaccidum reddat; post mortem vero rigidum.

Sic Lipothymia a convulsionibus differunt ex flacciditate corporis, in lipothymiis præfente.

Ab apoplexia autem, quod in lipothymia 1.) oculi non sunt aperti. 2. facies aut genæ non rubent. 3. pulsus non omnino cessat. Quorum omnium contrarium fit in Apoplexia.

A Passione hysterica, quia hic aufertur respiratio, non pulsus.

Pro-

Prognosis: Lipothymia idiopathica in sanis sensibilibus ex terrore & aliis animi pathematibus exoritur in praesens, raro, sonica est.

Lipothymia symptomatrica vero majoris est considerationis non tam in chronicis quam acutis malignis morbis.

Quæ excretionum turbis in quibusdam morbis supervenit haud tanti momenti, quam quæ sine evidente causa morbis accedit.

Syncope diuturna saepius febres post se relinquit.

Therapia provida excludit purgantia fortiora, spiritiosa fortiora valde commoventia, narcotica, adstringentia, valde incrassantia, oleola concentrata, volatilia sternutatoria, suffumigia expansiva in plethoricis, medicamentorum ingestionem, dum lipothymia praesto est.

In Lipothymia idiopathica magis conveniunt clysteres stimulantcs, frictiones, relaxatio vestium, odorifera penetrantiora, aquæ spirituosæ lil. convall. Hungar. &c. analeptica, alexipharmaca, vinum.

In symptomatrica ex prægravatione ventriculi conducunt digestiva, laxantia, & si nihil contra indicet, emetica.

Ex mensium turbis, pilulae balsam. cum humectantibus & motu corporis.

Ex hyperemesi, vinum calidum aromatizatum, aliaque roborantia.

In

In febribus intermittentibus, digestiva, laxantia, subjunctis alexipharmacis.

In acutis malignis, nitroſa, abſorbentia, alexipharmaca, cum continentia tranquilla, analeptica.

Ex nimis hæmorrhagiis, ſudoribus, diarrhæis, laboribus, analeptica diætetica reſtaurantia, tonica.

Ex V. Stione, decubitus horizontalis, aſperſio aquæ frigidæ, ſal. vol. naribus admotum, uti & acetum deſtill.

Ex ira quandoque emetica ſtatim in principio, nitroſo - abſorb. &c.

## V. Lethargus,

Subiecta huic obnoxia ſunt magis phlegmatica, craſſa, ſeniora, otioſa, lautæ & humidæ diætæ addicta.

Oritur facile ex congeſtione hæmorrhagica interna conſueta & intercepta, eryſipelate & catarrhis capitis & pectoris in ſenibus ſubinde reverſis nunc, retroceſſis, V. ſtione, ſcarificatione conſueta intermiſſa, fonticulorum ob ætatem negligentia, diuturnis vigiliis, curis, narcoticorum uſu, ebrietate, ſonticis capitis læſionibus, vaporibus adverſis narcoticis, incongruis vomitoriis, uſu tabaci vel fumi vel pulveris forma adhibito, intermiſſo; In infantibus obæſis, ex achoribus retropulſis &c.

Signa

Signa imminentis sunt pigritia, lassitudo, vertigo, tremor capitis, perpetua ad somnum inclinatio, susurrus aurium &c.

Præsentis autem, præceps lapsus in profundum somnum, vel soporem, fere inexpugnabilis dormiendi necessitas, cum pulsu, calore, respiratione non multum a statu secundum naturam diversis:

Nem cum somni tanto semel incremento, ut non solum ægrius excitari possit æger, sed etiam, licet excitetur, sui & quarumcunque rerum immemor sit, & ita semper magis in soporem recidat.

Motus febrilis sed levis quandoque, non exquisitas, concurrit.

Differt a comatibus, quod 1.) hæc præcipue febrem comitentur. 2. non conjuncta his oblivio, sed levius delirium.

Prognosis: ubi prorsus excitari non possunt ægroti quarto vel sæpe difficulter tra septimum diem mors sequitur; nisi insperata aliqua eruptio purulenta ex infundibulo, naribus vel auribus succedat, & ætas adhuc vegetior sit.

Satius est ut lethargo superveniat phrenitis; quam phrenitis lethargo.

In Therapia nocent sæpius euacuantia fortiora, sal. volat. oleos. in & externe, comomventia, narcotica, incrasstantia sternutatoria, balnea vaporosa fragrantia, perversa & immoderata regimina.



Eo magis profunt evellentia , clysteres acres, suppositoria , frictiones, vesicatoria, rubefacientia ad plantas pedum; dein discutientia interna, antispasmodica, nitroso-absorbentia, lenia alexipharmaca.

Præservative correctiones plegmatici temperamenti per amara, resolventia, evacuantia phlegmagoga, fonticulos.

## VI. Deliria & Mania.

Deliriorum duo genera sunt:

1.) Pathetica , quæ directe magis & simpliciter mentem afficiunt. Quæ

Oriuntur ex hæreditaria dispositione, nimia memoriæ concitatione, exagitatione, sub somni necessarii neglectu;

Hinc multa deliria ab interna discendi, speculandi, imo effingendi assiduitate subsequuntur e. g.

Ex animi pathematibus cum phantasiæ fortibus impressionibus.

Unde alibi anxius terror ab impressione spectri, alibi personalis erotomania, cum perpetuis memoriæ præfigurationibus; alibi ambitiosa superbia mentem turbant: item.

Ex iracunda dispositione, quæ, undecumque orta sit, furiosa demum, temeraria, violenta fit.

II. Sympathetica tres clasfes habet, quarum

a)

α) Libidinosa, generaliore sensu (non æque personalis erotomania) in fæminis furoris uterini nomine notari solet.

Et oritur à spermatis commotione sine exitu sub libidinosis speculationibus & desideriiis.

Obvia sunt hujus specimina non rara in Monachorum & monialium claustris.

Philtra quoque ad hæc deliria contribuere valent.

### β.) Melanchoilca.

His subjecta sunt Melancholici, Sangvineo-melancholici.

Et specialissime se fiunt in melancholia hypochondriaca.

Hujus causæ sunt ingens spissitudo sanguinis ad actuale obstipationem præcipue circa V. Portæ prona; mensium & hæmorrhoiduin imo floris albi etc. suppressio, constitutio interna scirrhusa, ulcerosa.

Morales: Abusus speculationum, cogitatio de peccatis, de futuræ vitæ sustentatione, de multis calamitatibus, terrores, timores etc.

Signa diagnostica sunt, in leviori malo anxietas, tædium, lacrymarum frequens effusio, taciturnitas, suspiria profunda cum angustiis præcordiorum, tristitia, solitudinis amor, somni absentia.

Conqveruntur subinde de sinistri hypo-

cons

condrii incommodis , cordis palpitatione , vertigine , capitis dolore , alvo sicciore.

In majori malo & incremento tandem hominum commercia extreme fugiunt , insomnia terrifica habent , de incarcerationibus , suppliciis , morte cruenta timent , deliria agunt , de providentia divina desperant , clam sibi & aliis manus violentas immittunt.

Prognosis : melancholia a causis patheticis longe pertinacior , quam quæ a causis materialibus or a est.

Hæmorrhoides vel menses mature supervenientes solvunt melancholiam.

In habitum deductæ speculationes , difficillimæ sunt tractationis.

Therapia fere excludit V. S. in superioribus , vomitoria , purgantia fortiora , remedia acria , concentrata , nimis commoventia , acida & incrasstantia , adstringentia , abusum martialium , narcotica , copiosum usum Tinct. Antinonial. quæ diuresin nimis concitant , verbera , vincula etc.

Potius conducunt , & quidem ex immaterialibus causis , placida & amica conversatio etc.

In hypochondriaca stricte ita dicta laxantia repeita , V. Stiones in pede , temperantia nitrosa , tonica nervina , sufficiens motus & potus optima hypochondriacorum medicina.

In viris hæmorrhoidum , in fæminis menses negotium semper respiciatur.

γ.) Febrilia.

Hæc semper febribus superveniunt jam vere periculosis.

Obversatur hic sæpe animo depulsio molestorum, sc. hostium, spectrorum: imo actualis evasio e summo æstu, angustiis, injustis detentionibus.

Quemadmodum etiam mortipropinquum mutare & ex hac aliena, uti putant, ad suam hinc abire solenniter contendunt.

VII. Chronica Deliria.

Exacerbantur & cito fiunt a sanguinis expansione post ingurgitationem spirituosorum potuum, solis æstu in diebus canicularibus, unde: die schweren Monathe welche dergleichen zufälle dergestalt rege zu machen pflegen.

Sæpius etiam exoriuntur ex hæmorrhoidibus, mensibus, lochiis, hæmorrhagiis narium repente cohibitis, ex repentinis ulcerum & varicum suppressionibus, aut diuturnasæminis retentione, ex diversorum venenosorum in corpus adsumptione.

Specialissimæ indolis est Rabies canina, & quæ unice huic comes observatur, vera hydrophobia.

Hæc nono demum die, post morsum, rabiei impetum exhibet, tranquillo interim quantumcunque & vix pensitabundo vel timido animo.



Sicca respuunt, & mordendo avertunt, ( sic beissen umb sich ) cum febre acuta & siti ineffabili: facillime accedunt convulsiones præsertim ad liquidas formulas.

Prognosis: ubi hic atrox morbus prævaluit, vix ulla spes evadendi remanet, imprimis in hydrophobia, omnem medicamento-  
rum ingestionem respuente.

Post fata, anatomica sectio inflammationes viscerum præcipue pulmonum, detexit.

Abstrusum sane & admiratu dignum est, quod præsentissimum remedium sit hepar, cor vel cerebrum, e tali vel simili rabioso cane desumptum.

## VIII. Mania.

Subiecta familiariter sunt cholericæ, melancholica, iracunda:

Et est species acutissima deliriorum.

Causæ immateriales sunt profundæ excedentes speculationes, incantationes, spectra.

Materialis, mensium & hæmorrhoidum interceptus fluxus, intermixtæ asvetae sanguinis evacuationes, ebriositas, philtrea, veneficia, corporis motus vehementior, vigiliæ excedentes, vermes in cerebro. vid. Plater. Pr. med. Tom. I. p. 103. &c.

Signa sunt, maximus furor, aspectus audax cum facie pallida & oculis minantibus

bus, sui & aliorum notorum oblivio, cædium & gravisimorum minæ.

Sibimet ipsis sæpius manus violentas inferunt, vel se ex alto præcipitant maniaci.

Omnes aeris injurias spernunt, nudi fere, dilaceratis vestibus asperrima hyeme sine ullo frigoris sensu incedunt, & tamen corporis eximium calorem conservant, & in perpetua actione versantur.

Alius inconstans, appetitus communiter avidus, pulsus est fortis impetuofus.

Aliqui vero illorum hilares sunt, cantionibus oblectantur: Reges & Principes se esse existimant.

Prognosis: concurrit (ut in omnibus deliriis) pervigilium, si vero dormiunt, & evigilantes antiquum obtinent, pertinacius malum inde judicandum.

Narium & ani hæmorrhagia sufficiens, bonum, Hipp. sect. VI. aph. 21. sed convulsiones & febriles insultus supervenientes, malum.

A causis immaterialibus semper obstinatoris indolis est mania.

In Therapia nihil fere utilitatis adferunt V.S. promiscuæ, præcipue in fronte, vomitoria, purgantia indiscretim adhibita, valde commoventia, concentrata acria, sic dicta calida nervina, opiata, positiva sudorifera, camphoræ usus internus, adstringentia, nimis refrigerantia.

Majoris sunt adjumenti in robustioribus & sicubi vorax & irregularis diæta, vomitoria blanda: Uti & laxantia repetita cum subjuncta V. S. largiore derivatoria; deinde nitroia præcipitantia & tandem specifica, vel uti Decoët. anagall. pun. herb. capillar. etc.

## IX. Memoræ defipientia.

Oritur sæpius ex improvido narcoticorum usu, inebriationibus, repentinis terroribus, spectris, profundis cogitationibus, speculationibus, fluxus hæmorrhoidalis suppressione, peste, excessivis vigiliis, prægressis variolis, paralyfi lingvæ, veneris abusu, doloribus, deliriis, apoplexia, externis læsionibus, contusionibus.

Est quandoque connata.

Quandoque tanta est, ut affecti ipsum suum nomen obliviscantur, unde taciturni sunt & rerum velut omnium incurii, inter sermones circa ipsos de ipsis institutos nihil horum attendentes.

Invalescit eousque, ut etiam excrementorum sæpius reddendorum veluti obliti, illa temere dimittant, non ex impotentia retinendi, sed ex oblivione secedendi.

Ubi contra Melancholici timidi, suspiciosi, & quæ circa ipsos agitentur, curiose attenti esse solent: vel uni rei ita cogitatione inhærentes, ut ad loquendum vel respondendum sus-

fuscitati, de illa re vel ad minimum de circumstantiis ad illam rem collineantibus omnis sit eorum sermo.

Differt debilitatio memoriæ per abusum ejus a reliqua obliuioſitate aut ſimplici debilitate, quæ non tam nudum defectum, quam confuſionem memoriæ conſtituit, adeoque deliriis propior eſt.

Prognosis: memoriæ læſio ex debilitate paralytica capitis & præcipue linguæ, apoplexia, deliriis, læſionibus externis violentioribus, difficilis ſuccellus & curationis eſt.

## Pars II. Specialis.

### Motuum Hæmorrhagicorum

&

### Morborum conſequentium Historia.

#### Cap. I.

### *Historia Congestionum ad caput.*

Articulus I. Cephalalgia. II. Cephalææ.  
III. Doloris gravedinoſi. IV. Ophthalmæ. V. Odontalgia.

#### a.) Cephalalgia ſanguinea.

**S**ubjectis familiarior eſt floridis, plethoricis ſanguineo-melancholicis, ſanguineo-phlegmaticis, animo & corpore vigentibus,



bus, sæminis præ viris, pueris à narium hæ-  
morrhagia emanente.

Causæ sunt plethora, evacuationes sangvi-  
nis naturalis, hæmorrhoidum mensium, nari-  
um hæmorrhagiæ, artificiales V.S. Scarificatio-  
num consuetarum intermissæ, diaphoresis,  
purgationes consueræ neglectæ, dispositio  
hæreditaria, insignia animi pathemata, motus  
excedens, assumpta spirituosæ, inebriativa,  
tempestas calida, turbida, ventosa, pluvia,  
versatio sub æstu solis, odor gravis & sua-  
veolens in sensibilibioribus, mala regimina,  
partium inferiorum, præprimis in sensibili-  
oribus, refrigerationes, diætæ vitia, vita lauta,  
otiosa, tegmina capitis aliàs assueta, neglecta,  
vigiliæ immoderata, alvi obstipatio, ulce-  
rum & fonticulorum manantium oclusio,  
vaores acres, capitis olim læsio, febres cuæ  
&c.:

Exerit se vel circa totum caput, vel in  
incipite, in fronte, per tempora, ad breg-  
mata sursum: familiarissime ad radicem nasi,  
ut patientes ibidem ardorem & circa os cri-  
brosam eximiam pressionis sensum accusent.

Simul vero in intimis oculorum bulbis &  
prementem graviter & compungentem do-  
lorem.

Iungitur ordinarie calor, tactui manifestus  
circosfrontem & tempora, & rubor faciei.

Ubi vero spasticus dolor intercurrit, ibi  
pallor. & magis distributus rubor.

In spongiosioribus adest faciei turgescencia  
&

& inflatio, aut certe valorum temporum & jugularium vertiginosa quandoque perturbatio.

Subinde dolor odontalgicus reciprocus intercurrit; dolore dentium urgente capitis dolor aliquomodo ceslat, & vice versa.

Prognosis: Facile recrudesceat, præsertim si alvus obstructa est, & quando actualis hæmorrhagia tempestive erumpit, mitigatur statim dolor; sed facile data occasione levi recrudesceat.

Solvitur vero hic dolor 1.) successiva remissione, sat maturè in junioribus, tardius in senioribus præcipue sæminis, tardissime in jam adfuetis.

Vel 2. sangvinis eruptione sincera, qua præcipue juniores sublevantur, dolore sæpe in momento evanescente.

Aliis eruptio gravedinosa ex naribus vel lippitudo ex oculis: in gravissimis & vere inflammatorii causis tandem eruptio puris ex naribus vel auribus contingit.

Quibusdam vero per ejusmodi evacuationes non sedatur, sed certum insolendi & durandi tempus velut periodicum servat.

Cephalalgia cum sopore in senibus apoplexiam vel paralyfin, in acutis cum vigiliis periculum delirii prænunciat.

In therapia noxia sunt purgantia drastica, vomitoria indiscreta, positiva sudorifera, sudationes immodestæ, calida nervina, æstuosa cephalica, vulgata narcotica, & calida

calida succini etc. Martialia, adstringentia, refrigerantia; Externe unguenta pinguis more veterum, repellentia, refrigerantia, narcotica.

Proficua sunt laxantia, clysteres, contemperantia nitroso-absorb: cinnab; diversiones, & revocationes hæmorrhagiarum ad propria sua loca & exitus, Alexiph.; temperata.

Externe pediluvia potenter revellunt item spiritus vini camph. crocat. ung. alabastr. etc.

Præservative valent diætæ circa cibum, potum & motum, V. S. in pede largior, laxationes, tum excretiones naturales bene instituendæ, conservandæ.

### β.) Cephalæa.

Subiecta hujus potissimum sunt Melancholici, ut magis familiaris sæminis rarius viris, nisi a turbis hæmorrhoidum, vel a lue venerea oriatur.

Causæ generaliores eadem sunt ac in Cephalalgia, plethora sc. & congestio sanguinis.

Specialiores sunt: constitutio ulcerosa vel jam ulcerata, scil. scabiosa-impetiginosa aut circa parotides ulcerosa corruptiones, violentæ externæ contusiones, vulnerationes, ulcerationes male tractatæ, venereæ, subcutaneæ aut phorico-leprosa ulcerationes, Scorbutus etc.

Do-

Dolor est magis continuus & pertinacior quam in Cephalalgia, in plenam potius consuetudinem deductus.

Sumitque initia a coacervatione sanguinis, cum vel sine inflatione & rubore, insolita:

Cum dolore exquisito, enormi, tensivo, pungente, vibrante, contusorio, qui a levi motu capitis & corporis evadit pulsatilis, pulsus arteriarum æmulans:

Comitante apud alios ardore insigni, apud alios vero frigore eccellente, & hoc quidem in ipso magis vertice per ambitum bregmatum.

Quæ vero constitutio appellatur erysipelacea, aut si rubor desit, si vel maxime frigus absit, erysipelas album, die weisse Rose, & tantæ quidem est pertinaciæ, ut, nisi illi dexterrime consulatur, non solum diu duret, sed etiam ne quidem unquam plane cesset.

Cephalæa afflicti sunt sensibilissimi, a quovis clamore, tumultu etc, intolerabiliter læduntur.

Lucem vix perferre possunt, hinc loca obscura amant.

Differt cephalæa dolor a reliquis, quod non sit adeo calidus, sed magis falso ardore rodens.

Pulsatilis non tam lancinantem, quam crassæ & latæ percussionis gravis sensum immit, als wenn ein Hammer auf den Kopf geschlagen würde.



Præcipue quod continuus sit, nec unquam vere in solidum desinat, quod magis nocturno tempore eximie exacerbetur, idque eo magis, quo magis corpus incalescit, præcipue in plumaceo lecto, unde: diese Schmerzen leiden die Federn nicht.

Prognosis: Cephalæa turbatis & regurgitantibus hæmorrhoidibus in- & externis simul cum aliis passionibus vel complicatur, vel illis mitescentibus, succedit magisque invalescit.

Si causa serosa subsit, & per serosas excretiones exitum per cerebrum facile adipiscatur, prompte repullulat in posterum.

Calvariæ vero cariei damna sunt gravissima, pertinacissima.

Cephalæa, eaque gravissima, in maxime plethoricis, apoplexiam futuram præsentit.

In therapia vitanda vomitoria, V. S. tempore paroxysmi, narcotica, calida volatilia, refrigerantia, incrasantia, externe adstringentia, repellentia, unguinosa, opiata.

Optimum effectum præstant, si opus sit, V. S. in pede extra paroxysmum & circa æquinoctia repetenda, pediluvia, frictiones pedum per pannos asperos, temperantia nitrosa, laxantia, blanda diaphoretica, anticatarrhalia.

Ubi caries cranii præsto, ibi Trepanatio unicum solamen judicetur.

Externe prodest Spirit. vini camph. γ.)

γ.) Dolor capitis vehemens vere convulsivo-spasticus. s. Hemicrania.

In Subjectis frequentior cholerico sanguineis, & fœminis magis quam viris existit.

Oritur ex hæmorrhoidum & mensium imo hæmorrhagiæ narium turbis, V. Sonis, scarificationis neglectu, vel turbato ordine, vitiis primarum viarum, cephalalgia simplici male tractata, medicamentis calidis, narcoticis, nimis vigiliis, repentina refrigeratione post incalescentiam, ira suppressa, vita ledentaria lauta, aromatica.

Dolor latis insolens est, & interdum observat periodicas reversiones.

Adfunt nausea, sæpe conatus vomendi, motio mentis, summa inquietudo, oculi extra orbitam quasi expelluntur, imo sæpe est plenaria *ἀμάργωσις* a dilatatione pupillarum eminente; hinc: Es reiße; ihnen die Augen aus dem Kopf, es reiße ihnen den Kopf ganz zuschanden dictitant.

Inferiorum est constrictio, unde alvus adstricta, & urina tenuis.

Prognosis: Hic affectus tam juniores quam adultiores cruciat, ita quidem, ut in junioribus, activioribus dextrum præcipue latus capitis; in adultioribus, arthriticis, nephriticis, ischiadicis contra sinistrum occupet.

Convulsiones epilepticæ nonnunquam comitantur reundem.

Retropulsio sanguinis ad viscera facta, febres

febres inflammatorias in junioribus praecipue excitat.

## δ) Dolores capitis catarrhales leu gravedinosi.

Conjunguntur gravedini, dem Stof-  
Schnupfen, impeditiorem fluxus successum  
stipanti.

Quæ cunctatur quasi & progressu destituta  
urget & incumbit circa infimam frontem,  
circa os Ethmoides, ubi tensio quædam sen-  
sibilis & pressio, cum animi & corporis tor-  
pore percipitur, item horripilatione, æstu vago.

Oculi simul torpent & quasi defatigati con-  
nivent, saepe madent, & ad tempora se dif-  
fundit dolor: Es drücket die Stirne, nicht  
anders, als wenn ein Stein da läge: können  
kaum die Augen dafür aufthun, es drücket in  
dem Augen wie Sandt.

Augescit ita dolor, ut fremebundum &  
compungentem sensum in fronte & per tem-  
pora sentiant; Es summet und thönet ihnen im  
Kopfe, reiset darinnen, fähret ihnen durch die  
Schläffe etc.

Occupat saepe summitatem capitis, extenden-  
do se quoque ad occiput & imprimis ad pro-  
cessus mastoideos, comitante saepe vertigine.

Prognosis: Si nimis invalescat, gravio-  
ribus malis ansam præbet, praecipue concu-  
rente vertigine.

Sic

Sic infert auditus incommoda, quandoque veram otalgiam, cum aut sine parotidum inflatione.

Gustus & olfactus laeditur, imo concoctio, & creat nauseam, flatulentiam, etc.

In leviori malo solvitur dolor, erumpente fluxu **Narium** catharrhali s. coryza.

Therapia commendat anticatarrhalia, laxantia, blanda alexipharmaca, temperantia.

### 3.) Ophthalmia.

Subiecta hujus sunt plethorica & praeprimis, puerili & adolescenti ætati, præ aliis ætatibus, familiaris observatur.

Excitatur a plethora, congestionibus & infarctu sanguinis, narium haemorrhagicis moliminibus, V. S. Scarificatione consuetis, & omissis, haemorrhoidum & mensium turbis, a retrocessione crustae lacteae, tineae, scabiei, a pustulis faciei per cosmetica repressis, consuetudine ex recurso frequentiore, frictionibus, ploratu, acri vel aspera materia illapsa, ebrietate, motibus animi fortioribus, refrigeratione capitis, ab aere fervido, fumoso, aut pulveribus perfuso, motu nimio, lucubratione intensa, involatu insectorum.

Distinguitur in veram & notham, hæc magis serola & chronica est,

Signa



Signa diagnostica, hujus affectus congestorio-inflammatorii, sunt ardor, rubor, pruritus, cum turgida inflatione vasorum albuginis.

Dolor lancinatorius, velut in intimiori oculi bulbo, & per consensum totum caput affligens.

Concurrit communiter intolerantia lucis, & ploratus s. fluxus copiosus ex oculo, imo ex ejusdem lateris nare.

Vaga febrilis horripilatio, & intercurrentis æstus volaticus cum frigore extremorum, cum exacerbatione circa vesperam.

Prognosis: Quo magis assuefit, & fit periodicus affectus, sapiusque recrudesceat, eo pertinacior observatur.

Quo magis itaque est hæreditaria ophtalmia, & ex hæmorrhagiis emanationibus oritur, tanto obstinatior consuetudo inducitur.

Sanguinea idiu persistens hypopyum, pterygium, s. unguem; serosa contumax lippitudines, imo plenariam visus amissionem inducere potest.

Historiæ habent observationes de ophtalmia Epidemica, & contagiosa, de Hæmorrhagiis ex oculis, mensium obstructionem ventitantibus.

Therapia excludit vomitoria, nimis commoventia, impellentia, adstringentia, narcotica, etc. Externe calida, acria, croc. metallor. Balnea: in magis recenti & fervida con-

itica.

stitutione, oleosa, topica repellentia, cruda adstringentia, refrigerantia, stimulantia, septica etc. rejicit.

Magis usui sunt laxantia, temperantia nitro-  
sa, V. S. scarificatio, ubi plethora urget.

Externe camphora cum sacculis nervinis  
aqvæ opthalm: cum leviter adstringentibus  
evellentia per Vesiatoria seacea etc. usui  
sunt in magis serosa constitutione, repetitæ la-  
xationes, ant. catarrhala, alex. pharmaca,  
etc. profunt.

## ξ) Otagia.

Subiectis communior est plethoricis,  
sangvineo-phlegmaticis, ad catharhos &  
rheumata peculiariter aptis, sœminis sangvi-  
neo-phlegmaticis circa finem mensium. At,  
tamen

Haud adeo frequenter occurrit.

Causæ, quæ communiter præcedunt, sunt,  
evacuationes naturales suppressæ, artificia-  
les consuetæ omisse, cephalalgia, pletho-  
ra, catarrhales defluxiones, molimina conge-  
storia, hæmorrhagica, metastasis materiae  
febrilis ad aures; Externe repentina aeris  
frigidi intra aurem admissio, ex aestuante  
præcipue capite, illapsus lacrimarum velli-  
cantium rerum & vermium, violenta capitis  
percussio, vulneratio, aer humido-frigi-  
dior.

Signa

Signa ex inflammatoria stasi sunt dolor intus in aure lancinatorius, pulsatilis, inflammatorius fere intolerabilis, quandoque accedunt febriles commotiones.

Interdum tumor parotidum satis durus contingit, ubi dolor magis externe percipitur.

Nonnunquam affectus adeo graviter inscrescit, ut, nisi mature discutiatur, in perfectum apostema definat cum abscessu ulcerofo & fætido.

Prognosis: Si plus semel semitam hanc instituit, ea non raro repetit, & habitum assumit.

In febribus acutis, si tempestiva narium hæmorrhagia occurrat, bonum.

Raro discussio obtinetur, sed frequentius ad suppurationem tendit, præcipue in tumore parotidum externo.

Si vero neque discussio, neque abscessus obtinetur, facile febres inflammatoriæ cum phrenesi quasi exoriuntur.

Suppuratio s. abscessus ut plurimum minorem, modo maiorem, auditus gravitatem post se relinquit.

In ðherapia minus conveniunt positiva purgantia, valde calefacientia, commoventia, volatilia, narcotica, positivæ sudationes, &c.

Externæ opium, allium, cicuta, olea calida, refrigerantia, repellentia, cataplasmata, unguinosa etc. nocent.

Magis

Magis profunt, in congestione derivanda  
V. S. quæ præservative utilior, laxantia,  
p. diluvia, frictions, temperantia nitrosa,  
alexipharmaca & Ess. Succini.

Externe camphorata, cum sp. vini in  
gossypio, vel cum ol. amygd. dulc, Epithe-  
mata nervina cum camph.

Suppuratio promovetur maturantibus  
emollientibus; demum apostematis abstersio  
& mundificatio per balsamica instituenda.

## 7.) Odontalgia.

Subjecta: maxime sunt juniora, hujus per con-  
suetudinem in ætatem adultiorem præcurrit,  
Sanguineo-phlegmatica, & a parentibus eo-  
dem malo, vel arthriticis insultibus, nata.

Distinguitur in idiopathicam & sympto-  
maticam.

Oritur facile ex plethora & congestione  
sanguinis, naturalium evacuationum turbis,  
artificialium intermissione, moliminibus den-  
titionis, aere frigido, assumptis excessive  
calidis vel frigidis, Saccharatis, mellitis,  
acidis, ex dispositione hæreditaria.

Caries introducitur pulveribus dentifriciis  
acrioribus, vel instrumentis metallicis, vel  
remediis acrioribus, narcoticis.

Odontalgia symptomatrica est, quæ ex  
congestionibus humorum, idiopathica, quæ  
ex dentibus corruptis excelsis oritur.

Z

Signa



Signa sunt dolor lancinatorius, quandoque latis insolens cum motibus congestorio-spasticis, vulgo: Es reisset, und zucket, fährt hin und her.

Vasa dolentis partis inflata sunt.

Prognosis: Idiopathica odontalgia den-tem immediate & solum occupat; Symptomatica vero complicatur; cum hemicranico-totius illius lateris capitis, seu statario, s. vago dolore.

Quo sæpius recurrunt & insistant congestorii motus, eo facilius intumescentiæ inflammatoriæ tam circa dentes, & gingivas, quam genas, imò plane caries exor-untur;

Quæ caries dein faciliè recrudescente facit odontalgiam; pertinaciorẽ & frequentio-rem.

Moderatæ præservatoriæ gingivarum cruentationes, aut aliæ artificiales sanguinis evacuationes mitigant, vel plane præoccu-pant odontalgiam.

Therapia: odontalgiam quoad externa magis exasperant, opium, opiata, aluminosa, ol. destill. empyreum: acida corrosiva acris, vitriol, refrigerantia; adstringentia, repellentia, nimis relaxantia.

In idiopathica ex carie prosunt cauterisatio provida, evulsio dentis.

In symptomatica ad orgasmum miti-gandum nitroso-temperantia, laxantia, regi-

regimen diaphoreticum cum Eff., alexiph. secure operantur.

Externe camphorata, pediluvia, quandoque vesicatoria in magis serosa, V. S. item scarificationis extra paroxysmum profunt.

Tandem repellentia, Tinct. odontalgic. Myns:

Alvus semper aperta servanda est.

## Cap. II.

### *Historia congestionum ad pectus.*

Art. 1. Tussis Sicca & humida. 2. Asthma humidum siccum et convulsivum. 3. Scirrhi pulmon. 4. Vomica pulmon. 5. Phtisis. 6. Angina. 7. Catarrhus suffocativus. 8. Hydrops pectoris.

#### a) Tussis sicca pectoralis.

**E**xercet magis juvenes floridæ & plethoricæ constitutionis siccioris: post hos virilem & senilem e prægressa adluescens dispositione: gibbosos, scrophulosos &c.

Causæ sunt infarctus sanguinis in vesiculis pulmonum vel ex moliminibus hæmoptycis, vel Scirrhis concrementis; hæmorrhoidum vel mensium regectiones, artificia

alium evacuationum neglectus, spiritus vini, & acidorum abusus, auræ frigidioris inspiratio, potus frigidi haustus, exanthematum & ulcerum retrocessio. &c.

Signa per se nota sunt, nisi concurrat rauco, & magis sicca vel parum mucida excretio.

Differt a tussi hypochondriaca, quod hæc magis sicca & effera existit, vocem sat illibatam relinquit, post pastum & motum ascensorium increbescit, aerem in pectus adduci sine sensu permittit, & denique concussiones hypochondriorum sensibilibus magis excitat.

Prognosis: Diuturna est, & quasi perpetua, aut revertitur ad minimum ob exiguas quaslibet occasiones, diætæ acris, tempestatum &c.

Facit aut fovet præsertim in junioribus *Œtiologia* suspicionem, neque humida est unquam, nisi insignis incalescentia febrilis concurrat, aut purulentæ & sanioseæ materiæ proventus vel per accidens ex tempestatis constitutione catarrhalis ad pectus confluxus oriatur.

Si hæc ægrotum adeo vehementer divexet, ut sæpe vix ad se redire vel spiritum recipere valeat, ferina vocatur, & familiarior pueris & faeminis, quæ uteri strangulatione sæpius periclitantur.

Therapia: sicca aegre fert vomitoria, fortiora

tiora purgantia, narcotica, expectorantia, incrasantia, volatilia calida, bals. sulph. adstringentia terreo - absorbentia, sudationes impetuosos, regimina sudatoria.

Magis conferunt V. Stiones, si plethora & aliae circumstantiae postulant, etiam praeservatoriae laxationes; & stagnationis in pectore discussiones per resolventia pectoralia; denique Tonico - nervina, specificae aqua veronicae vinola.

## β.) Tussis catarrhalis humida.

Subjecta sunt huic magis humidiores phlegmatici, aetas puerilis & senilis praemediocri.

Hic plus juris habent causae externae, aer frigidus - humidus, colli & pectoris refrigerati, praecipue post incalescentiam, halitus coagulantes, spiritus vini, acida:

Interim causae internae in magis phlegmaticis concurrunt, & excitant hanc tussim, sc. enormis serosorum humorum spissitudo, tenacitas, naturalium & artificialium evacuationum turbæ & neglectus.

Adoritur plerumque cum febricula & coryza, & sic est epidemica, ac grassatur communiter vere & autumnus, ob transpirationem prohibitam.

Excreant aegroti lentam & nauseosam mu-



cositam sub tusſi, quam circa infundibulum vel faucium anguſtias hæere ſentiunt.

Rauedo non perpetuo conjuncta eſt, ſed tamen aliqua notabilis vocis flacciditas & quaſi extenuandæ vocis impotentia.

Siccior paululum vero hujusmodi tuſſis, ut communiter violentior, eſt, ita habet etiam rauedinem vocis certioſorem comitem.

Si vero cum copioſo ſputo poſt paſtum ſeſe exerat, & ita vomituritionem provocet, ſtomachalis eſt, ſenioribus familiarior.

Prognofis: Phthiſicos catarrhis gravedinoſis ſimul obnoxios eſſe, raro accidit.

Infantum tuſſis humida ex commotione humorum ad ſuperiora, dentitione, ulceratione capitis, facile oritur, quæ ſecesſio mucida ſæpe ita inſoleſcit, ut pectus obruiatur, & ſuffocativa pathemata inducat.

Quando vero habitualis fit, inſigniter humida eſt; concurrunt nihil tabidi aut hectici evidenter.

Tuſſis ſubinde quædam conſuetudo obſervatur, ut ſtatis temporum mutationibus repulſet certius, imo vel media nocte, vel circa matutinum tempus increbeſcat.

Vel ſi hoc non fiat, nec alio evacuatione tali tempore vel ſponte eveniat, vel arte ſubſtituatur; pejus inde præcipue annioſiores habent, & facile exponuntur catarrhis ſuffocativis paralyticis pulmonum affectibus, appetitus & digeſtionis læſionibus.

Datis mediocriter purgantibus, nulla valde sensibilis virium fatigatio, nec caloris p. n. emicatio, sed potius levamen notabile percipitur.

## γ.) Asthma Siccum & humidum.

Utrumque minus familiare est admodum juniore ætati & infantili, nisi a læsione magis violenta, mala conformatione pectoris, gibbositate, scabie vel simili circa caput impetiginoso inquinamento retropulso, aut variolis, quæquam tunc plerumque in Phtisin exeat.

Siccum magis obtingit juniore floridiori aut primæ virili ætati, strictioris potius quam porosi habitus.

Frequentius oritur à hæmoptycis moliminibus, vel à scirrhusa pulmonum constitutione, a mensium & hæmorrhoidum vitiis, V.S. scarif. consuetis & neglectis, diuturna refrigeratione, abusu spirituosorum, etc.

Signa sunt respiratio difficilis cum acuto sibilo & sono; non autem brevis est respiratio, haustum enim aerem diutius retinent.

Tussis non jugiter conjuncta est; sed fere magis statum est matutinum & vespertinum tempus sub alterationibus frigidi aeris accedens, vel acrium vaporum haustu hoc asthma longe citius irritatur, quam humidum.

Prognosis: Durat ad multos sæpe annos, imprimis si humiditas, quantum possibile, arceatur, neque pthtica corruptio undecunque prævaleat. Expectorantia nimis data, tandem scirrhorum ulcerosam, corruptionem, imo phtisin & hecticam inducunt.

Therapia vera rejicit fortiora purgantia, nimis expectorantia, dulcia, adstringent: traumatica pectoralia, acria calida, concentrata, volat, sulphurata vulgaria, ola pector: anis: succin: balsama exotica calidiora.

Vera therapia convenit cum tussi sicca, medicatio vero per plures dies prolongari debet, & V. S. æquinoctialis admodum proficua.

## Asthma humidum.

Subjiciuntur huic facilius senes, aut phlegmatici succulentiores juniores.

Oritur ab evacuationibus naturalibus sanguinis & artificialibus turbatis & omisfis, mutatione vitæ laboriosæ in otiosam, diuturnis refrigerationibus etc.

Adest vehementior sibilus, fremitus & quasi spumidæ ebullitionis sensus sub respiratione, & ren: sus in pulmonibus.

Jungitur ordinarie notabilis raucedo, seu ad minimum asperitas vocis, cum jugiter molestia tussi, subinde ad est aliquid tenacis materiæ s: muc

muci exetientis sed sine levamine, nisi asthma plane temporarium, & ipsius tussis symptoma sit.

Tempore autumnali spirandi difficultas augetur.

Prognosis: Diuturnum plerumque est sine insigni remissione, ægrumque per multos sæpe annos contumaciter comitatur; & hoc tanto magis in annosioribus, ubi irreparabilem aliquando pertinaciam induit.

Ubi hæreditaria dispositio concurrit, ibi admodum refractarium est malum.

In therapia nocent promiscue vomitoria, opiata, liberalis usus expectorantium, adstringentium, concentrata oleosa, balsama acriora, incrasantia.

Cura convenit cum tussi humida ut plurimum, & profunt laxantia, resolventia, demum Tonica, roborantia.

Ubi evacuationes sanguinis naturales, seu artificiales restagnant, aut omisæ sunt, ibi V. S. Scarif. Hirud. applicatio confect.

## 2.) Asthma convulsivum 1. Spasticum.

Hoc junioribus familiaris, plethoricis, & senioribus viris & sæpius est.

Est vel magis siccum, vel humidius, vel idiopathicum, vel præprimis asthmatis siccis symptoma.

Z;

Estque



Estque magis symptomaticus quam idiopathicus affectus.

Causæ sunt plethora, febres præcipue malignæ, arthritico - rheumatici affectus, podagra, scabies, ulcera repressa, œdemata retro-pulla, scirrhus hepatis & pulmonum, concretio pulmonum cum pleura, aquarum in pectoris cavitate extravasatio, naturales & artificiales sanguinis evacuationes turbatæ, intermissæ, sudores suppressi. &c.

Ingruit quasi derepente, idque vel uno impetu vel brevi insigni incremento, magis sicca indolis, cum torpore insuperabili, & lassitudine per totum corpus.

Summa compressio in thorace & circa scapulas percipitur cum palpitatione cordis, aspectu inæqualiter rubicundo, & vasis circa tempora turgidis, alvo plerumque adstricta.

Raro persistit diu & jugiter vix ultra tertium diem; sed per intervalla & paroxysmos quasi corripit & recurrit.

Differt a catarrho suffocativo; in hoc major impotentia virium & respirandi defectus est; in asthmate vero etiam respiratio brevis, sed positiva potius compressoria cohibitio & veluti renisus quidam adest.

Prognosis; Est affectus summe suspectus, neque fere vivaces relinquit ægros, præcipue, si frequentius aut importunius recurset, aut

aut prorsus pluribus diebus justos quasi paroxysmos formet, ubi quidem multo pejus est prælagium.

In junioribus febris complicatur cum vere spastico-convulsivis motibus; in mediocri ætate acutos morbos vel peculiare sanguinis eruptiones præcipue hæmopticas;

In Senioribus vero catarrhos suffocativos, parulysin, apoplexiam, hemiplexiam post se trahit.

In therapia subinde magis nocent vomitoria, fortiora purgantia, confusa V. S. Impellentia, commoventia, oleosa concentrata, pectoralia anis. fœnic. &c. narcotica, adstringentia.

Magis proficui sunt clysteres, V. S. si circumstantiæ permittant, larga, nitrosa, temperantia conjunctis alexipharmacis & regimine diapnoico. Externe frictiones, suffimigia, Spir. vini camph.

Præservatorio scopo V. S. æquinoctialis, pediluvia, assueta Scarificatio, lenia laxantia repetita & tandem tonico-roborantia. quadrant,

## E) Scirrhusi pulmonum nodi.

His vexantur Subjecta sicciora, plethorica.

Oriuntur ex calidis potibus, Spiritu vini  
&

& medicamentis calidioribus largioribus, motu corporis excedente, ex sicca tussi & respirandi difficultate per multos annos increbescente, ac sicco asthma.

Qui nodi tandem commoti vel sponte vel arte, ex copiosa congestione sputi ad pulmones, purulenta regiciunt.

Si vero, cohibita inutili illa expectoratione, siccitati restituantur, egerunt nonnunquam cum tussi tephacea frustula.

Inventi sunt tales nodi in cadaveribus horum precipue, qui alio affectu decesserunt, sine ullo horum indicio aut suspitione.

Sunt plus minus duri, albi & pallidi, dissecti pallido-lividam faciem internam & in sui medio mucum tenacem offerentes: imo saepe ex hoc & pulverulentis per respirationem haustis corpusculis a seminis milii ad cannabini magnitudinem oriscunt.

Quoad prognosin vix resolutioni obsequuntur; diuturna v. mora magis aucti, majus reddunt periculum, unde maxime probabile, phthisin a talibus initium semere, imprimis quæ simpliciter magis ulcerosa iudicari potest, a febre concomitante minus importuna & non insigniter inflammatoria.

### 3.) Vomica pulmonum suppuratoria.

Ex iisdem causis & similibus subjectis,  
quæ

quæ phthisis invadere solet, utp'urimum obtingit.

Præcedenti malo longe infrequentior est, & verosimiliter ab ejusmodi scirrhis sub magis repentina stasi oritur.

In actum deducunt sanguinis abundantia, orgasmusque cibi saliti, motus & exercitia vehementiora, animi pathemata extantiora, evacuationes naturales & artificiales consuetæ, suppressæ, & omissæ.

Hæc suppuratio individuum habet comitem febrem lentam hecticam vago motu exæstuantem, quæ tamen non æque proprium vomicæ, sed etiam reliquæ ulcerationis phthisicæ symptoma est.

Jungitur tussis & dolor subtussi interlancinans, cum respirandi difficultate, facie in æqualiter rubente, appetitu inconstante, corporis languore & animi angore.

Donec repente suffocationis periculum accedat, & moles puris subcrunti efauibus erumpat.

Prognosis: Tussis licet in vomica a longo tempore tardius cæpta, quandoque adeo exigua obveniat, ut pro firmo pectoris affecti indicio vix valeat, ordinarie tamen hic tussis plus observatur, quam in scirrhis nodis.

Vomica, quo lenius incipit, eo diutius latitare potest; quæ autem cum stasi impetuosa contingit, brevioris periodi est.

Vomica



Vomica in superficie pulmonum in futurum valde anceps est; materia enim purulenta facile in thoracis concavum effunditur, & empyema constituit periculofum.

In Therapia conducunt blanda expectorantia, discutientia, selecta travmatica, mundificantia etc.

## 4.) Phthisis.

Expositi sunt homines juvenes utriusque sexus ab XVIII. ad XXXV. annos. Hippoc. Sect. III. aph. 29. Sect. VIII. aph. 7. plethorici, floridi habitus, cholericò-sanguinei.

Phlegmatici, scorbutici, laboriosi, seniores nunquam, nisi a manifestioribus causis externis, nec pueri, nisi ab hæmorrhagiis narium suppressis.

Inter causas numerantur plethora, congestio sanguinis, stasis, ulceratio, narium hæmorrhagia emanens, hæmorrhoidum & mensium regurgitatio, hæmoptysis, angina, pleuritis, peripneumonia, affectus rheumatici, asthma spasticum, variolæ, morbilli, scabies retropulsa, ulcera diu aperta cito occlusa, recrementa morborum, hæreditaria dispositio.

Externe concurrunt diætæ plena, otiosa, vapores corrosivi, arsenicales, mercuriales, læsiones violentæ, assumptio potus frigidi  
cor-

corpore calente, crapula frequentior, spirituosorum ingluvies, vigiliæ excedentes, lucubrationes, purgationes drasticæ, vomitus nimius, animi pathemata, abusus Veneris, aer autumnalis, Hippocr. Sect. III. aph. 10.

Est phthisis actuale ulcus in pulmonibus.

Incipit cum tusi in quibusdam sicca, in aliis cum pauca, in aliis vero cum multa excretionem.

Hæc increbescit cum insigni pectoris angustia.

Concurrit magis magisque languida & defectiva virium remissio, cum appetitu dejecto, & fastidio eduliorum, e quibus magis frigida quam calidiora appetuntur.

Potus major est cupido, sed averfatio ordinarii, ut quid bibere velint, ambigant ægri.

Calor molestus etiam extra exacerbationem, unde horridulae, ad minimum volaticæ alterationes.

Complicatur somnolentia, sed somnus est inquietus, & non reficiens, potius cum majore languore & virium fatifcentia.

Facies ultimo extenuatur, nisi ab exasperato calore hæctico fiat subinde turgidior & floridior. Vasa circa caput turgent.

Siccitas oris, sensibilitas corporis & animi impatientia semper adest.

Non raro ægri decubitus in unum latus minus tolerant, quin respirationis & tussis gravissima semper incommoda incurrant.

Ex

Ex quibus etiam plerumque oritur sputum fetidum, spumescens, saniosum, vel parcius vel copiosius, vel alius, quam ordinarie erat, consistentiæ.

Sine copiosa expuitione melius habent, quæ expectorantibus acuata, exulceratio acceleratur in certius periculum.

Sputum non semper est purulentum nisi in consummato ulcere, interdum striis sanguineis infectum.

Hoc vero discernendum est in materia illa in simpliciore etiam tussi exire solita, crassa quasi & pultacea ex flavo-virescente, innoxia.

Urina phthisicorum sanæ frequentius similis est, nisi quod spumam diutius seruet, quod etiam in alia tussi fit.

Differt phthisis vehementia, dum alii breviter debilitantur, alii vires quodammodo retinent, & non nisi per intervalla, vere & autumnò, a tempestatibus, causis externis exacerbationes subeunt.

Differt ab hæctica hypochondriaca, quod in pulmonali, a successiva & profunda respiratione, angustia, renisu tussis augeatur, quod in illa non fit.

Prognosis incipientis anceps, suppurascentis profundior lethalis.

Quo fortius & frequentius exacerbationes hæcticæ recrudescent, & invalescent, eo celerius opprimitur æger.

Subiecta sicciora longe citius humidis, agilio-

agiliora languidis, juniora senilibus consumuntur.

Et moriuntur quidem seniores tacite languentibus indies viribus; juniores sub febrili motu inflammatorio.

Et communiter quidem circa æquinoctium præf. autumnale, expectoratione, quæ antea vehemens fuerat, tardiore reddita vel suppressa.

Ex hæmoptysi & moliminibus hæmoptycis enatæ phtisi, actualis hæmoptysis subinde sero supervenit, sicuti in consummata subinde sputum purulentum, diarrhæa & sudor colliqvativus accedunt, & mortem accelerant.

In therapia absint V. S. curatorie adhibitæ, purgantia fortiora, calida acria, impellentia alexiph. concentrata, expectorantia nimia, balsamica, myrrhata, balsama exotica, therieb. olea destill. bals. sulphur. antimon. diaph. terrea, antihect. Poter. Tinct. antiptis. Sach. Saturni, martialia, opiata, nitriulus, nisi parcissime, prodest, omnia salsa, valde acida, mercurialia, incrassantia, nimis refrigerantia adstring. traumatica, &c.

Curatorio sine profunt laxantia blanda, resolventia, abstergentia, discutientia, demum consolidantia, omnisque medicatio sit lenis & diuturna per plures menses.

Equitationem commendat Sydenhammius Veteres navigationem. Alii climatis mutationem.



In thermis lenibus, præmissa ventilatione, quoddam, sed inane, est subsidium.

Lactis cura idem est ac modicum pascere, cætera naturæ mandare.

Præservative in angustia pectoris cum orgasmo & tusi sicca V. S. in pede circa æquinoctia repetenda, pediluvia maxime in faminis; hirudinum applicatio, alvi laxitas per laxantia, & alexi pharmaca cum diætâ molli & corporis motu placido profunt.

## o) Angina & Cynanche.

Idiopathica angina familiarior juvenibus plethoricis ad virilem ætatem tendentibus, in præcedentibus annis hæmorrhagiarum subjectis; Symptomatica omni ætati præcipue juniore & sanguineo-cholericis præ aliis, in febribus acutis & aliis morbis. Utrique morbus hæud adeo frequens est.

Causæ idiopathicæ sunt plethora & orgasmus sanguinis, narium hæmorrhagia suppressa & ejus molimina, mensium & hæmorrhoidum suppressarum regurgitationes, V. Stiones in inferioribus intermissæ & insufficientes, vehementiora vomitoria, sensibiles inferiorum refrigerationes, aer fervidus & assiduus imbribus humidus, ex calido in humidum repente mutatus, potus frigida corpore calente, clamor, cantus nimius, vigiliæ, alvi suppressio, lapsus in collum & cer-

cervicem, ebrietas, abusus pulveris sternu-  
tatorii, animi pathemata, dispositio hæredi-  
taria.

Symptomaticæ, incompleta sanguinis con-  
gestio versus hæc loca, in febribus acutis  
præcipue epidemicis, vagis arthriticis  
affectibus, ex V. S. incongrua, regimine im-  
modesto in- & externo, etc. refrigerationibus.

Invadit cum aliqua deglutiendi difficul-  
tate, faucium ardore, & inflammatione.

Quæ paucis horis maximopere increbescunt:  
fauces, lingua, & vasa sanguifera, venæ  
raninæ dicta, admodum intumescunt.

In faucibus ergo tensivus & ad degluti-  
endum graviter lancinatorius dolor se-  
quitur.

Tota facies plerumque inflata conspicitur,  
ut rubeat, imo liveat, præcipue in sangui-  
neis, & sanguineo-cholericis, oculi promi-  
nent, & communiter febris accedit acuta.

Concurrit anxietas magis quam angustia  
suffocationis & strangulationis, nisi quod  
redundantia illa vasa jugularia una premens,  
diffusionem & stasim circa ipsa cerebri inte-  
riora una cum sensus interioris & ipsius  
mentis turbatione inducat.

Prognosis: Quo majore impetu procedit,  
eo magis periculum portendit.

Angina notha magis serosa, extrinsecus  
præcipue apparet, cum tumore glandula-  
rum & minore periculo.

Angina vera & notha, plerumque aliquid epidemici habent.

Angina symptomatice præceps est & intra primos 4. dies satis periculosa utique existit; sed periculosior & vix non funesta circa dies criticos contingens, idque tanto certius, quo majore infarctu & linguae tumore se exerit.

Præceps si coaritur inflammatio, dummodo tempestive occurratur, mature ipse discussionis admittit; quo vero lentius collectus est hic tumor, & ultra 24. vel 36. horas eodem tempore persistit vel penitus augescere sentitur, communiter tendit ad suppurationem.

Therapia haud secure fert V. S. raninarum ante V. Sectionem universalem, vomitoria, purgantia positiva, opiata, valde acida, calidiora, commoventia, sudationes coactas, refrigerantia, incrasantia; nec Externe communia adstringentia, emollientia pura, topica repellentia.

Magis secure adhibentur, antequam omnia clysteres, & urgente plethora V. S. in inferioribus larga, subjuncta V. S. raninae pro circumstantiarum exigentia, nitroso-absorbentia, leniter diaphoretica, frictiones inferiorum. Externe resolventia, discutientia, gargasmata subadstringentia.

Si inflammatio suppure scat, maturantia pus educantia, & mundificantia &c. adhibenda.

Præse

Præservatoria cura consistit in remotione plethoræ, per V. S; congestorii motus per laxantia repetita, pediluvia, Eff. alexiph. mixt. tonico-nerv, motum corporis consumptorium.

## Cynanche.

Insert quidem eundem, quem angina acutissimum inter deglutientem, dolorem, imo etiam extra motum faucium pulsatilem & compunctorium.

Sed sine visibili aliquo manifesto tumore, nisi quod ægri querantur, videri sibi paulo profundius in faucibus molem quandam quasi nucleum hædere.

Succesû lentior & duratione pertinacior, ad 3. 4. dies magis magisque augecens cum anxietate strangulatoria.

Imo quo diutius progreditur, eo magis apparent circa faciem & tempora, signa detenti sanguinis & impediti, colore livescentel & vasis angustioribus ultra solitum conspicuis.

Hinc in quibusdam cephalalgia, in aliis somnolentia, in quibusdam lipothymia adest; externa communiter frigent, & alvus adstricta est.

Differt vero a spasmò hystericarum fauces firmiter constringente, respirationem & deglutitionem impediante, quia hic affectus sine periculo facilius transit.



Prognosis : Periculosissimus est affectus, si discussionem respuat, adeoque suppurascat, nisi bona fortuna introrsum rupto abscessu, per excreationem ac vomitum pus suum effundat.

Chirurgicam apertionem externam non nisi cæcam & fortuitam admittit, scalpellum profunde imprimendo, ubi tamen arteriæ carotides ad latera vel ad minimum in vicinia loci affecti summam sinistri eventus formidinem incutiunt.

Sic Prunella communiter symptoma periculorum febrium contagiosarum exanthematicarum & epidemicarum existit, & hoc tanto magis in junioribus plethoricis, Narium antehac hæmorrhagiis adfvetis, vel per remedia vel regimina incongrua, aut per sui ipsius culpam.

Hic affectus magis afficit linguam, quæ ex congestione & inflammatione intumescit & valde dolet, fissuras cum glutinosa visciditate sustinet, cum aliis accidentibus fonticis concurrentibus.

## 1) Catarrhus suffocativus verus.

Succumbunt huic ætas senilis, phlegmatici, phlegmatico-sanguinei, succulenti, quandoque juniores & infantes, sed raro, ex fonticis causis.

Causæ

Causæ, quæ contribuunt, sunt hæreditaria dispositio, evacuationes naturales & artificiales sangvinis & feri suppesæ & neglectæ, œdemata, ulcera diuturna, scabies diuturna, podagra in adultioribus impetuose & repente retropulsa; achores & aliæ exulcerationes in infantibus retroactæ, morbillorum & variolarum retrocessiones, polyposæ excretiones in corde ad pulmones sese expandentes.

Aer borealis, humido-frigidus & sulphureis metallicis venenatis effluviis corruptus, balnea humido-æstuosa, assumpta flatulenta, motus corporis immoderatus, animi pathemata vehementiora, ebrietas etc. inter externas causas posita sunt.

Occupat repentino insultu, cum respiratione difficiliore, metu præsentaneæ suffocationis, & plenitudine pectoris e spumido sono quasi inter respirandum colligenda, cum inquietudine notabili.

Præsto est magna virium remissio & debilitas cum ipsius animi impote obliuiosa angustia, & de vita diffidente desperatione.

Sæpe sine omni, ordinariæ tamen cum aliquali, sed improporcionata & impotente quasi tussi.

Subest non raro non tam pectoris, quam ventriculi labes, potissimum vero urget in pectore, pulmonibus, & exteriori costarum

ipso motu. Et hoc intuitu est magis paralytodes.

Differt ab asthma spastico, vel ipsa tussi humida, expectorantibus & narcoticis in anomalias conjecta; vel etiam a repentinis oppressionibus a retropulsione ad interiora, tam acutorum quam chronicorum rheumaticorum exanthematicorum affectuum, aut statariorum tumorum, aut fluxum ulcerosorum diuturnorum repente suppressorum.

Prognosis: Plerumque funestus est, & intra paucum tempus decurrit vel in bonum aliquvaliter vel in malum ut plurimum eventum; juniores paulo facilius mortis periculum superant, quam valde adulti. Interea alia levi occasione exiistente idem affectus & in his acerbius recrudesceere solet.

Abit itaque in febriculam sed mali moris, quæ ipsa sæpe moriuntur:

Vel in diuturnam asthmaticam tussem cum multa materiæ mucosæ eruptione, pectoris laxitate, intercurrentibus, præcipue si externæ causæ accedant, quasi paroxysmis asthmaticis, spasticis; vel in cachecticam corporis flacciditatem.

Certe nisi statim analepticiis tonicis abstergentibus, undique ægro consulatur, vel dicta pericula, vel tantam debilitatem relinquit, ut ille ab hinc admodum vacillantem valetudinem experiatur.

Anno.

Annosiores, qui morbo hoc fortiori correpti fuerunt, si evadant, interposito tempore aliquo tam subito expirare solent, ut an apoplexia an catarrho suffocativo interiisse dicendi sint? merito dubitetur.

Multos interim pro apoplecticis efferri certum est, quos suffocatio potius ejusmodi catarrhalis spastica, vel sincera paralytica costarum motus abolitio extinxit.

In therapia magis noxia sunt V. S. in pure phlegmaticis, vomitoria in pure sanguineis, positiva purgantia, nimis calefacientia, turgescientia, positive adstringentia, opiata narcotica, acria oleosa, anticatarrhalia acria, regimen sudatorium anxium: externe unguinosa & crassius pingvia.

Magis conducunt V. S. in sanguineis larga, in ventriculo infarcto & phlegmaticis Vomitorium ex sale vitriol. deacet. asar.  $\Delta$  aur. ult. præcipito Tart. vitriolat. aa gr. vi, pro dosi; ubique præmittantur Clysteres stimulantibus, Frictiones, ligaturæ Sinapismi in partibus remotioribus, Discutientia resolventia, temperantia alexipharmaca, analeptica. nitrosa. Demum Tonica. & ad novum insultum præoccupandum V. S. æquinoct. in pede, subjunctis laxantibus repetitis.



Cap. III.

*Historia congestionum & motuum  
sanguinis in & ad abdomen.*

Membr. I.

Hæmorrhoidum & vomitus  
cruenti Confectaria.

Art. I. morbi venæ portæ in  
genere. II. in Specie.

α) Cardialgia. β) Colica spasmodica.  
γ) Malum hypochondriacum. δ) In-  
duratio viscerum.

Morbi Venæ Poræ in genere.

**E**x textura hujus venæ ampla molli  
sine valvulis perpendiculariter fere in  
abdomine sita, oritur progressus san-  
guinis lentior præcipue per hepar, tum spis-  
situdo ejusdem, infelix variorum circa hæc  
loca scaturigo & fomentum malorum.

Concurrentibus præsertim externe diæta ple-  
na, sicca, parco potu, assumptis acidis, mucido-  
crassis, habitatione & vestitu frigidiorē,  
habitu corporis magis melancholico, motu  
corporis maxime respiratorio segniore, in  
sedentariis, speculabundis, mæsiis.

I. ma Læsiō est, quando propagines ejus  
1.) vel arctiores redduntur ab intestinorum

ten.

tenfione, flatibus, ſcybalis impactis, colica  
2.) vel magis diffunduntur in hypochondri-  
acis ſtagnationibus, unde venæ hæmorrhoi-  
dales, vaſa brevia turgida deprehenduntur.

II.) Conſiſtentia ſanguinis ſpiſſa ex motu  
perpendiculari &c. dictis cauſis ſubnaſcitur.

## Ex hac pullulant.

III.) Læſiones motus paſſivi, quæ indi-  
cantur per inflationes, dolores, duritiem  
lienis.

Item per dejectiones nigricantes fluidas;  
tandem accedentes aut ſupervenientes vomit-  
us ſimiles aut maniſeſtius cruentos cum  
aperto dolore preſſivo, & punctorio in  
regione lienari.

Denique per hæmorrhoidales poſt diuti-  
na ejusmodi mala perruptiones cum præ-  
ſentanea illorum ſublevatione.

IV.) Læſiones motus activi ſeu aterationes  
toni.

α) Relaxatoriæ in flatulentia maxime hy-  
pochondriaca & hyſterica, a potu frigido,  
frigore, cibo mucido exacerbanda; ſplenis  
etiam inflatione, quæ permanet, licet alvus  
flatus dimittat, a ſanguinis infarctu orta,  
fæminis ſub menſium motu familiari in quar-  
tanam, hæmorrhoides, vel vomit. cruen-  
tum deſinente.

β)

β) Constrictoria, in colica & diarrhæa spastica, cardialgia hypochondriaca tensiva, in doloribus presforiis reniforiis in abdomine, in hytericarum angustia strangulatoria, in torsionibus ventriculi, vomitionibus vacuis imo cruentis; in constrictione in medutullo umbilicali sub convolutionis sensu in hysteriis & hypochondriacis.

## I. Cardialgia splenica sangninearum.

Occurrit usitatus in subjectis hypochondriacis, hysteriis, splenicis hic affectus.

Oritur ex mensium, hæmorrhoidum, hæmoptyseos moliminibus, asthmate ad vomitum cruentum collimante.

Contribuunt subinde Scirrhi hepatis, lienis, pancreatis, glandularum meleraicarum & similia pathemata.

Signa sunt morsus & tensiones circa ventriculum, cum anxietate, angore & duritie flatulenta, inquietudine nauseabunda, succedente calore hectico, & adfectibus alciicis, lubricitate alvi.

Therapia excludit vomitoria, positiva purgantia, aromatica, flatulenta, spirituosas, pingvia, carminativa calida, acida, copiosa absorbentia, adstringentia &c.

Vera bene fert contemperantia nitrosa, laxan-

laxantia lenia, Pil. balsam. infusa resolventia, abstergentia, denique tonico-nervina.

Præservative V. S. æquinoctiales, & naturales sanguinis evacuationes in ordinem redigendæ sunt.

## II. Colica hæmorrhoidalis spasmodica.

Subjecta sunt sangvineo-cholericæ, sangvineo-melancholicæ.

Oritur ex turbis & moliminibus hæmorrhoidum.

Signa sunt dolores atroces spastici, compressorii, alvus adstricta, cephalalgia, lassitudo, intercurrentes horror & æstus, anxietas, angustia, quandoque diarhæa cum faecibus cruentis, tenesmus, internus ardor & conatus vomendi.

In viris circa intestina crassa, in fæminis magis circa tenuiora superiora molesta est.

Prognosis: in utroque sexu facile regurgitationes ad hepar, splenem, ictericas asceticas obduratorias, relinquit, imo inflammationes.

Colica hæmorrhoidalis est valde contumax & vehemens, & communes colicos dolores gravitate superat.

In Therapia cavendum est, a purgantibus acri.



acribus, clysteribus acribus, ab aloeticis crudis, commoventibus, calidioribus, carminativi, narcoticis, adstringentibus refrigerantibus.

Potius adhiberi debent clysteres oleosi cum nitro, V. S. in pede, nitroso-temperantia, sedativa selecta, quibus alexipharmaca interponenda sunt. ad spissitudinem sanguinis attenuandam abstergentia, laxantia, dilutiena potulenta, equitatio, vectura. Tandem Tonus per Martialia, salia vol. nervina roborandus.

Motus activi placantur anodynis per aromatica correctis, Pil. Wildeg. Masf. Pil. de Cynogl. nitro, mille fol,

Iusta hæmorrhoidum promotio vel præoccupat, vel mitigat hunc affectum.

### III. Malum hypochondriacum.

Subiecti sunt huic malo plethorici, præcipue melancholici, sanguineo-melancholici, otiosi, vitæ sedentariæ, (unde literati,) siccioris diætæ, ante omnia juvenilis ætas, rato annosior, nisi continuatio mali pristini, vel palindrome ex hæmorrhoidum suppressione & diætâ lauta adsit, vel concurrat.

Convenit cum hysterico malo, uti jam Willisius & Higmoreus annotarunt, ac horum adfectuum verus character omnino spasmis adnumerari debet.

Cau-

Causæ sunt plethora, cum spissitudine & restagnatione circa V. Portæ, Suppressæ evacuationes sanguinis præcipue hæmorrhoidum, & harum molimina, sudoris, alvique suppressio, animi pathemata, dispositio hæreditaria, vita sedentaria, speculativa, abdominis compressio, diæta plena, edacitas, potus parcus.

Sedes mali sub costis & præcordiis sinistri maxime lateris sentitur, cum angustia sensibili ante & post pastum, ac facili satietate sub appetitu vago.

Adest inflatio in sinistro hypochondrio cum dolore lancinante, & per dies 2. 3., expedita licet alvo, durat; si diutius persistat, dum ægri colore nigricante, indurescit, ut cotis duritiem & figuram tactui offerat.

Si vero in dextro hypochondrio pathemata magis sentiantur, adsunt volaticus capitis & faciei ardor, affectus colici.

Capitis dolor est tensivus, premens, vertiginosus, ad motus corporis & ad frigus præcordiorum increbescens; in quiete vero vel capitis compressione quiescens.

Appetitus est vagus, imo avidus, frigida & solida magis quam calida desiderantur, potus est parcus.

Nausea concurrit ad vomituritionem usque & vomitiones vacuas (würgen sich) Actuales vero vomitus, non vomituritio allevat.

Ante vel post pastum multa sputatio vexat.

Na.

Nares magis siccae quam humidae sunt.

Sub jejunio frequens mollities præcordiorum & propensio ad lipothymias.

Ructibus sub & post pastum anguntur, frequentius flatibus stricte dictis.

Palpitatio cordis essentielle est symptoma.

In abdomine sæpe palpitatoriæ pulsationes sentiuntur.

Alvus fere semper siccior est; laxior fit ex mutatione ciborum duriorum in molliores hinc laxitas intestinorum, & ita etiam hoc malum inducitur.

Somnus profundus est, sed evigilantes ad palpitaciones cordis, flatulentias facile ruunt: a brevi somno pejus habent.

Urina in malo exacerbato limpida est: mitesciente vero impetu nihil peculiare offert: interdum crassa, imò nigricans cum arenulis.

Prognosis: Exasperatur magis a vita sedentaria, frigore, tempestate humido-frigida, repentinis corporis & animi motibus.

Quilevius hoc malo tentantur, motibus a scrobiculo cordis sinistrorsum expositi sunt; Qui vero acerbius & gravius, illi vehementioribus mesenterii insultibus torminosi, singultuosi, suffocativi, vomibundis & inflativis urentibus finitri hypochondri divexantur.

Sic itox magis spasmis ex hoc malo laborant ventriculus, mox mesenterium, mox he =

mox lien, mox hepar; unde etiam varia his visceribus propria symptomata lenia vel gravia divexant.

Hoc malum sibi relictum, plus incommodi quam periculi portendit.

Quocunque vero modo turbatum & diutius persistens, facile inducit febres intermittentes, maxime quartanas lentas pertinaces, icterum flavum, scirrhusas præcipue in sinistro hypochondrio indurationes, tumores œdematosos varices crurum, melancholiam, vertiginem, apoplexiam, catarrhum suffocativum, paralyfin, colicam, podagram, arthritica pathemata etc.

Solerti observatione constat, quod multi hoc malo exerciti vel ab ejus impetu vel plane in totum liberentur, hæmorrhoidum adsveta fluxione: vicissim contra.

Hypochondriaci periclitantur magis ex rheumatismis catarrhis, passionibus acutis, febribus malignis, petechialibus, purpura etc. quando illos adoriuntur.

Quo magis pathemata præcordia & lienem angunt, eo facilius vomitus cruentus erumpere contendit:

Quo magis vero pathemata circa inferiora adsunt, ibi hæmorrhoidum fluxus intenditur.

Malum hoc, sicut annosos rarius infestat, quam juniores, sic gravius & obstinatus affligit.



Hoc malum antiquioribus parum notum, posterum a Sennerto, Conringio, Highmoro, martino & aliis accuratius descriptum est.

Therapia haud secure admittit V. S. in brachio, vel exacerbato statu, vomitoria precipue in progressu, purgantia acria fortiora, opiata, concentrata stomachica, carminativa, diaphoretica commoventia, olea destill. camph. Sal. volat. mercurialia salivantia, martialia cruda, absorbentia, terrea larga, antiscorbutica acriora, aloetica copiosa &c.

Eo magis vero conducunt propter plethoram V. S. in pede circa æquinoctia, hirudinum applicatio ad loca hæmorrhoidalia.

Propter spissitudinem, motus & potus sufficiens, incidentia, attenuantia, acidularum usus largior, rad. resolv. sal. digestiva, laxantia volent.

[Propter spasticas stricturas nitrosa absorbentia, salia digest. decoct. millefol. ess. adianth. alb. cort. chaccarill. clysteres emoll.

Ad tonum roborandum martialia temperata, cum sufficiente dilutione & abstersione, sal. vol. cum Tinct. alcalinis confect.

Demum hæmorrhoidum apertio vel revocatio per hirudines est pro aliis secura.

## Indurationes viscerum.

### a) Scirrhus lienis.

Subjiciuntur huic malo plethorici, uterque sexus, ætas consistentior.

In canſarum cenſum veniunt congeſtio ſanguinis reſtagnatoria in ramo ſplenico, ex-  
perturbatis hæmorrhoidibus & menſibus:  
præmaturæ intermittentium, ſpontanearum  
diarrhæarum, cohibitiones, nimis reſrige-  
rantia, Topica externa in regione lienis,  
in plethoricis ad hæmorrhagias proclivibus  
vomitoria, vehementes contuſiones, diæta  
crasſa, carnes infumatæ, adſtringentia, animi  
pathemata graviora &c.

Sentitur in ſiniſtro hypochondrio ſenſibi-  
lis durties, velut oblonga ventrem turge-  
faciens, dolor gravativus.

Ægrotus eſt torpidus, tædioſus, tacitur-  
nus, anxius absqve manifeſta cauſa, respira-  
tio laborioſa cum tuſſi ſicca.

Color faciei & reliqui corporis eſt luridus  
ad fuscum nigricantem ſubviridem tendens,  
cum oculis quaſi altius retrocedentibus, &  
circa orbitam livente cutis ambitu.

Alvus ſimul eſt valde ſegnīs, vel vaga, vel  
anomala.

Appetitus familiariter avidus eſt, inter-  
dum ſine cauſa manifeſta ſaſtidioſus, nauſea-  
bundus, cum potus averſione.

Ructus & flatus incommodo ſunt.

Urina tenuior, ſublivida viridescens,  
imo dilute nigricans.

In pede ſiniſtro communiter intumeſcen-  
tia dura, inſolito livido nigricante colore  
ſqualens, cum dolore urente, contuſio,

quem in dispositis cachectica constitutio succedit.

Prognosis: Scirrhus recentior aliquando, sed inveteratus fere nunquam admittit discussionem, & est plerumque ancipitis eventus: hinc potius artis inopia profitenda est.

Sibi relictus per multos quandoque annos sine periculo continuare potest.

Per emollientia tractatus, eventus præceps & periculosus acceleratur.

In therapia adhibentur resolventia paululum fortiora. V. S. derivatoria: Externe Emplastra resolventia, discutientia.

## B.) Scirrhus glandularum mesenterii.

In adultis & annosioribus rarius agnosci potest, antequam jam asciticos vel hecticos affectus attraxerit; in ætate vero puerili ad 10. fere annos, & magis recurrit & manifestius se prodit.

Præcescit communiter vel insignis addephagia, vel nocturna frigida, sub somno, calente corpore, potatio: interdum adstringentium abusus in diarrhæis spontaneis.

Conjuncta est atrophia corporis cum calore depravato, & languore, appetitu mediocri, sed angustia & majore molestia post cibos.

Alvi inconstans est successus, & quandoque;

doque ciborum minus digestorum rejectio.

Abdomen est durum, & si tensio ejus nonnihil flaccescat, tactu inæqualitatis; & velut nodi quidpiam in eodem.

Omnibus his scirrhis major vel minor febricula lento hectica accedere solet, vel Atrophia infertur.

### C.) Schirrhus hepatis.

Subjecta! & causæ fere cum scirrho lienis conveniunt.

Insignis est durities, tensio & gravitas dextri hypochondrii cum sensibili hectica & tabe corporis superne: inferne vero tumoribus pedum, & deinde asciticis contumacibus; reliqua cum signis schirrhilienis coincidunt.

Prognosis lienis scirrhi hic etiam valet.

Scirrus hepatis, uti sequitur, ita & præcedit icterum præsertim nigrum, interdum hydropicos tumores. Comitatur subinde cachexiam maxime icteroidem, febr. lentas, ex ira natas, quartanas suppressas etc.

Therapia simul convenit cum cura lienis.

### D.) Icterus i. flavus.

Subjicitur huic omnis ætas, magis tamen juvenitis & senilu: item omne temperamentum, magis cholericum; tum quove uterque sexus. & omne temperamentum, magis tamen juvenilis & senilis, sexus uterque cholericum.



Interdum & infantes neonati ictero, ex restrictione sanguinis umbilicalis oripiuntur.

Exoritur facile ex constrictione ductus cholodochi, ex repentina repressione hæmorrhagiarum naturalium & artificialium, febrium intermittentium præcipue quartanæ suppressione, male tractato mulo hypochondriaco, cachexia, hydrope, inflammatione hepatis vel duodeni vel ventriculi, obstructione vasorum biliosorum cum viscositate quadam vel calculo, scirrhis hepatis, emeticis fortioribus, venenatorum animantium moribus, venenis assumptis, abusu spir. vini & pingvium, cibis insolitis, crassioribus, animi pathematibus insignioribus, nimia refrigeratione, frigido potu, corpore calente, assumpto.

Signa sunt insignis lassitudo cum subita compressione sub scrobiculo cordis.

Insequitur sat cito coloris totius corporis, præprimis oculorum, mutatio in flavum sæpe saturatum.

Unde anxietas repentina cum angustia, quandoque respiratione difficili.

Interdum tacitis quasi successibus exoritur.

Appetitus prostratus est, ad minimum post assumptos cibos pressionis hujus incrementum, cum cardialgia, nauseabundo sapore, & quandoque conatu vomendi.

Alvus modo segnior, modo laxior cum pallidis interdum hentericis excrementis.

Animi

**Animi & corporis languor ac fastidium.**

Somnus est inq̄victus, interdum multus & profundus.

In quiete calor solito major morficans & veluti pruriginosus est; sub aliquo corporis motu vel in libero aere frigus imprimis circa externa.

Urina saturate flavet, adeo, ut paucae ejus guttae, chartae vel linteae adpersae, colore hoc illud tingant. Interdum plane granati instar sed paulo fusco colore rutilat: agitata mox in parietibus vitri saturatam flavedinem monstrat, imo flavam spumam format.

Prognosis: in Junioribus, quam annosis, facilius tollitur.

Icterus inflammationibus hepatis, duodeni, ventriculi superveniens, satis periculosus.

Febribus ardentibus critice accedens bonum; ante criticum vero diem cum magno insultu, malum omen affert Hipp. Sect. IV. aph. 62.

In consuetudinem abiens icterus, saepius redire solet & quidem quandoque certis diebus.

Fluxus haemorrhoidalis, ictero superveniens, spem solutionis facit.

Meraci & imprimis vini adusti potatores ictero laborentes, ut plurimum prognostico relinqvendi sunt.

Therapiae adversantur vomitoria promiscue, praecipue in ictero ex ira orto, purgantia

tia fortiora, valde commoventia, Martialia cruda, nimia absorbentia, adstringentia opiata, nimis refrigerantia, fortiores regiminis impulsus balnea æstuosa, anicula & frivola nauseabunda sympathetica & alia experimenta. e. g. stercor. pediculi etc.

Profunt resolventia, incidentia amara, Decocta ex rad. herb. & flor. Sal. digestiva. Specif. rad. curcum. chelid. m. lumbr. terrestr. &c.

Subjungitur laxatio blanda cum contemperantibus nitroso-absorbentibus.

Demum tonica & roborantia.

De V. S. in Ictero disputatio in utramque partem agitur, ubi vero plethora hunc morbum acceleravit, prorsus non rejicienda est.

## 2. Icterus niger.

Senibus familiarior est.

Causa in chronico & contumaci lienis vitio plerumque residet.

Plurima symptomata in hoc acerbiora sunt; color itaque est nigricans in toto corpore & in oculis, imo sputum ipsum excernitur nigrum, vel insigniter flavescens.

Calor est hecticus cum inquietudine, tabescentia &c.

Magis in sinistro, ut in flavo in dextro latere, sunt tensiones, pressiones.

Pro-

Prognosis : Quo annosiores invadit , eo difficilior est spes restitutionis.

Intereunt hectici , rariuscule inferiorum partium œdemate affecti , præsertim nisi mox ab initio hujus generis intumescencia cum ictero complicata fuerit.

Eadem fere therapia cum flavo.

## I. Tussis hypochondriaca.

Exoritur a labe quadam , infarctu vel scirrho hepatis &c. in hypochondrii visceribus.

Stomachalis oritur ex pravis humoribus in ventriculo.

Hypochondriaca magis sicca est , & vehemens , effera , vocem illibatam magis relinquit.

Si e stomacho magis exoriatur , tendit ad vomendi conatum.

Concussio illorum tussiculosa adest , & increbescit post pastum , motum corporis præcipue ascensorium velocius eundo , bibendo largius vel frigidius ; non æque ab aere frigido attracto , uti etiam æger profunde respirare potest , sine sensu alicujus in pectus renisus.

Prognosis : Hypochondriaca sicca tussis , frequenter de- & recurrens , merito suspecta est de scirrhusa constitutione in hepate.

Quoad curam bene discernenda hypochondriaca tussis a pectorali , quamquam inter-

Bb ;

dum



dum, & hoc quidem per accidens, cum hypochondriaca & stomachali pectoralis concurrat.

In therapia nocent vomitoria, positiva purgantia, inimis pectoralium usus, valde commoventia, narcotica &c.

Positiva cura requirit ea, quæ in Scirrho & infarctu hepatis commendantur.

Vitium etenim hepatis vel ventriculi si sublatum, tollitur fere tussis tanquam symptoma.

## Membrum II.

### Confectaria renum hæmorrhagiæ.

Art. I. Nephritis.

II. Calculus.

III. Ulceratio renum.

#### \*) Nephritis simplex.

**S**uccumbunt huic Subjecta spongiola prædominantis sanguinei temperamentis, ætatis juvenilis accrescentis & virilis tum senilis, rarissime sexus sæmininus.

Iunior aut infantilis ætas nunquam corrumpitur, nisi ex dispositione hæreditaria vel causis externis violentis.

Causæ internæ cum causis podagræ & mali Ischiadrici convenient.

Pro-

Procatactica sunt rerum non-naturalium abusus, vectura fortis, insolita ira, & quæ diuresin copiosiore[m] promovent etc.

Signa sunt dolores per initia in regione lumborum tendentes, prementes.

Fiunt hi dolores sensim auctiores, lancinantes, cum anxia inquietudine.

Nonnunquam præsentē dolore, totum simul illud femur imo crus stupefcit et obrigescit, imo vel doloribus etiam eo excurrentibus afficitur.

Dolor est sæpe cum horrore vel ad minimum cum horridula vaga percurfatione.

Interim hi motus ordinarie nec adeo vehementes sunt, nec typum aliquem servant, sed vagi potius inter horripilatorium & æstusosum sensum.

His junguntur agrypnia, aut somnus ob dolores brevisfimus, nihil reficiens; summus virium lapsus, dolor capitis obtusus, cum perturbatione vertiginosa.

Alvus clausa frequentius est, ad minimum sicca.

Singularis nephritidis consensus est cum ventriculo & primis viis; hinc tormina intestinorum colica, vel vomitoria ventriculi everfiones.

Durant dolores per aliquot dies, fere ad 4<sup>um</sup>, & sæpenumero, agro incautius vivente, post longum tempus demum revertuntur.

*Agro-*

Ægrotus a decubitu pejus habet , melius a mediocri ambulatione : calorem bene , frigus male fert.

Adest crebrior quidem mingendi conatus sed urina parcius & tenuis exit ; doloribus vero obtusioribus existentibus urina crassa & cum filamentis quasi mucidis ornat.

Prognosis. Quo frequentius & acrius recurrunt paroxysmi , eo plus periculi minantur , & eo gravius exulceratio prævalet.

In junioribus longe vehementius nephritis exacerbatur & difficilius tollitur , quam in senioribus.

Nephriticis hæmorrhoides supervenientes , bonum. Hippocr. Sect. VI. aph. II.

In Therapia caveri debent Purgantia fortiora , nimis calefacientia commoventia , adstringentia in- & externe nimis emollientia , aloetica , opiata , nimis refrigerantia , Mercurialia , diuretica omnia acriora. Externe , Emplastica etc.

E contra conferunt clysteres emollientes , temperantia nitrosa , alterantia , interpositis ad discussionem alexipharmacis. Subjungantur Tonica.

Externe discutientia camphorata , sacculi ficci , Empl. Sapon. Barbett. haud diu parti dolenti impositum , sed per vices remotum.

### β) Calculosa.

Subiecta habet cum simplici communia , & simplex communiter præcedit.

Causæ

Causæ sunt hæreditaria dispositio præ aliis violentia externa, mala simplicis tractatio per incondita medicamenta.

Invadit dolor non solum in ipso lumbari præsertim sinistro latere ad spinam dorsæ sed etiam antrorsum juxta ductum ossis Ilei seu potius intus in hac regione secundum ductum ureteris.

Reliqua symptomata consentiunt cum simplici.

Rarisime vera talis calculosa nephritis adest sine sabulo in urina.

Differt interim omnino sabulum a tartaro urinæ.

Et quidem Sabulum statim cum urina erumpit & fundum petit; tartarus sub refrigeratione demum coalescit.

Sabulum est lateritii dilutioris, tartarus rubicundioris coloris.

Sabulum universum subsidet, tartarus angulosis parvis crystallis circa latera vitri accrescit.

Tartarus non nephritidi directe sed omnibus motibus & moliminibus arthriticis, ischiadicis, podagricis jungitur; sabulum contra soli huic vel jungitur, vel vestigia legit, vel intercurfat.

## 7.) Calculus Renum.

Subjecta fere cum nephritide eadem fovet; scilicet homines prædominantis anguinci temperam  
peram



peramenti, laxioris & spongiosioris habitus. Ætas juvenilis, frequentius vero virilis, podagrici, sexus potior longe crebrius, quam sequior, subjacent.

Graciliores rarissime, nisi ex hæreditaria dispositione, causis violentis, empyrica tractatione, vel evacuationum naturalium & artificialium suppressione vel neglectione.

Causæ, quæ inducunt, sunt congestio versus renes, hæmorrhoides externæ, molimina huc collimantia, menses non fluentes s. desvescentes, podagra, malum ischiadicum arthriticum, nephritis, mictus cruentus; Vinum, venus, crapula, otium, animi pathemata, cibi dyspepti, potus tæculentus, lithontriptica, diuretica &c.

Signa: Dolor est magis tensivus, profundus, preslorius vel utrinque vel in alterutro saltem latere.

In pure sanguineis hic dolor intolerabilior, & magis inflammatorius est.

In phlegmaticis major stupor, & languor.

Quieto corpore dolor magis mitescit, quo nephritis simplex potius exasperatur.

Difficultas urinæ, & conspiciuntur in hac nunc & tunc sabulum vel parvuli calculi maxime post lithontriptica.

Aliquando prodit cum urina tenax & viscidus mucus, vel ad minimum mora diuturniore in eadem subsidendo concrevit, quod proprie indicium est calculi cum in-

signi

signi impetu tendentis & vehementi præcipue ureteris pressione agitati.

Concurrunt horripilatio, ardor, virium & appetitus dejectio, agrypnia, inquietudo maxima, vomitus vel præcurrens vel succedens, & quo insolentiores ubique dolores, tanto gravior febris, vel convulsionis motus.

Ubi calculus per ureterem descensum tentat, dolor ad regionem ossis ilii usque excurrit.

Qui in uno latere magis calculum gerunt, illi tempore exacerbationis, stuporem femoris & restrictionem testiculi in illo latere persentiunt.

Calculus ipse quoad materiam mucido-terreus videtur, unde solutioni in menstruis salinis non solum totus obsequitur, sed etiam languide.

Aeri expositus exsiccatur, & decrescit, primo friabilis; jam vero densatus, imo ustus, tam humiditatis quam pinguedinis empyreumatici & salis volatilis notabile quid fundit.

Quoad formam magnitudinem æquat renalis pisum, sæpius adhuc minor ad seminis cannabis, milii, imo sabuli proportionem.

Majores rari sunt, occurrunt tamen, quæ adscendunt ad nuclei, pruni alborei, herbæ Schleen, prunomali persici, Morellen und Apricoßen &c. magnitudinem. Majores inusitati sunt.

Color

Color fulvus est aut exobsoleta flavedine pallescente quasi leniter rufescens.

Aliquando circa ipsam superficiem mediorum calculorum fastigiata quædam granula veluti Crystallorum salinam indolem, produnt; si vero granula sigillatim cum urina prodeant, his sabuli nomen imponitur.

Prognosis itaque in vero calculo omnia funesta prædicit, nisi vegeta admodum ætas, & virium energia summæ præsto sit.

Post diuretica fortiora subinde copiosus mucii tenacis cum urina exitus, atque ita sabuli & calculi moderatio procuratur; renum vero valentior ulceratio cum hæcticis & lentis tabidis confectariis inducitur.

Frustra ergo interdum palliatur ad breve tempus, sed facile repullulat, & vel in hæmorrhoides vel podagram fit transitus; vel hæctici intereunt, prævalescente renum exulceratione, quam non inepte quidam phthisin renalem appellant.

Sermo vero est de vero consummato calculo, non de tartareo sabulo.

Viri majores dolores in expressione calculi quam famina sustinent.

In Therapia magis noxia sunt purgantia fortiora, vomitoria ut plurimum, diuretica pellentia acriora, oleosa calida, nimis diu & incongrue usurpata, opiata narcotica, adstringentia etc.

E contra magis proficua sunt in paroxysmo  
cly-

Clysteres repetiti, pulv: nitroso-temperantes cum digestivis diureticis; emulſiones, diluentia lubricantia, anodynorum refractæ doſes, blanda pellentia, & demum tonica ſpecifica:

Externe inſeſſus, balnea, fotus & ſacculi calidi, ungenta emollientia

Præſervative conveniunt V. S. Scarificatio circa æquinoctia, laxantia per rhabarb. conſolidatio & roboratio per traumatica ex herbis vulnerariis etc.

## 2. Calculus veſicæ.

Subjicitur huic magis ætas junior, puerilis & infantilis; ubi tamen ſemper conjuncta eſt hæreditaria transmiſſio a Parentibus vel etiam Majoribus nephriticis, arthriticis, podagricis.

Magis adultiori & ſenili ætati, quando calculus evenit, ordinarie ex renibus oritur, & incrementum ſaltem in veſica habet.

Eadem fere ejus cauſa, quæ in renali ſunt: interim in teneris etiam infantibus *περιτρίχτων* vitium nutricum cibis enormiter ſaliſis abutentium, ulceroso-fabuloſam in renibus cauſari poteſt geneſin, baſin veluti poſt hac veſicali calculo præbentem.

Signa ſunt, quod hic calculus magis quietus ſit

Si tamen commoveatur, dolor æque vehemens, ſenſus valde tendens & premens



in regione pubis & pectinis, concurrente urinæ suppressione frequentiori aut plenaria, (sine ulla cruentatione nunc & comparente) cum ardore & mox involuntaria fluxione, una cum alvo, & appetitu turbato etc. horripilatione etc.

Est vel indigena vel advena ex renibus scilicet per uretheres in vesicam prolapsus.

Inde in vesicali semper invenitur renalis calculus, colore & figura ab vesicali discretus.

Cui renali in vesica superaccrescit totus cortex ac fit circa cepearum cortices.

Hoc ut plurimum in adultioribus aut senioribus, qui vesicæ calculum gestant.

Differt renalis a vesicali calculo, nempe:

In vesica communiter unus aut pauci calculi adsunt, in renibus, sunt plures:

Renales, breviori tempore sensim & granulorum sabulorum, parvitate recedunt, & exitum affectant; vesicalis non solum diutius, sed per totam sæpe vitam hæret.

Augescit quoque ordinarie in majorem ingentem passim molem & nunc ovi columbini, nunc gallinacei dimidii & interdum integri, aliquando anatini.

Et communiter multo durior vel ponderosior, quam renalis; tenerior tamen & æqualior, glabrior, quasi ævigatus interdum.

Prognosis: Consummatus calculus respu-pharmaceuticam curam, tenetque quos semel

lemel in vases, ad ipsam usque matrem obsessos quam perti nacissime.

Si unus excernatur vel sectione extrahatur, solet subinde alter succrescere.

Quandoque in junioribus tabes & atrophia accedit, cum variis confusis pathematibus.

Calculus vesicæ modo libere, huc, illuc fluctuat, modo aliis vesicæ quasi adnatus & immobilis est.

In foeminis calculus vesicæ est rarior  
Therapia cum renali convenit.

## E.) Ulceratio renum & apostema.

In ulceratione renum frequens tenacis fundum petentis, neque tamen adeo multi muci in urina proventus adest, cum striis sanguineis vel cruento colore mucum inficiente, quod signum magis indubium.

Urina est crassa, turbida, foetida: sedimentum lacti non admodum dissimile.

Æger ad decubitus usque non graviter afficitur, licet dolorem quendam, non tamen exquisitum in lumbis sentiat; sed incalescentia interna hecticæ quæsi perpetuo obidetur.

In apostemate pus cum urina prodit.

Dolor inflammatorius præcedens insignis prodit communiter hanc suppurationem cum febre satis acuta, æstuosa.

Rarius contingit, ut vomica sub minus sensibili dolore impetu erumpat, & crassum pus in notabili quantitate simul & semel evomat.

Quando vero in ulcus transit apostema, vel abrupti grandioris calculi manet cruenta sedes, prodit se ulceratio talis per tenacem viscidum mucum, interdum magis vel minus cruentum, interdum absque cruoris indiciis.

Concurrit perpetuo dolor frequens in alterutro, communiter sinistro, lumbo, tanto magis, si motum aliquem susceperit æger, præcipue lumborum contulorium.

Conjuncta ordinarie est hectica febricula, quæ per leves occasiones externas diætericas, imo patheticas exacerbatur concurrente ordinarie majore impetu doloris, & proventu mucii cruenti.

Si vero talis tenax mucus excernatur, sine doloris sensu in lumbis; sed in vesicæ regione plus minus vehementer percipiatur dolor, tunc vesicæ vitium est, & quidem vel calculum vel ulcerationem, aut inflammationem vesicæ subesse indicio est.

Quæ in calculi historia relata, huc quoque referenda sunt.

Bene tamen discernendus hic fluxus muciditatis a gonorrhæa.

Mem-

## Membrum III.

### Uteri hæmorrhagiæ consecutaria.

Art. 1. Passio hysterica.

2. Fluor albus.

3. Affectus gravidarum & puerperarum mola.

I.

### Passio hysterica.

**S**ubjacent huic sexus fæmininus, rarius virgines, frequentius mulieres a 30. ad 40. 50. annos, temperamenti sanguineo-melancholici.

Et longe crebrius ab hoc malo infestatur sexus fæmininus, quam virilis ab hypochondriaco.

Præter mensium ataxias, inducuntur hæ passionibus a defectu lochiorum, a cæsatione mensium post septimum septenarium, concurrentibus præcipue gravioribus animi pathematibus; in cælibatu & viduitate, nonnunquam a consuetudine, dispositione hæreditaria, in continente præcipue libidinosa animi cupiditate, in monialibus, viduis juvenculis: interdum in gravidis & puerperis ab albi fluoris improvida cohibitione, etc.

Remotius a diætâ lauta, sicca sine potu & motu, odore, maxime svaveolente, quiete nimia, acidis, lacticinis, fructibus horæis.

Freqvens comes est colicæ, calculi, februm intermittantium continuarum etc.



Symptomata quæ in malo hypochondriaco adfunt, acerbiora hic sunt ut plurimum.

Hinc præcordiorum vehementissimæ angustia, oppressiones, suffocationes, inflationes feroces, conatus vomendi, cum sanguinis vomitu interdum, vel vacui adfunt;

Concurrente inappetentia perpetua, imo nausea, appetitu vago, frequenter absurdo.

In medio ventre sunt repentinæ violentæ corruptiones pressoria, quasi duabus manibus hæc regio corripitur, hinc profunda umbilici retractio ut propterea tanquam duplicato corporis situ sedere aut jacere cogantur afflictae.

Jam correptiones succusfactoria & singultuosa (vulgo (Hart-Stöße) flatulentia tum vagæ tum stataria & in loculo aliquo velut volutando oberrantes cum torminibus violentis (es redet ihm wie eine Ruckel im Leibe.)

In pectore adfunt respirationis difficultates cum vehementibus cordis palpitationibus.

In faucibus strangulationes, deglutiendi vitia.

In capite immanes hemicranici dolores, clavus hystericus.

Nempe veri insultus dolorum immanium, als wenn der Kopf hervorspringen müste, cum vertigine, imo mentis interdum obnubilatione.

Differt gradu a malo hypochondriaco, dum

1.) fœminæ non modo multo sæpius & numero pluribus insultibus, multo promptius & ex leviori occasione, sed etiam multo citius secundem ætatis proportionem, multodiutius secundum ætatis progressum, denique longe ferocius ab eo percelluntur.

2.) Loco & modo speciali dum, in his ad menstruas, in viris ad hæmorrhoidales evacuationes inclinatur.

Prognosis : hæc passio ad facilem reditum & consuetudinem, omnia impetuosiora minantem, prompta observatur.

Observatur etiam, quod certis temporibus quandoque certis horis maxime vespertino tempore recurrit.

Hoc malum, quo magis perturbatur, eo facilius transit in vomitum cruentum, in paululum activioribus in hæcticam.

Therapia repetenda est ex malo hypochondriaco.

Pro sedando impetu millefolii usus moderatus cum prudenti Sal. volat. miscela admodum prodest.

## 1.) Suffocatio uterina, & Epilepsia hysterica.

Suffocatio five strangulatio hæc syncopes indolem æmulatur, nisi quod sensum notabilem compresorium modo in præcordiis, modo in faucibus formet.

Habet communiter spastici sive tetanodes quid in exterioribus, ut totum corpus ad rigorem magis quam flaciditatem dispositum deprehendatur: vel circa os & maxillas spastica renitens constrictio sese exferat.

Quo magis spastica hæc pathemata in abdomine inolescunt, eo magis convulsivum genus induunt: unde cum manifestissimis succussionibus, volutionibus, transcurfionibus quasi reptilibus *als wenn sich ein Wurm oder Schlange fortchlinge*) vibrationibus, incitationibus sese sistunt.

Quibus & mentis obnubilatio, patentibus oculis, constrictis maxillis sive sub strictura agitata, & collectio manuum in pugnos superveniat, Epilepsiæ hystericæ nomen affectus habet.

## 2 ) Fluor albus benignus.

Expositæ sunt huic cujuslibet fere ultra pubertatem ætatis fæminæ, magis tamen proVectiores; aliquibus in locis quasi endemius est fluor, adeo adfligit virgines, mulieres, vi-  
duas, & gravidas. Contingit interdum infra pubertatem.

Exoritur a consvætarum naturalium & artificialium evacuationum turbis & neglectu; a lascivis desideriis; perversa & spissiore diætâ; habitu cachectico; partu laborioso; abortu frequenti; violenta secundinarum avulsione; molæ gestatione; habitatione in locis paludosis; assumptis acidis, lacticinis; somno nimio,

mio; quiete immodica; venere nimia; animi pathematibus; perverso more cum æneis receptaculis (vulgo feuer & tubgens) prunar: suppositarum.

Exerit se manifesto exitu & madore, invagina uteri ejusque orificio, inconsueto mucidæ materiæ.

Quæ simpliciter albuginea quasi limpidior est, per se, nisi sub labore corporis adeoque genitalium attritu, nequaquam lædit.

Hæc vel continuo afficit ægras vel statis magis temporibus, idque præcipue mensium tempore maxime post cessantem illorum fluxum.

Patuntur æquæ instantis fere menstrui fluxus tempore, dolores insignes, modo circa lumbos & os sacrum, modo circa sinum urenes, tensivos, imo quasi rumpentes.

his accedunt lassitudo totius corporis, extenuationes, contabescentiæ, aliquando inordinata alvus, vitia urinæ.

Dum durat communiter mensium fluxus per pauciores dies, huic immediate succedit hic fluor albus, primis prætermi diebus copiosior sensim iterum cessans.

Prognosis: Fluor benignus respectu ad curam, curatu difficillimus est, & quo diutius duravit, eo difficilior profligatur.

Imo quando demum curatus est, sæpe tamen per paroxysmos quasi redit, hinc cura sæpius repetenda est.



Incongrue suppresso superveniunt affectus rheumatici, ischiadici, semi, podagrici aut arthritici, hysterici, cardialgici, colici anoterici, asthmatici, spastici, catarrhales suffocativi, melancholici, deliria, pthitici, &c.

Optima etiam methodo nihil stabile sapius obtinetur, nisi vita per matrimonium, vel impregnationem, vel etiam neglectis libidinosis cogitationibus, in integrum mutetur, aut malum sit admodum recens.

Therapiam pervertunt fortiora purgantia drastica, adstringentia, præmature sistentia, cantharidum usus longior, sacria diuretica alia, nimis impellentia, calefacientia nimis, & nimis refrigerantia, incrasstantia, opiata, cibi nimis aromatisati, acidi, crassi, aer humido-frigidus.

Magis e re sunt in corpore plethorico V. S. in pede, abstergentia, blanda uterina cum interpositis laxantibus, vel vinum medicatum abstergens & laxans, Demum Tonica Martialia secura, nervina secura.

### 3. Fluor albus malignus, virulentus.

Subjiciuntur malo huic, quæ malo venereo infectæ sunt.

Causa itaque est inquinatio venerea.

Signa sunt, materia discolor, flavescens virescens, laniosa, imo excorians, urens, in-

inflammans, & exulcerans, tum orificia & labia pudendorum, tum interdum ipsas vicinas & contiguas regiones femori utrinque adjacentes.

Apparet, in hoc præsertim, diu durante affectu ut plurimum decolor & squalidus faciei aspectus; livida oculorum circumferentia.

Simul adsunt perpetua lassitudo totius, cardialgiæ frequentes, quasi suffocativæ, difficilis respiratio cum palpitatione cordis, febris lenta, plerumque anomala, fluor non est periodicus, sed magis continuus.

Prognosis: Fluor malignus subinde citius adhuc, quam benignus, per convenientia antivenerea, superatur.

Incongrue suppressus longe periculosiora, quam benignus, symptomata inducit, pro uti varios decubitus, ulcerosos, scabiosos refractarios.

Totam massam Sangvinis inquinamento inficit: & si ex contagio viri sit, nisi hic prius curetur, insanabilis est.

Therapia vera requirit purgantia, & alia, abstergentia, diuretica mitiora, invertentica, tandem specifica, correctæ probe materia, uti os sepiæ.

#### 4. Affectus gravidarum & puerperarum.

Signa graviditatis sunt, quando mulier  
recte

recte sana, ingravida, mensium fluxu destituta  
tolet; non tamen simpliciter & absolute,  
cum & alia morbida ratione supprimi pos-  
sint menses.

Imo quibusdam plethoricis etiam sub  
gestatione diu menses fluunt, unde calculus  
ab emanatione mensium factus semper fallit.  
&c.

Nausea carniū, earumque nidoris  
fastidium accedit: At non in omnibus.

Ventris intumescencia succedit maxime  
globosa circa umbilicum non complanata,  
sed summitatem totius hamisphaerii effor-  
mans, durities æqualis versus ilia remissior,  
imprimis flatibus absentibus.

Blandum & successivum hujus intume-  
scentiæ augmentum fit, pedibus œdemate  
liberis; rarissime enim morbidus tumor in  
abdomine directe incipit.

Motus foetus, septimana 20. præterita  
certius signum evadit, quanquam obscuro,  
non tamen subterfugiant foeminas, impri-  
mis si illos aborborygmis & latibus discer-  
nere doceantur, sicut etiam locus motus  
fetus altior sub hypogastrio à flatibus differt.

Dolor a calcitracione foetus postremis 2.  
mensibus evenit semper adeo ferox, ut matri-  
bus etiam quandoque lipothymia impende-  
at, & anxiam quærelam, imo lacrymas,  
excitiat.

Urina gravidarum recte sanarum, colore  
&

& limpida claritate sanitati respondens, claro loco versus angulum spectatus exhibet atomos subtilissimi pulveris internatantis (wie Sonnen-Steublein) quod tamen etiam in obstructione mensium observatur; quamquam tunc crassiores sint atomi.

Hæc de succesu legitimo.

Quo enim magis gravidæ sobrietati sunt deditæ, & a vehementia affectuum sibi temperant, eo saniores gignunt infantes, & mitius post partum decumbunt.

Aliis vero & sensibilibioribus evenit primis 4. vel 6. septimanis non solum ventriculi perversio & fastidium carnis, sed etiam vomitus, qui tamen rarissime toto gestationis tempore perdurat.

Aliis constat appetitus ordinarius: Aliis augescit eximie.

Nonnullis accidit malacia, aliis pica.

Incurrunt quoque gravidæ sæpius in rheumatismos, tussis, odontalgias, erysipelata faciei, lipothymiam &c.

Quibusdam ultimis gestationis mensibus, quando grandior foetus ventriculi distensionem impedit, a ciborum assumptione oppletio molesta contingit: imprimis a cibis crudioribus, flatulentis, fermentescentibus, concoctu difficilibus.

Alvi succesus deficit: raro quidem ab incumbente uteri sarcina intestino recto, ubi simul etiam tenesmodem & inflationes  
vesic.



vesiculares hæmorrhoidum. (Mastförner oder Taet) ardoribus etiam & semper ulcerosis, erosione molestissimas, experiuntur;

Longe vero familiarius siccior alvus obtingit a parciori potu, desidia, alveta huius excretionis tarditate, cujus molestiam auget flatulentia conjunctio à refrigerationibus &c.

Aliis post aliquot conceptionis menses fluxus menstruus prorumpit, imo post medium tempus, licet rarius.

Aliis loco mensium fluor albus præcipue illis, quæ antea hoc malo affectæ fuerunt, vel jam cum affectis eadem sæminis familiarius vivunt.

Aliis per totum gestationis tempus durat, post exclusum fætum cesfat.

Nec obliviscenda est anhelitus difficultas post cibos, vel motus solito majores, transitoria, imprimis in edacibus.

Item extrema corporis habitus extenuatio sub gestatione, quæbundam quæ cæterum sanæ amiores edunt infantes.

Aliæ pinguescunt, & hæc edunt graciliores.

Nonnullis obveniunt lichenes (Leberflecken in facie & collo, imprimis circa frontem; Aliis pallores, aliis in soliti rubores, cum incommodis internis.

Tumor pedum, qui ultra genua vel ad ipsum abdomen non procedit, semper sponte recedit.

Qvo

Qui vero abdomen invadit (quod posterioribus maxime mensibus evenit) omnis medicationis est expers, & potius abortum provocat.

Ascitici tumores solvuntur nonnunquam per puerperii purgamenta: nisi phthisis vel hectica jam ante imprægnationem adfuerint.

Si a primis mensibus oriantur, caute tractandi, ne abortus moveatur:

in Aliis venarum in alterutro crure inflationes varicosæ s. nodosæ & crispæ, imo totius cruris inflatio subtumida, per durant:

Aliis magis phlegmaticis tumor ædematosus citra visibiles vasorum inflationes familiares:

Aliis cum tali vasorum infarctu Ecchymomata, sugillationum instar, braune und blaue Flecken umb solchen ge Alder (sæm. vocant ein Rinds-Bein) quæ deposito uteri onere evanescent; in quavis vero imprægnatione redeunt, & semper extra graviditatem molesta sunt.

Gravidæ inclinant præ aliis communiter ad epidemicos & contagiosos morbos; ubi abortus periculum semper adest.

Sic morbi epileptici, vertigo, cæcitas, surditas, aurium tinnitus in gravidis facile recurrere solent: post partum ut plurimum remittunt.

Mulierès aliàs extra graviditatis statum hæmicrania vel hæmoptysi aut aliis morbis obnoxia, in graviditatis statu liberantur: deposito fætu talia mala recrudescere solent.

Qui

Quibusdam est dolor coxarum, lumborum & alius ipsius ventris dolor tenforius, ac si abdomen fissuram minaretur.

In plethoricis capitis dolores, artuum lassitudo gravativa.

Urinæ semper mittendæ stimulus adest vel circa medium tempus, vel maxime ultimis septimanis.

Aliæ præter suam indolem, imprimis posterioribus gestationis mensibus impatientiores; aliæ ad terrorem, metum, mærorem promptiores sunt.

Item fæminæ, quæ aliquot proles ejusdem sexus jam gestarunt, si jam diversi sexus prolem concipiant, multo habent incommodius quam antea.

Cæterum floridiorem colorem sub gestatione masculi, pallidiorem sub fæmellæ, illic alacriorem, hic torpidiorem gravidæ animum adesse admodum incertum est.

Et referunt fæminæ, quod si prægnanti macula constans valde rubicunda, hæc sit semper insigni incremento ad inflammatoriam & abscessoriam alterationem: sed segnius tamen prodiens, illa pro indicio masculi fætus haberi mereatur.

Item gemellos gestari ajunt, si per longitudinem lineæ alba fusca linea appareat, vel venter in medio planior, ad latera magis protuberet;

Quod quancquam utrumque aliquando Con-

contingere certum est, nec tamen semper fit, sed etiam a concrementis aliis juxta factum fieri potest.

De diverso fatus sec. sexum situ in alterutro latere in animantibus quidem multiparis, bicornem uterum habentibus, non omnia de nihilo sunt; siquidem semper in dextro cornu mares, in sinistro famellæ locati reperiuntur; Altiore tamen opus esset indagine.

Terminus partus legitimi felicioris incidit post ambitum 40. septimanæ sec: universalem experientiam, certius computandum, si ab eo tempore, quo primi motus fatus sentiebantur, 20. septimanas præterito tempori addamus.

Fatus septimo mense exclusus differt & teneritudine & aliquarum partium v.g. ungviuum manifesta imperfectione.

Sanarum mulierum partus octavo mense estrarus, ut, nisi prorsus indubia proferantur exempla, nemo ad credendum possit adstringi.

Ubi v. sanitas matris aut fatus debilitatur; tunc præter naturalis partus utique evenire potest.

Abortum sanæ fame v. g. rusticæ, mercenariæ, militares, & temperatæ aliæ atque æquioris animi; raro incurrunt.

Sensibiliores vero plethoricæ eidem & levissimis causis primis maxime mensibus expositæ sunt.

Primum inter has tenent terror vehemens,  
D d sub-



fubitus, Iracundia etc. debilitas fætus aut mors; tum vomitiones, earumque conatus enormes, conatus dejiciendi torminosi fpastici, tenesmodes, clyfteres ftimulantes, fluxus alvini longi, lienteriodes, diætã spirituoſa aromatica, veneris incontinentia,

Item purgantia acriora, vomitoria, pellentia validiora calida, motus corporis vehementior, caſus ab alto, ponderis gravioris elevatio, hæmorrhagia uteri excedens, prægreſſa cachectica conſtitutio, opiata incaute uſurpata, balneorum uſus frequens, alvus ſtrictior, tuſſis ferina, dolores vehementes, odores ſva-veolentes, fætor candelarum, V. Stio temeraria, uteri morbi, v. g. eryſipelata, ulcus etc.

Interim & ſunt, quæ, a fortiffimis pharmacis & V. S. largioribus ac longis diarrhæis etc. nullum abortum patiuntur.

Abortientes ſane, ſi fœtus parum fuerit maturus, & illæ mox iterum concipiant, plerumque circa idem tempus, ſive eandem geſtationis hebdomadem, denuo ab abortu tentari ſolent.

Nullò v. tempore facilius fit abortus, quam his diebus aut ſeptimanis, quibus aliàs gravida menſtrua ſua paſſa eſt; imprimis ſi hæc ſtata fuerint.

Abortus alio atque alio tempore frequentior eſt. Quinimo malum fit epidemicum ob diuturnam australem præſertim in hyeme,

hyeme, tempestatem; Hippocr. Sect. III. aphor. 12.

Sub ipsa exclusione partim dolores & spasmi uteri sunt leviores, obscuriores, segniores: partim sanguinis fluxus præ vero partu intemperantior est, & utrumque eo magis, quo minor est foetus.

Observantur etiam corpore & animo torpidiores abortientes quam parientes; ita ut vel ni ipsas lipothymias magis propendeant.

Fætuum adultiorum abortus præsagit succesuram sterilitatem.

Sanguinis fluxus periodicus, qui periodo catameniorum respondet, in gravidis 3. vel 4. paulatim erumpens, salutaris ut plurimum est, & probe ab hæmorrhagia abortiva discernendus.

Ad præcavendum vero abortum jam aliquoties factum repetita V. S. proficit; uterique mundificatio per pillulas balsamicas.

Iam historia molæ paucis inferenda.

Concrementum tale irregular emola, membranaceum fibrosum, rarius carnosum, non cum foetu sed solum gestari solet; si vero simul gestetur, partum difficiliorem reddit, & exitum semper intempestive maturat.

Iunioribus plerumque decedit facilius, & ultra annum non multum durat.

in Annosioribus vero multo diutius hæret, ut cum illis sæpe commoriatur, postquam 2. 3. annos & ultra illas obsedit.

Qvalia exempla vide apud Moronum, qui & exempla vivarum, monstrosarum, maleficarum quasi molarum habet. vid. plur. in Forest. lib. 28. obs. 61, 62. Salmuth. cent. 1. obs. 63.

Hæ foetum etiam enecare censentur, rostro ac unguibus conspicuæ, Fratres Lumbardorum dictæ.

Sæpius oriuntur molæ a prægresso abortu, imprimis valde immaturo & secundinis inde non exquisitè expurgatis.

Circa dimidium gestationis tempus non verus fœtus motus percipitur, sed potius palpitatioes lenes, interdum autem sensationes obscuræ diu usque ad partum continuantes, sub decubitus mutatione ex uno latere in alteram velut pondus aut moles in hypogastrio eodem volutari sentiuntur.

Pathemata gravidis consueta hic quoque familiarius occurrunt, post dimidium gestationis tempus præcipue increbescunt.

Concurrunt irregularis fluxus uterinus sub tota gestatione intercurrentes cum inflatione a primis inde septimanis spastica; insolitæ ex utero emanationes, taciturnitas, anxietas per visitationes.

Abdominis turgescencia hic est planior & versus hypochondria latior; abdomen est alio tempore plenum ac distentum, alio iterum flaccidum & quasi dimidia parte vacuum: sentitur etiam minus ordinariè pondus versus infimam abdominis regionem.

Tanto

Tanto certius mola adest, si vel ultra iustum tempus remoretur partus, vel hoc tempore dolores vel plane nulli vel vagi inconstantes, quin plane evanescentes contingant, abdomine in antiquo statu relicto.

Superfoetatio, a cohabitatione sub tempore graviditatis oriunda, rarius accidit; quin etiam, si fiat, utrique foetui, tam grandiori jam, quam superinducto recentiori abortus periculum impendeat; sed prior ille valde tranquillis successibus ad iustum partus tempus pertingat.

Certo autem imminet recentiori conceptui, cum maturo alterius partu, abortus.

Rarissima est omnium, recentioris post editum grandiore retentio & ad iustum usque tempus gestatio, sicque vitalis partus, valde rarus.

## Nævi materni.

Hos nuda matris fictio, aut imaginatio falsaa saepe producit, dissolutione structuræ prioris legitimæ in novam transmutatione.

Fiunt autem hi maxime à medio gestationis tempore usque ad partum: ut etiam paucis ante partum diebus talis aliquando contigerit deformatio.

Nævi magis superficiales quamvis prolixi v. g. ab igne aut sanguinis repentino terrore, (Blut und Feuer-mahl) quin etiam  
Dd 3 ali-



aliquando protuberantes, fructibus horæis, muri, cancro, ranæ &c. similes, dissolvi possunt recenti sanguine lochiali, vel statim post partum matris vel aliarum puerperarum.

Præcipue si subiectum nævo affectum sit tenerioris ætatis & longius adhuc a pubertate distet; quanquam neque hæc periodus, in sensibilibus minime, omnem dissolutionis spem excludat.

## Febres gravidarum.

In genere non sunt adeo periculosæ, si modo leniori methodo tractentur.

Intermittentes sunt in his contumaciores, sed modeste tractatæ parum periculi habent; turbulentæ vero, causâ non sublata, suppressæ, non solum ad acuta schemata inclinant, sed ad recidivas post, partum etiam.

Acutæ semper periculosæ sunt, ubi excretio diapnoica temperata conservanda.

Ingruit per has febres periculum abortus, &, per evacuationes sanguinis una contingentes, periodi morbi totius everfio.

Hic fætus roboratio necessaria; sed apage balsamum Embryonum & adstringentia quæ abortum magis provocant.

V. S. præservat a febribus hisce; in ipsis febribus exulet.

Quemadmodum vero vigor fætus cognoscitur ex motu ejusdem non ita raro & vegeto,  
matris

matris sanitati juncto : & contra debilitas ex rariore obscuro motu, & flaccida foetus vacillatione quasi sub decubitus mutatione ponderis instar in alterutrum latus hic volventur tum etiam mammis prægnantis acutis & lac præbentibus, ita hic loci quoque delibanda videtur

## Historia foetus mortui.

Causæ sunt animi pathemata graviora, ira, terror etc. phantastica matris imaginatio, morbida imbecillitas, vel male succedentes dolores in partu.

Si itaque fœtus tenerior langvide defungatur;

Accedant matris extraordinarius languor, & virium dejectio, horridula etiam ataxia cum valde volaticis ardoribus;

Cum capitis doloribus ad vertiginosas usque perturbationes;

Animi & præcordiorum angustia, appetitus vitia concurrant;

Mammarum quoque flacciditas & lactis in illis tenuioris visibilis præsentia;

Nullus amplius fœtus motus sed ventris ad ingvina velut delabentis & cum flacciditate quadam ita pendentis, insolitum onus;

Ante omnia sensibile illius regionis frigus, lætæ mortuum esse colligendum est.

Hæc omnia in tenerioribus graviora sunt, breviusque increbescunt, semper ad lipothy-

miam usque cum vario & vago caloris coloris-  
que statu.

Ubi vero fœtus grandior & partui jam vicini-  
or repente interit, imprimis sub ipso partu, in-  
horrescit fœmina, ut etiam febrili frigore &  
horrore correpta videatur.

Vires animi & corporis fatiscunt velut in  
momento; succedunt anxietates, vertigi-  
nes, lipothymia:

Dolores ad partum rari, debiles, breves  
revertuntur, imo plane evanescent.

Imprimis autem refrigescit communiter mag-  
nopere regio infima abdominis supra pubem &  
nullus amplius sensus cujuscunque motus  
fœtus percipitur.

Imo magis magisque corpore & animo  
languescens fœmina suæ quoque mortis me-  
tum & eventum subit.

Partus ipse hujus mortui fœtus difficillime  
succedit ob matris debilitationem, dolorum  
seu spasmorum raritatem, cessationem.

Prognosis: nisi quantocius ejiciatur, ener-  
gia ad exclusionem defectura est cum reli-  
quis viribus, lipothymia & vitæ periculo.

Quod si fœmina robustior sit, fœtus autem  
cum secundinis non excludatur, aut decenter  
educatur, hoc computrescente gravissima peri-  
cula, febres anomalæ mali moris cum summa  
debilitate, deliriis, convulsionibus inflam-  
mationibus, accedunt.

Et

Et si hæc quoque superet ægra, hæctica, cachectica, chronica mala succedunt.

Therapia: Exclusio mature promovenda, cum expellentibus fidis, jungendo analeptica.

Quod si ob virium & dolorum partus plenarium defectum spes exclusionis nulla sit, manuali extractioni chirurgicæ insistendum; & si nec huic locus sit, putredine incipiente omnia sunt difficillima,

## Partus.

De termino supra aliqua, jam reliqua addenda.

Quæ statuta menstrua habent, si medio gestationis tempore motum fœtum notarint, & inde 20. septimanas numerarint, sed harum finis non in consuetum menstruum tempus incidat, sed proxime ante harum septimanarum finem tempus illud cadat; præcipue si in novi-aut pleni-lunium menses incidere siveverunt,) partum ipsis maturiorem.

Si vero tempus hoc menstruum ultra dictum terminum se extendat, tunc adhuc tantisper expectandum esse sciant.

Quo magis pariendi tempus menstruo tempori consueti sese accommodat, eo facilius promittitur partus.

Dd 5

Quæ



Quæ vero statum menstruum tempus non habent, imo a phasibus lunæ potioribus alienum, nihil exqv̄site possunt expectare, nec tamen inde debent trepidare; sed si sanæ sint, vel etiam motum fætus percipiant, de partus ultra terminum tarditate ne metuant.

Partus plenilunio proximi familiarius difficilior succedunt, sed & minus frequentes sunt, imprimis junioribus; siquidem has magis & melius luna decrecente sive novilunio purgari, non vana est observatio juxta verum: luna vetus vetulas, purgat nova luna puellas.

Langvens vero fætus maturius excluditur.

Appropinquantis dispositionis ad partum a pluribus diebus signum est molis abdominis, prægnanti plane sensibilis inclinatio ad hypogastrium deorsum: dicunt: Der Leib habe sich gesacktet.

Existit præterea, imminente partu, innominata animi magis quam corporis angustia; partim dolor quidam, sed neque ipse determinatus in principio, circa præcordia, lumbos, hypogastrium.

Dolores v. directi ad partum (Kindeswehen, rechte wehen] differunt omni modo ab omnibus torminibus intestinalibus, dum veluti a lumbis incipientes ad finem progrediuntur.

Tormina vero interdum concurrentia epiga-

stria-

stetricam magis regionem infestant a veris doloribus sensibilibus distincta (wilde wehen)

Veri dolores deficiunt interdum in energia suavel minus rari sunt, vel breves vel volatici;

Vel mox ab initio crebri & breves, successive v. magis magisque fatiscunt, maxime, tempore necesariorum ultimorum nisuum cessant & emanent.

Vel si solum fuerint nothi & spurii, puerperam irritio fatigantes aut si nisus parturientis & abdominis compressiones perverse & inordinate adhibeantur, directos ad partum dolores magisturbe nt,

Item immoderato ejulatu & qviritatione vel etiam inauspicata tussi spasmi ad interiora directe distrah ntur & versus superiora revocantur, ut vehementer cephalalgias inducant, daß sich die wehen in die höhe ziehen, nicht auf das Kindt arbeiten und oehen

Frustra est omnis dolorum apparatus, nisi apertio orificii uteri soli obstetrici perceptibilis (daß sich der Leib gebührendt eröffnet) vel præcesserit, vel ab his doloribus promoveatur, quod nisi fiat, partus vix promptus ac facilis expectandus est.

Si referatio ad thaleri magnitudinem facta sit & convexitas capitis foetus aperturæ uteri non tantum immineat, sed etiam quādamtenus promineat, vocant: das Kind sey recht eingetreten.

Ubi quidem altero vel tertio vividior  
spas-

spasmo semper totus foetus succedit, ad minimum ejus progressus contingit, das find rückt herbey.

Verus situs ab imperitis obstetricibus non pro falso habendus est.

Nunquam autem procedit partus, nisi ruptura secundinarum facta sit; sicut etiam imperita esset obstetrix extra hanc exquisitum de situ foetus judicium formatura.

Legitime vero secundinarum spontanea expectatur ruptio, nec decet illas acicula vel ungvibus aperire: quia spontanea ruptura late dehiscit, & justum foetui exitum praebet.

Exitus foetus praeter spasmodum & nisum providam administrationem adjuvatur imprimis in ultimo molimine, si sub regione incipientis ossis sacri sustentetur quocunque fulcro vel forti manu supposita, ut leviter antrorsum tollatur, puerpera.

Omnibus bene succedentibus, ruptis secundinis, & effuso in illis contento liqvore, erumpit foetus funiculo umbilicali cum secundinis adhuc connexus;

Quarum etiam exclusio paulo post, si caetera sint legitima, satis tempestive & commode succedit, repetitis levioribus doloribus, quos etiam puerpera leni tusu adjuvare potest.

Ita quidem omnibus his rite procedentibus

bus, solet obstetrix ipsum infantem tantisper in gremio suo linteis vel culcitris bene calentibus involutum servare & a secundinis separare;

Ita ut funiculum umbilicalem ad largæ spitamæ longitudinem a corpore foetus resecat.

Sanguinis repressio ex funiculo intra corpus infantis, non æque omnibus approbatur.

Tandem etiam obstetrix propius circa abdomen foetus, ad largi pollicis vel duorum transversorum digitorum largiusculam mensuram, novam instituit ligaturam, & denique supposito mundo sicco linteolo funiculum hunc peculiari fascia obligat.

Quantocius post partum puerpera in lectum bene calefactum collocatur;

Et abdomen mantili latiori bene ligatur, ne flatibus vel inordinato sanguinis fluxui occasio sit.

Si jam quieta sit puerpera, teneriores etiam sermoni parcant, fluit temperate & modice sanguis, quem lochiorum nomine salutant.

Hic fluxus largior procedens imprimis cum majoribus spasmodis post partum durantibus, nachwehen, solet semper grumos formare integros, spasmodis hisce ejiciendos,

Interim secundum proportionem habitus puerperæ præstat & tolerabilior est mediocris excessus, quam notabilis defectus.

Legi-



Legitime Loctiaa vix intra 14 dies cesant penitus, quamvis non toto hoc tempore sanguis fluat, quivarius septimum diem transit, sed post sincerum sanguinem serofitas s. ichor magis magisque pallescens fluit, tandem quantitate quoque in dies decrescens ut plane desinat.

Si vero perperam procedatur, vel intempestive supprimantur, non solum puerperæ omnibus hæmorrhagiis communia incurrunt damna, angustias scilicet circa præcordia & spasmos varios circa abdomen effectus, sed & certius quam in alia hæmorrhagia febriles exæstuationes & uteri inflammationes.

Plura vid. de lochiis supra,

De reliquo omnes puerperæ fere, præcipue autem sub partu durius habitæ, primis diebus solent esse liticulosæ; idque quo magis evenit, eo parcius & levius dormire; nempe febrile quiddam subesse omnes circumstantiæ monstrant.

Lactis emerfuri conamina sentiuntur mox post editum partum, attentis fæminis plane sensibilia.

Indicio est humoris tenuioris in mammas penetrantis & non ita parce emulgendi præsentia scilicet sero lactis turbidiori similis, colostrum dicti.

Tertio vero demum aut 4to die inclinante subsequitur veri & sinceri magis lactis proven-tus.

Corripiuntur moliminibus constrictoriis  
circa

circa scapulas, & humeros, imo ad cubitos, manus, digitos exporrectæ visibiles stricturæ.

Sub his multiplicibus & repetitis horribus, quos inde *Milch-Schauer* appellant, Sie sehen blaß aus, ihnen ist Kuhl, kalt, es komt ihnen über die achseln gezogen wie stricke;

Concurrunt compunctiones acutæ sed transitoria per mammarum meditullium.

Mammæ turgescunt, indurescunt, imprimis tamen circa ipsum meditullium; & nisi tempestitiva modesta pressione aut frictione juvetur distributio ab intimioribus æqualiter versus exteriora, facile inde evenit induratio nodosa maxime in primiparis, optime habitis & nutritis.

In senioribus accidit interdum, ut ex auræ lenis illapsu vel solo pudore extremæ mammarum partes cito stringantur, atque obstipentur, ut nihil lactis illo tempore vel sugendo vel emulgendo dimittant, quod tamen cito remittit lactisque progressus restituitur molli excutia mit einer Sammet-Bürsten, mammas fricando.

Nota est repentini terroris energia, quæ tam alii humores quam ipsum lac cito repellitur; unde disiectis tenuioribus partibus, crassiorum condensatio & coagulatio & hinc nisi discussione mature præcaveatur, corruptio contingit.

Ipsæ fæminæ ab hac retropræssione lactisque impedito progressu sentiunt sensum lancin-

nantem peracutum : Es sey ihnen (nempe in terrore) wie ein Messer durch die Brust gefahren.

Quo diutius nodi tales mammarum duri doloribus ardentibus, frementibus, interlancinantibus nunc & tunc affligentes, citra actualem exulcerationem hærent : eo peiorem denique formant corruptionem, & quidem certissime cancrösam, si per aliquot mensium spatium, anteqvam corrumpuntur, morem trahant.

Cancri occulti tunc nomine veniunt, qui tamen etiam absque prægressa lactis coagulatione atque stasi interdum oritur a compressione, contusione, punctura mammarum.

Rarius initium hujus affectus occurrit absolute tacitum, nisi forte ex taciturnitate patientis cui neque indicare veras circumstantias neque confiteri expediat.

Fit enim ut clam gravidæ, abortum imprimis per violenta artificia pharmacorum expertæ, neque de statu mammarum & lectis hoc tempore siue monitæ s. memores initia hujusmodi malo præbeant.

Quale quid certe non raro evenit, ubicunque personæ extra matrimonium schirrhis talibus profundius hærentibus & grandioribus affectæ occurrunt.

In Subjectis tamen phlegmatico-sanguineis, plethoricis & quæ horum est indoles, ad terrorem admodum propensis, potest etiam hoc contingere, extra ejusmodi suspicionem,

quod

quod tanto magis ita omnino interpretari  
convenit, quoties minoris & superficiei pro-  
prioris scitri tales observantur.

Qui conspici plane possunt, sunt moris eo-  
peioris, quo magis varicodem vasculorum  
circumjacentium faciem exhibent; quo  
læpius, fortius & diutius dolent; quo altius  
sensus doloris ad meditullium mammæ pene-  
trat.

Parturit hic cancerum ulceratum, vid.  
supra.

Papillarum, ut semper potius humidulæ  
sint, quam siccæ, ratio habenda, dum aliàs  
facile fissuris afficiuntur cum ingenti dolore  
& molestia.

De cætero lactanti puerperæ fluctus men-  
struus emanet, nisi quidem admodum pletho-  
rica sit: imo ne tunc quidem vix obtingit.

Sicubi tamen eveniat, infantes inde sensi-  
bile incommodum experiuntur, imo ipsa  
mater in genere horridas quasdam sensatio-  
nes, lassitudinis & tensionis quandam  
speciem sentit.

Quæ vero non lactare vel volunt val pos-  
sunt, omnino reditum hujus evacuationis  
experiuntur.

Notandum interim, quod illæ foeminæ,  
quæ & plethoricæ & satis sanæ proximo quo-  
libet a puerperio tempore, antequam ipsis  
menses semel vel iterum redierint, mox  
denuo imprægnantur, illo tempore incommo-



dius gestent, nisi ventilatione sibi suveniant; quo subsidio hæ magis quam ullæ aliæ indigent, præsentissimum inde commodum ac utilitatem capturæ.

## Historiæ medicæ specialis

### Sectio III.

## Historia morborum Lymphalium

### Cap. I.

### *Historia Oedematis.*

**S**ubjectis facilius evenit senioribus, eminenter plhegmaticis utriusque sexus, etiam gravidis ultimo gestationis tempore.

Causæ sunt humorum mucida spissitudo, evacuationum naturalium & artificialium sanguinis & seri suppressio & omisio, vel largior profusio, dispositio hæreditaria, tumores calidi, scilicet plegmone, erysipelas etc. per nimis exsiccantia, discutientia, uti spiritum V. camph. tractati, febres acutæ per Salia volatilia, scabies, affectus arthritici, podagrici, nephritici aut sinistre succedentes aut tractati, vulnera nimia refrigeratione artificiali aut potentiali occlusa; febrilis apostasis nunc ad utrumque nunc ad alterutrum pedem diffusa, etc.

Externe magis huc faciunt aer frigidus -  
hu-

humidus; cibi flatulenti; quies & somnus nimis; animi pathemata fontica; diuturnior perfrigeratio artuum maxime pedum, & quidem cum humiditate conjuncta, præcipue in fæminis sub mensium fluxu; nimis diuturna tensoria pressio femorum ac crurum intercepto libero humorum refluxu; diuturna equitatio, super eqvo lati admodum dorfi &c.

Signa sunt inflatio communiter satis larga partis alicujus, familiarissime pedum atque crurum, sine dolore, colore, imo sine quocunque præter naturali sensu;

Nisi quod in malo prævalescente, sub hydropis metu, tensio interdum sentiatur notabilis, ac latius in corpore diffundatur.

Tum quoque tumor laxus & mollis, qui digito pressus subsidet.

Hic tactu frigidus est, licet æger nullum ibi frigus molestum sentiat.

Alvus vaga est, sedentibus vel jacentibus segnior, erumpens nunc & tunc, imprimis ex victu difficilioris contionis.

Urina est vel pallida, vel obsoleto inter aurantium & floridum cerevisiarium dilutiorem colorem quasi medio rubore imbuta & crassa.

Utrinque parcissima, nunquam liquorum assumptorum quantitati respondens.

Si hic ad summum pervenerit, nitet præ nimio infarctu cutis, & tunc ad minimum hinc inde rufescit, ita ut vascula sanguife-

ra multa tenerrima in conspectum veniant.

Sequitur tunc sensus vehementis ardoris non tam superficialis, sed intimior, qui sane, si acuta febris vel hectica exacerbata concurrerit, gangrænodem corruptelam, sphacelum, mortem; minatur.

Differt a reliquis hydropicis affectibus in tantum, quod magis vaporosus, quam aqvosus existit.

Quamdiu tumor solum pedes, crura, femora, coxas occupat, retinet simplex nomen œdematis; quando vero abdomen simul notabiliter intumescit, hydropicus tumor judicatur.

Quamdiu valde est conspicua, sed tamen mollis & satis laxa adhuc inflatio, Leucophlegmatiam appellant.

Per universum vero corpus excurrens & tanto infarctu habitum omnem tumefaciens, ut hic niteat & velut rupturam minetur, Anasarca dicitur.

Prognosis. Quando semel partes occupavit, contumacius communiter insistit, tanto magis in adultioribus & senescentibus:

Oedematosi tumores, quando improvide repelluntur, redundant ad interiora viscera: unde inflatio abdominis, hypochondriorum & præcordiorum, imo non raro verus hydrops, catarrhales suffocativi affectus etc.

Interdum alternant quasi cum asthmatica afflictione, ita, ut si hi externi tumores

im-

imminui videantur, mox oppressio pectoris accedat, & vice versa.

Phlegmonodea œdemata ex febribus, sicuti contumacissima communiter sunt, ita habent fomitem plerumque profundiorē & hydropicæ indoli propiorem.

Hinc œdemata ab internis causis subnata deteriora sunt his, quæ manifestius ab externis oriuntur.

Artus œdematosos nec extra lectum perpetuo & insigniter frigere, nec in lecto constanter & notabiliter calere bonum præbet indicium.

Maxime vero omnium sensibilissimi sunt habituales hi tumores & quidem si per apostasim, ut dictum, post febres efformati firmam in membro aliquo sedem fixere.

Hos imprimis per externa remedia dissipare posthac tam alienum est, quam malæ fidei.

Oedema post scabiem, non ita pridem retropulsam, conveniente methodo facilius adhuc dissipatur.

Therapia ut plurimum male fert volatilia concentrata, nimis calida, commoventia, adstringentia, martialia crudiora, narcotica: item

Externe nimia humectantia, refrigerantia, adstringentia, repellentia sulphurata, pingua unguinosa, emplastica acriora calida, topica, Scarificationem partis affectæ.



Bene fert pro gradu & longitudine morbi per tempus adhibenda resolventia, attenuantia, digestiva, aperitiva, laxantia deinde post præparationem, vel cum resolventibus statim combinata, repetita, postremo tonica roborantia.

Externe frictiones, motus, fatus roborantes, discutientes etc.

Post febres œdemata remanentia tractari debent amaris, vinis medicatis, ut febris revocetur.

Ex hæmorrhoidum & mensium vitiis tempestiva V. S. in pede, quando adhuc vasa conspicua sunt, confert.

## Cap. II.

### *Historia hydropis anasarcae & ascitis.*

**A**scitis Subjecta sunt juniores consistentis ætatis homines, magis sexus sequior, temperamentum sanguineo-phlegmaticum, vel phlegmatico-sanguineum

Causæ Anasarcae sunt febres incongrue suppressæ, scabies, podagra per sulphurata & alia temere repressa: Ascitis, vel mensium & hæmorrhoidum, V. S. aut Scarificat. ad vetæ & feri suppressio vel excessus; metastases febriles ex frigore, erysipellate, luxatione; febres intermittentes per varia adstringentia; cachexia,  
gra-

gravidarum Oedemata, infarctus, schirhi in visceribus.

Occasionales externæ, sunt prodiga spirituum ardentium ingurgitatio, potus copiosior & frigidior sub æstu haustus, animi pathemata graviora, venena, abusus adstringentium, refrigeratio nimia, contusiones etc.

Signa anasarcae hæc sunt: tumor per totum corpus diffusus, ingens & nitens durior;

Qui circa vesperam sub initio augescit, per noctem decrescit, & vel subito vel languide invalescit.

Appetitus est languidus, ægroti sunt lasci, & ad sudorem difficiles.

Post pastum angunt angustia præcordiorum cum respiratione difficiliori.

Urina est tenuis, limpida, pauca, alvus subinde magis lubrica.

Signa Ascitis vero notabilis tumor magis abdomen distendens & quidem pertinax.

Incipit sæpe a tumore pedum magis magisque per femora ad abdomen adscendente, imo & genitalium.

Talia œdemata sunt valde pertinacia.

Et quando disparent, durior inflatio abdominis insequitur, cum anxia angustia, alvi obstructione, doloribus colicis, febrili motu, appetitus & virium prostratione, vomitione, siti etc. quæ omnia œdematibus revertentibus mitescunt.

Quo magis vero hic affectus cum abdomi-

nis distensione invalescit, eo periculofiora pathemata accedunt, & corpus superius contabescit.

Alvus hydropicis est liquida, mollis; sed quando obstructa, omnia symptomata exacerbantur.

Urina infra proportionem ad potum parcissime procedit; per initia valde aquosa, succesu temporis ruborem & crassitiem induit.

Prognosis: omnis hydrops est utplurimum satis pertinax.

Quo vero viscerum internorum nobiliorum maior læsio & obstructio, eo majoris periculi & dubii, imo certæ mortis, eventus est.

Ibi vero viscera adhuc integra & sana in anasarca, leucophlegmatia, cachexia, ibi melior & facilior spes restitutionis est, quam in ascite vel cum anasarca complicata.

Sic ex vasorum lymphaticorum perruptione præcipue in annosioribus contingens, consolidatio fere nunquam speranda est, nisi in fæminis admodum robustis, sub mensium tempestiva perruptione.

Oedemata perrupta temporarium quidem levamen, sed funestum tandem eventum afferunt.

Hinc erysipelas cum febre, partes invadens exulceratas, malum.

Tussis, si hydropicis accedat, spem sanationis tollit. Hippoer. sect. VI. aph. 35.

Hydrops

Hydrops ex mensium & hæmorrhoidum fluxu nimis sero nullum levamen sortitur.

Therapia magis improbat valida purgantia ante præparationem, & correctionem materiæ, salia volatilia, sudorifera calida, valde commoventia, acida, martialia scopo aperiendi, cantharides, salivationem mercurialem, qvanqvam Act. N. C. Dec. 11. 01, 9. obs. 36. & Dec. 2. ao. 3. obs. 173. salutarem deprehenderint ultimam.

Externe emplastra unguinosa pingvia, narcotica, repellentia saturnina, vesicatoria, scarificatio, paracenthesis nocent.

Vere prosunt humorum correctiones & viscerum reperationes, per rad. & Herb. incident: amar: resolv. salia alcal. fixa cum sale digestivo.

In junioribus, malo minus inveterato, magis anasarcode quam ascitico, prosunt spir. lumbr. nitrum cum arcan. dupl. in phlegmaticis amara, aromatica, in sanguineis temperata salina.

In hepatis siccitate difficilior adhuc est status; conveniunt humectantia, sapo philosoph. vectura, equitatio etc.

Dein evacuantia in robustioribus hydragoga fortiora, in tenerioribus & hydrope adulta magis laxantia, ubique semper conjungantur diuretica cum diaphoreticis.

Tandem tonica pharmaceutica & dietetica.



Anima curationis est ubique bona methodus, & prudens medicamentorum pro diversitate causarum subordinatio.

## Hydrocephalus.

Manifeste in sensus incurrit, maximeque infantibus familiaris est

Oritur vel adhuc in utero ex funiculo circa collum conuoluto, hinc partus admodum difficilis redditur, nisi prius pertusa calvaria, humor effluat: vel in & sub partu, ubi infantis collum, toto corpore aliâs excluso, ab orificio uteri rigide constringitur; vel post partum, quando infantes negligentius in inferioribus corporis locis obteguntur.

Signa sunt immensa superioris capitis moles & inflatio, sed sublucida, adhibita præsertim candela, apparens.

Aliæ vero partes e. g. nasus, labia, imprimis oculi servant ordinariam suam magnitudinem.

Est triplicis differentia: vel tantum extrinsecus calvariam detinet; vel intrinsecus ipsum cerebrum; vel externe & interne simul.

Prognosis: omnis hydrocephalus fonticus, in ipso vero cerebro periculosior est.

Therapia: nutrici vel infanti per aliquot dies dari possunt laxantia phlegmagoga, &  
ex-

externe imponi fofus difcutientes refolventes, uti & emplaſtrum Saponat. Barbette Evacuatio perfectionem, ſi fieri poteſt, commode confert.

## Hydrops Pectoris.

Hic affectus eſt oppido rarus.

Oritur aliquando ex diuturnis & fonticis pectoris affectibus prægreſſis, ubi difficilis reſpiratio, & interdum ſuffocationis metus & propenſio in lipothymias, quæ metum haud injuſtum hydropis pectoris ſubſecuturæ inferunt.

Sic quandoque ex aſcite a diſruptis vaſis lymphaticis pulmonum, vel ab aſthmate convulſivo, vel a ſpiſſitudine ſanguinis, vel traumaticorum, expectorantium uſu incongruo oritur.

Certiora quidem ſigna haud proſtant. Quod enim de fluctuatorio motu in thoracis alterutro latere dicitur, hoc non adeo firmum eſt, quanquam Aët. Med. Berolin. vol. X. p. 18. pro vero ſigno pathogomonico habeant talem intra præcordia ebullitionem ſeu fluctuationem.

Senſus ille, ſub mutato decubitu in alterum latus, ægrum magis afficiens premensque, non ſolum huic proprius eſt, ſed & alii corruptioni ſcirrhoſæ nodosæ, apoſtematodi lateris pulmonum familiaris.

Therapia requirit, ubi ſanguinis abundantia

tia præsto est, ab initio V. S. & dein alia antihydropica, paracenthesin, quamqvam raro felicem.

### Cap. III.

## *Historia Cachexia.*

**S**ubjectis frequentior spongiosis, sanguineo phlegmaticis, sexus sequioris magis, quam virilis junioribus.

Causæ internæ sunt, mucida, lenta spissitudo sanguinis; mensium & hæmorrhoidum præcipue defectus, rarius excessus, horum molimina; sudorum spontaneorum suppressiones; lienis & hepatis obstructio; icterus; scorbutus; quartana aliique morbi prægressi, adstringentibus incaute tractati; arthritici & podagrici motus repressi, scabiei retropulsio intempestiva.

Externæ: aer humidus; habitatio in domiciliis humido-frigidis; Diætæ vitia in potu & cibo; potus nimius; abusus spirituosorum, ardentium; quies & somnus excedens; Adstringentia in febribus & hæmorrhagiis; Salvolat. in febribus; refrigerationes diuturnæ; purgationes fortiores frequentes; veneris abusus; animi pathemata; Addephagia puerorum.

Cachexia in cognoscendo nullam involvit difficultatem: Signa ejus in externo habitu oculis patent.

Fit

Fit enim corporis depravatio; florida constitutio in pallidam, flavescentem imo livescentem, & rigida firma, in flaccidam & turgidam deformationem transit, vestigia digitorum impressa retinentem:

Sie sehen ungesundt, verdünstet aus, es ist ein blästiges aufgeschämtes weßen.

Interne junguntur angustia; præprimis in hypochondriis & præcordiis, & gravitas respirandi sub ascensu altiorum locorum.

Conspirat sensus duritiei, gravitatis, pressionis sub hypochondrio dextro aut sinistro: aut sub umbilico introrsum.

Abdomen neque pariter semper neque constanter inflatum & durum est: aliquando tamen inæqualitatibus tactu sentiendis intus obfesus.

Appetitus est vagus; post cibos incommoda gravativa flatulentia; concoctio infida.

Alvus modo segnis, modo lubrica.

Totum corpus friget & langvescit cum torpore, inertia, fastidio, somnolentia animi sensuumque omnium.

Actualis tumor œdematodes non quidem inseparabilis comes est, interim tamen non valde alienus ab hoc morbo, minime tamen alibi, quam in artubus.

Pulsus est tardus, non alacris, sed languidus.

Urina parca, tenuis, inconstans.

Cachexia non semper hydropem antecedit,  
cum



cum hic sæpe gravissimus præcipue in sexu masculino sine cachexia fiat, quanquam aliquando non tamen ita sæpe actualis progressus ab hac in illum contingat.

Differt ab ascite hydrope, quod hæc inferiores solum partes, cachexia autem totum corpus æqualiter occupet, & ex fluxibus sanguinis nimis & diuturnis passim originem ducat simpliciter; cum hydrops, nisi aliæ causæ præcipue adstrictiones concurrant, vix unquam oriatur; ut difficultatem hydropis præ illa curanda taceamus.

Ab anasarca, ubi durior corporis inflatio est, in hac vero mollior flaccida;

Ab ictero, qui non ita intime habitum corporis penetrat, sed superficietenus tantum hæret.

Prognosis: Distinguitur inter dispositionem cachecticam & plenariam cachexiam.

Illa magis juniori ætati a mensum retardatione evenit, nec ita facile in ascitem tendit, ut in senioribus; illic est status sanabilis, hic rarius, sed in hæcticam vel hydropem transit.

Ante & infra 30. annum non difficulter congruis remediis cedit; quo vero adultior ætas, eo difficilior.

Sæpe per multos annos contumaciter persistit, & licet œdemata etiam passim se in tibias & pedes extendant, non tamen verus inde hydrops producitur.

Cho-

Chlorosis virginum medium quasi locum inter dispositionem cachecticam & cachexiam plenariam tenens, est plerumque malum chronicoteron, quod sponte raro, nisi vitæ mutatio & matrimonium accedat, cedit.

Interim molesta est hæc chlorosis cum tetro colore, animi & corporis languore, cordis palpitatione frequente, sed non præsentis periculi;

In therapia evitari debent emetica, purgantia drastica, volatilia, sudorifera calidiora, coactæ sudationes, olea destill. calida, pellentia fortiora ad menses provocandos, hydragoga fortina in viscerum adhuc oppilationibus, absorbentia terrea copiosa, adstringentia, martialia cruda, salivatio mercurialis, acida, refrigerantia, opiata.

Externe balnea sulphurea, aluminosa, repellentia, refrigerantia, pediluvia, relaxantia camphorata nimis exsiccantia.

Potius prosunt, diætâ calido-humida aromatica, vini moderatus usus, motus corporis frequens & moderatus.

Correctiones humorum, incidentia, resolutiva, digestiva, corrigentia, postea subjungantur & interponantur evacuantia.

Quando mensium vel hæmorrhoidum turbæ vel obstructions subsunt, aperientia, blanda pellentia, V. S. in pede, hirudinum applicatio prosunt.

Tandem Tonica adhibenda sunt.

Cap.

Cap. IV.

*Stranguria, dysuria, Ischuria.*

**S**tranguria subjectis spongiosioribus, sensibilibus, ad spasmodicas afflictiones proclivibus: dysuria calculosis, nephriticis. Ischuria plethoricis, ætatis maxime juvenilis, virilis, familiaris est.

Causæ stranguriæ sunt, externæ præcipue, abdominis refrigerationes maxime post æstum, potus insvetus, non defæcatus, crudus, largior haustus, pollutio nocturna frequens: Dysuriæ, calculus in collo vesicæ vel urethra, sanguis congrumatus, seu mucus tenax, saniosa materia, ex ulceribus renum vel vesicæ proveniens, tumor in his locis, fortiora adstringentia, cantharidum abusus, diætæ acris aromatica. Ischuriæ plethora secundum Hippocratem Sect. VI. aph. 36. Caruncula Venerea, graviditas, tenesmus, calculus, violentiæ externæ, copiosior potus, neglecta mictione.

Signa stranguriæ, frequens conatus ad mingendum, cum excretionem modo guttatim, modo paululum notabilius, & inter mingendum sensu frigefcente, post mictum ardore cum horripilatione corporis.

Dysuriæ sunt, vel omnimoda urinæ suppressio, sed cum multo frustraneo nisu expri-

primente urinam ; dolor summe æstuans adest , tam sub quam post excretionem urinæ , aliquamdiu continuans.

Ischuriæ signa sunt, urinæ excretio per aliquot dies plane cessans, sine fere ad eandem excernendam stimulo, cum dolore interdum ardente, lancinante, & anxio conatu.

Differt interim ab hoc affectu simplex urinæ imminutio, quæ vel post largos sudores, vel diarrhœas, vel exiguum potum contingit, & sine doloribus se ordinarie manifestat.

Prognosis : Stranguria plus incommodi quam periculi ut plurimum adfert ;

Quando vero sæpius recurrit, suspicionem calculi renalis infert.

Senibus interim periculosior est , confer. Hippocr. Sect. vi. aph. 44.

In dysuria quo diutius dolores insistant, eo facilius febris vel convulsio accedit.

Ischuria omnium periculosior est propter diuturnitatem ; nisi ante septimum diem tollatur , facile febris inflammatoria, phacelus, imo mors superveniunt.

Interim Forestus lib. 25. obs. 18. de quodam per 10. dies non mingente, at tamen curato, historiam adfert, id quod referunt etiam alii.

Quandoque ad hydropem disponit, & hydropici sæpius hac anguntur.

In therapia horum adfectuum magis nocent fortiora purgantia, fortes impulsus,



aeria diuretica, positiva stimulantia lithon-  
triptica, vulgaria opiata, valde commo-  
ventia spirituosâ concentrata, calida carmi-  
nativa.

Conferunt in stranguria & dysuria cor-  
rigentia humores acres, temperantia nitroso-  
absorbentia cum acido saturata, lenientia  
oleosa, emulsiva, tonica: Externe cæpæ tostæ,  
inunctio umbilici, ol. carminat, usui esse  
observantur

In Ischuria ex plethora V. S. Clysteres  
emollientes, nitroso-absorbentia, laxantia,  
balnea, fomenta, oleosa paregorica, foci  
carminat ivi valent.

De reliquo pro causarum diversitate, di-  
versæ requiruntur medicationes.

## Cap. V.

### *Diabetes.*

**R**arissimus est affectus, & saltem a Galeno  
bis observatus, & a Forelto lib. 24.  
obs. 4. Rondel. Holler: Subjectis magis  
biliosis familiarior.

Causæ sunt viscerum colatoriorum læsio-  
nes vel aliquales relaxationes, morbi acuti  
præpostere tractati, remedia diuretica, ve-  
nerem excitantia.

Signa sunt, urina tenuis, cruda, satis  
copiosa, sine ullo sedimento, cum intumes-  
centia

ſentia & dolore gravativo premente lumborum, ardore interno, ſiti immodica, febre tabifica.

Bene interim diſtinguendum profluviū urinae criticum a diabete; contingit enim interdum, ut aliquot librae urinae paucarum horarum ſpatio excernantur in febrium ardentium declinatione, ſine ulla noxa, ſed cum evidente levamine ægroti.

Prognofis: Quo magis invaluit, eo minor ſpes reſtitutionis.

Dereliquo in ſenioribus periculofior, quam in junioribus eſt.

Communiter per aliquod tempus durans, demum tabem lethalem inducit.

Therapia minus approbat poſitiva purgantia, volatilia, calefacientia concentrata, diuretica, adſtringentia poſitiva, narcotica, nimis emollientia, relaxantia.

In vera therapia adhibenda ſunt ea, quæ viſcerum infarctus referant, reſolventia, aperientia, lenia diuretica.

Ardor temperandus eſt acidis vegetabilibus, pulvere antiſpasmodico; cum abſorbentibus laxantia rhabarbarina, denique tonica; roborantia ſubjungantur.

Calida diæta, aromatica, motus corporis, & animi pathemata nocentiſſima ſunt.

## Cap. VI.

*Historia Scabiei.*

**S**cabies humida subiectis sangvineis, spongiosis, phlegmatico-sangvineis; sicca vero melancholicis, cholericis, vel melancholico - cholericis ficcioris habitus magis familiaris est; sicque! junioribus, interdum & senibus floridioribus & plethoricis, obtingere potest & solet. Est & scabies haud infrequens affectus.

Causæ sunt stases humorum lymphatico-serosorum; aer frigidus-humidus; aqua salior impura; climatis mutatio; otiosa sedentaria vita; diætæ mutatio per aliquod tempus, & pinguis, suilla, salsa, cruda, acida, austera; excretionum naturalium, artificialium, serosarum, per menses, hæmorrhoides, transpirationem, sudorem, urinam alvum etc. defectus & neglectus; item Contagium per conversationem, vestimenta, lectos etc. labes hepatis; crises in quartanis diuturnis; fonticulorum, ulcerum manantium repentinae suppressiones; scarificationis ad sævæ omisio.

Signa in genere sunt, evidentes pustulæ hinc inde in ambitu corporis imprimis circa artus, & fere tanto magis, quanto magis aeris contactui patent, copiose coorientes, & in corruptelam ulcerofo saniosam transeuntes.

Super-

Superficies solito turgidior est & pustulæ pruritus & ardorem maxime per noctem inferunt.

Signa spècialia sunt & quidem humida, pustulæ plurimo humore turgentes; quæ ruptæ tandem copiosam saniem effundunt.

In ambitu sunt eadem rubicunda, velut inflammata, tuncque etiam effundunt maiorem quantitatem saniei suppurascens.

In subjectis floridioris & laxioris habitus, plethoricis, eo insolentior & gravior cum multo ardore existit hic morbus.

Siccæ scabiei signa sunt pustulæ paucæ mucido & fere lucido sero plenæ, pruritus magis quam ardorem inferentes & non adeo profunde exulcerascens.

Signa malignæ ferinæ scabiei hæc valde sicca & squamosa est, sub ipsis squamulis, stigmatibus cruentis conspicua, imo ipsam cutim circumjacentem nunc lucido, nunc roseo colore a sanguine altius, quam decet, ipsi innidulante, conspicuam exhibet.

Pruritus hic, ubi vel a frigore vel insigni calore scabies tacta, incoercibilis est, & licet scalpando eschara & ipsa cuticula abradatur, ut cruda plane cutis subcruenta appareat, vix tamen quicquam cruentum, sed lympham solum serosa subflava inde emicat, quæ mox iterum in ejusmodi squamosam escharam siccescit.

Hæc vero vix unum aut alterum diem  
Ff 3 durat,



durat, quin gravissimo pruritu ægrum ad ejus abrasionem provocet, sicque antiqua scena diu multumque in orbem redeundo ludatur; hinc in his subjectis contabescencia & naturalis coloris imminutio observatur.

Signa venereæ scabie: Hæc ordinarie magis sicca, quam valde humida, etiam in humidis corporibus.

Occupat vel universum corpus, vel particularia saltem loca, e. g. femora, scrotum, faciem juxta os &c. crustacea est, & sæpe, antequam eo perveniat, diu nodosa, & varodes.

Crusta hæc non facile vel prompte abscedit, per multos dies sæpe adhærescit; pallidas vel sublividas habet oras.

Et quanquam serpat, facit hoc admodum segniter.

Dolor magis rodens, corrosivus est, & scapitione in valde penetrantem, rodentem ardorem exacerbari solet.

In reliquis partibus simul dolores profundi infixi, imprimis nocturni concurrunt.

His facile accedunt bubonodes inguinum tumores, fluor albus malignus in foeminis, gonorrhœa maligna in viris, quæ talem scabiem manifestius suspectam produunt.

In infantibus ulcerosæ excoiationes, imo excrecentiæ circa anum verrucosæ & veluti cristatæ magis confirmant hanc.

Prognosis: Humida omnium mitissima, &

& methodo legitima tractata, nisi ad insignes ulcerationes procedat, facilius adhuc profligatur.

Humida præcipue per incongrua externa, unguenta  $\Delta$ ta,  $\Phi$ lia &c. retropulsa inducit angustias præcordiorum, cardialgias, asthma, catarrhos suffocativos, febr. intermittentes imo acutas, inflammationes, cachexiam, œdemata, anasarcam &c.

Postquam simplex scabies jam diu duravit, & circa superiores partes rarior comparere incepit, ulcera circa inferiores partes pedum & ipsos talos coorientia judicium præsent scabi-ei mox plane cessaturæ.

Chronica difficilioris curæ, quam periodica est.

Ubi visceris alicujus labes concurrit, malum omen.

Venerea rarissime ita diffuse totum corpus occupat, uti simplex.

Quando recedit retro, magis ad bubonodes tumores formandos tendit: quamvis utique mox per ipsum retrocessionis initium magnam lassitudinem & virium debilitatem inferat.

Febres vero acutæ compositæ periculosæ non æque prompte sequuntur hanc, ac simplicem, maxime humidam saniosam.

In therapia ut plurimum evitari debent purgantia resinosa acria, nimis calida, sudorifera, volatilia, commoventia, sudor diffusus

coactus, absorbentia, incrasantia nimia, sulphurata largiora, & lia suspecta, lignosa calidiora, salivatio indiscreta.

Externa Scarificatio, nisi fiat in adsvetis, ubi quandoque prodest, refrigerantia, inviscantia, ungenta Mercurialia, Balnea vaporosa, sulphurata, adstringentia etc. caute adhibenda sunt; utpote noxia in plurimis.

Magis conferunt, in benigna, alexipharmaco-diuretica, absorbentia, salina, sulphurata, cum nitro & arcan. dupl. laxantia.

In maligna, priora remedia adhibenda sunt, & nunquam externa applicentur, nisi materia probe correctâ & eliminata sit.

In venerea, lignosa, regimen diapnoicum, externe unguentum mercuriale & tandem, his nihil proficientibus, salivatio provida conferunt.

## Cap. VII.

### *Historia Scorbuti.*

**A**d Subjecta quod attinet, est familiarior scorbutus ætati adultæ, juvenili, seniori, non juniore, nisi a causis externis, vel magis plethoricis; Præcipue populis septentrionalibus, & meridionalibus, qui præcipue in maritimis locis habitant, est endemius morbus,

Hic affectus non simplex sed complicatus est,

est, qui & in quantitatibus & qualitatibus vitio consistit.

Ante Seculum per navigationes Batavorum in nostras regiones translatus fertur.

Causæ sunt grumofitas seu coagulatio sanguinis, spissitudo, aer humido-frigidus, habitatio frigido-humida, aer nebulosus, vaporosus, diætâ crassa, salsa, potus parvus & spissus, abusus aromatum, spirituosorum, desidîa, vigiliæ, somnus excedens, animi pathemata graviora, V. sectionis & purgationis citra necessitatem crebrior usus vel neglectus, contagium.

Mensium & hæmorrhoidum imo alvi obstructio, nobiliorum viscerum infarctus & scirrhi, in hypochondriacis præcipue, quando intempestivis sudationibus tractantur, febris quartana, quam subinde insequitur dispositio hæreditaria.

Signa sunt: dolores modo gravativi, modo acutiores æstuosi, vagi volatici, cum langvore, torpore, & tensione in artubus, scapulis, coxis, cruribus.

Adsunt ructus, conatus vomendi, flatulentia, borborygmi, cardialgia, vitia concoctionis, sinistri hypochondrii inflationes, alvi adstrictiones, aut vagæ diarrheæ; palpitationis cordis communiter se jungit.

In ore gingivas facit cruentas laxas; linguam & fauces anginosas magis æstus & inflatio æstuosior obsidet; dentesque solos nigros &



cariosos & vacillantes reddit cum anhelitu graveolente.

Maculæ, ut essentialè pathema, quæ erumpunt, in cholericis sunt rosæ, in melancholicis lividæ aut fusæ.

In tibiis erumpunt majores cum duris tumoribus.

Sicuti etiam alibi cum maculis junguntur stigmata cruenta, tumores duri liventes, diu tamen sine spontanea eruptione permanentes.

Ulcera porro format scorbutus magis sangvineæ, ichorosa, livescentia, leniter manantia, cum stigmatibus sangvinolentis ac ardentibus inflammatoriis.

Pruritus est subtilior, æstuosior, frictioni per excutiam ad tempus cedens.

Vires sunt prostratæ, ut jacenti quidem sæpe sat bene sit; erigenti vero lipothymia ingruat.

Urina est vel tenuior, vel coloratior crassa, fusca aut nigricans, odoris acrioris subtilioris.

Excrementa alvi sunt tenuia, tinctoria, nigricantia, fatida: interdum autem alvus plane adstricta est.

Qui stomacacæ laborant, jejuni sputatores sunt.

Conspirant hypochondriaca interdum pathemata, qui status mixtus curam reddit difficiliorem.

Motus

Motus febriles , quando adfunt , nullum fervant typum. Difpescitur tandem in calidum & frigidum : calidus graviora fymptomata habet , juvenibus & cholericis frequentior.

Prognofis: Quo recentior , eo facilior in curatione ; quo magis inveteratus , eo contumacior & diuturnus magis.

Hæmorrhagiæ plerumque funt fine levamine , nifi tempeftive erumpant , & fufficienter fluant , uti fæpius hæmorrhoides multum levant.

Cum malo hypochondriaco confpirans , malum eft , hoc fublato , tollitur : At fi cum vifcerum obftipatione , fanitas haud facile exspectanda eft.

Per contagium qui communicatur facilius , quam ex fanguinis corruptela ortus , curatur.

Juvenes , quibus hinc inde maculæ rubentes erumpunt , pulmonum erofionibus facile obnoxii obfervantur , & vix fenum attingunt.

Si lues Venerea cum fcorbuto conjuncta fit , omnia moderatius tractanda ; illius tamen præcipue ratio habenda , ita tamen , ut hujus exafperatio evitetur.

In Scorbuti Therapia nocent & quidem in calido purgantia fortiora , regimen fudoriferum coactum , calida acriora fulphurea , narcotica , V. Stio in paroxysmo , balsamica acria , & lia , continua medicatio.

Pro-

Profunt vero acidula remedia pro fervida commotione temperanda.

Dyscrasia, lentor & grumosa spissitudo, resolvitur per antiscorbutica.

Sic in Cholericis acidulata, acetosa, nitrata, absorbentia, succus citr. etc.

In melancholicis seu melancholico-sanguineis & phlegmaticis, amara, trifol. fibr. fumar, rad. ari, beccabunga, chærefol. cochlearia etc.

In Sanguineo-cholericis acidula, acetosa, acetosella, succ: citri, ribium, berber. etc.

In pure phlegmaticis cochlearia, nasturt: raphan: nig: hortens. f. armorac. Sinap. cepæ. allium etc.

Dilutio sufficiens cum motu corporis vegetiore, diætâ item aromatica necessaria est.

Evacuationes non sunt turbandæ.

Efflorescentiæ recedentes, aut hæmorrhagiæ, magis acrimoniæ temperatione, quam fluxus cohibitione sunt curandæ.

## Febris scorbutica.

Per abusum hodie sic vocantur fere omnes febres, typum nullum insignem servantes. Strictiore vero sensu merentur illæ febres tales dici, quæ subjectis eveniunt, quæ non modo aliàs frequenter manifestas illas rubicundas vel lividas chronicas maculas in corpore sentiunt, sed præcipue proxime

xime imo immediate ante coortam febrem, illas habuere, imo sub febre adhuc gestant, sed communiter solito longe pauciores, minores & minus consueti coloris, & in locis minus solitis.

Cum fatigabundo corporis, sed præcipue illarum partium, in quibus sunt, vel esse solent, languore, dolore, imo torpore, dolore quidem exquisitiore, modo obtusiore, tendente, gravante, rigente, urget malum.

Indoles harum febrium est inæqualis, inconstans, e lento languore in vehementes impetus temporarios erumpens, multum fatigationis, angustiae, & anxietatis, vertiginosæ capitis debilitates, motus alvini ataxias involvens.

Præcipuum signum est vicissitudo crebra, etiam interdum insignis & veluti insperata repentina euphoria, & animi alacritas nullius delirii suspecta; mox iterum ingruunt anxietates & vehementes impetus.

Sunt enim hæ febres communiter magis nudæ symptomatice; unde nec proprium typum justum nec periodum definitam habent.

Non sunt frequentiores revera, nisi motus febriles manifestioribus aliis hypochondriaco, arthriticis passionibus vel accedentes vel concurrentes, adeoque pro directe justa febre nec habendæ nec tractandæ.

Cap.



## Cap. VIII.

*Historia luis venereæ.*

**L**ues venerea, antea Europæis haud æque cognita, donec sub expeditione hispanorum in India occidentali, ubi endemius morbus, in hispaniam, abhinc in italiam, galliam, denique in germaniam translata sit.

Pænæ loco est, quam scortatores sædæ suæ libidini debitam post impurum coitum sic semper ex contagio persolvunt. Omni ætati & sexui, præcipue libidinosis juvenibus familiarior.

Interdum & innocentes ex contagio per lectos, pocula, halitus inspirationem, sellas, ephippia, instrumenta scarificatoria, hæreditariam dispositionem, imo pueri & infantes per nutrices adfiguntur.

Duplici gradu consideranda est.

1.) Quamdiu adhuc in humoribus lentum & contagiosum oberrat colliquamentum, ubi quidem eam cognoscere valde difficile est.

Quamvis enim fatigatio frequens insignis cum malo colore faciei oculorumque, pruriginosi ardores fixi, nocte ingravescentes, præcipue in summo capite, scapulis, humeris, medio femore, mediis tibiis &c. adsint; possunt tamen hæc etiam aliis causis adscribi.

Si tamen innotescat, gonorrhæam suspectam, fluorem albumacrem, vel bubones circa ingvina, tumores contumaces vel ulcerationes glandularum, colli, uvulæ notabilem læsionem, scabiem siccam urentem crustosam etc. præcessisse vel adhuc concurrere, fortis & iusta quidem nascitur suspicio.

Manifestius autem se prodit.

I.) ubi partes solidas jam infedit.

Hic omnia, quæ eveniunt, incommoda vehementius, quam antea affligunt.

Vires quidem non ita prosteruntur, sed languor magis adest, & majus onus & gravitas in membris.

Ardores & dolores in ante dictis artubus, cranio, occipite, tibiis, femore, perinaeo, ingvinibus, sunt veluti salinosi, als wenn Salz hinein gestreuet wäre, terebrantes, rodentes, fixiores statarii obtusiores, noctu atrocius sævientes, & a decubitu in lectum augefcentes.

Viscosa tenacitas humores & cæteras glandulas ingvinales, salivales, spermaticas, obstruit.

Inde ulcerosa falsa erosio nares eorumque cartilagines, septum, os palati, tonsillas, uvulam, infundibulum, item os externum cum ardore acri & nidoroso corrumpens.

Sicut etiam alibi ulcerationes salso-acres crustosæ nauseosum mucidum nidorem spirant,

rant, ficcā escharam facile formantes.

Hæ prurientes scalptione exacerbantur, donec excoriatio eas attingere vetet.

Exsudant quoque ferofo-mucidam humiditatem in crustasabeuntem rosivas.

Nascuntur etiam tumores diuturni, parvi, nodosi circa partes exsanguēs, lento successu in ulcerationem abeuntes ardentem, quæ male olet, nocturnis doloribus insolescit, & denique consolidata in conspicuas cicatrices coalescit.

Uti tartarea apostemata, steatomata, atheromata, melicerides; gummata gallica erumpunt, auf den Schienbeinen, Ellenbogen, Händen, Knien

Concurrunt sæpe bubones.

Accedit vel præcedit seminis effluxus falsus corrosivus: unde erosio, fungi.

In orificio ani mares præcipue gestant excrementas verrucosas penfiles, fissiles, manantes, ardentes, ulcerascentes.

Junior ætas rarius ab his afficitur.

Urina Venereorum est crassa sub turbida cum sedimento tenaci sub mucido quasi grandinoso, odoris fædi, putridi, nauseosi.

Tandem tabidam, phthificam seu hecticam extenuationem hoc malum format, & ægrotos post longos cruciatus extinguit.

Prognosis: est morbus lentæ & diuturnæ indolis, & quando saltem humores occupavit, citius adhuc profligatur.

Ple-

Plethorici & floridioris habitus longe gravius laborant.

Quando intimas radices egit, tam facile extirpari non potest : demum hecticos, cancrofos, semi-sphacelosos aut paralyticos & denique funestos effectus inducit,

Corpora succulenta, perspirabilia, minore periculo & molestia curam mercurialem tolerant, quam sicca, tenera, densiora.

Phlegmaticis & melancholicis pejora communiter eveniunt symptomata, dum putredo longe lateque serpere soleat.

In therapia nocent impetuosæ evacuantia, suspecta mercurialia, nimis commoventia, sudor profusus coactus, balsama calidiora exotica, incrassantia adstringentia, scorbutica acriora, cuprea, scarificatio etc.

Profunt quamdiu 1. in humoribus adhuc latet, resolventia, diuretica, diaphoreticacalignosa, radices, herbæ, tincturæ alcalinæ.

Sudatio in lecto libero mit Spriegeln spiritu vini accenso.

Diæta lauta ad 2. 4. septimanas.

Salivatio hic neque lecura, neque necessaria est.

V. S. fere nunquam necessaria, nisi in plethoricis, & qui olim actualibus hæmorrhagiis obnoxii fuerunt.

Temperamentorum quoque ratio habenda est; namque subjectis frigidis conveniunt decocta ex calidioribus exoticis, cum Ess.



lignorum; Siccioribus vero & cholericis, magis temperata v g. rad. Sarsaparill. chinæ, cum nostratibus temperatis radicibus.

2) partes jam occupans salivantia mercurialia requirit, præmissa laxatione & diaphoresi lignosa.

Omnia subjecta ad salivationem interea inidonea sunt, quæ vitio quodam viscerum imprimis pectoris laborant, decrepita, emi-  
nenter cholerica, melancholica sicciora, tene-  
riora, infantes, gravidæ; item sub mensibus  
instantibus à Salivatione abstinendum.

Regimen & medicationem postulat con-  
tinuam hæc medicatio.

Fauces præmuniuntur gargarismate ad-  
stringente; in ardore nitrum, in visciditate  
sal ammoniacum confert.

## Gonorrhæa.

Benigna subjectis libidinosis quoque; ma-  
ligna, non nisi ex inquinamento infectis  
familiaris.

Causæ ad benignam contribuentes sunt cibi  
aromatici, πολύτροφοι, potus generosus,  
decubitus supra dorsum, veneris intermis-  
sio vel crebrior abusus, balnea, alvi diffi-  
cultas, purgantia acriora, amor, cogitatio-  
nes venereæ.

Maligna sapit contagium, inquinamentum.

Signa benignæ se manifestant, quando  
ispissa mucida materia spermatica sive cum  
urinæ vel sæcum alvi rejectione, & quidem

in

interdum sub initio exitus urinæ, interdum sub ultimo compressionis actu ejicitur.

Concurrit sæpe extra mingendi tempus veluti perpetuus exiguus mador, vel submucida substantia intra & juxta præputium reperiunda, pressione aliqua ex urethra magis erumpens. Expers est alieni coloris & odoris.

Veneriei vero miasmatis suspecta est gonorrhæa, quando plus aut perpetuo promanat talis materia submucida, colorem ab albido alienum præ se fert, ardorem in præputio excitat, vel prorsus inflammationem; præcipue si sub emissione urinæ, in regione radicis penis, ardor sese exerit.

Virulentæ signa sunt, tetrus color flavo viridescens, & putridi factoris erumpens materia.

Tanto peior, si præputium ita vehementer afficiat, ut crassum tumorem, gravem ardorem, intensum ruborem, excoriationes fissuras virulenti quid effundentes, post se trahit.

Interdum in glande efflorescunt fungosæ verruæ numerosiores;

Vel scrotum inficit, ut ardente pruriginosa arrosione correptum tumescat, inardescat, contrahatur in rugas, asperitatem quasi corticis crustosam induat, fissuras agat cum emanante acri urente tenui sero magis quam sanie.

Hæc omnia post se trahunt ulcuscula apostematodea, rubræ maculæ formâ, quæ excoriantur, mollescent, suppurascunt, &c.

Cujus generis ulcerationes vulgus chirurgorum, præcipue gallorum, vocat Chancres.

Lasitudo ingens artuum & virium prostratio, aspectus pallidus, ambitus oculorum livido colore conspicuus concurrunt.

Differt benigna ab altera spermatis rariore excretionem nam in illa sperma quidem erumpit, sed non nisi sub membri erectione vividiore, ubi specialis conformatio in culpa est.

Prognosis: Gonorrhæa benigna longe securior, & melioris curationis est quam maligna.

Quamquam virulenta quoque sub initium levioris periculi existat; quando vero diutius duravit, & ætatem senilem occupavit, contumacissimum est malum.

Per adstringentia illi præpostere tractata, multa graviora & fontica pathemata inducit.

Acerbius inficit & grassatur in plethoricis & floridioris sanguinis individuis.

Durat sæpe per annum cum exacerbationibus & exulcerationibus molestissimis, cum contabescencia & extenuatione totius corporis.

Bubones supervenientes malum admodum exasperant, & periculosius faciunt.

In therapia minime profunt antiveneræ calidiora cum regimine sudorifero, adstringentia præmatura, Saturnina, valde commo-

moventia, volatilia, mercurialia suspecta etc.

Externe artificialia & naturalia balnea, camphora etc. conducunt.

Profunt in virulenta corrigentia balsamica, alexipharmaca, alcalina, laxantia mercurialia.

Cohibetur fluxus osse Sepiæ; specificæ

Expellitur Essentia cantharidum dilutiore, præmisso, in inveterata, purgante.

Ex præmatura adstriptione gummata gallica erumpunt, Emplastro mercuriali seu lamina saturni mercurio illita resolvenda. Imo rugosas excrescentias tollit Mercurius præcipitatus; interne valet Mercurius dulcis.

## Bubones Venerei.

Tumores hi, nisi admodum præcipiti incremento exturgescant, sunt sine sensibili dolore; durant sæpe ad satis longum tempus, antequam sponte insignia graviora damna inducant.

Quod tunc molestiæ inferunt, id sub motu corporis & in æstu præsertim sese exerit. Imo nec obediunt quidem prompte medicamentis emollientibus aut maturantibus.

Ulcerascentes tandem, nisi externis anti-venereis & Mercurialibus, sub prudenti horum etiam externo usu, provide tractentur, insignes corruptiones sinuosas, fistulosas colliquationes & erosiones formant.

Si non mature neque statim in principio,



sed jam aliquamdiu toleratos, deinde post limino discutere sive introrsum depellere audeat quisquam, summe noxium erit, & totius corporis infectionis intimioris certissimum afferet periculum, nisi gonorrhæa interim libere proruperit.

De excrecentiis in orificio ani pensilibus & ulcerascentibus supra, in capite de lue Venerea diximus.

## *Historia Medicæ Specialis.*

### Sectio IV.

#### Historia morborum intestinalium.

##### Cap. I.

#### *Historia Atrophie.*

cons. Scirrhus gland. mesentericæ, It. Atroph. sub infantum affectibus.

**O**bcines frequentius in puerili vel adolescente corpore, rarius in adulto. Causæ sunt infarctus glandularum mesentericarum; prægressi morbi longi; conformationis vitium circa viscera, das anwachsen; diapnoe subito suppressa; spontaneæ diarrhææ adstringentibus restrictæ; vermes; diata

diata acida, spissa, refrigerans; desidia; frequens alvi obstructio; potus frigidus noctu, sudante corpore, exhibitus.

In Adultioribus feminis crebrior jactura, hæmorrhagiæ excedentes, exercitia vehementiora, nimius sudor, purgationes, vigiliæ, curæ excedentes, paralyfis viscerum abdominis eo faciunt.

Symptomata sunt extenuatio & contabescencia notabilis sine concursu sensibili hæcticorum symptomatum, languor scilicet plane morbidus, appetitus valde dejectus, siccitas oris & sitis, somnus admodum levis, inconstans, nil reficiens, respiratio plane angustior, corporis pallor, urina turbida.

Ubi hæctica subrepat, sunt hæc ipsa quoque, sed cum sensibiliore actuali consumptione

Pueri ordinarie turgidum & durum habent ventrem, ut sentiantur aliquando, si tensio ejus nonnihil flaccescat, tactu inæqualitates & velut nodi quidam.

Si a vermibus sit, vultus est pallidior & quasi cachecticus; narium perpetua mucositas, imo excoriatio; insignis edacitas; ventris perturbatio; quies post cibos præcipue largius nutrientes; incommoda a jejunio; vermium excretio.

Cæterum sunt atrophici communiter quasi perpetuo orthostadii, imo, absente hæctica, alacres.

Prognosis; Atrophia est longe mitioris e-

ventus & facilius curanda quam hectica; quo magis vero hæc complicatur, tanto est ipsa curatu difficilior, quod fere fit in adultioribus.

In Senilibus vero corporibus sanatu difficilima est sine manifesta etiam hectica: Marasmus senilis vocatur.

Communiter vel e valde mucosa catarrhali asthmatica constitutione prognascens, vel interdum etiam paralyticis vel ad hunc genus proxime accedentibus virium debilitatoris affectibus succedens item.

A morbis prægressis v. g. nimis hæmorrhagiis, orta atrophia longe difficilius persanatur quam a diætæ vitiis.

A vermibus inducta, & non nimium inveterata, illis sublatis & enecatis, ordinarie feliciter curatur.

Malo vero diutius in teneris persistenti, non raro succedit Racchitis, die Englische Krankheit, cum, tumoribus & superaccretionibus artuum, mit verdopp. ten Gliedern, vel incurvatione tibiarum vel spinæ dorsi, gibbositate, coxis excrescentibus, daß die haff. auswochen; quæ atrophiam quidem solvunt, sed tristi spectaculo sæpe per omnem ætatem corpus deturpant.

In therapia noxia sunt purgantia fortiora, valde calefacientia, concentrata volatilia, adstringentia absorbentia nimia, suspecta Mercurialia, incrassantia, refrigerantia.

Vere profunt laxantia ex mercurio dulci,  
rha-

rhabarbaro repetita ; resolventia ; attenuantia cum tonicis martialibus blandis.

Si quid febrilis concurrat ; nitrosa absorb. diaphoretica fixa Ess. alexiphuuant.

Externe Empl. Sapon. Barbett., de ammoniaco, linimenta roborantia abdomini imposita Balnea etc. valent.

## Cap. II.

### *Historia addephagiae.*

**E**st vel nimiae ciborum quantitatis assumptio, vel nimius ingurgitandi impetus & ingluvies, *alzuviel* Essen, oder *alzugrighiges Einwürgen*.

Subjecta praecipue sunt pueri, puellae & pusiones, quibus saepe & multum cibi intruditur : faminae, adolescentes ; sanguinei & sanguineo - phlegmatici ; cholericici raro in modo cibum assumendi excedunt ; melancholici praeter alios moderamen servant, nisi invidia urgeat, vel aliorum sumptibus edant.

Causae sunt gustus grati sed perversi opinio ; consuetudo ; in modo edendi excessus ; inopia vel inedia ad lautam & plenam dietam perveniens ; vermes ; febres quartanae ; hypochondriacum malum, epilepsia, in qua praecipue panis secalini avidi sunt.

Signa diagnostica sunt angustiae cardiacae & anxietates, tensiones & compressiones



nes præcipue in foeminis prægnantibus, nausea, ructus, und liegt wie ein Stein in Magen.

Succedunt vomitus sæpe, ac vertiginosa capitis perturbatio.

Si visciditas stomacho adhærescit, cachexiam, febres stomachales, icterum, colica tormina efficit.

Si languidus & fastidiosus renisus cum viscositate concurrat, flatulentia & inde oriunda chronica mala fiunt; appetitus imminutio, diuturna ventriculi sensibilitas.

Infantes nimis lussarcti facile vomunt, si naturæ sunt vegetæ; si vero debilis, certiora sunt damna.

Iad e eveniunt infantibus tormina, diarrhæa, nausea, quæ adstringentibus adgredi periculosum.

Segniores infantes obstructionibus cachecticis, atrophicis, duritie abdominis & extensione cum reliqua corporis tabe vexantur.

Prognosis: Addephagia periculosior est morbo jam præcedente exhaustis quam sanis.

Sanis repente insurgit turbatio, hisque utilissime in vomitum exit; cum dolore sæpe capitis, calore, postea quiete & somno terminatur; si alvus libera sit, omnia sunt mitiora.

Extrema fame exhaustis ad satietatem edere, certissima mors est.

In

In therapia Temperantia est præsentissimum remedium.

Tolerabilius possunt homines potu expleri, quam cibo. Hinc potus sufficiens imprimis cibis densioribus, frixis, pastis, est addendus.

Alvus liberanda est sed non graviter stimula-  
landa ob colicæ metum.

Vomitibus & diarrhæa tonicis & aromaticis, vino tepido, aromatizzato, vel leni anodino, non autem adstringentibus sistantur.

### Cap. III.

## *Historia Flatulentia.*

**A**ffligit hæc subjecta potissimum sensibilia, phlegmatica, sanguinea; cholerica & melancholica non nisi ex accidentalibus causis, a morbo quodam debilitata; præprimis foemininum sexum, præ virili.

Distinguitur inter flatulentiam torpidiorem stupidiorem, quæ fere sine sensu & magis phlegmaticorum est; & vagam, impetuosam, quæ sensibiles dolores infert, & sanguineos, simul de cholerico vel melancholico temperamento participantes, vexat.

Causæ sunt, relaxatio motus peristaltici intestinorum partialis; in foeminis mensium & lochiorum ataxiæ, puerperia mala, in  
viciis

viris, malum hypochondriacum, hæmorrhoides, nephritis, podagra, herniæ.

Materiales sunt assumpta tenacia, mucida, oleracea crassioris succi, raphanacea, pisces siccati maritimi, legumina, pisa, fabæ; pinguedo imprimis ovilla frigido superbibito, refrigerationes artuum, pedum, vel abdominis, decocta calida in flatulentis, mellita, horæa, fæces cerevisiariæ, jung, trüb. bier; haustus largiores, pultibus imprimit emilio paratis super ingesti, farinacea, gebäckes,

Interim de his assumpris notandum, quod in dispositis magis effectum edere soleat.

Signa sunt, distensiones intestinorum, & contentiones, strepitus, volutationes, borborygmi, dolores quandoque rupturam minitantes, cum præcordiorum angustiiis, cardiacis ad lipothymiam sæpius urgentibus, capitis & sensuum subinde obnubilationibus & vomendi conatibus præsertimin hypochondr. & sub cruditatibus.

Quo manifestius commotiones sanguinis concurrunt, eo magis pressiones in sinistro latere, & ventriculo adsunt.

Obstructio alvi ubique vel præcedit vel comitatur.

Subsidentes vapores vel in superioribus vel inferioribus intestinis, tandem sursum vel deorsum erumpunt.

Peluciaris flatuum torminosorum differentia observatur. 1.) Si æger plane non bibat

bibat, aut parum bibat. 2. do, quando calide bibit. 3.) quando *ἀξυμα* seu nimis fermentescentia bibit, 4.) si præsentiùs fermentescentia bibit, 5.) insuper frigida.

Prognosis : Flatulentia fonticum est malum & in otiosis præcipue foeminis per maiorem vitæ partem molestat.

Promptitudini ad multos flatus generando occasionem dare solet vel simul & semel inducta insignis talis atonia flatulenta; per leves ergo causas resuscitanda.

Vel flatuum frequentia, a causis sæpe repetitis non evitatis, mox inducitur habitus,

Quo magis vero adsvescit tacita ista flatulentia, tanto torminosior fit, imprimis in alvi siccitate, assumptis spissioribus.

Illi, qui dysenteria laborarunt gravi, maxime alieni sunt a flatibus.

Puerperis vero vel abortum passis imprimis doloribus nothis (*schwehen*) post partum exercitis, præcipue si colligatio abdominis strictior negligatur, vel si frigida bibant, stabilis fit inflatio abdominis.

Voluntaria flatuum cohibitio præcipue in sangvineis, facile spasmos, termina, colicam flatulentam imò convulsiones progignit.

Suppressio habitualium flatuum tumores, indurationes abdominis, tympanitem, hecticam inducit.

Labo-



Laboriosa vero propulsio , etiam successu sursum deorsumve intercurfante, nominatur cholera sicca.

In therapia evitari debent vomitoria fere semper , positiva purgantia acria, carminativa calidiora præmature data opiata, valde calefacientia, adstringentia, refrigerantia.

In therapia vero considerandum, an flatus in ipsis intestinis sedem habeant? an potius consensuali ratione oboriantur scilicet. puerperarum abortu, affectibus hypochondriaco-hysterico-hæmorrhoo-nephriticis, longinquis moliminibus, ubi scilicet magis primarii affectus tollendi.

In flatulentia vero simplici

1.) Occasiones flatuum evitandæ.

2.) Abdomen imprimis in paroxysmis calore naturali fovendum, ne tamen in perpetuo tali calore sensibilitas inducatur, cavendum.

3.) Alvus debite expedienda, cum regimine calido, præcipue per clysteres lenientes.

4.) Carminativa provide pro diversitate temperamenti adhibenda.

5.) Dextra medicamentorum subordinatio tam præservativa quam curativa imo post paroxysmos continuanda.

In conspirante magis flatulentia sunt hæmorrhoides, menses, in ordinem redigendi, hernia

hernia cautet tractanda , puerperis venter ligandus cum calore debito.

## Cap. IV.

### *Historia Tympanitidis.*

**F**æminis est familiarior quam viris & flatulentis.

Oritur in fæminis facile post abortum crebriorem , vel puerperia male tractata, vel emenstruis incommodis , affectibus hystericeis & diu perpeffis colicis; in Viris vero post hæmorrhoidum turbas, seu per mala regimina, five medicamina; porro in utroque sexu, ex potu frigido, vermibus, cibis crudis, flatulentis, acidorum abusu, quiete, somno, curis diuturnis, febribus diuturnis male tractatis.

Symptomata sunt murmura, rugitus, tensiones tanquam tympanum pulfaretur, circa umbilicum, ventriculi inflatio, habitus cachecticus, respirandi difficultas, virium & corporis languor & decrementum, urina pallida & cruda, interdum febrilis commotio.

Ructus concurrentes emisfi sublevant, suppressi vero tanto magis angunt.

Post sectionem anatomicam intestina flatibus distensa reperiuntur, unde hydrops fæccus vocatur.

Prægnosin exhaurit Schraderi Epiphonema in Prælect. in Aph. Hippocr. Sect. IV. aph.

XI. Qui tumet inflatus tympanitide, funus bajulat ille suum, ac tympanum velut gerit & pulsat, ad bellum cum morte ineundum, in quo tamen plerumque Tympanista succumbit.

Febribus vero male tractatis succedens nonnunquam curatur, præcipue in robustis & vegeta ætate.

In therapia male adhibentur fortiora purgantia, adstringentia, valde commoventia, multa terrea, narcotica, valde emollientia, relaxantia, carminativa calidiora, mercurialia, vulgaria martialia.

Magis prosunt resolventia, carminativa temperata, digestiva, amara, balsamica blanda, clysteres, laxantia, diuretica & tandem tonica.

A febre intermittente suppressa, maturam revocationem exposcit per digestiva & amara cum laxantibus.

Ex prægressis obstructionibus mensium & hæmorrhoidum itidem requirit harum tempestivam restitutionem & emendationem.

## Cap. V.

### *Historia Colicæ.*

**S**ubjectis magis evenit sangvineo-cholericis, floridis, phlegmaticis, pure cholericis, feminis quam viris, frequentior.

Distin-

Diffinguitur in colicam flatulentam, bili-  
ofam, hæmorrhoidalem, nephriticam, hys-  
tericam, convulsivam.

Causæ sunt hæmorrhoidum vel mensium  
turbæ, V. Stionet, scarificationes, purgationes  
adsvetæ omiffæ, mala puerperia, neglectus ab-  
dominis ligaturæ in his, intestinorum debili-  
tas, hæreditaria dispositio, podagra, arthri-  
tis repressæ, vermes, obstructio alvi etc.

Externæ magis sunt, cibi acres, acidi, te-  
naces, flatulenti, potus faculentus aut frigi-  
dus, vita sedentaria, exercitia immoderata,  
animi pathemata graviora, herniæ, in dispo-  
sitis & senibus refrigeratio abdominis, vel tan-  
tum pedum.

Signa sunt tormina vehementissima, du-  
rabilia, subinde recurrentia & ultra unum  
diem durantia circa & supra umbilicum, cum  
sensu modo torsionis, modo gravissimæ  
tensionis rupturam velut minantis, modo  
tremoris cujusdam & fremitus.

Undiquaque cum maxima anxietate, an-  
gustia, exterioris corporis refrigeratione &  
anxiis sudoribus frigescentibus.

Sæpe invadit sat repentino impetu, cum  
alvi occlusionem ab initio, & durante hac, in  
vomitum, vel aliquando in diarrhæam stre-  
nuam excurrit, cum levamine subinde.

Est & alia gravissima convulsivæ colicæ spe-  
cies, quæ ex fumis metallicis maxime Satur-  
ninis exoritur, vel a vinis, quibus lythargio



admixtum , & nominatur hütten Rag , hütten Krankheit.

Prognosis: Sæpius recurrens, ex levi causa exsuscitatur , & in habitum degenerat.

In magis idiopathica , obstructa communiter est simul alvus , tuncque etiam fere pertinacius & vehementius affligit.

Interdum vero concurrit cum alvi fluxu, quod præsertim in dysenteria velut essentielle est.

Vehementer coortæ colicæ conjungitur sæpius vomitus, qui valde suspectus est , & Ileodes : nisi occasionem sumserit a cibis paulo ante & quidem nimis ingestis , vel potu frigidioris largo.

In faminis, cum colica juncti fortes vomendi conatus , metum vomitus cruenti faciunt.

Singultus, ubi colicæ præter consuetudinem supervenit, diri ominis habendus est.

Anodinis, opiatís, perverse tractata, paralysis facile inducit.

Therapia haud secure fert emetica, purgantia fortiora, acida, narcotica, regimen coactum sudoriferum ante alvi apertionem, castoreum interne, carminativa calida, adstringentia, nimis relaxantia.

Conveniunt potius spasmus sedantia, clysteres, laxantia, discutientia, nitroso-temperantia, blanda carminativa.

Externe linimenta, sacculi, calor & focius abdominis:

Tandem Tonica, nervina conferunt.

Cap.

Cap. VI.

*Historia Passionis Iliacae.*

**S**ubjectis familiaris omnis ætatis & sexus.  
Sed admodum rarus affectus.

Causæ sunt, hernia incarcerata ob-  
structiones alvi pertinaciores, inflammati-  
ones intestinorum, valvulosæ protuberantiæ  
circa intestinum coecum, inversio intestino-  
rum, horumve implicatio, convolutio, assump-  
ta flatulenta, acria pharmaca. Venena, valvu-  
la coli relaxata vel constricta, stranguria;  
Hippocrrates Sect. VI. aph. 44. vehementes  
concusiones corporis, vermes etc. incusat.

Signa sunt, tormina atrocissima, hypoga-  
stricam regionem magis occupantia.

Concursant angustia, cardialgia, pro-  
pensio in lipothymias, sudor frigidus; quan-  
doque suspecta tussis, concurrente febrili  
motu, cum nausea, vomendi conatu, ructi-  
bus.

Quibus omnibus concurrit, tanquam signum  
pathognomonicum, vomitus stercoreus, cum  
perpetua prorsus & constante alvi occlusionem.

Ab initio vix a colica discernenda; inte-  
rim differt ab ea atrocitate dolorum, qua  
colicam longe superat.

In colica potissimum intestina crassa; sed  
in ileo intestinum ileon, & reliqua tenuia  
infestantur.

Sicque longe periculosior est quam colica.

Prognosis : per se malum calamitosum est; raro aliter finitur, nisi scybala tempestive excludantur alvi obstructio, ce et vel per auxilium artis auferantur.

Quando dolorum & vomitus fit repentina remissio, licet cum facum rejectione, maxime de vita metuendum est.

In therapia omnino evitari debent omnia emetica, violenta purgantia, nauseosa, acria commoventia, stomachica carminativa calida, Mercurialia suspecta, adstringentia, opiata, acida, incrasstantia.

In vera therapia profunt interna temperantia, nitrosa, lubricantia, clysteres emollientes.

In convulsionem intestinorum, deglutio globulorum plumbeorum, haustus mercur. vivi cum ol. amygd. dulc. & motu injuncto celeriore svaderi solet.

In hernia incarcerata, hujus scita repositio & alia convenientia, emollientia, clysteres &c. auxilio sunt.

Externe Spir. vini camph. erocat. sacculi discutientes &c. applicandi.

In statu plethorico quandoque V. S. locum habet.

Cap.

Cap. VII.

*Historia fluxuum alvi.*

- α) Diarrhoeæ. β) Cæliacæ. γ) Lienteriæ.  
δ.) Dysenteriae. ε.) Verminosi.

I. Fluxus alvi simplex.

**S**ubjectis magis humidis, certam vero periodum servans Sanguineis frequentior est.

Causæ sunt cibi crudi, dyspepti, pingues, potus fœculentus, refrigeratio, sudores matutini cohibiti; in sensibilibus ambulatio nudis pedibus, corpore præcipue calente.

Diarrhœa simplicior repetita liquida egestione absolvitur, non 3. vel .. sed 30. 40, sedibus per *πονημύρον* se exerens

Fit communiter sine evidenti sensu doloris alicujus, seu torminum, nisi ab externis causis provocentur: refrigeratione scilicet insveta, vel assumptis cum nausea & dyspeptis.

Et hic adsunt tormina intestinorum, lassitudo corporis, appetitus vacillans, superveniente siti & horripilatione. etc.

Prognosis: Diarrhœæ periodicae præcipue circa æquinoctia recurrentes, nisi turbentur, omnino sunt salutares.

Quando vero excedit, Solutio lvi vel minus frequenter recurrit, vel supprimitur, tandem facile affectus hypochondriacos & varia alia periculosa pathemata producit.



Quando vero inopportuno tempore invadit, mali ominis & exitus est, uti in hectica, pthtisi, scirrhis abdominis, malo hypochondriaco, hydrope &c. consummatis.

Quo plura acutiorum torminum conturrunt, item major desidendi conatus & frequentia, eo suspectior talis fluxus est complicationis dysentericæ, vel inflammatoriæ vel verminosæ &c.

In therapia nocent adstringentia præmatura, opiata, dulcia, vomitoria pro diversione, acria purgantia, nimis incrasstantia, stomachica præmature data, impellentia, communia specifica styptica, refrigerantia in- & externa.

Vere prolunt ad materiam mucosam incidendam & abstergendam digestiva, resolventia, colliquantia, præcipitantia, amara, pro diversitate temperamentorum.

Dentur laxantia, clysteres, & tonica cum securis sedativis ac carminativis conjungantur.

Diarrhæa periodica potius promovenda, per vina medicata quam alienis restringenda.

Minus interim consultum est, urgentes dejectiones alvinas nimis diu retinere; nam hæ retentiones ad suspectas, flatulentias & tormina contribuunt.

## 2. Lienteria & fluxus cæliacus.

Infantibus magis quam adultioribus frequentius est.

Passio

Mitior gradus dicitur passio cœliaca; major vero lenteria vocatur.

Disponit ad hoc malum vitium in diætâ commissum.

Signa fluxus cœliaci sunt cibi in pulticulam solum resoluti & rejecti;

Lienteriæ vero liquida dejectio, non tam crebra, sed post assumptos cibos promptius revertens, hosque nihil alteratos vel concoctos, sed uti ingesti sunt, rejiciens.

Concurrunt appetitus dejectio nausea, spasmodicæ stricture in intestinis, cardialgiæ.

Prognosis: Hunc affectum diu durantem facile insequitur tabes.

In corporibus cacochymicis sæpe in dysenteriam transit; in mulieribus prægnantibus perniciosus est hic affectus.

In therapia evitari debent purgantia, vomitoria, præmatura adstringentia, opiata, stomachica calidiora, salina copiosa, terrea largiora absorbentia usta.

Conveniunt abstersiva amara, resolventia, roborantia, temperantia, mitiora laxantia, pillulæ balsam: rhabarbarum.

Abstinencia à cibis admodum prodest, usque dum natura redeat in aliquem ordinem.

### 3. Fluxus hepaticus.

Subjectis Sanguineo . phlegmaticis, virilis

H h 4

sexus

sexus magis, hæc juvenibus & viris frequentior est.

In frigidioribus nationibus rarior occurrit uti per se infrequentior est.

Causæ sunt hæmorrhoidum anomalix, scirrhus hepatis constitutio, retardatus humorum progressus per venam portæ.

Signa sunt itidem liquida dejectio cum humore interfluente dilute sanguinolento, loturæ carniū instar, ut plurimum sine sensibili aliquo dolore, nisi sensu forte pressio-  
nistorminosæ mediocris in abdominæ.

Cum dextri quandoque hypochondrii inflatione, duritie & angustia, appetitus & virium dejectione, coloris naturalis mutatione, arido æstu, faucium siccitate &c. est conjunctus pluribus vicibus recurret vel per aliquot dies durat hic fluxus.

Prognosis: Hic fluxus haud adeo periculosus, nisi per tempus durans vires admodum prosterneat.

Si senes aut imbecilles corripiat, cachexiam vel hydropem & tandem mortem inducit, vid. Hippocr. VI. coac. t. 21.

In therapia evitari possunt purgantia drastica, præmatura carminativa, acria, martialia cruda, adstringentia, opiata, incrassantia, aloetica vulgaria.

In cura ita tractandus est, uti hæmorrhoidum suppressiones, temperantibus, abstergentibus, laxantibus, tonicis, amaris.

#### 4. Dysenteria rubra & alba.

Subiecta invadit facile sana plethorica, cholerică, & quando epidemia est, omnem sexum & ætatem.

Temporis ratio hic maximum momentum habet; scilicet medio Jul. August. præ aliis mensibus gras satur.

Sicuti inauditum est tempore, ab intemperatissimo uvarum usu aliud quicquam oriri, quam simplicem diarrhæam, non dysenteriam.

Augusto vero & Septembri frigidioribus & scioribus existentibus, minus de hoc affectu metus est, quam contra.

Causæ sunt porro austrina aeris constitutio, quando calor cum humiditate adest, potus largior frigidus, fermentescens, post ingurgitationem horæorum, iracundia, refrigerationes, contagium.

Signa sunt laxitas alvi, quæ frequentius & vehementius redit cum torsionibus abdominis, sedis morfu & stimulis.

Invalescit cito cum cæteris pathematibus debilitas singularis.

Langvent vires & appetitus, frigidula horripilatio extremorum præcipue cum aspectu morbido, conatus dejiciendi in tormina acria, ut conatus vacuos, sæpius abeunt.

Exit denique materia tenuis albuginea instar ovi olidi leviter flavescens & olens, quam



comitatur sanguis sincerus, dilutus instar loturæ carniū, vel cum striis & stigmatibus sanguineis, vel multo sanguine modo nigricante, modo dilutiore.

Adest commotio febrilis, & hæc, quo vehementior est, eo ferocius est malum, cum siti & urina ut plurimum pauca, tenesmo, ita, ut procidentia ani inde eveniat.

Signa albæ sunt deteriora & omnia symptomata acerbiora, cum præcipiti progressu, febre, exquisitiore siti, agrypnia &c.

Hæc exhibet mucum magis spissum subcinerei coloris stigmatibus solum pallidioribus sanguineis notatam substantiam, abraso mucō ex interiori intestinorum suillorum tunica sub manibus lanionum deciduo similem. Durat per 2. 3. 4. Septimanas ut plurimum.

Differt dysenteria a diarrhæa torminosa hæmorrhoidali, quæ mox a primo impetu sensim decrescit, & in qua excrementa non sunt ulcerosa.

a Dysenteria petechizantium; tales epidemice febres quandoque in tempora dysenteriodea incidunt.

a Dysenteria Parisiensi omnibus advenis familiari, quæ benignior est, nec contagiosa & segnior, ut etiam in publicum prodire possint ægri, & sine febre quovis anni tempore eveniens.

Prognosis: Appetitus æqualiter constans præ-

præstat, quam nausea imprimis contraria & augescens.

Pessimi ominis sunt inflammatio faucium, & aphthæ, ubi cum sonitu descendunt assumpta, mans follert bis in magen hinunter.

Singultuosæ dysenterix itidem mali ominis & plerumque eventus sunt.

Feliciter superata relinquit corpora obfirmata, torminibus & fluxibus alvinis non ita exposita.

Dysenteria summum gradum adepta, pestilens est. Et æmulatur variolas petechizantes febresque malignas;

Et hoc eo magis, quo magis febris urget, ubi gravioris est periculi; sicuti in hoc ferociente 1. 2. 3. septenario lethaliter exit;

Contra sub miti febre ad 3. 4. septenarium sine lethali exitu durare potest.

Alta peior est, quam sanguinea, idque magis, si cruentatio cum reliquorum symptomatum augmento desinat.

Dysenteria funeste exiens, quo magis enervati fuerunt ægroti, eo minus convulsiones accedunt; per adstringentia vero cohibita, ibi intereunt ægri sub convulsionibus gravioribus, & ordinarie diebus criticis.

In mortui vesicula fellea nunc vacua, nunc chylosa quasi materia loco bilis plena, ventriculus & intestina tenuia bile perfusa, abscessus in cystide fellea, ileon ulceratum, bilis colore gramineo cernitur.

Vomi.

Vomitum immediate post ingurgitationem fructuum succedens, subinde præoccupat malum; quando vero conatus vomendi magis, & admodum sero, accedunt, læsio potius in ventriculo prævalescens haud bonæ iudolis indicatur.

Dysenteria cachecticis, phthisicis, diuturnis animi perturbationibus maceratis, & in quibus vermes in intestinis hærent, plerumque fatalis.

Puerperis periculosa, nisi febris & aliæ mali accessiones absint.

Dysenteria gravidis ante partum quandoque salutaris observata, & post partum plerumque liberantur Teste Hippocr. Sect. 2. prædicit Text. 30. & lib. V. Epid. Text. 33. Lib. VII. Epid. Text. 43.

In Therapia caveri debent, indiscretus vomitoriorum usus, præcipue ubi febris est præsto; item purgantia stimulantia drastrictica, V. S. nisi in admodum plethoricis, adstringentia præmatura, styptica, opiata, refrigerantia in- & externa, absorbentia terrea, balnearia, Saturnina, incrasstantia copiosa, valde impellentia concentrata, dulcia, aloetica incorrecta, lacticinia, regimen sudoriferum.

Fiat potius materiæ corruptæ per catartica quam corrumpentis per diapnoica evacuatio.

In leniori malo illam præstant Rhabarbarina, hanc vero Theriac. Pil. Becch. Cort. Chaccharillæ

rillæ sub noctem & sub primum mane adhibenda.

Tonica sub mitioris mali initio sufficiunt ex rad. Torment. coralliis Spec. de Hyacinth. Decoct. carvi.

Optimum mitigans est gummi arabicum largius datum.

Lentescente impetu locum habent subadstringentia, fruct. sorbi maj. exsiccati, Sanguis draconis etc.

Specifica a quibusdam landantur priap. cerv. hepar serpentis, smaragd, fungus sorbi aucupariæ, Eber asche.

Radix Ipecacuannæ sæpius votis non respondet

Amuletica prædicantur radices Pseudoacori, plantag. aquat., colchic.

Alexipharmaca temperata, sæpe repetita parca desunt, profunt.

Potus semper sit calidus vel bene tepidus.

Si sine febre sit, quam minimum bibisse præstat; & contra, si febris conjuncta.

## 5. Febris Dysenterica.

Satis se prodit tum febrilibus symptomatibus præcipuis, tum magis magisque increbescente contagiola grassatione.

Invadit sæpe cum horrore & frigore, & est deterior. Quæ enim dysentericiæ citra febrile ini-



initium exortæ demum superveniunt & accedunt, minoris fere sunt periculi.

Adest sitis & non iniusta bibendi cupido, omnia tamen etiam potulenta cito rursus excernuntur, & urina prodit parca, rara, imo sæpe per plures dies nulla, cum eximiis incommodis.

Prognosis: Febri huic λειπωτικὸν illum statum accidere, ut nempe exterioribus frigescentibus interiora valde urantur, in pessimis est signis.

Vermes in febre dejici nunquam pro bono signo haberi sivevit; sollicite tamen perpendendum, an hic fluxus magis veluti sponte, & ab ipsius febrilis materiæ ad intestina tendentis malitia fiat; an vero potius ex medicamentorum præcipue myrrhatorum energia.

In therapia præstat hujusmodi febrem, tracta simpliciter ut febrem & conjunctum fluxum quasi negligere.

Revera enim fluxus, quæ tatis nihil adeo magni habet momenti, quippe non raro per aliquot septimas sine vitæ periculo continuat.

Omni modo hic largiter bibere præstat, modo non jugibus haustibus, neque frigidum potum vel fermentescentem, sæculentum, neque potentialiter calidum & spirituosum.

Vinum tamen in Dysenteria sæpissime salubre deprehenditur, præcipue in jam valde progressa, neque ipsa febre adeo præferenda.

Tur-

Turbata & exacerbata talis febris paucissimis diebus funesta est.

Ab adstringentibus alvi cohibitioni graves succedere cardialgias pessimum est; sicut etiam vomitus, qui tamen cardialgias solvunt.

## 6. Vermes.

Adfligitur frequentius ætas infantilis puerilis, raro adultiores, nisi temperamenti corporis cachectici, mucosi, & fæminæ mensium obstructione laborantes.

Causæ sunt cibi crudi, tenaces, dyspepti, præprimis in pueris addephagis, dulcia, saccharata, infectio nutricum & vetularum, cibos infantum masticantium.

Indubia eorum præsentia vix cognoscitur ante actualem aliquando factam excretionem, postquam aliqua vaga pathemata abdominis percepta fuerunt torminosa tenesmodea.

Certiora vero signa sunt, si jejuno stomacho vel hoc minus gratis eduliis saturato, hoc incommoda in abdomine augescant, gratioribus vero cibis imprimis lacticiiniis conquiescant.

In puerili ætate porro vultus est pallidus, & jejuno stomacho non solum multa sputatio, sed frequens jejuna nausea vomibunda, quæ limpidus salivalis liquor copiose affluit, vulgo : die Würmer befeuchen sie. Concurrer

rente communiter perpetuo multa mucositate fluida e naribus cum pruritu insigni.

Genæ modo rubent, modo pallent, sitis adest matutina, oculorum livor, alvus modo obstructa, modo laxa.

Concurrunt non raro gravia & insolita pathemata dolorifica vel plane convulsiva, epileptica, variæ temporariæ inflationes, indurationes, interdum & retractiones abdominis circa umbilicum, flatulentia convulsivæ, bombi (knollen im Leib) crepitationes &c. pavores sub somno cum repentinis ejulatibus de dolore in abdomine circa unum magis locum digito designabilem.

Stridores dentium sub somno stredientium, nullo dentitionis tempore.

Imo (imprimis in adultioribus) deliria, febres anomalæ cum abdominis pathematibus, cum maculis cutaneis, decolorationibus icteroideis.

Differunt vermes inter se; nunc sunt

Lumbrici proprie dicti, nempe longiores teretes vulgatiores, & inferunt incommoda magis in tenuibus intestinis, nec raro in ipso ventriculo.

Ascarides circa coli & recti orificia.

Lumbricus latus late per abdomen, rarior est, præcipue adultis sicut & cucurbitinus.

Prognosis: Verminosa colluvies gravia sæpius symptomata in junioribus & adultioribus inducit.

In

In morbis chronicis, ut malo hypochondriaco, hysterico, hæmorrhoidalibus motibus &c. imo in acutis semper morbum tanto graviores reddunt & deteriorant.

Lumbrici in ventriculo hospitantes, plus negotii faciesunt, quam si in intestinis hæreant; pessimum tunc symptomatum auctores observantur.

In acutis, si in statu vel incremento morbi excernantur, semper pro malo omine & signo malignitatis habentur.

Ascarides sunt quidem gens pusilla, sed expugnatio difficillima, & licet sint expulsi, mox nova proles ex ovulis in intestino recto depositis nascitur. Hinc non statim a remediis abstinendum est.

In therapia Vermium raro quadrant acrimia resinosa purgantia, vitriolacea, venerea, valde acrimia vellicantia, mercurialium præcipue corrosivorum excessus, aloetica minus correctæ, opiata, dulcia nimia.

In therapia vera generalis regula bene observanda est: Quod fere nunquam vermibus enecantia remedia sola danda, sed semper cum purgantibus combinanda sint.

Sic specifica amara, interpositis abstergentibus laxantibus, mercurio dulci & aliis: externe vero similiter amara bilis tauri, myrrha, aloë, crocus &c. quandoque clysteres dulcificati adhibeantur.



## 7. Herniæ.

Bronchocele, seu hernia gutturalis, sive struma adjacet anteriori parti colli: magis aquarum climatis certæ dispositioni, quam internæ causalitati debetur, excepto casu, qui a nisu partus intensiore suboritur.

Herniæ ventosæ & aqvosæ diagnosi patet

1.) Ex tactu & tractatione scroti, quibus aquæ contentæ ponderositas ab aeris summa libertate facile discernitur.

2.) Adspectu in loco tenebroso, ad lumen candelæ, ubi ab aere major, ab aqua minor est diaphaneitas.

3.) Ventosæ communissime repentinum, aqvosæ (nisi ascites concurrat) tardius incrementum est.

4.) Denique ventosæ frequentior & familiarior veluti alterans aliquando remissio seu imminutio, aliquando intensio, semper tamen æqualior per totam capacitatem expansio; cum contra aqvosæ rarior est imminutio, & si imminuatur, in reliqua parte sensibilis inasinitio atque laxitas.

## Hernia Intestinalis.

Frequentior infantibus & pueris junioribus: Fæminis umbilicalis & inguinalis:  
Adultis

Adultis semper difficilior status, præprimis quando increbescit.

Causæ sunt in infantibus ut plurimum clamores vehementiores, ejulatus: in aliis alvi obstructio pertinacior, violentæ contusiones, ponderum gestationes, difficilis partus, balneorum immoderatus usus, exercitia vehementiora, tussis, vomitus, hæreditaria dispositio.

Dignoscitur partim ex conditione loci, ubi nempe tam umbilicalis potest esse quam inguinalis:

Partim ratione tactus, ubi intestina in herniam prolapsa molliorem tactum præbent.

Partim ratione alternationis modo immittionis, modo reditus.

Dum videlicet communissime, nisi valde spatiosa sit hernia, tempore decubitus nocturni, præsertim post solidum pastum intestina tota vel maximam partem intra abdomen recedunt.

Hernia inguinalis est, quando circa lineam albam vel processus vaginales & inguina intumescencia oritur.

Rariora sunt exempla herniæ lateralis vel in medio abdomine, supra vel infra umbilicum in longitudinem fissuræ lineæ albæ.

Hernia omentalis seu Epiplocele & varicosa s. cirrocele tactu maxime dignoscuntur,

dum omentalis duriuscula & æqualior;  
varicosa vero valde mollis & anfractuosa  
deprehenditur.

Illa enim communissime in summa scroti  
parte incipit, & magis versus abdomen  
velut dilatata sentitur; hæc vero contra a  
testiculo versus abdomen sursum potius  
gracilior fieri sentitur.

Hæc igitur omnino continuitatem affert  
cum testiculo; illa non item.

## FINIS.

Tomus posterior in futuras nundinas reser-  
vatur.

Index

Capitum ac Rerum  
**MEDICÆ HISTORIÆ,**

in qua agit

Pars I.

de

Habitu ac Natura morborum in genere

Cap. I.

Historia medica ex natura ac diversitate Sub-  
 jectorum.

Cap. II.

- Statu ac differentia causarum.

Cap. III.

+ - Habitu ac natura animi pathematum.

Cap. IV.

- . Statu ac natura Consuetudinis.

Cap. V.

- - Sensibilitate naturæ.

Cap. VI.

- - Natura temperamentorum.

Cap. VII.

- - Ætate, in specie 1. Infantum  
 2.) Senum.

Cap. VIII.

Historia morborum Habitualium.

Cap. IX.

- . Hæreditariorum

Cap. X.

- - Corruptorum.

) (

Cap.



	Cap. XI.
- -	Periodicorum.
	Cap. XII.
- -	Incurabilium.
	Cap. XIII.
- -	Recidivantium.
	Cap. XIV.
- -	Criticorum.
	Cap. XV.
- -	Retrogradorum.
	Cap. XVI.
- -	Endemiorum.
	Cap. XVII.
- -	Climactericorum.
	Cap. XVIII.
- -	Imaginariorum.
	Cap. XIX.
- -	Temporium.
	Cap. XX.
- -	Dependentium.
	Cap. XXI.
- -	Avtocratia.

## HISTORIÆ MEDICÆ

### Pars II.

#### Morborum historia Specialis.

#### *Sect. I. Historia februm, uti Anomalie pulsus.*

e. 1. - - in genere.

e. 2. - - epidemica maligna.

- c. 3. . . . petechialis malignæ
- c. 4. . . . pestis.
- c. 5. . . . variolarum & morbillorum
- c. 6. . . . biliosarum.
- c. 7. . . . inflammatoriarum in gen. & spec.
- c. 8. . . . Catarrhalis.
- c. 9. . . . Lentæ & hæcticæ.
- c. 10. . . . ephemeræ, continentis ac  
synochæ
- c. 11. . . . purpuratæ.
- c. 12. . . . Compositæ ex acuta ac In-  
term. periodo.
- c. 13. . . . secundariæ ac symptoma-  
ticæ.
- c. 14. . . . Intermittentium in genere  
ac specie.
- c. 15. . . . tertianæ simplicis ac du-  
plicis.
- c. 16. . . . quotidianæ.
- c. 17. . . . quartanæ.

*Seçt. II. Anomalie toni.*

**Membr. I. Historia Hæmorrhagiarum.**

- c. I. . . Status hæmorrhagici in genere  
quoad
  - a. internas & externas.
  - b. insolitas d. incongruas,
  - c. naturales f. artificiales.

*Cap. II. Historia hæmorrhagiarum speci-  
alis narium a. simplicis.*

- b. criticæ c. phlegmatorrhagiæ.
- c. III. . . . Hæmoptyses.

- c. IV. - - Vomitus cruenti ac nigri.  
 c. V. - - hæmorrhoidum in genere  
 & specie, in & externarum.  
 c. VI. - - Uteri in genere ac specie 1.  
 excessus 2. defectus 3.  
 emanationis 4. per vias insolites 5. Finis 6. Lochiorum,  
 c. VII. , - mictus cruenti.

**Membr. II. Historia motuum hæmorrhagicorum, seu morborum consequentium.**

**Pars Generalis.**

**Cap. I. Historia congestionum.**

- II. - Rheumatismi.  
 III. - Inflammationum in genere  
 IV. - - specie 1. Erysipelatis 2.  
 phlegmones 3. apostematis.  
 4. gangrænæ. 5. sphaceli.  
 6. ulceris. 7. Furunc. 8.  
 carbunc. 9. Scirrhi 10.  
 canceri.  
 V. - Dolorum in genere  
 VI. - Motuum humorum spasmodicorum in genere  
 VII. - - - - specie  
 1) arthritidis  
 2) podagræ.  
 3) mali Ischiad.  
 4) varicum  
 5) convulsionis.  
 6) Epilepsiæ.  
 c. IX.

c. IX. Historia defectus motuum in genere.

- in Specie 1. Virium. 2. paralyseos.
- 3. apoplexiæ. 4. Syncopes.
- 5. Lethargi. 6. Deliriorum
- 6. Memoriae læsæ.

Pars III. Specialis historiæ motuum hæmorrhagicorum.

*Cap. I. Historia congestionum ad Caput:*

- Art. 1. Cephalalgia. 2. Cephalæa 3. Gravedinis. 4. Ophthalmia. 5. Odontalgia. 6. Otagia. 7. Hemicrania.

*Cap. II. - Congestionum ad pectus, ubi*

- Art. I. Tussis sicca & humida  
 II. Asthma humidum, siccum, convulsivum.  
 III. Scirrhus pulmonum, IV. Vomica pulmonum. V. Phthisis VI. Angina VII. Catarrhus suffocativus.

*Cap. III. - Et motum Sanguinis ad abdomen.*

- Art. 1. hæmorrhoidum ac vomitus cruenti confectaria.

- Art. 2, 1) Morbi venæ portæ in genere ac specie.

α Cardialgia. β Colica spasmodica.

γ Malum hypochiacum δ Induratio viscerum.

- Art. II. Renum hæmorrhagiæ confectaria

α. Nephritis β Calculus γ ulceratio.

- Art. III. Uteri hæmorrhagiæ confectaria.

α Passio hysterica β Fluor albus.

γ. at-



γ. affectus Gravidarum, Puerperarum  
etc.


*Sect. III. Historia morborum lymphalium*


- c. I. - - oedematis  
2 - - hydropis  
3 - - Cachexiæ.  
4 - - Stranguriæ, Dysuriæ, Ichu-  
riæ, diabetis.  
5 - - Scabiei.  
6 - - Scorbuti.  
7 - - Luis venereæ.

*Sect. IV. Historia morborum Intestina-  
lium.*

- 1) - Atrophix.  
2) - Addephagix.  
3) - Flatulentix.  
4) - Passionis Iliacæ.  
5) - Fluxuum alvi & Diarrhææ &  
coeliacæ. γ Lienteriæ. δ dysen-  
terix. ε Vermium, ζ. Herniæ.







IO. SAMVELIS CARL

# HISTORIA MEDICA

ET QUIDEM

TOMVS POSTERIOR

CONTINENS

HISTORIAM MORBORVM

INDIVIDVALEM

ET

HISTORIAM

COGNATIONIS MORBORVM

EXEMPLAREM

EX

FORESTO.

---

HAFNIAE

IMPENSIS IACOBI PREVSSII.



THE HISTORY OF

THE ROMAN

REPUBLIC

BY

JOHN BURNETT

OF THE

UNIVERSITY OF

OXFORD

IN TWO VOLUMES

LONDON

# I N D E X

## Partis III. Historiæ Medicæ.

### SECTIO I.

#### Casus Morborum internorum.

1. Febris catarrhalis maligna petechiz.	pag. 3
2. Variolæ & morbilli	4
3. Febris cholericæ	5
4. Angina inflammatoria	ibid.
5. Peripneumonia vera	6
6. Pleuritis cum febre continua	7
7. Febris erysipelacea	9
8. Purpura alba	ib.
9. Phrenitis	10
10. Nephritis simplex	11
11. Nephritis calculosa	ib.
12. Febris catarrhalis benigna	12
13. Ephemera	ib.
14. Febris Synochus.	13
15. Lenta ex Synocho	ib.
16. Phthisis	14
17. Vomica pulmonum	15
18. Tertiana suppressa	16
19. Tertiana	ib.
20. Febris intermitt. quotidiana	17
21. Febris quartana	ib.
22. Hæmorrhagia narium	18
23. Hæmorrhagia narium suppressa in congestionibus transiens	19
24. Hæmoptysis	ib.

25. Hæmoptysis suppressa in corruptiones pectorales transiens	pag. 20
26. Vomitus cruentus	21
27. Hæmorrhoides	ib.
28. Hæmorrhoides suppressæ	22
29. Hæmorrhoides cæcæ tumentes	23
30. Mictus cruentus	ib.
31. Rheumatismus	24
32. Dolor rheumatico-darsalis	ib.
33. Rheumatismus s. dolores spasmodici	25
34. Menses nimii	ib.
35. Mensium suppressio	26
36. Idem	ib.
37. Hæmorrhagia uteri ac abortus	27
38. Lochia nimia	28
39. Lochiorum suppressio	29
40. Lochialis febris	ib.
41. Debilitas virium a lochiorum repur- gatione	30
42. Cephalalgia	ib.
43. Palpitatio cordis	31
44. Cephalæa	32
45. Tinnitus aurium	33
46. Susurrus aurium	ib.
47. Surditas	ib.
48. Eadem	34
49. Odontalgia	ib.
50. Asthma spasmodicum	35
51. Asthma siccum	ib.
52. Asthma periodicum cum tumore scroti & pedum	36
53. Ca-	

53. Catarrhus suffocativus	pag. 37
54. Cardialgia syncoptica	38
55. Cardiognus	ib.
56. Colica hæmorrhoidalis	39
57. Malum hypochondriacum	40
58. Idem	ib.
59. Icterus	41
60. Commotiones spasticæ hypochondr.	ib.
61. Arthritis cum passione hysterica	42
62. Malum ischiadicum	43
63. Dolor dorsi	44
64. Dolor ischiadicus	ib.
65. Pleuritis spuria	45
66. Podagra	46
67. Epilepsia	47
68. Hydrops	48
69. Cachexia a mensium suppressione	ib.
70. Idem	49
71. Oedema pedum	ib.
72. Leucophlegmatia	50
73. Clorosis	51
74. Dysuria	ib.
75. Incontinentia urinæ	52
76. Raucedo & tussis	ib.
77. Raucedo	ib.
78. Scabies humida	53
79. Scabies ferina scorbutica	ib.
80. Scabies in dextri hypochondrii regione fluens	54
81. Lues Venerea	ib.
82. Gonorrhœa virulenta	56



83. Stomacace	pag. 57
84. Vertigo	ib.
85. Dysenteria	ib.
86. Eadem	58
87. Diarrhœa	59
88. Eadem	60
89. Tenesmus cum procidentia ani	ib.
90. Soda	ib.
91. Delirium	61
92. Apoplexia sanguinea	62
93. Apoplexia incompleta	63
94.	ib.
95. Paralyfis	ib.
96. Paralyfis linguæ post hemiplegiam	64
97. Syncope	65
98. Alvi obstructio ad miserere mei inclinans	ib.
99. Passio iliaca	66
100. Sterilitas	ib.
101. Hernia incarcerata	67
102. Vomitus gravidarum	68
103. Diarrhœa grvida	ib.
104. Alvi adstrictio gravidæ	69
105. Varices gravidæ	ib.
106. Partus difficilis	ib.
107. Abortus	70
108. Hæmorrh. uteri post abortum nimia	ib.
109. Febris inflammat. lochialis	71
110. Febris miliaris	ib.
111. Dolores abdominis puerp. a potu frigido	ib.

112. Secundinæ retentæ	pag. 72
113. Dolores post partum	ib.
114. Maturus robustorum infantum post partum obitus	ib.
115. Convulsiones infantum recens nator.	73
116. Infans neo-natus mortuus apparens s. ἀναισθησία ejus	ib.
117. Icterus infantum	74
118. Deglutiendi difficultas	ib.
119. Retentio meconii	ib.
120. Diarrhœa	75
121. Oppletio pectoris asthmatica	ib.
122. Ejectiones calculosæ	ib.
123. Achores	76
124. Alvi siccitas	ib.
125. Asthma	ib.
126. Febris cum vomitu	77
127. Atrophia	ib.
128. Paralyfis ab achoribus exsiccatis	ib.
129. Dentitio difficilis	78

## SECTIO II.

### Casus Chirurgici.

1. Arteriæ vulneratio in radice manus	78
2. Vulnus supra flexuram cubiti	79
3. Tumor sanguineus ex allisione	ib.
4. Tumor genæ persistens	80
5. Ex collisione suræ sugillatio, stasis, tumor	81
6. Tumores in scapulis ex ictib. fustium.	82
7. Tumor hernialis in inguine.	ib

8. Femur ex contusione exulceratur.	pag. 83
9. Tibiæ exulceratæ.	ib.
10. Abscessus in cubitu ex metastasi sca-	
biei	84
11. Femur læsum	85
12. Ex calcitracione equi ad malleolum	
inflammatio, gangræna & sphace-	
latio	ib.
13. Morfus equi in cubito cum inflam-	
matione & gangræna sphacelosa	86
14. Ex achoribus repressis in maxilla ab-	
scessus	87
15. Tubercula rubra in facie	88
16. Ex terrore mammæ durities & in-	
flammatio	ib.
17. Nodus mammæ difficiliter suppura-	
scens & mali moris	90
18.	ib.
19. Combustio brachii	91
20. Perniones pedum	92
21.	ib.
22. Fistula in cantho oculi	93
23. - ani	94
24. Vulnus a cane morsum mali moris	95
25. Vulnus in pede ex forfice mali moris.	96
26. Meliceris	97
27. Polypus narium	98
28.	ib.
29. Panaritium	99
30. Cruentatio gingivarum	100
31. Tinea	ib.
32. Vul-	



32. Vulnus in pudendis	pag. 100
33. Oculorum ardor	101
34. Pterygion cum panno	ib.
35. Lippitudo oculorum	102
36. & 37.	103
38. Ganglium	ib.
39. Uteri prolapsus	104
40. Cancer labiorum	ib.
41.	ib.
42. Empyema	105
43. Oedemata pedum	ib.
44. Dislocatio humeri	106
45. Fractura ossis humeri	ib.
46. Depressio cranii in fronte	107
47. Globuli explosio in tendinem del- toidis	ib.
48. Epiplocele	108
49. Hernia scrotalis	ib.
50. Scirrhus testiculi	109
51. Tumor scroti	ib.
52. Hernia inguinalis	110
53. Scirrhescentia glandularum ingui- narium	111

## I N D E X

### Partis IV. Historiæ Medicæ.

#### Specimen I.

*Petri Foresti.* 1. Ratione temperamenti  
sanguineo-cholericus est a) major sensi-  
bilitas, b) motus anomali, c) contagium  
\* 5 facile.



facile. 2. Ratione ætatis a) puerilis vermes, b) juvenilis stranguria, ischuria, incubus, cephalalgia, odontalgia, catarrhi, febris anginosa, cephalæa, malum hypochondriacum, febris tertiana, cardialgia, febris epidemica. c) Virilis & senescentis, hæmorrhoides, nephritis, regurgitatio ad superiora, febris ephemera, lenta, synocha, colica, rheumatismus, pestis, pleuritis, spuria, febris continua, stranguria, dysuria. pag. 113-132

Spec. II.

*Jordanus Forestus, pater.* 1. Ratione ætatis junioris quæriti solum de multis verrucis. 2. Consistentis de hæmorrhoidum turbis ac tumoribus. 3. Senilis de fluxu hæmorrhoidali, quartana, tabes.

133-135

Spec. III.

*Theodorus Forestus.* Laborabat ex temperamento sanguineo-melancholico colica, cephalalgia, sputo cruento, malo hypochondriaco, ventriculi atonia, flatulentia, febre tertiana, catarrho, febre lenta, hectica, maligna transiente in tertianam, capitis tremor.

136-139

Spec. IV.

*Nannius Forestus.* Ægrotabat 1. in ætate juniore vertigine, syncope, cardialgia, vomitu, quotidiana. 2. In consistente tremore manuum, memoriæ læsione.

3. In

3. In senili palpitatione cordis.

pag. 139-141

Spec. V.

*Johannes Heuterus.* In juventute febris synocha, lichenes, tertiana. In virili ætate quartana, hæmorrhoides cæcæ, & fluentes, excoriatio cruris, impetigo, podagra, inflammatio, abscessus. In senio hydrops.

142-145

Spec. VI.

*Jacobus Heuterus, frater Joh. Heuteri.* Ratione constitutionis erat singularius sensibilitatis, & ratione hæreditatis & temperamenti hæmorrhoidarius, inde malum ischiadicum, succedit febris inflammatoria, quæ malum ischiadicum solvit. Accedit hemicrania, dolor sub femore, hernia humerosa, cardialgia, molimina hæmorrhoidalia, & fluxus ipse, qui cardialgiam solvit.

146-149

Spec. VII.

*Theodorus Teylingius.* Erat in hoc hemicrania quotannis, febris erratica accedit, tertiana epidemica, icterus, scabies, hernia intestinalis.

150-152

Spec. VIII.

*Andreas Wilhelm de Oostboren.* Notabatur in hoc cita alvi dejectio, lenteria, fluxus coeliacus, melancholia, febris lenta, hectica, diarrhœa colliquativa, tussis hectica, febris putrida.

152-155

Spec.

Spec. IX.

*Egbertus Monachus.* Diarrhœa, melancholia, quartana post tertianam, cephalalgia, catarthus. 155-157

Spec. X.

*Dn. de Abbenbrock.* In ætate juniore rheumatismi, magis accrescente pulmonum vitia, vomica; in virili arthritis, gonagra, podagra, calculus, hæmorrhoides, suppressæ, hæctica, mors. 157-160

Spec. XI.

*Hædrianus Alowinus.* Ephemera, synocha, morbilli. 160-162

Spec. XII.

*Theodorus Allardus.* Malum ischiadicum, coma somnolentum, apoplexia lethalis. 162-164

Spec. XIII.

*Guilhelmus Brasserius.* Dysenteria, scorbutus, vertigo, apoplexia. 164-166

Spec. XIV.

*Sasbotus.* Diarrhœa, scorbutus, quartana, cynanche lethalis. 166-167

Spec. XV.

*Johannes Sasbotus.* In senio mictus cruentus, vertigo. 168

Spec. XVI.

*Juvenis innominatus.* Hæmorrhagia narium, pleuritis, mania. 169

Spec. XVII.

*Jac. Progenus.* Vertigo, hæmorrhoides. 170  
Spec.

Spec. XVIII.

*Petrus Ratro.* In ætate juniore frequentior nephritis, calculus renum; in seniore mictus cruentus, febris inflammatoria, hæmorrhagia narium, mors. 171. 172

Spec. XIX.

*Joh. Albertus.* Icterus, hydrops, febr. synocha, pleuritis, peripneumonia lethalis. 173

Spec. XX.

*Simon Wiggerus.* Arthritis, colica hæmorrhoidalis, paralyfis, febris quotidiana, arthritis succedunt. 174

Spec. XXI.

*Joh. Neoburgius.* Hunc successive invadunt arthritis, podagra, rheumatismus, flatulentia, epilepsia, apoplexia lethal. 175. 176

Spec. XXII.

*Jod. Franciscus.* Vertigo, melancholia, pleuritis, syncope, vertigo, cephalalgia, narium hæmorrhagia, epilepsia lethalis. 177-179

Spec. XXIII.

*Præpositus Venerandus.* Calculus, epilepsia. 179. 180

Spec. XXIV.

*Franc. Daystius.* In juventute catarrhi, gravado, cephalalgia; in senio apoplexia, paralyfis. 181. 182

Spec. XXV.

*Patricius.* In juventute catarrhus, rheuma, tussis; in virili ætate asthma; in senio apoplexia, paralyfis. 183. 184

Spec.



Spec. XXVI.

In juniore ætate hæmorrhagia narium; in virili hæmorrhoides, hæmoptysis. 185. 186

Spec. XXVII.

*Andr. Petr. Sellius.* Malum ischiadicum, asthma humidum. 186. 187

Spec. XXVIII.

*Bald. Kirchwernius.* Tertiana duplex, colica f. & hæmorrhoidalis. 187. 188

Spec. XXIX.

*Nob. de Benthufen.* Narium hæmorrhagia, oculorum vitia. 188. 189

Spec. XXX.

*Boc. Jud. Franciscus.* Hæmorrhagia narium, cynanche. 190. 191

Spec. XXXI.

*Barth. Teylingius.* Hæmorrh. nar. cephalalgia, asthma hum. 192

Spec. XXXII.

*Corn. Alckmarius.* Balbus, stultus, diarrh. catarrhus, pleuritis. 193. 194

Spec. XXXIII.

*Corn. Zuzius.* Arthritis, hæmorrhoides fluentes, tertiana, podagra, hæmorrhoides. 195-197

Spec. XXXIV.

*Christianus Musicus.* Pestis, bubo, impetigo, fistula ani, hæctica. 197-199.

Spec. XXXV.

*God. Pet. Beaumont.* Febris epid. mal asthma, tussis, febris lenta, vomica. 200. 201

Spec.

Spec. XXXVI.

*Henr. Henrici.* Calculus, tertiana notha,  
mictus cruentus, rheumatismus, calculus  
recurrens, mors. 202-206

Spec. XXXVII.

*Melch. Gerhardi.* Catarrhus, cephalalgia,  
ulcus vesicæ, calculus, cachexia. 206.207

Spec. XXXVIII.

*Monachus Francisc.* Erysip. faciei, catarrhus,  
tussis, sputum cruentum, hernia, dysuria,  
tenesmus. 208. 209

Spec. XXXIX.

*Nic. Guilb. Consul.* Febris epid., pleuritis,  
ulcus in crure, tertiana. 209.210

Spec. XL.

*Nic. Halsus.* Variolæ, ophthalmia, ptery-  
gium, scabies, ulcera crurum. 211

Spec. XLI.

*Pet. Bronckhorst.* Tussis, catarrhus, cephal.  
grav. peripneum. 212. 213

Spec. XLII.

*Pet. Saffinius.* Dysenteria epid. hemicra-  
nia. 214. 215

Spec. XLIII.

*Petr. Candidus.* Hæmorrhoides, hydrops,  
hæm. rec. & hydrops reversus. 215. 216

Spec. XLIV.

*Princ. Aur.* Febris tertiana, quartana, me-  
lancholia, febr. maligna, catarrh. angina.  
217. 218

Spec.

Spec. XLV.

*Simon Hackonis.* Diarrhœa, apoplexia, hemiplexia, febris vulneraria, urinæ obstructio, hæmorrhoides, diarrhœa. 219. 220

Spec. XLVI.

*Zythepſa Delphicus.* Erysipelas faciei, vertigo, tinnitus aurium. 221. 222.

Spec. XLVII.

*Nauta Delphenſis.* Febris, hectica, lienteria, mors. 222. 223

Spec. XLVIII.

*Dn. de Bernicort.* Diarrhœa, dysenteria, hectica, mors. 223

Spec. XLIX.

*Senes tres.* Apoplexia, paralyſis, melanch. 224

Spec. L.

*Amalius Nobilius.* Catarrhus, cephalalgia, apoplexia, paralyſis, mors. 225

\* \* \*

Specimen I.

*Eva Teylingia, uxor Pet. Foreſti.* Menſium fluxus prodig., ſuor muliebris, pica, tertiana, paſſio hyſterica, uteri inflammatio, parulis, epulis, hemicrania, oculor. rubor, ſtupor manuum, clavus hyſtericus, tuſſis. 226-232

Spec. II.

*Gertr. Bartholdi.* Cardialgia, colica, tertiana epidemica, mola, lochiorum exceſſus, menſium reſtrictio, melancholia hypochondr. cephalalgia. 232-235

Spec.

Spec. III.

*Anna Ivonis, uxor Barth. Simonis.* Febris acuta, diarrhœa critica, mola. 236-238

Spec. IV.

*Barb. Zuzia, uxor Heuteri.* Cephalæa, dysuria, infarctus lienis, hydrops ascitis, hydrops recurrens iterum, iterumq; mors. 239-242

Spec. V.

*Anna Zuzia.* Cephalalgia, lippitudo. 242

Spec. VI.

*Domina de Asperen, f. de Cornes.* Dysenteria, calculus, cordis palpitatio. 243. 244

Spec. VII.

*Barthilda, uxor Barth. Teylingii.* Asthma, apostema, abscessum, icterus, quartana, icterus niger. 245-247

Spec. VIII.

*Berendrechtia Matrona.* Hæmorrhoidum dolor in parturiente, exomphalon, ileon, recurr., iterum iterumque, mors. 248-250

Spec. IX.

*Cath. Jac. Florent. Teylingii.* Malum ischiadicum, nephritis, mictus cruentus, difficilis partus. 250-251

Spec. X.

*Cornelii Johannis uxor.* Cachexia, menses prodigi. 252

Spec. XI.

*Eva Teylingia cognata.* Scabies, passio hysterica. 253. 254

Spec. XII.

*Guilh. de Oostboren.* Calculus, arthritis, febris,  
\* \*



bris, febris acuta, nephritica. 255. 256  
Spec. XIII.

*Hornana mulier.* Apoplexia, asthma, catarrhus, paralyfis, vesicæ, memoriæ læsio, febris solv. paralyf. peripneum. 257-259  
Spec. XIV.

*Hester Matrona.* Lienis obstructio, febris tertiana epid. cancer mammarum occultus. 260. 261

Spec. XV.

*Iusta Teylingia.* Malacia, paralyfis lateris finistri, visus debilitas, febris acuta, diabetes, symptomatica, tabes, mors. 261-263  
Spec. XVI.

*Kerckwernia matrona.* Nephritis calculosa, renum dolor, menses dolorifici continui, diarrhœa, tenesmus, hæmorrhoid., odontalgia, fistula, tert. notha, icterus. 263-265  
Spec. XVII.

*Maria Gerhardi.* Cholera, syncope, mensium obstructio, ventris tormina, coarum dolor. 266. 267

Spec. XVIII.

*Maria Petri Sasboti.* Pica, variolæ in gravida, crusta foeda, rubedo oculorum, passio hysterica, partus difficilis, inflammatio, abscessus maxillæ, odontalgia, dysenteria contagiosa. 267-270

Spec. XIX.

*Machtbilda Theod. Teyling.* Uteri suffocatio, tertiana, sudor, menses, scabies, chiraagra, paralyfis. 270. 271

Spec.

Spec. XX.

*Maria Adriani.* Febris purpurea in puerpera, catarrhus, otalgia, odontalgia. 272

Spec. XXI.

*Matrona de Meer.* Cephalalgia, cephalæa, cancer occultus & ulceratus. 273

Spec. XXII.

*Monacha divæ Ursulæ.* Mensium obstructio, vomitus cruentus. 274

Spec. XXIII.

*Nieveldia Matrona.* Febris catarrh. maligna c. vermibus, singultus, diarrhœa. 275.276

Spec. XXIV.

*Veldamii vidua.* Erysipelas, coryza, sputum sanguinis. 276.277

Spec. XXV.

*Gertruda Nannia.* Febris acuta, ophthalmia critica, quartana, hemicrania, abscessus. 277.278

Spec. XXVI.

*Maria famula Foresti.* Clavus hystericus, cardialgia, passio hystERICA, cephalalgia, cephalæa. 278.279

Spec. XXVII.

*Arnolda Cornelii Mylii.* Hepatis obstructio, febris inflammatoria, lienis obstructio, catarrhus, ventriculi debilitas, præcord. angustia, asthma, vomitus biliosus, diarrhœa symptomatICA. 280.281

Spec. XXVIII.

*Boetha puella nobilis.* Mensium difficil. per-ruptio cum variis pathematibus. 282

Spec.

Spec. XXIX.

*Ida Petri Cornelii Zytbepsæ.* Malum ischia-  
dicum, icterus frequens, febris biliosa,  
hydrops. 283. 284

Spec. XXX.

*Puella.* Menfes deficientes, ulcera crurum,  
melancholia, mania. 285

Spec. XXXI.

*Uxor Simonis Johannis.* Quartana duplex,  
tympanitis, mensium flux. tempestiv. in  
tympanitide salutaris. 286. 287

Spec. XXXII.

*Elisabetha Niewenburchia.* Odontalgia, ab-  
scessus in faucibus. 287. 288

Spec. XXXIII.

*Mulier.* Icterus, sanguinis fluxus ex ocu-  
lorum canthis. 289

Spec. XXXIV.

*Mulier paupercola.* Dysenteria, catarrhus,  
apostema, diarrhoea, febris erratica, fla-  
tulentia, hypochondriaca. 289. 290

Spec. XXXV.

*Heutera matrona.* Hæmorrhoides apertæ,  
obstructio lienis, maculæ plumbeæ, car-  
dialgia, cholera. 291

Spec. XXXVI.

*Weyna Gerhardi.* Rheumatismus femoris,  
ulcera, scirrhus sub poplite, cephalalgia,  
cæcitas. 292

# HISTORIÆ MEDICÆ

PARS III.

specialissima & individualis

## Casus Clinicos

&

Phænomenorum eff- & extra-  
essentialium recensitionem serie  
ordinata in specie exhibens.



THE  
HISTORICAL  
SOCIETY OF THE  
CITY OF BOSTON

# HISTORICAL RECORD

OF THE  
CITY OF BOSTON

FROM 1630 TO 1880

EDITED BY  
JAMES H. BROWN

VOLUME I  
1630-1680  
PUBLISHED BY THE  
HISTORICAL SOCIETY OF THE  
CITY OF BOSTON  
1880



## SECTIO I.

### Casus Morborum internorum.

#### I.

#### Febris catarrhalis maligna petechiz.

**J**uvenis 20. annorum, athleticus, sanguineus, post tertianam transactam, cum in urbe ac propriis ædibus febris quædam epidemica grassaretur, incipit lassitudine corporis, & animi quasi fastidio cum capitis vertiginosa gravedine affici. Post diem lassitudo augetur, ac horror ad noctem invadit cum insequente mediocri æstu, appetitu summe prostrato, vigiliis anxiis, phantasiis sub somno laborioso. Altero & tertio die symptomata exacerbantur, Paroxysmus semper ad noctem

Item revertitur. Die sexto & septimo delirium ingruit cum urina purpurea sine multa turbatione; maculæ pectus obsident rosæ. Postmodum diarrhæa accedit, tremor artuum, sudor nullus. Est dies undecimus, ubi ob debilitatem ingravescentem ad ἀκμὴν pervenisse malum conjicitur, & consilium petitur.

## II.

### Variolæ & morbilli.

In domo illustri variolæ & morbilli grassari incipiunt. Subjecta infestantur lassitudine, cephalalgia, appetitu prostrato, vomitione, alia hæmorrhagia narium, alia diarrhæa, alia convulsionibus epilepticis, motu febrili sub initium quarti diei, pustulæ erumpunt, alvus est adstricta: die septimo attolluntur & suppurantur, die undecimo exsiccantur, orthostadia accedit. In nonnullis fit retrocessio; diarrhæa, febris lenta, tusses succedunt. Oculorum vitia in aliis visuntur. Pustulæ aliis ulcerosæ fiunt. Quæritur, quomodo in ductu therapeutico in genere & specie dictorum symptomatum & affectuum succedentium filum curationis ariadneum servandum sit?

## III.

### III.

#### Febris cholERICA.

Vir 40. annorum cholERICI temperamenti, ante esum insignem habuit mentis alterationem sc. iracundiam, quam autem generosi vini ope pellere iterum quæsit, subsequente autem vespera ingens præcordiorum anxietas, horror cum æstu; motus vomibundi sed non succedentes infestabant; accedunt lipothymia, quamprimum æger erigere se cupit. P. C.

### IV.

#### Angina inflammatoria.

Juvenis 24. annorum sanguineus, plethoricus, antea hæmorrhagiis narium adfuetus, diætæ plenæ vinosæ, sub initium æstatis, cum a motu corporis majore, post cachinnos & concitatam vomibundam faucium contorsionem, totus calens fauces frigidâ perluisset, inde veluti scabritiem quandam circa fauces restitantes sensisset, & domum reversus togam rejecisset, & ita seminudus in conclavi umbroso aliquamdiu resedisset, sentit leviter molestantem & horridulam corporis refrigerationem, torporem artuum obtusum, & prementem



quasi opplentem capitis dolorem; sub quibus oboritur magis magisque sensibilis ad pruriginem veluti vergens illa faucium scabrities, imo concurrente sensu moleculæ in faucibus: oritur sub deglutitione compunctio, quæ magis magisque increbescit; hinc invalescit capitis dolor, rubent oculi, tinniunt aures, tumescunt vasa circa tempora & frontem, inflatur cum rubore facies, æger augi magis incipit, & strangulationis metum incurrere.

## V.

## Peripneumonia vera.

Juvenis 20. annorum sanguineo-chole-ricus, vitæ generis alias mobilis, & sanguinis per nares effusioni satis frequenti obnoxius; mutato vitæ genere in sedentarium, & diætam enormiter siccam, cum primo vere initio Martii ab insolito corporis motu valde concaluisset, mox vero refrigerationi imprudentiori locum dedisset, vestibus præterea valde tenuiter amictus, ut erat tempus ante meridianum, versus meridiem domum reversus & in conclave æstuans cito progressus, incipit repente inhorrescere, & graviter non modo frigore, sed etiam horrore concuti; accedit angustia respirationis insignis cum levi primum, mox gravi tussi & quidem vacua.

vacua. Turbatur & dolet admodum caput, incipit lassitudine insolita affici, cui æstus vehemens accedit, ante cujus increbescientiam tamen semel iterumque vomitu corripitur, ubi quæ haud dudum assumerat, evomit. Succedunt lancinationes circa dextrum latus haud multo infra papillam, quæ jugiter continuant. Tussis increbescit, licet sicca. Pergit ita hoc & sequente die tertio & quarto; rejicit sputum subcruentum, cum tussi; urina rubicundior paulo quam aurantium color, mox turbatur, & sedimentum roseum copiosum adhuc tamen leviusculum deponit. P.C.

## VI.

### Pleuritis cum febre continua.

Juvenis 20. annorum melancholico-chole-  
 lericus vini abusui repente indulgens, cum  
 aliâs modice eo uteretur, præcipue cum  
 ab anno decimo quinto frequenter hæmor-  
 rhagias narium pateretur, & jam ab assue-  
 facto hujus abusu male habere inciperet,  
 imprimis datis adstringentibus, unde il-  
 læ ad 6. menses cessarunt, præscripto usu  
 quotidiano succoladæ, & partim injuncta,  
 partim per languorem electa quiete sub fi-  
 nem Maji seposito medicaminum usu me-  
 liusculè se habere visus, in publicum ali-

quoties progressus, invitante animi exhilaratione & conversatione sodalitiis non modo vini noxiam quantitatem adsumendo, sed insuper saltatione incalescendo sese fatigavit, & sero domum reversus cerevisia frigida largius hausta ventriculum oneravit, post primam vero noctem frigidam illam cerevisiam denuo evomuit. Interim continuatis gravibus angustiis circa diaphragma per transversum regionis præcordialis, & urgente veluti perpetuo horridulo sensu noctem inquiete transigens mane versus sextam ad alvum deponendam surgens afficitur majore horrore, qui etiam, cum in lectum reversus esset, satis diu continuavit. Successit æstus gravis cum lancinatione dextri lateris circa sextam & septimam costam. Parum ægertus sit, nec inde exacerbationem specialem patitur. Pergit æstus, licet non constante intensione, aut stata remissione. Quoties vero æstus impatiens remotis stragulis corpus vel æstus ventilat, prehenditur mox horridulo sensu. Ventriculus quando bibit, eructat non raro, & percipit nide majorem fere anxietatis illius angustie non æque doloris increbescientiam. Urina crassa & rutila est; ad quartum diem non alteratur; postea vero crassescit & deponit sedimentum multum leve pallidum, manente reliquo liquore aurantii crassi coloris.

VII.

Febris erysipelacea.

Fœmina 35. annorum melancholico-sanguinei habitus, quartana ad annum prope modum detenta, cum ab hac quartana menses ita hæctenus non nisi parcissime procederent, subsequente inflatione capitis erysipelacea cum dolore acutissimo, & hoc singulis mensibus; hac, inquam, sub initium Decembris invalescente, hac a mensibus passione febrilem lentam exæstuationem per aliquot dies percipit, cui cum per pulverem Bezoardicum vegetabilem succurrere speraret, incidit in angustias & anxietates præcordiales gravissimas, cui mox ardor & æstus in loco hoc, imo & dolor ita auctus accedebat, ut lenissimum attactum, inunctionem, epithematis impositionem reformidaret; licet sitiret, quoties quicquam potulenti cochleatim assumsit, statim pluribus ructibus cum dolore propemodum syncoptico corripiebatur.

VIII.

Purpura alba.

Virgo 18. annorum cholericophlegmatica nondum menstruata corripitur horrore cum insequente æstu, aliisque sympto-



matibus febrem malignam mentientibus aut cum vomituritione præcedente febrem aliquam biliosam. Die septimo ad extremum perductam esse rem existimant. Erumpunt pustulæ albæ instar capitum acicularum aut margaritarum tenuiorum. Disparent hæ, & secundo septenario denuo cum impetu erumpunt. P. C.

## IX.

## Phrenitis.

Juvenis 24. annorum sanguineo-chole-rici temperamenti, diætæ spirituosæ, aromaticæ deditus, animi rixosi, laboribus etiam arduis adfuetus, uti est aliàs sanus & robustus, hæmorrhagiis tamen narium subjectus; corripitur sub primum ingressum veris insigni capitis dolore, cui horror & inde æstus succedit; excipit mox confusio mentis cum tremore artuum, inquietudine, jectigatione, furore quasi maniaco, nisi quod ob debilitatem mature iterum in lectum & terram concidat, licet primus æstus ipsum cum omni violentia erigere & in statum vegetum deducere appareat. Durat affectus usque in diem 9. P. C.

X.

Nephritis simplex.

Juvenis 28. annorum sanguineo-melancholicus, vitæ otiosæ, diætæ lautæ, vini potui sæpius indulgens, plethoricus, ruber, vere & autumnno modo in scapulis & brachiis gravationem quandam per plures dies continuantem percipit, modo in lumbari regione eandem & nunc quidem a duobus circiter annis sensibilius. Suafu tonforis utitur ol. thereb. per 3. dies; 4to exandescit repente intus profunde in lumbis dolor lancinans & æstuans gravissimus, & quidem mane circa horam tertiam: urget aliquoties & fervida pauca tamen urina: alvus hesterno die non respondet.

XI.

Nephritis calculosa.

Vir 40. annorum sanguineo-plethoricus, athleticus, vitæ tamen sedentariæ, crassæ cerevisiæ, imo potui spirit. ardentium assuetus, nec non frequentes sang. ventilationes per scarificationem & hæmorrhagiam narium expertus, quæ diutius jam emanfere: sentit dolores lumborum & incommoda urinaria; succurrit sibi Spir. juniperino; pellitur quidem urina, sed paroxysmus

sinus revertitur nephriticus eo frequentius, imo sæpius gravia symptomata adportat, colicam nephriticam, vomitus anxios &c. Excernuntur tandem actuales calculi ad granorum milii imo lentis magnitudinem; generantur subinde novi sabulosi concrementi foetus.

## XII.

### Febris catarrhalis benigna.

Vir 30. annorum sanguineo-phlegmaticus, sub veris humidioris initium incipit vertiginosa capitis perturbatione affici, & dolore pressorio, qui in narium gravedinosam obstructionem transiit, & per aliquot dies ægrum molestia affecit. Hæmorrhagiæ narium erat antea adsuetus. Appetitus interea evadit hebes. Animus ad munia difficiliter devenit, quasi nausea affectus. Tandem nares fluunt, & capitis turbæ paululum remittunt. Tussis intercedit nunc sicca, nunc plena. Pulsus interdum etiam celerior, & urina concoctior apparet.

## XIII.

### Ephamera.

Vir 32. annorum sanguineo-phlegmatici temperamenti, postquam ab aliquo tempore

re catarrhalibus fuisset afflictus defluxionibus cum appetitus & virium prostratione, ut & pectoris aliquali oppressione ac tussi; subitaneo frigore s. horrore corripitur, subsequente insigni debilitate, æstu vehementissimo, capitis dolore gravativo, siti haud levi; adhibitis contemperantibus & leniter diaphoreticis postero mane omnia mitiora facta sunt.

#### XIV.

### Febris synochus.

Studiosus quidam plethoricus post vehementem saltationem summo nudius tertius æstu & ardore corripitur; fit inquietus, insignibus cap. doloribus & artuum infestatur, cum sicciore corporis habitu, ut nullus in conspectum veniat sudor, pulsus celer & fortis urina rutila, oculi scintillant, aures tinnunt; adsunt vigiliæ, appetitus prostratus.

#### XV.

### Lenta ex synocho.

Idem Studiosus 14. diebus elapsis lectum deseruit quidem, sed continuam adhuc sentit lassitudinem cum multo sudore, ac in dies magis magisque tabescit; conqueritur de pressione super stomachum, amaritie oris.



oris. Urina spissa, rubra, pinguis. Diarrhæa etiam invadit jam 2. dies durans. Animo piger est, pulsus celer semper & magnus in quartam usque jam septimanam, appetitus jacet, somnus non reficit, sudorque statim infestat, quamprimum oculi clausi.

## XVI. Phthisis.

Juvenis 26. annorum sanguineo-chole-ricus, qui in juventute minorenni non raro & quidem copiosis narium hæmorrhagiis affectus erat, quæ hætenus per aliquot annos vix ter, quater, per sesquiannum vero vel amplius plane non redierant, tempore verno post motum impetuosiores corripitur sensu quasi pressivo in pectore, respirationem remorante & tussim provocante, qua cum nil excerneretur, ipse vero intentione excernendi interdum voluntario nisu tussim continuaret, non modo insigniter hæc aucta sed & secuta levis excretio est. Incipit interim extenuari ægrotus, & cum viribus decrefcentibus appetitus imminutionem insignem, siccitatem oris, materiam glutinosam salivæ observare. Post pastum incalescit magis, quod usque in poris & volis manuum sese exerit. Tabescit magis magisque, obtingit interdum mali coloris,

coloris, odoris, saporisque suberuenta ejectio. Increbescunt hæc circa æquinoctium autumnale.

## XVII.

### Vomica pulmonum.

Vir 34. annorum cholericus-sanguineus, vitæ otiosæ, diætæ scrupulosæ, cum adulta ætate præter consuetudinem paulo plus vini bibisset, & fortuita concitata tussi, ex guttula forte vel quicquid fuerit asperæ arteriæ illapsa immodestius tussis commotiones concitare ad ruborem faciei & spiritus pene interceptionem, imo sudoris eruptionem, nihil quidem sedato hoc impetu immediate sensit in pectore, nisi quod tussis subinde recrudesceret, nocte tamen subsequente & quidem versus matutinum tempus persentiscit aliquam respirandi difficultatem, & obtusum dolorem intus in pectore, lassitudinem præterea insolitam, capitis perturbationem, ut vix surgere possit; accedit febricula, cadit appetitus, interpunctiones intus in pulmonibus sentit, non valde crebras. Crescit languor magis magisque; durant hæc ultra septimum diem. Increbescit difficultas spirandi. Videtur tabescere ægrotus. Febris lenta hectica-augetur. Frequentior est horripilatio levis, sudor levis quasi perpetuus, pallor

cor-

corporis, facies tamen rubet. Sub tussi tandem concitatiores ingens quantitas puris quasi ægrum suffocatura una ejicitur.

## XVIII.

### Tertiana suppressa.

Comitissa quædam provec̃ta ætatis febre tertiana laborabat, contra quam forti purgatione utebatur, cum subsequente usu electuarii chinati, quo febris emanebat quidem, at ingens lassitudo corporis & animi succedebat cum perpetuo æstu interno; facies icterico colore perfusa apparet, pressio super stomachum, & alvus adstricta.

## XIX.

### Tertiana.

Juvenis 24. annorum temperamenti cholero-phlegmatici per aliquot tempus præter consuetudinem cibis crassioribus & fumo induratis utitur; & autumnio vergente in itinere frigus & pluviam molestant experitur, sicque madefactus simul admodum incalescit. Postero die siti vexatur, cum appetitus diminutione, quæ symptomata per aliquot dies perdurant, tandem appropinquante vespere horripilationem cum subsequente intenso calore & siti sentit, qui calor postero mane rursus cessat, ut omnia melio-

meliora viderentur. Tertio tamen die post meridiem denuo horrescit, cum insequente calore octo fere horas durante, caput simul dolet, appetitus plane dejectus est, vigiliæ urgent, &c. quæritur, qualis sit morbus?

## XX.

### Febr. intermitt. quotidiana.

Juvenis 24. annorum inordinatæ voracis diætæ, maxime piscibus induratis proxime abutens, corripitur sub vere nausea quadam ciborum, languore aliquo virium, capitis dolorifica obtusa vertiginosa turbatione. Affectus omni fere diluculo exacerbatur, una cum multa salivæ in os effusione, quæ etiam vomituriendi conatus minabatur.

## XXI.

### Febris quartana.

Vir 48. annorum sanguineo-melancholicus robustus alias, de die in sinistro hypochondrio dolorem obtusum sensit, quem ab ictu equi pendere arbitratur, ab animi & corporis motu ingravescentem. Hoc autumno post languorem corporis febrili insultu versus noctem corripitur, præcedente rigore, insequente æstu ad 6. 8. horas

B

duran-



durante. Tertio die revertitur paroxysmus cum nullo tamen vomitu vel sudore. Appetitus vagus est. Vires intercalari die redeunt. Colica nonnunquam accedit. Hæmorrhoides emicant, imo fluunt. Symptomata variant sub paroxysmis, ut jam cephalalgia urgeat, alias tensiones anxix hypochondriacæ, alias sudores, alias colica urget præcipue molesta, passio in sinistro hypochondrio gravativæ pressivæ intumescentiæ, quam nominant den Fieber-Ruchen.

## XXII.

### Hæmorrhagia narium.

Juvenis 15. annorum sanguineo-melancholici temperamenti, robustus, parentibus natus hæmorrhagiis adfuetis, vitæ ac diætæ acris, mobilis corripitur sæpe doloribus capitis æstuosis, ardore capitis, faciei ac oculorum, tinnitu aurium, quibus subsidentibus nares multo sanguine fluunt; Revertitur sæpe malum, maxime cum vini usui indulgeat. Subsistente fluxu sanguinis febriles motus, diarrhææ cholericæ, insequuntur, aut tussis cum puncturis pectoris molestiam reddunt ægro.

XXIII.

Hæmorrhagia narium suppressa  
in congestiones transiens.

Puer 12. annorum sanguinei habitus, ipse ex hæreditate hæmorrhagiis narium iterato obnoxius, cum eæ impeditius & rarius hoc anno succederent, laborat frequentibus cephalalgis, doloribus vagis ad dentes, aures, oculosque æstuosis excurrentibus, quibus nonnunquam *Φλογιόσες* erysipelaceæ, nec non febriles commotiones adfociantur. Jam post omnes has passionem ophthalmiam etiam incurrit, oculi rubent, ardent, tenduntur, lacrymantur. Diætæ est lautæ, vini potui nonnunquam indulget; animi ac vitæ generis mobilioris est. Petit de recrudescentibus tot capitis affectibus, imprimis ophthalmicis consilium.

XXIV.

Hæmoptysis.

Juvenis 23. annorum cholero-plethoricus in adolescentia hæmorrhagias narium sæpe passus, vitæ generis tum mobilioris, cui nunc plurimum valedixit, contra claris sermocinationibus informando, cantando adstrictus, præcedente autumno & hy-

eme bis tussi ad aliquot septimanas obsesus, ante aliquot etiam annos propter scabiem scarificationi menstruæ adsuetus, quam nunc duobus annis vix ter admisit, primo vere sentit raucedinem siccam, & tussiculam quasi ad excutiendam aliquid, cum tamen nihil adsit incitantem, cum titillatione profunda in collo seu aspera arteria. Heri mane prægressa levi palpitazione cordis & irrationali anxietate cum pauca tussi quantitatem sanguinis ore egerit, succedente egestione ad ¼am horæ quadrantem, sensim tamen imminutam, donec denique striatum sequeretur sputum. Aliquot post horas nunc & tunc ita sincerum sanguinem ejicit.

## XXV.

Hæmoptysis suppressa in corruptiones pectorales transiens.

Juvenis 25. annorum sanguineo-chole-ricus, macræ constitutionis, sed vegetæ, diætæ ac vitæ generis temperationis, satis in pueritia frequentibus narium hæmorrhagiis defatigatus, quæ vero in hæmoptysin transiere, amisit jam per tres annos hæmoptysin, sed ab eo tempore sæpius febriles exæstuationes, puncturus pectoris experitur, aliasque pectoris passionibus, quæ iterantur & exacerbantur tempore præprimis  
æqui-

æquinoctiali; accedit tussis, sicca quidem at falsum foetidum phlegma nonnunquam excernens; asthma etiam, maxime sub motu corporis intensione succedit, alvus vaga est; sudores nonnunquam post exacerbationem accedunt nimii; lassitudo, consumptio corporis imminere videntur & periculum minari.

## XXVI.

### Vomitus cruentus.

Virgo 20. annorum nuper ex terrore ad imminutum fluxum mensium & prope ad suppressionem perducta, tempore menstrui appropinquante patitur angustias præcordiorum, appetitus dejectionem, post partum graviores angustias, succedente nausea, mox vomitu cum multo conatu. Hic ubi per 3. dies ita accidit, denique una egerit clarum multumque sanguinem. Fluunt menses per semidiem parce, cessat vomitus, redit ad se. Hæc scena tribus mensibus periodis revertitur.

## XXVII.

### Hæmorrhoides.

Vir 40. annorum sanguineo-melancholici temperamenti, vitæ sedentariæ, diætæ plenæ, in juventute hæmorrhagias narium,



cephalalgias, rheumatismos, febres passus, incurrit in statum hypochondriacum, spasmos abdominis, inflationes lienis, anxietates cardialgicas, quæ etiam per paroxysmos colicæ spasmodicæ anxix syncopticæ revertuntur. Tandem alvo adstricta, scybalisque duris, cum solutio contingeret, perrumpit sanguis per alvum. Alleviatur inde in omnibus præcedaneis passionibus; sed hæmorrhagia ani revertitur per menses, & quidem satis larga, ut, licet cæterum bene haberet, jacturam tamen sanguinis, & inde pendentia mala metueret. Nil conqueritur, quam de alvo adstricta prius, postea in fluxum nimium cruoris soluta, præcedente dorsi tensione, ac si palus foret infixus, titillatione tenesmode ani.

## XXVIII.

### Hæmorrhoides suppressæ.

Vir 40. annor. cum jam a quinto anno bis aut ter per annum hæmorrhoidum fluxum expertus esset, uti est temperamenti sanguineo-cholerici, diætæ lautæ vinosæ, vitæ sedentariæ, præsentè autumno cum dysenteria grassaretur, ipse largiter fluxum suum experiebatur. Ex metu vero dysenterix utitur adstringentibus, maxime nuc. moschat. in cibo & potu; subsistunt hæmorrhoides solito citius, mox vero incipit asthmate, tussi,

tussi, angustia hypochondriaca, inappetentia, capitis turbatione, inquietudine affici; alvus est sicciore; invalescunt omnia, sed hæmorrhoides non revertuntur.

## XXIX.

### Hæmorrhoides cæcæ tumentes.

Vir 36. annorum phlegmatico-sanguineus, plethoricus, vini generosi potui indulgens, frequentius itineribus per vecturam succussatoriam vacans, interpositis vero temporibus magis otiose agit; cum aliquando iter faciens culcitra hæmorrhoidali uteretur, corripitur paulo post dolorifica pressione circa os coccygis, putat a succussatione proficisci, sed succedit mox parva durities in orificio ani, succrescit dolor ardens, urens, valde exquisitus, qui tum tumore ad fabæ magnitudinem crescit, & fit valde lancinatorius, punctorius, ut sub levi tussi & sternutatione ad convulsionis metum augeatur.

## XXX.

### Mictus cruentus.

Fœmina 40. annorum sanguineo-chole-rica, animi mobilioris, tenera, alias & hæmorrhagiis narium, nec non menstruis largioribus adsueta, jam ab anno, cum antea unico saltim eoque infelici puerperio

foetus mortui esset defuncta, persentiscit motus spasticos abdominis, cardialgiam calidam anxiam, dorsi dolores, lumborum tensiones, nocte ad mingendum surgens & excitata deprehendit clarum sanguinem in matula loco urinæ adesse.

### XXXI.

#### Rheumatismus.

Vir 58. annorum sanguineo-plethoricus, diætæ plenæ, ab anno rheumatismo colligentatur, qui jam in scapulas descendit & humoras, ita, ut maxime sinistrae parti corporis incumbere nequeat.

### XXXII.

#### Dolor rheumatico-dorsalis.

Alius spongiosi habitus, sed junioris ætatis, post motus hæmorrhagicos emanentes, febres chinatis suppressas incurrit in dolores femorum, dorsi gravativos, qui motu corporis leniuntur, in lecto vero exacerbantur; est vir plethoricus, scarificationi adsuetus.

### XXXIII.

XXXIII.

Rheumatismus s. dolores  
spasmodici.

Juvenis sanguineo-plethoricus, spongiosus 24. annorum, hæmorrhagiæ narium a juventute adfuetus, quæ rarius erumpit his duobus annis, diætæ lautæ vinosæ, vitæ otiosæ, corripitur sæpius spasmis artuum quasi Rheumaticis doloribus, qui mox etiam ad collum, pectus elabuntur, & nunc paroxysmum syncopticum, nunc osthmaticum convulsivum inducunt.

XXXIV.

Menses nimii.

Virgo 20. annorum sanguineo-cholerica, tenera, in juniore ætate hæmorrhagiis narium, cum cephalalgiis & odontalgiis æstuosis frequentibus vexata, parentibus arthriticis genita, jam a duobus annis menses primo dolorificos, post vero nimios experitur, ut sæpe profusio sanguinis vires omnes exhauriat, palpitatio cordis, visus & auditus hebetudo, imo cachectica corporis dispositio succedere videatur.



## XXXV.

## Mensium suppressio.

Virgo 24. annorum sanguineo-melancholici temperamenti, vegeta & robusta alias, cum ante 2. & 3. menses varias aberrationes diæteticas commisisset, incurrit in suppressionem mensium plenariam, respiratio inde redditur angusta, anxia, oppletiva, maxime a motu corporis leviori; appetitus dejectus est, vires languent, caput dolores gravativos experitur; flatulentia anxie splenetico- ut crinae invadunt. Tandem eadem symptomata in actuales convulsiones erumpunt.

## XXXVI.

## Idem.

Fœmina 34. annorum sanguineo-melancholica, quartana ultra annum laborans, variisque anti-febrilibus chinatis, martialibus fatigata incidit in impeditum mensium fluxum, olim venæ sectionibus non ita crebris, sed tamen non adeo raris usa: accedunt angustia præcordiarum, dolores tensivi in dorso & in gremio, emicant menses, sed vix ultra tres horas durantes; succedit dolor vibrativus per longitudinem dorsi & cervicis ad caput adscendens, cui  
paucis

paucis horis succedit compunctio temporum, & mox invalescens capitis dolor cum inflatione capitis rubicunda; comitatur febricula, appetitus dejectus, lassitudo summa, horripilatio & refrigerentia extremorum cum alvo adstricta. Quarto inde die mitescunt symptomata, redit ad se, sed languidius munia sua obiens. Hæc ita 3. mensibus jam experta est.

### XXXVII.

#### Hæmorrhagia uteri ac abortus.

Fœmina 32. annorum sanguineo-chole-  
rici temperamenti, animi mobilis, habitus  
tenerioris, ante biennium matrimonium  
iniit, cum antea variis motibus spasticis,  
hystericis, syncopiticis sæpius affligeretur,  
qui jam pridem emanfere, sed in hæmor-  
rhagiam uteri transiere. Ante annum pa-  
roxysmo valde periculoso afficiebatur, ut  
fluxus sanguinis per 3. septimanas interrup-  
tis vicibus ita adesset, ac vitæ omnis in-  
teritum minaretur, postmodum gravida fa-  
cta, hæmorrhagiam iterum cum abortu pa-  
tiebatur succedente; redit omni mense  
largior quidem, quam ordinariæ menstruæ  
evacuationes antea erant, fluxus sanguinis,  
at

at non adeo enormis, uti duo paroxysmi exundantiæ priores fuerant. Ultimo fluxus secedunt frustra, molarum instar, ad magnitudinem nucis majoris. Debilis simul est tonus intestinorum, ut sæpe lien-teriam patiatur, a levi movente hypercatharsin subeat, & non nisi molliora in cibo ac potu perferat. Hæc fœmina ad majorem jam ætatem progressa quotannis fere gignit.

### XXXVIII.

#### Lochia nimia.

Fœmina 36. annorum sanguinei plethorici habitus, hæmorrhagiis narium & mensium paulo frequentioribus & largioribus non tamen ad delassationem usque ante obnoxia, puerpera nunc facta iterum, cum & venæ sectionem hoc ingravidationis tempore neglexisset, indeque per ingravidationis periodum pejus habuisset, dolore capitis æstuoso, artuum lassitudine, nausea &c. incurrit in anxietates, quas lochia largius profluentia producere putat, quæ post frustra cruoris in tenuem floridum sanguinem mutantur; daß sie meyne, das Herzgeblüt wäre ihr angegangen.

### XXXIX.

## XXXIX.

### Lochiorum suppressio.

Alia fœmina ob terrorem & refrigerationem lochiorum præmaturam emanationem aut suppressionem incurrit cum anxietate oppletiva pectoris, febre, pavoribus in somno, alvi adstrictione, somno nullo aut turbulento, anxio, appetitu nullo, sed siti multa &c.

## XL.

### Lochialis febris.

Fœmina 26. annorum quarto jam puerpera, plethorica, infantem robustum enixa, incurrit a præmaturo appetitu exsatiato in febrem tertianariam quasi se sistentem, quam alias, licet quinto demum a puerperio die esset, illico china suppressit. Lochia adhucdum fluentia substituere; sed oppressio anxia pectus occupabat, cum alteratione febrili, inquietudine, dolore capitis &c. quæ omnia in horas augebantur, & in febrem auctissimam cum turbatione mentis stipatam transiere.

## XLI.



## XLI.

Debilitas virium a lochiorum  
repurgatione.

Fœmina sanguineo-melancholica 22. annorum post puerperium primum ablactatione infantis aut potius repressione lactis lauta diætâ, præmaturo concubitu in varias rheumaticas, febriles, cephalalgias, passionés devolvitur de lochiorum sufficiente successu medicum certum reddere nequeunt. Post 10. septimanas mortuo infante, & animo inde perturbato succedit fluxus sanguinis primo in frustis, ut obstetrix bono omine cruditates uterinas expelli arbitretur. Perdurat tamen fluxus ad unam & alteram septimanam. Ægra debilior, pallidior redditur; animus est dejectus; somnolentia, capitis dolor obtusus occupat.

## XLII.

## Cephalalgia.

Vir 22. annorum sanguineo-phlegmaticus, in juventute frequenter narium hæmorrhagia evacuatus, nunc studiis memorabilibus scriptis concipiendis dicatus, diætâ satis lauta, non tamen ordinarie, sed  
per

per vices vinosa utens, sentit crebrius dolorem capitis modo in syncipite, oculis veluti incumbentem, modo in infimo capite molestissime prementem, atque maxime lancinantem, cum frequentiore circa faciem & nares ardore, imo interdum nasi erysipelacea inflammatione, quæ scriptione, vigiliis, lectura ad candelam exasperatur, hebetudinem visus minatur. Coniuncta est, quoties insigniter exacerbatus dolor urget, lassitudo gravativa, facilis horripilatio, appetitus dejectio, somnus turbulentus, alvus ficcior, tractiones circa nucham, scapulas & humerum. Quibus rebus multum incommodi sentiens æger, vertiginosis etiam illis accidentibus. P. C.

### XLIII.

#### Palpitatio cordis.

Juvenis 21. annorum sanguineo-melancholicus pleno victu utens, ventilationibus sanguinis olim per hæmorrhagiam, nunc tribus annis per venæ sectionem adfuetus, cum per totam æstatem solitarie viveret, & vitam sedentariam ageret, autumno etiam venæ sectionem neglexisset, sub initium hyemis non modo diu in noctem, sed etiam satis mane in conclavi frigidior

gidiore studiis incubuisset, imo sub noctu orto incendii clamore, metum concepisset, corripitur durabiliore, quam præ vano conceptu, pectoris angustia & cordis palpitatione, tunc etiam, cum de errore certus esset, perseverante. Sub mediam noctem expergefactus pridiani terroris memoria recrudescit hæc angustia, imo anxietas & cordis pulsatio ad quadrantis horæ spatium durat, in languorem & satis largum sudorem desinens; repullulat post aliquot dies idem malum.

#### XLIV.

#### Cephalæa.

Uxor 40. annorum mariti in suspitione venerea hærentis, melancholici temperamenti, corripitur dolore capitis contumaci, rodente, tensivo, gravativo, qui maxime versus noctem exacerbatur, licet continuo infestet. Oculi fiunt sensim hebetiores, ad lucem sensibiliores; pariter & aures, ut a sono intensiore facile lædantur. Menses parciore sunt, & antea jam impeditius fluxere.

#### XLV.

XLV.

Tinnitus aurium.

Juvenis melancholicus, vitæ sedentariæ & speculativæ, alvi etiam segnioris, usui moderato spirituum ardentium post cibos deditus, sentit versus tempus autumnale gravitatem capitis, cui primo intercurrit, mox vero succedit tinnitus aurium.

XLVI.

Sufurrus aurium.

Alius phlegmatico-melancholicus ad gravedinem proclivis, usui etiam tabaci antehac deditus, ab aliquo verò tempore eadem penitus valedicere capit, cum gravitate capitis susurros & fremitum aurium patitur.

XLVII.

Surditas.

Alius similis habitus cum ab aliquot annis nunc & tunc hujusmodi susurro laborasset, & ex impatientia modo digito, modo scalpris auricularibus aures profundius vellicasset, passus est copiosum madorem, imo levem profluxum e meatu auditorio; cum vero hic supprimeretur, magis magisque



gisque auditus imminui & obsurdescere incipit.

### XLVIII.

#### Eadem.

Vir annorum 30. ante annum graviter circa caput & faciem verberatus, ut multum sanguinis profunderet, incipit ante 3. septimanas notabilem defectum auditus persentiscere, qui in dies ingravescens plenariae surditatis metum injicit.

### XLIX.

#### Odontalgia.

Fœmina 24. annorum sanguinea, florida post puerperium febre aucta composita, & lochiis nimis a lactis repressione transactum, incurrit sub autumno odontalgiam hemicranicam, quæ brevi etiam tonsillas & maxillam sinistram in summam inflationem erysipelaceam dolorificam perduxit, ut præ dolore ac tumore deglutitio deficeret, vires languerent. Saliva multa viscida prodit. Horror & æstus intereunt.

L.

Asthma spasmodicum.

Vir 40. annorum sanguineus per motus in juvenili ætate validiores, aliàs lacertosi habitus cum venis capacioribus, æstuosum sanguinis statum nactus, venæ sectione rarius, frequentius vero scarificatione usus, nunc vero vehementi motui assuetus, cum per hyemem minus se movisset, neque per ver calidius solito id fecisset, a motu jam levi calens citius laxatis vestibus refrigeratur lassitudine insigni & oscitabundo languore afficitur, & statim post cœnam modicam superbibito aquæ vitæ haustu cubitum concedit, dormit in quiete, post 3. matutinam anxia angustia excitatur, respirare vix potest, & non modo torporem quasi insuperabilem & extremam lassitudinem percipit, ut morti se vicinum putet, sed summam thoracis compressionem cum aspectu faciei rubicundo inæquali tamen. Concurrit palpitatio cordis, vertiginosa turbatio, alvus adstricta.

LI.

Asthma siccum.

Vir sanguineo-phlegmaticus colli brevis & latarum scapularum, annorum 50.

per longum tempus magis sedentariæ vitæ adfuetus, juniore ætate V. S. interdum usus, quas hæctenus aliquot annis omisit, potui vero spiritus vini ardentis sese affuefaciens ab aliquo tempore minus se expedite movere potest, quin statim magna respirandi difficultas subsequatur. Tempore autumnali crescit hæc difficultas magis magisque, donec etiam extra motum corporis anhela & sibilans fieret respiratio citra tussim effatu dignam cum materiæ tamen viscosæ sub aliquali tussi aut laboriosius creatus conatu excutienda.

## LII.

**Asthma periodicum cum tumore scroti & pedum.**

Vir 58. annorum sanguineo-spongiosus, plethoricus, nephriticus, venæ sectiones raras ob metum admisit, & contra acidularum & thermarum usu sese præmunivit, contra varias diætæ aulicæ passiones, post rheumatismos colli & scapularum, scarificatione superatos corripitur pectoris tussiculosa asthmatica constitutione, quæ per paroxysmos maxime nocturnos summo-pere exacerbatur, ad anxiam suffocationem usque. Erat tempus post solstitium hybernum versus æquinoctium tendens.

Repe.

Repetitionem scarificationis abhorret. Utitur variis discutientibus pectoralibus. Nares nonnunquam adhuc stillant, uti antea sæpe largius cruorem fundebant. Bibit imminente solum æstate Swalbacenses, sed non adeo utiliter. Affectus quidem versus solstitium æstivum transiit. Reverte-  
tente vero hyeme asthma tale rediit cum summa exacerbatione, ut multas noctes vigiles transegerit. Diu tamen appetitus vegetus mansit, eumque diæta summe euc-  
chyma sopivit. In extremo vitæ periculo lenivit malum potiuncula Brunneri ex gumm. ammon. asthma tamen rediit. Uti-  
tur Emsanis, quæ somno magis quam pec-  
tori consulebant. Unde destitit, & ad astrum solis priore anno sub finem asthma-  
tici paroxysmi proficui refugiebat. Affe-  
ctus nec V. S. æquinoctiali diu mitescebat. Interea pedes intumescunt, maxime vero  
scrotum, ut hoc tantopere expansum ru-  
ptionis metum incuteret, & anxie au-  
xilium sollicitaret.

### LIII.

#### Catarrhus suffocativus.

Vir 58. annorum sanguineo-phlegmati-  
cus, crassus & obesus, indeque non mo-  
do ex obesitate, sed etiam ex infarctu ali-



quali seu copiosa mucositate, breviorē anhelitu affectus, cum sub finem Augusti mane aura frigidiorē in proximam sylvulam egressus esset, ibique aliquamdiu, præcipue, cum acclivior esset situs, ambulasset, concidit repente. Erat sine sensu, sine motu, ore dehiscēte, frigidus in facie, & tamen subrosei coloris. Respiratio vix sensibilis, sed sibilus veluti spumidus in pectore auditui occurrens.

## LIV.

## Cardialgia syncoptica.

Fœmina 30. annorum plethorica, sed adeo largiter non menstruata, uti est sanguineo-melancholici temperamenti, ita ad motus spasticos non inclināt, cum sub tempore motus menstrui in diætā vitium admisisset, incurrit in impeditionem mensium, & colicam insequentem, quæ anticolicis calidis exacerbatur ad cardialgiā syncopticā usque cum adstriptione alvi, compressionē abdominis, volutatione in abdomine, &c.

## LV.

## Cardiogmus.

Juvenis 24. annorum sanguineo-melancholicus, vitæ alias mobilioris, & animi extrin-

extrinsecus occupati, cum repente ad sedentariam speculationem transisset, cibos solito molliores affatim ingereret, ventriculum negligenter obtegeret, corripitur post pastum largum pressione ventriculi cum fastidio, nausea, pallore, squalido aspectu, salivæ in os effusione, refrigeratione extremorum, sudore anxio & frigido erumpente.

## LVI.

### Colica Hæmorrhoidalis.

Vir annorum 30. sanguineo-cholericus ante aliquot annos a nisu ob alvum ficciorem aliquoties hæmorrhoidales expressiones expertus, cum principio autumnii frigori sese exposuisset, indeque præsertim vento obluctante in anterioribus perfrixisset, idque 2. horis post cibum assumptum percipit paulo post leves morsus in abdomine & borborygmos vagos, afficitur levi lassitudine, oscitat, caput, turbatur leviter, invalescunt sensibilitate morsus illi in intestinis, & mutantur in tormina magis magisque gravia & continua. Alvum non deposuit per 24. horas; invalescunt omnia & simul lassitudo, caput dolet, intercurrunt horrores, æstus.

## LVII.

## Malum hypochondriacum.

Juvenis 20. annorum bene edens & con-  
coquens & hactenus bene valens, vitæ ge-  
nus sedentarium, & speculabundum inci-  
pit cum parcioris etiam potu & per desidi-  
am dilata subinde alvi excretionem. Incipit  
tensione circa hypochondria & angustia  
circa scrobiculum cordis, imo anxietate  
irrationali, somno laboriosiore, insomniis  
anxiis, & insolita successiva meticulositate  
affici. Conjungitur insueta lassitudo, &  
gravitas artuum, fastidium ad negotia, co-  
gitationum, partim segnities, partim cum  
meticulositate illa interturbatio. Appeti-  
tus incipit vacillare, & sensim magis mo-  
lestia a pastu succedere. Urina est crassa,  
interdum ad fuscum obsoletum quasi cere-  
visiarium colorem tendens.

## LVIII.

## Idem.

Vir 46. annorum sanguineo-phlegmati-  
cus, hypochondriacis passionibus obno-  
xius, imo inflationibus lienis nonnunquam  
vexatus, diætæ plenæ, vitæ magis seden-  
tariæ, corripitur aliquando inflatione ab-  
dominis cum multis anxietatibus, alvi ad-  
stri-

strictione vel solum suppressione, borborymis murmurantibus intermixtis, qui ructus *ἄνω* & *κάτω* ejicere suscipiunt cum levamine succedente, vertiginosa & cardialgica turbatione remittente; quod accidens cum sæpe recurrat, petit consilium.

## LIX.

### Icterus.

Vir 50. annorum temperamenti melancholico-cholericis, postquam ob inopiam variis cibis durioribus & fumo induratis diu usus esset, lassitudine afficitur, cum appetitu dejecto; paulo post color faciei imo totius corporis in flavum mutatur; quæ flavedo in tunica oculorum adnata inprimis conspicua est, unguesque flavescunt, os amarescit, ardor & pressio in scrobiculo cordis imo in hypochondrio dextro affligit, urina est passea s. expruno-rubicunda, excrementa albicant, febrilis alternatio cum horrore intercurrit.

## LX.

### Commotiones spasticæ hypochondriacæ.

Vir 30. annor. phlegmatico-melanch. crassus habitus, animi simplicis, sæpe melancholia



lia turbatur; laborat jam per plures menses vomitu matutino, præcedanea spastica commotione a sinistro hypochondrio versus scrobiculum cordis. Ortum ipse censeret a diætâ inordinata vinosa. Os saliva perfluit, caput turbatur & dolet. Pauca saliva viscida ejicitur vomitu. Post horam perit malum, & reliquum valet, præterquam motus illius spastici sæpe officientis ægrum & anxia taciturnitate eum opprimentis.

## LXI.

### Arthritis cum passione hysterica.

Virgo annorum 24. sanguineo-cholerica, parcioze, nunc largiore mensium fluxu evacuata, imo & hæmorrhagiis narium interdum levata, qua impeditius succedente in varias passiones capitis dolorificas incidit. Cæterum est diætæ lautæ, victus pleni, sanitatis vegetæ. Cum menses nuper parcius fluerent, & post exaustuationem sudatoriam refrigeraret, tentatur lassitudine quadam artuum, quæ in dies imo in horam augetur, ut & horror & æstus accederent, summus vero vibrativus dolor pedes occuparet, & plenariam impotentiam movendi incuteret. Visu nil deprehenditur,

tur, quod externam vel inflammatoriam læsionem indicaret. Spongiosus musculorum status depressus, rigidus primo est, venæ inflatæ, a leni externo membri motu dolor intenditur. Cum per 6. 10. horas duraverit, intumescit pes, & dolor lancinans vibrans remittit, imo udor quasi artum tegit. Ast altero die eodem tenore pedem alterum occupat & tarsum, post genu percurrit acri dolore. Remittit pariter paroxysmus & in tumorem desinit. Postea brachia, manus, humeros, scapulas eodem modo dolor perreptat, imo collum & pectus cum anxia compressione invadit. Paroxysmus omni vespere gliscit, & summo mane erumpit. Appetitus, somnus, turbantur. Menses interea revertuntur, nec non hæmorrhagia narium, sudores largi erumpunt. Affectus jam ad 11 dies durans poscit auxilium.

## LXII.

### Malum ischiad.

Patiens annorum 36. cholericus - melancholicus, qui alias aliquoties præ nisu propter ficiorem alvum tubercula circa anum livida, mollia, imo aliquid sanguinis expresserat, mutata diætâ in humidiorum, converso etiam vitæ genere in iracundius, concurrente plethora, cum sub  
finem

finem Augusti potu spirituofo effet abufus, corripitur dolore coxendicum, præcipue vero dextro; negligit per 2. 3. dies, fed invalefcit. Sudat proprio confilio affumto rob. Sambuci. Remittit nonnihil per aliquot horas, fed cum furgens refrigeret, prævalefcit dolor. Poft aliquot dies incaffum adhibitis linimentis occupat juncturam offis femoris, cum fuo acetabulo, ibique pertinaciter jam fubfiftit.

### LXIII.

#### Dolor dorfi.

Vir 50. annorum fanguineo-melancholici temperamenti, operarius faber, miffiones fanguinis neglexit affuetas, & poft labores æftuofos contra refrigeria feſe non munivit ſatis, conqueritur de dolore dorfi & præcipue ſcapularum, qui humeros quaſi retrahat, & quaſi totum corpus in rigidum ſtuporem deducat. Cæterum ſanus eſt. Tensione vero rigida illa dolorifica dorſi animo & corpore dejectus, imo ad appetitum tardus.

### LXIV.

#### Dolor iſchiadicus.

Vir 40. annorum fanguineo-melancholicus, vitæ ſedentariæ, diætæ vinoſæ, iracundiæ

cundia etiam expositus, fluxum hæmorrhoidum experitur. Cessante causa, quam non æque attendit sub initium Septembris cum levem horrorem & gravem iracundiam iniisset, ut membra tremarent & abhinc languerent, subsequente summo delirio, cum leni horrore in lecto & in sequente aliquo æstu, oris siccitate, sat gravi languore, sentit dolorem circa lumbos & coxendicem, tensivum, contusorium, qui vero motu corporis in & extra lectum ita incrementum, ut magis magisque tensione lancinatoria, vibratili, tremula, lancinationibus intercurrentibus & modo ardoris, modo frigoris, intimioris urentis quasi sensu ægrum excruciet.

## LXV.

### Pleuritis spuria.

Juvenis 23. annorum sanguineo-melancholicus, parentibus natus ad hæmorrhagias valde dispositis, ipse vero jam sæpius gravi hæmorrhagia narium & pectoris evacuatus, & maxime præterita æstate, diætā vinosam lautam nondum denegare valet. Proximo æquinoctio pro hæmoptysi occupanda, & orgasmo frequentiore V. S. in pede admittere gestit, sed a Chirurgo in brachio celebratur, & quidem ipso die æquinoctii; aliquot dies postea corripitur aliquo



aliquo horrore cum insequente æstu, puncturis in pectore vagis, acriter tamen dolentibus cum respiratione anxia opprimente.

## LXVI.

## Podagra.

Vir 50. annorum sanguineo-cholericus in juventute & pueritia hæmorrhagiis & cephalalgiis æstuosis vexatus, uti est animo & corpore mobilis naturæ, diætæ lautæ, vinosæ postea vero variis affectibus pectoralibus afflictus, & inde jam nephriticas, colicas, podagricas passiones sæpius experitur. Ante biennium a podagra retrograda colicam convulsivam sibi accersivit, quæ hæmorrhoidibus mucosis tandem solvebatur. Hæmorrhoides ante 3. annos bene fluxerunt post usum Emsanarum, ejusque podagra mitior successit. Unde eo anno satis tolerabiliter vixit. Hoc anno, uti superiore, podagra nondum rediit, sed abdomen inflatum, facies livida cachecticum statum imminentem ominabatur. Pedes tumore duro rigido sunt distenti. Nescit an ab Emplastrorum contra insultus podagricos, ante adhibitorum frequenti usu. Repetit Emsanas; sed in itinere usu temperantium & alexiphar-macorum discutientium podagra revertitur,

tur, utrumque pedem percurrens, noctu magis adfligens, diluculo remittens, & in diapnoen definens. Post 10. 14. dies podagra penitus discessit & Emsanas in lecto bibit. Reliquum vero a cæteris abdominis passionibus liber mansit. Petit consilium, 1) de podagræ lenitione, 2) & secura tractatione in paroxysmo, 3) occupatione retrogradi mali, & 4) reliqua individui appropriata diætetica & therapeutica tractatione.

## LXVII.

### Epilepsia.

Adolescens 17. annorum sanguineo-melancholicus leviter phlegmaticus, capite paulo grandiore catarrhis frequentius obnoxius cum Novembris initio male insuper vestitus in vinea vitibus sepaliendis operam daret, & forte haustu spiritus ardentis se prius onerasset, labore etiam incaluisse, hoc intermisso refrigeret, vertigine repentina, imo mox epilepsia obruitur, quæ primum quidem post aliquot septimanas recruduit, successive autem adeo exacerbata est, ut jam non modo quotidie, sed 2. 3. in die comprehendat, prosternat, jactationes artuum, stertorem & ronchos, respirationis, sensus & memoriæ

moriæ obnubilationem, salivæ & spumæ ante os effusionem inducat.

## LXVIII.

### Hydrops.

Vir 54. annorum sanguineo-phlegmaticus, obesus, lautæ & sedentariæ vitæ, motibus etiam erysipelaceis sæpe tentatus, incipit in autumnō, cum vitam in locis & negotiis venaticis transigisset, lentore animi & corporis affici, catarrhalis pectoris & asthmatico-tussiculosa oppletio accedit, inferiora intumescunt, pedes, abdomen, genitalia, accedit erysipelacea inflammatio, paucis diebus invalescunt omnia & pedes etiam per totum ductum in suppuratorio-ulcerosam saniem defluunt. Appetitus, vires destruuntur. Motus febri-les, *φλόγoses* accedunt. Animo adhuc viget & somno.

## LXIX.

### Cachexia a mensium suppressione.

Fœmina 43. annorum phlegmatico-sanguinea, plethorica, lautæ diætæ, vitæ sedentariæ, incipit mensium fluxum rarius expe-

experiri, ut solum post 6. 10. septimanas denuo reverteretur, & his quidem longioribus intervallis cum tanto majore & sanguinis profusione, unde 2. vicibus postremis adhibito medico & usurpatis fortibus adstringentibus fluxus quidem cessavit, & nunc autumno An. 45. fine ad 8 septimanas non rediit; abdomen vero in dies tumidius evadit, crura etiam notabiliter inflantur, concurrente lassitudine, a somno, refrigerantia solito majore, aspectu faciei maxime post somnum turgido. Urina paucior est solito, sed subfusca quasi cerevisiarii coloris cum sedimento rufescente.

## LXX.

### Idem.

Puella 18. annorum sanguineo-cholerica, vermibus alias obnoxia, suppressis hactenus mensibus, incidit in protuberantiam abdominis æqualem, & tensam cum angustia respirationis, appetitus prostratione, lassitudine, macie, pallore. Pedes nonnisi in malleolis paulisper tument.

## LXXI.

### Oedema pedum.

Vir 50. annorum sanguineo-melancholicus



cus post affectus hypochondriacos martialibus tractatos, & quartanam china suppressam incipit una cum cæteris abdominis turbis, flatulentia, anxietate hypochondriaca, vomituriendi conatibus &c. œdema pedum affici, ad genua magis insurgente, valdeque distendente, ut impressi digiti foveam relinquunt. Simul appetitus & vires sensim magis magisque vacillant, facies livet, urina paucior, crassior evadit, hæmorrhoides antea fluere consueti non revertuntur, tussis etiam sicca afficit.

## LXXII.

### Leucophlegmatia.

Juvenis 18. annorum a vini acidi immaturi abusu devolvitur in scabiem humidam, quam dum variis medicationibus, maxime vero sudationibus per pulveres mixtos aut confusos depellere vult, incurrit in tumidam totius corporis constitutionem, ita ut primo livor pallorque totius corporis turgescens, mox plenariam intumescentiam post se trahat. Appetitus parvus est; somnolentia adest, vires omnes depressæ. Urina pauca saturatior. Scabies prior exsiccata disparuit.

## LXXIII.

LXXIII.

Clorosis.

Virgo 17. annorum sanguinea, cum sub motu mensium, ventriculum cruda diæta onerasset, incurrit inde in appetitus vitia, languores artuum, capitis dolores. Habitus corporis ita pallescere incipit, ut labia & genæ omnem ruborem amiserint. Sanguinis etiam læsione vulneris emissus ferosus saltim est, uti & pallescunt menses cum insufficienti & inordinato eorum motu. Cor palpitat faute. Respiratio a levi motu maxime ascensorio laboriosa ac difficilis evadit.

LXXIV.

Dysuria.

Vir 40. annorum sanguineo-phlegmaticus, ex cerevisiæ crudioris abusu delabatur in difficiles urinæ excretiones, ut semper sub exitu pressionem in pube, distensionem penis turgidiorem, dolorem rodentem, urentem urinæ transeuntis adferrent. Est cæterum sanus & vegetus, nec lumbis doloribus adeo obnoxius.

## LXXV.

## Incontinentia urinæ.

Fœmina 30. annorum post puerperium primum laboriosius & negligentius transactum tumorem abdominis, & etiam genitalium adhuc quarto mense gestat, maxime vero conqueritur de stillicidio & incontinentia urinæ, ut ea propter vires languent, aspectus faciei pallidior, lividior evadat.

## LXXVI.

## Raucedo &amp; tussis.

Juvenis 24. annorum sanguineo-phlegmaticus vere ineunte, diei satis calidi vespera frigidior, post motum, a quo incaluit, abjecto capitis tegumento & aperta circa thoracem veste, cito etiam his partibus refrigerens, aliqualem intus compressionem, faucium etiam asperitatem percipit, incipit tussire, idque crebrioribus vicibus continuat.

## LXXVII.

## Raucedo.

Vir 50. annorum sanguineo-phlegmaticus, concionator, tussi quasi perpetua assuefa-

suefacta, vel adscititia pro sermonis interrupti excusatione laborans, corripitur summo vere raucedine vocem ita supprimente, ut medio sermone desistere debeat. Tussis nihil secedit. Durat affectus ultra verum in altam ætatem usque. Appetitus paululum magis imminutus apparet. Tandem tussis humidior est reddita. Raucedo tamen persistit.

## LXXVIII.

### Scabies humida.

Puer 2. annorum post achores, & asthma humidum anxium convulsivum ab achoribus repressis enatum, superatum, corripitur una cum sororibus 4. & 6. annorum scabie humida totum corpus obsidente. Diætæ sunt largæ, lautæ, pinguis, aulicæ. Macriores inde evadunt. Appetitus tamen salvus manet.

## LXXIX.

### Scabies ferina scorbutica.

Vir 80. annorum melancholico-cholericus, tener juventutem morbis gravibus, maxime vero quartana chronica transegit, postea vero sanissimus mansit. Ante bien-



nium post fonticuli assueti exsiccationem hepatis inflammationem incurrit, a qua liberatus, fonticuloque restituto bene iterum vixit. Fonticulus iterum exsiccatur, & scabies humescens & furfures albos in facie relinquens, facile quidem deciduos occupat. Reliquum sanus est appetitu & viribus.

## LXXX.

### Scabies in dextri hypochondrii regione fluens.

Vir 50. annorum melancholico - sanguineus, nephriticus, hepatis vitio semi-ictérico quasi affectus, ut oculi perpetuo quasi liveant, ab anno scabie sicca laborat, passionibus vero nephriticæ una cum excretionibus scabiosis desistunt, at in dextri hypochondrii regione nocte scabies ita fluit, ut indusia pingui & foetida putrilagine scateant. Vertigo sæpe afficit. Somnus parvus & inquietus est.

## LXXXI.

### Lues Venerea.

Vir juvenis 30. annorum ex impuro coitu ardorem & inflammatoriam intumescentiam membri per aliquot dies increbescen-

bescentem passus, accedente interim gonorrhœa, accedit Chirurgum & ei largum sostrum pollicetur, si brevissime ac sine multis ambagibus eum restituat; averfatur etiam purgationem. Chirurgus pro gonorrhœa exhibet pulverem ter vel quater in die assumendum. Membrum saccharo Saturni & lacte Virginis aluminoso repellit. Tertio die sentit compunctionem circa inguinales glandulas, quæ mox magis magisque intumescunt. Chirurgus his quoque cataplasmata adstringentia admoveat, cumque his solis uti metueret, decoctum lignorum cum regimine sudorifero offert. Minuuntur inde quidem bubones, sed duriores fiunt. Ægrotus incipit languescere in artubus, capitis assiduo & æquali dolore affici, qui præcipue sub noctem ingravescebat. Turgescit palatum & uvula. Accedit ardor harum partium & interioris nasi cum siccitate ejusdem, a qua tandem frustra lenta & sicca exsiccati mucoris quasi fragmina corticum ex naso succedunt. Supervenit a levibus frigoris alterationibus dolor tensivus, lancinans, imo veluti scindens, in scapulis, in medio humerorum, circa suras, imo in anteriore parte tibiæ; jubet denuo sudare, quod dum æger diversis diebus non successivis repetit, efflorescunt pustulæ scabiosæ, quæ lentum mucorem continent, valde tamen

pruriginosæ sunt. Ubi scalptione portiuncula aliqua excoriata est, succedit crusta glutinosa sicca magis magisque serpens. In tibia negligentius contra refrigerentiam munita enascuntur tubercula ad mediocris avellanæ magnitudinem accedentia, parum dolorifica, sub cute, non magnopere mutato hujus colore hærentia. Patiens colorem amittit, & foedum aspectum nanciscitur. Nascuntur etiam tubercula rubra livida in facie, e quibus cum unum non longe ab ore scalpisset, subnascitur crustosa serpens foetida macula squalidum odorem de se spargit. Raucedo ab initio suborta invalescit; concurrit anhelositas asthmatica, languores in artubus & dolores nocturni invalescunt.

## LXXXII.

## Gonorrhæa virulenta.

Juvenis sanguineo-cholericus ex impuro coitu & reliquo abusu Veneris in fluxum feminis delabitur, materia vero viridis olens exit, genitalia maxime penis intumescunt, vires languent, imo appetitus vacillat, facies pallet, glandulæ inguinales intumescunt, nares stillant. Urina sub exitu ardet, saliva glutinosior evadit.

## LXXXIII.

LXXXIII.

Stomacace.

Juvenis annorum 22. melancholicus, hypochondriacus, vitæ sedentariæ, dentibus flavescentibus, gingivarum secessione & laxitate, sanguinem transfudante afficitur, concurrente vacillatione dentium, imo ulcusculis in interiore parte oris subter labium inferius, qua dentes adjacet.

LXXXIV.

Vertigo.

Vir 40. annorum constitutionis phlegmatico-melancholicæ post varios diætæ commissos errores, appetitum labentem aliquamdiu sentit, cum ructibus frequentibus, & corporis aliqua debilitate, corripitur capitis obnubilatione, & omnia in gyrum verti videntur, & quidem ita, ut nisi fulcro se sustentet, humi procumberet, adest ad somnum proclivitas, os sapor prævus & biliosus occupat, cum salivæ copioso profluvio.

LXXXV.

Dysenteria.

Adolescens 16. annorum sanguineo-chole-  
lericus, cum sub initio Augusti tempesta-



te calida ferena fere, levibus tamen pluviis humidula, ceraforum ufui largiter induliffet, & non ita diu post cerevifiā minus defæcatam bibiffet, fentit 2. poſtea horis cardialgiā morſicantem, quæ mox increbeſcit cum intercurrente naufea, horripilatione, ſubſequentē aſtu vago, non tamen continuo. Succedunt torminum & borborygmorum proventus, & mox deſidendi conatus. Dejicit liquida intermixtis torminibus. Poſt 2. horas & deinceps modo ampliore, modo breviori, ſpatio recurrit dejectio præcedentibus torminibus. Pergunt hæc per noctem. Mane frequenter urget dejectio cum doloribus. Quæ excernit, ſanguine tincta apparent, languet corpus, inappetentia, adefſt ſenſus horroris, turbatur caput & ſomnus.

## LXXXVI.

### Eadem.

Puer 13. annorum ſanguineo-phlegmaticus, torpidus in vulneratione levi difficulter consolidabilis quaſi, ut diutius ſerum exſtillans cicatricis occluſionem impediat, corripitur Auguſto, graſſante dyſenteria, fluxu alvino, qui primum parum cruentus, fecibus fufcis intermixtus apparet, poſtea vero albidus mucofus evadit.

Verſus

Versus vesperam animo magis turbidus redditur, & calore revertente majore cum debilitate exacerbationem revertere indicatur. Noctu magis ad sedes movetur, quam interdiu. Appetitus est dejectus. Tormina adeo graviter non urgent, quam tenesmus, ein leeres Drücken. Redit vera & quasi concocta excretio alvi, sed tamen mucus albus denuo succedit.

## LXXXVII.

### Diarrhœa.

Vir 48. annorum phlegmaticus, cum brassicam capitatam teneriorem cum portione carnis vervecinæ pinguioris avidius edisset, mox post prandium, percipit pressionem quandam & tensionem cum intercurrentibus borborygmis. Succedunt morsus & tormina intestinorum. Non ita multo post quiescit revertentibus borborygmis, tensione, pressione, moribus, torminibus, quoad iterum 3. hora alvus urgeret & liquida dejiceret. Continuat hæc series per noctem & insequentes 2. dies, utut quaternis horis alvus semper fluida urgeat. Appetitus jacet, viresque, caput debile est: Invalescunt non modo flatus, sed accedunt etiam ructus, præcipue post assumptionem cibi aut potus.

## LXXXVIII.

## Eadem.

Vir 48. annorum sanguineo-phlegmatici temperamenti post esum piscium & ingurgitationem cerevisiæ non adeo defæctæ, imo refrigerationem abdominis incidit in fluxum alvinum, cui sese colica conjungit, sat gravis cum anxietate præcordiali, ructibus, inflatione abdominis, appetitu prostrato, vomituratione.

## LXXXIX.

Tenesmus cum procidentia  
ani.

Puer 2. annorum ex incondita diætâ nutriticis e brassica muriatica, carne suilla pingui, potu frigido & sæculento, incurrit diarrhæam mucidam viscidam. Conjungitur tertio die sub repetito ingente conatu exprimendi extrusio intestini recti ad digiti longi magnitudinem.

## XC.

## Soda.

Juvenis post cardialgiam elixir. stomach. aromat. condit. pro stomachi debilitate

litate utens, incidit in molestum sensum ardoris, vel alio sensu frigoris in ventriculo per œsophagum ascendentis, cum dolore faucium, stricture, tenui saliva in os effluente.

## XCI.

### Delirium.

Vir 40. annorum cholero-melancholico temperamenti, crassi & robusti habitus, natus ex familia deliriis multum obnoxia, in matrimonio infelici uxore orbat, quam intensius primum amaverat, & tamen ab ea adultera desertus fuerat, incidit in animi turbationem, capitis summam prægravationem, quæ mature in perfectam maniam devenit, ut rubore nitens, insensibilitate frigoris aucta ob metum damni in carcerem conjiceretur. Reverfus ad se, per plures menses immunis vixit. Quamprimum vero ordinatum tempus rediret, & potui spirituoso locum daret, liberius tum garrere, joculari, ridere, incipit, & paxoyismum mane instantem indicat. Cum malum sit irradicatum & hæreditarium petitur consilium prophylacticum pro mitescentia paroxysmi.



## XCII.

## Apoplexia sanguinea.

Vir 37. annorum sanguineo-cholericus, plethoricus, speculabundis sollicitis arithmeticis laboribus exercitatus iracundus, vino interdum abutens, venæ sectione vago tempore usus, raro tamen scarificationibus, ineunte Autumno paulo post caniculares, calida adhuc tempestate, cum iracundia tacita incanduisset, præcedente quoque die vinum largius bibisset, post prandium repentinum nimium motum suscipiens, indeque valide exagitato motu sanguinis domum reversus, dumque in sedile confidet, laquela balbutiente mox, plane deficiente; obruitur sinistri lateris immobilitate, dextra manu aliquoties ad caput sublata, quasi ostensurus, quod ibi malum aliquod hæreat. Destituitur sensum & hujus brachii motu; collocatur in lecto, nullum amplius signum sensuum edit; respirat tamen aliquatenus saltim singultuose; incipit dentibus stridorem edere, os torquere, oculi sunt aperti, prominni, nil videntes, facies satis rubicunda inflata est.

XCIII.

Apoplexia incompleta.

Vir 50. annorum sanguineo-melancholici temperamenti, cum ventilationes assuetas sanguinis rarius ob metum ætatis admisisset, & vitæ sedentariæ magis, diætâ plena conjuncta, sese dedisset magis, corripitur motu semi-apoplectico; syncope, vertigo, lentor artuum invadit post paroxysmum talem tremor manuum & capitis relictus, quæ ad negotia impotem reddunt.

XCIV.

Vir 40. annorum phlegmaticus animo & corpore, lautæ diætæ, crassus, obesus, incipit torpore animi majore affici, fastidio ad labores, somnus ipsum diurnus nocturnusque obruit, ut vel expergiscens vix vestimenta præ sopore inducere valeat. Post cœnam semper eo corripitur cum multo stertore, facies turgida inflatione distentitur; catarrhis etiam sæpius afficitur.

XCV.

Paralyfis.

Vir 56. annorum phlegmaticus duriori victu aliquamdiu utens, defluxionibus & capitis

capitis gravitate cum sensuum internorum sæpe vexatur. Deinde cum aeri pluvioso paulo diutius se exponeret, in dextro corporis latere magnam debilitatem sentit, ut nec brachium nec pes officio suo fungi valeret, accedente simul impedimento quodam laquelæ, sensus interea & intellectus integri sunt. Latus affectum frigidum, sanum vero calidissimum deprehenditur cum pulsu magno & vegeto.

### XCVI.

#### Paralyfis linguæ post hemiplegiam.

Fœmina 48. annorum sanguinea, laute vivens ad excondescantias assuefacta, potibus spirituosus interdum indulgens, parum motibus vacans, doloribus capitis hemiplegicis sæpe vexata, cum jam à 2. annis cessaverint menses, V.S. & scarificationes assuetas neglexerit, mense Aprili, tempestate pluviosa, calida tamen, afficitur majore dolorum horum molestia. Huic consultura 3. dies ante plenilunium scarificationem celebrat in fervido conclavi. Augescit malum cum vertigine usitata, evadit lassæ, semistupida, perit motus linguæ, ut nec sonoram nec articulatam vocem edere posset.

XCVII.

Syncope.

Fœmina 23. annorum plegmatico-melancholica, pensitabunda, meticulosa, cum menses etiam non recte succederent, & palpitatione cordis interdum tentata esset, repentino nuncio sibi cognatæ & charæ perturbata dimidia post prandium hora, paulo post, ubi relationem intellexit, pallescit, elanguescit, labascit, concidit clausis oculis, leviter hiscente ore, flaccidis artubus, aspectu tamen membrorum subfidente; respiratio nulla fere sensibilis, pulsus vix perceptibilis, tremori magis quam pulsui similis superfuerat.

XCVIII.

Alvi obstructio ad miserere mei inclinans.

Puer 13. annorum sanguineo-melancholicus, alvi ficcioris, æstate ingentem copiam, pyrorum exsiccatorum ingerens & ad 3. horas nil bibens, sed potius cursu ad sudorem largum excalesfactus, corripitur ejectionis alvinæ emanatione. Non attendit hoc primis diebus; edit interim multum panis sine proportionem potus, sub 3. diei finem incipit tensivo gravativo sensu



su circa abdomen affici, cui intercursant rari quidem, sed sensibiles & quasi longe lancinantes dolores. Languescit, nil appetit, oscitat frequenter. Invalescit 5. die dolor & increbescit lancinatio. Augetur languor, dolet caput & turbatur volatica vertigine, siccescit os, fitit.

## XCIX.

### Passio iliaca.

Vir 50. annorum sanguineo-melancholicus, plethoricus a gravi lapsu os femoris fregit, indeque passiones febriles dolorificas varias passus, maxime vero maturam adstrictionem alvi subiit cum torminibus, pungentibus, lancinantibus, qui ad pectus ascendebant, & pleuritidem mentiebantur. Ructus vero foetidi cum anxietate synoptica ascendentes ægrum de involutione intestinorum iliaca sollicitum reddidere.

## C.

### Sterilitas.

Fœmina 24. annorum sanguinea florida post 3. puerperia jam per 3. annos sterilis manet, quod animum ejus valde sollicitum reddit. In ultimo puerperio uti & in

in prioribus ex lactis repressione in febrem tertianam valde auctam delapsa, & hæmorrhagia uteri accedente paulo magis debilitata, quam in prioribus; postea vero erysipelate capitis æstuoso affecta; inde menses ordinate, sed tamen cum multo muco instar fluoris albi evacuati: appetitus & vires reliquæ vigent.

## CI.

### Hernia incarcerata.

Vir 50. annorum sanguineo-melancholicus, cum in priore ætate a nisi oneris in herniam esset delapsus, & abhinc passiones varias perpeffus, hoc autumno post refrigerium in colicum dolorem lenem devolvitur, qui vero in horas ita surrexit, ut cum adstrictione summa tormina & spasmi ad syncopen usque urgerent. Hernia est incarcerata dura, ac si scybala essent impacta. Phlogoses intercurrent. Hernia intumescit, ructus accedunt, flatus cum foetore assurgunt, ac si fæces vomitum urgerent. Anxietates augentur; vigiliæ turbidæ mentem delassant, & inclinatio ad somnum accedere videtur.

## CII.

## Vomitus gravidarum.

Fœmina 35. annorum sanguineo-scorbutica, aulica animo & corpore, diætæ vagæ luxuriosæ, gravida facta iterum corripitur matutino vomitu, cum languore, dolore capitis, appetitu vago, fastidio carnis.

## CIII.

## Diarrhoea gravidæ.

Fœmina 26. annorum gravida altera vice, in priore graviditate vitam scabie degit, & fœtum tali contagio inquinavit, ut eo etiam perierit, experitur tamen in inflatione abdominis turgida mensium consuetum successum. Fœmina plethora non turget, uti quasi serosa debilitate naturæ. Temperantia nitrosa ideo non conveniunt. V. sectionem admisit, sed fluor persistit. Medio gestationis tempore sanguinis fluxus supprimitur, sed diarrhoea succedit, & diu jam infestat.

## CIV.

## CIV.

## Alvi adstrictio gravidæ.

Alia melancholici magis habitus, ætatis 33. laborat sub tempore graviditatis, alvi segnitie, quæ motus flatulentos, cardialgicos, anxios, vertiginosos inducit.

## CV.

## Varices gravidæ.

Fœmina 36. annorum, plurium liberorum mater, corripiebatur jam sub binis ultimis gestationibus inflatione crurum summe varicosa, ad ovi magnitudinem propendente. Motus membri est laboriosior. Dolor nimia turgescencia venarum augetur. Tandem excluso fœtu cum lochiis demum varices pereunt. Jam cum tertium & quartum mensem agat graviditatis, petit consilium prophylacticum, si dari possit, aut contra doloris intensioris increbescentiam mitigationem.

## CVI.

## Partus difficilis.

Fœmina robusta, sanguineo-melancholica, plethorica jam binis vicibus partu



difficili mortuoque ita delassabatur, ut jam in proximum partum consilium quærat, quomodo præservative res non naturales regere debeat, quidve partu instante ad facilitandum opus possit observare.

## CVII.

### Abortus.

Alia athletica, hæmorrhagiis alias obnoxior, iracundiæ dedita, jam bis sub medium fere gestationis tempus abortum passa, petit prophylaxin.

## CVIII.

### Hæmorrhagia uteri post abortum nimia.

Fœmina 36. annorum sanguineo-plethorica aliquot jam liberos peperit, hoc ultimo vero gestationis tempore venæ sectionem adsueta, & ex gallica indole necessariam neglexit; parit celeriter, sed sanguis non multo post ita largiter fluxit, ut ob syncopem ingruentem mors ante fores esse existimetur.

## CIX.

CIX.

Febris inflamm. lochialis.

Alia ex abusu vini & spirituosorum, maxime jusculis aromaticis vinosis abutens incidit in febrem acutam cum turbatione capitis summe delira; vires prostratae, pulsus frequens, anxietas cardialgica, lochia pauca.

CX.

Febris miliaris.

Alia simili ex causa febrem nata, efflorescentia cutis instar acicularum capitulorum dispersas offert; alvus sicca, motus vomibundi adsunt, anxietates urgent.

CXI.

Dolores abdominis puerp. a potu frigido.

Puerpera die 2, 3, quartum post partum a potu frigidior dolore intensiores abdominis experitur, qui anxium aestum exprimunt, vires prosternunt, appetitum supprimunt.

## CXII.

## Secundinæ retentæ.

Fœminæ 28. annorum post partum laboriosiores remanent secundinæ; incurrit inde in lipothymicam debilitatem, oppressionem quasi suffocativam, vertiginosam turbationem cum spasticis colli tensionibus. Est dies demum alter a partu.

## CXIII.

## Dolores post partum.

Fœmina statim post partum admisit aerem frigidiores ad partes genitales, & neglexit debitam abdominis ligationem, hinc corripitur immanibus doloribus, cum urinæ vitiis, unde lochia parcius fluere incipiunt.

## CXIV.

## Maturus robustorum infantum post partum obitus.

Mulier illustris prosapiæ, sanguineo-melancholici habitus, plethorici status ad intensiones motuum sanguinis ita inclinans, ut vini usus moderatissimus turgescentiam dolorificam inferat, tres jam filios

lios matura post partum morte amisit. Erant robusti, ut corpus rubore intenso fulgeret. Petit consilium felicioris partus & sanioris sobolis.

## CXV.

### Convulsiones infantum recens natorum.

Mater 2. 3. filios enixa, qui statim a partu clamores, inquietudines cum fecibus viridibus incumebant, & tandem post plures septimanas in convulsiones lethales devolvebantur. Mater est plethorica, iracunda, diætæ plenæ. Infantes succulenti sunt satis. Petit consilium, quid sibi agendum incumbat, tum quid recenter expectando fœtui auxilio sit sperandum, ut gravis ejusmodi affectus avertatur.

## CXVI.

### Infans neo-natus mortuus apparens s. ἀνεκδιήνοια ejus.

Infans recens natus sub laborioso exitu apparet mortuus sine sensu, sine motu, sine consueta aliâs ejulatione. Quid consilii?



## CXVII.

## Icterus infantum.

Alius non longe a partu tempore inflatur per totam peripheriam habitus externi & ictero suffunditur: Reliquum sic satis valet. Inquietior paulo est.

## CXVIII.

## Deglutiendi difficultas.

Infans paucarum dierum deglutiendi & sugendi difficultate laborat. Cæterum est vegetus. Petitur indagatio causæ, & supeditatio curæ.

## CXIX.

## Retentio meconii.

Infans recens natus à meconii retentione tormina, cardiogmum, clamores, pavores, imo convulsiones sustinet, quæ symptomata demum excipiunt dejectiones decolores, æruginosæ, wie gehackte Eyer.

## CXX.

CXX.

Diarrhœa.

Puer 6. mensium diarrhœa corripitur, intercurrentibus inquietudinibus, fœces mox virides, mox flavæ, mox aqueæ apparent. Æstus intercurſat; mammas mox respuit, mox avidius abripit.

CXXI.

Oppletio pectoris aſthmatica.

Puer 2. annorum ſatis phlegmaticus ob-  
eſus corripitur oppletione pectoris, und  
röchelt ſtark auf der Bruſt, cum inquietudi-  
ne, interno calore; respiratio eſt anhelæ &  
laborioſa, quæ ſymptomata oriebantur ab  
aeris liberioris afflatu corpore antea in le-  
cto calefacto.

CXXII.

Ejectiones calculoſæ.

Puer 2. annorum parentibus nephriticis  
genitus, ſæpe inquietudine, clamoribus,  
febrilibus motibus deſaſſatus, maxime ve-  
ro urinæ vitiis, ut nunc iſchuria, nunc  
ſtranguria ipſum comprehendat, ubi urina  
eſt ſaturata, acris; corripitur etiam infla-  
tione genitalium eryſipelacea, & ea diſcus-  
ſa

sa arenulæ cum multo muco urinam comitantur. Solliciti ergo sunt parentes de calculosa immatura hæreditate, aut materia calculosa corrigenda.

### CXXIII.

## Achores.

Infans 6. mensium, succulentus, corripitur efflorescentia faciei, materiam purulentam fundente, & crustam densam relinquente.

### CXXIV.

## Alvi ficcitas.

Alius 1. anni vegetus laborat segnitie, tarditate & ficcitate alvi, ut sub excretionem laboriosa anxios motus corporis operativos & respirationis contrahat.

### CXXV.

## Asthma.

Alius ejusdem ætatis a refrigeratione in stertorem conjicitur cum summa virium dejectione; tussis non valet pectus evacuare, nec mucum movere. Accedunt convulsiones.

### CXXVI.

CXXVI.

Febris cum vomitu.

Alius ejusdem ætatis corripitur æstu, debilitate, appetitu prostrato; succedit repente convulsio. Vomitus subvenit, & vermis insignior rejicitur.

CXXVII.

Atrophia.

Puer 3. annorum a potu nocturno frigido sæculento incidit in intumescentiam faciei quadantenus turgidulam, majorem vero abdominis, cum nodis intus quasi sensui obviis, reliqui corporis macie. Alvus vaga est. Appetitus mediocris, sitis intensior.

CXXVIII.

Paralyfis ab achoribus  
exsiccatis.

Infans 2. annorum ab achoribus citius exsiccatis incidit in febrem quotidianam cum sudore argente, loquelæ impeditione, perpetuo stertore, lateris dextri immobilitate, tandem epilepsia succedente.

CXXIX.



## CXXIX.

## Dentitio difficilis.

Infans 24. hebdomatum adortur febrilibus insultibus, vigiliis, inquietudine, clamoribus, emanatione copiosæ salivæ ex ore, alvi restrictione, & laborat dentitione. P. C.

---

## SECTIO II.

## Casus Chirurgici.

## I.

Arteriæ vulneratio in radice  
manus.

**P**uer 12. annorum scribendi exercitio addictus, improvida scalpelli tractatione mucronem ejus in rascetta manus sinistrae per transversum adegit, ut cuspide bene acuta arteriam ipsam vulneraret.

## II.

### Vulnus supra flexuram cubiti.

Juvenis 22. annorum sanguineo-chole-  
ricus, statura procera & robusta, semiebri-  
us e chorea ducta excalesfactus in rixam,  
cum aliis devolutus vulneratur cæsim in  
brachii sinistri parte carnosâ supra flexuram  
cubiti seu ventre musculi bicipitis, obli-  
que transversim, ut interior ejus terminus  
deorsum, exterior vero sursum vergeret,  
longitudo vero ultra 2. pollices, profundi-  
tas vero ad unum esset, fluit vulnus ad-  
modum sanguine.

## III.

### Tumor sanguineus ex allisione.

Puer floridi sanguinei habitus, diæta  
lautâ aromatica utens, cursitationibus &  
exæstuationibus corporis indulgens, sæpi-  
us per annum narium hæmorrhagias pati  
adsueverat. Cum vero ante  $\frac{1}{3}$  annum hæ-  
morrhagia talis alumine in nares impressa,  
cohibita hæctenus, plane cessaverit, puer  
vero ipse a frequentioribus illis motibus  
cor-

corporis sæpe hæcenus capitis æstuosos dolores expertus fuerit: accidit, ut perpetulantem parium colluctatione humum projectus circa medium femoris dextri, externum quidem ejus latus lapidi auctiori fortiter allisus penetrantissimum dolorem, & inde mox indurationem & tumorem perciperet, domum vero deductus, dissimulato illa vespera damno, tumoris majori collectioni & impactioni locum præberet. Unde licet per noctem satis quiete dormivisset, mane tamen tendere, aut movere femur non posset sine exquisito dolore, multo minus tactum paulo fortiozem in loco affecto perferre; In quo interim tumor ad ovi gallinacei latitudinem, durus, rubicundus æstuans conspicitur.

#### IV.

### Tumor genæ persistens.

Adolescens sanguineus phlegmaticus 20. annorum tempore brumali e conclavi valde calefacto, & in quo ex aliquali laborioso motu sudore perfusus erat, in frigidum aerem transgressus, capite minus sollicitè operto, in catarrhales stases circa caput dolores capitis dentiumque incidit valde æstuosum, qui vero mox coorto tumore genæ insigni sensim sensimque imminutus, & in hujus saltim ardorem & ruborem

borem transmutatus fuit; jubetur calide saltim obtegere genam tumentem & assumptis internis discutientibus & absorbentibus successivam spontaneam resolutionem ac subsidentiam expectare. Hæc cum ita quoque sequeretur, & usque ad thaleri circiter latitudinem resedisset durities & tumor, sensus vero molestus omnis abiisset, incurius ille reliquum illud negligit, & auræ frigidaë imo ventosæ temere nudam genam permittit. Unde hic tumor & durities jam ad 12. dies ita persistit sine decremento.

V.

Ex collisione suræ sugillatio, stasis, tumor.

Juvenis 22. annorum sanguineo-melancholicus, e gravi allisione suræ circa internum latus ossis tibiæ antrorsum in sugillationem, stasin, tumores ejusdem partis incidit, cum vero nil adhiberet, & iter in aere frigido persequeretur, decrescere quidem successive dolorem sensit, acutum nempe illum; tumor vero non magnopere resedit, sed in duritiem compactus conspectum e flavo rufescentem jam ad 14. dies servat, tensivam molestiam in vola pedis inducit, & tactu quoque fortiore dolorem quasi contusorium infert.



## VI.

Tumores in scapulis ex ictibus  
fustium.

Juvenis sanguineo- cholericus fustium ictibus graviter oneratus exhibet præcipue 2. insignes tumores, ultra digiti magnitudinem & pollicis mechanici latitudinem, summæ scapulæ incumbentes, qui nigro rubentes, tactum valde molles deprehenduntur.

## VII.

## Tumor hernialis in inguine.

Juvenis 18. annorum sanguineo-phlegmaticus, cum non modo immodestiore capitis motu excaluisset, sed etiam nisi quodam pedis fortissime facto frustratus esset, indeque in ipso dextro inguine in spatio inter scrotum & glandulas inquinales non modo dolorem, sed & tumorem insignem paucis horis fere ad dimidii ovi anserini magnitudinem auctum passus esset, eumque primo quidem dissimulasset, donec secundo die crus nullo modo extendere posset.

## VIII.

VIII.

Femur ex contusione exulceratur.

Juvenis 26. annorum ex contusione graviore in externa parte femoris multo æstu & dolore afficitur, unde abscessus natus, tarde ruptus, unguinosus tractatus desiit quidem pus fundere, sed ambitus durus non decrescit, dolor urget ardens, rodens, aspectus ulceris pallidus interioris, humiditas flavescentis discolor pauca: nullus ad expletionem cavitatis aut solidæ firmæ carnis generationem apparatus, sex potius laxæ fungosæ pallidæ carnis frustulum intra 12. horas extuberare capit, erupit etiam hætenus nunc & tunc aliquid sinceri sanguinis, & jam 10. a prima apertione vertitur dies, dolor tensivus renitens in parte continuat & augetur.

IX.

Tibiæ exulceratæ.

Juvenis 26. annorum sanguineo-melancholicus, cum circa solstitium æstivum equestri itinere sub sereno cœlo incaluisse, potu vini etiam justo copiosius assumpto domum reversus, detractis ocreis per linthea tibialia frigidula aura perstringente ti-

bias, & inducto inde pruritu scalpfit has paulo immodestius, ut non modo cuticula aliquid abraderet, sed & sensu doloris exquisito accedente, intra horæ spatium congestio humoris, & inde tumor erysipellaceus partem occuparet cum dolore ardente. Discutitur erysipelas per camph. & discutientia, sed remanet œdematosa inflatio, & per excoriatas partes transfundat humiditas. Apponitur emplastr. & altero die visuntur ulcuscula profundius insinuata. Hument hæc, ambitus tumet duritie, nitida, rosea, pruriente sub allapsu aeris.

## X.

### Abscessus in cubitu ex metastasi scabiei.

Juvenis 19. annorum sanguineo-melancholicus, cum scabie per contagium contracta aliquamdiu laborasset, sed jam a tertio circiter mense ab illa liberatus appareret, cum alioquin post motum corporis refrixisset, sensit uno vel altero die languorem, succedente horrore, & æstu cum duritie tumida circa cubitum. Augescit hæc per noctem ad ovi columbini magnitudinem cum insigni duritie, ardore sensibillissimo, & lenissimo palpitatorio sensu.

Post

Post 4. dies incipit in cacumine maculam flavescentem & mollem exhibere, qua aperta parum puris effluit. Evacuato vero illo per expressionem modestam, succedunt striæ sanguinis, iisque absterfis apparet foramen crassioris acus capacitae.

## XI.

### Femur læsum.

Vir sanguineo-phlegmaticus annorum 36. annuis autem semestribus purgationibus, & non quidem statis, frequentibus tamen scarificationibus uti solitus, cum hæc utraque pluribus mensibus neglexisset, æstate declinante sub finem Augusti, cum frequentius hactenus vini potui indulgisset, jam vero iracundia aliqua concussus, sequente nocte inter dormiendum femore sinistro ad spondam durius applicito cubuisset, evigilans, doloris quendam sensum & tensionem in parte percipit. Ex inunctione balsami sulphuris augetur dolor & tumor, qui rubet & urit valde.

## XII.

Ex calcitracione equi ad malleolum inflammatio, gangræna & sphacelatio.

Juvenis 22. annorum calcitracione equi

F 3

paulo



paulo supra malleolum internum tibiæ sinistra graviter percussus, ut contusio partium cutanearum, tendinosarum, laceratoria adesset, ipseque statim præ summo dolore pedem nullatenus amplius movere valeret, differt tamen mature Chirurgum advocare, sed obligatam linteo læsionem usque in alterum diem servat. Augescit dolor, extenditur per universam tibiam sursum; tumor conjungitur valde magnus, ardor & æstus gravissimus. Æger fit debilis, vocatus. Tonsor imponit emplastr. de sperm. ranar. Imponit etiam unguent. digest. de alth. Æger fit debilior, ita, ut jam una & altera vice animo defecerit. Vocatus Chirurgus aperta deligatione, vidit lividam partem, & cæterum circa pallidam: hinc inde & maxime circa læsionem bullas mediocres lividas pallidas. Infligit aliquot vulnuscula profundiora lanceola. Nihil effluit, nisi serum subcruentum; Patiens nil sentit, quid in parte agatur: portio ipsa lacera malum odorem emittit.

### XIII.

Morsus equi in cubito cum inflammatione & gangræna  
sphacelosa.

Juvenis 25. annorum sanguineo-chole-  
ricus

ricus lacertosus, operosiori labori deditus, cum in stabulo laborans bene incaluisset, improvida appropinquatione ad equum morforem læditur; ab hoc morfu in media parte brachii cubitalis. Accedit mox cum insigni dolore tumor & ardor. Chirurgus vulneri satis patulo adhibet digestiva & defensiva ordinaria, sed increbescit tamen dolor & summus ardor; pars ipsa magis magisque e rubro colore in subnigrum transit, donec in stuporem, insensibilitatem, foetorem transiret, ubi insensibilitas late circum pergens frigiditatem adducens, sphacelum imminere indicaret.

#### XIV.

### Ex achoribus repressis in maxilla abscessus.

Puer 8. annorum cum achoribus capitis, inde ab infantia sæpius repullulantibus hætenus aliquamdiu laborasset, sed a linimenti sulphurati usu desiccationem ejus jam obtinere videretur, cum aliàs esset habitus magis phlegmatici, & jam tempus autumnale: afficitur collectione, stasi & tumore non admodum dolente in dextra maxilla ab aure ejusdem lateris per genam intra os zygomatici deorsum ad collum us-

que excurrente. Durat ita per 3. 4. dies, adhibito emplastro de melilot; augetur primo & rubescit.

## XV.

### Tubercula rubra in facie.

Juvenis 25. annorum potator, sanguineo-phlegmaticus, tuberculis rubris duris in facie infestari cepit, quæ ab æstu solis & motu prurientia cum fricaret, unum in naso manare, crustam acquirere, nec tamen consolidari apparet. Ab emplastro ulcus augetur, ut & ab unguento Pom. manatio pergit & cartilago nasi etiam arroditur.

## XVI.

### Ex terrore mammæ durities & inflammatio.

Fœmina 30. annorum sanguineo-melancholica, cum ante 8. septimanas peperisset, & hæcenus infantem lactaret, repente gravi terrore percussa puncturas veluti quasdam in mammis sensit, præcipue vero in sinistra; cum infans non ita diu dextram pene exhausisset, oboritur mox durities ad ovi columbini magnitudinem, quæ sensim intra horas 8. augetur ad

ad gallinacei capacitatem, suboritur dolor pungens, tendens. Sequentie die invalescit uti & ardor. Imponit petroselin. in butyro frixum. Augescit dolor & ardor, imo tumor latius circa diffusus magnam mammæ partem occupat.

## XVII.

**Nodus mammæ difficiliter suppurascens & mali moris.**

Fœmina 36. annorum sanguineo-melancholica, ante 2. annos demum matrimonium iniit, & inde vertente anno sese gravidam sensit. Parit infantem minus robustum, aliquoties tamen per 2. menses incommoda circa mammas sensit, præcipue mediotullium durius & quasi in conum coacervatum cum interpunctionibus crebris, cum ita 4. septimanas incommode lactasset, oblato terrore nodum in mamma sinistra sentit, reliqua ista densitate longe duriolem, sed non æque dolentem. Cum vero post aliquot dies repentina & gravi ira exastuasset, incipit tumor hic vehementer ardere & dolere, simulque in eximiam molem augescere, mamma inflari, rubescere, æstare. Imponit bolum cum albumine ovi suo suaso. Residet tumor & ardor. Corripitur anxietatibus & lipothymis,



miis, succedit vomitus & dejectio chole-  
rica cum euphoria. Medicus adhibet ad-  
stringentia cum opiato. Sistitur fluxus,  
sed tumoris mammarum dicti dolor recru-  
descit in æstuosum ardorem, qui empla-  
stro de sperm. ranarum temperatur, sed  
dolor profundus lancinans persistit. Post  
2. septimanas balneator præbet emplastr.  
de meliloto. Unde dolor & ardor in pro-  
fundo augetur. Post aliquot demum dies  
intensa lancinatio nil tamen remittens,  
sed mollescens nodus fit: Imponitur em-  
plastr. & cataplasma emoll. cum oleo cha-  
momill. Augetur dolor & videtur emol-  
liri nodus. Pertunditur satis profunde,  
nihil effluit præter parum decoloris puris  
cum copiosis striis s. grumulis sanguinis  
atri. Dolores augentur, & subsequente  
deligatione pariter cruentus ichor exit.  
Extenduntur lancinationes & dolorificæ  
tensiones ad brachium vicinum, imo con-  
currit aliquis humeri illius tumor. Se-  
quentibus aliquot deligationibus omnia ea-  
dem, nisi quod nauseosus nidor, denique  
rudimenta actualis foetoris concurrere in-  
cipiant.

### XVIII.

Vidua 28. annorum 2. liberorum mater,  
sanguineo-melancholica, iracunda, vitæ  
sedentariæ, diætæ siccæ, a terrore mensi-  
bus

bus fluentibus obstructis, anxietatibus & incommodis circa primas vias, opponit venæ sectionem in brachio cum paucō effluente sanguine. Mœstior inde redditur, corripitur refrigeratione, lassitudine, somni perturbatione, capitis dolore familiari exacerbata, maxime tensione in brachio & scapula lateris venæ secti, quarto die horror incurrit cum sensu compunctionis in mamma ejusdem lateris, quæ a levi tactu augetur. Colligitur per succedentes septimanas nodus, pisi magnitudinem non excedens. Augetur per aliquot ad avellanæ magnitudinem cum dolore citra attactum ardente pungente, qui ab ira valde exacerbatur, reliqua mamma nil mutata, nisi quod sub gravi dolore quadantenus æstuet. Brachium & humerus vicinustensorio palpitabundo dolore sæpe afficitur. A 3. die non modo augetur dolor, ut anxiam reddat ægram, sed somnum etiam irritum faciat.

## XIX.

### Combustio brachii.

Coquus dum parvum ahenum dococto jurulento fervente plenum de tripode super ignem depromere suscipit, situ vero ejus inæqualiore cum una manu tetigisset,  
nudare

nudare hoc incipit, cui dum altera manu occurrere festinat, sub trepida & tremula perturbatione inclinato ahenō, brachium illud circa carpum bulliente pingui decocto perfundit & gravissime ita compurit.

## XX.

## Perniones pedum.

Puella mendica 16. annorum cum hyeme per nives e pago in urbem migraret, pedibus pessime calceatis frigore nimio eosdem ita læsit, ut cum denique in hospitio iterum incaluisset, toti pedes inferiores stricte ita dicti magno tumore turgescerent, & lividum subnigrum colorem nanciscerentur, cum dolore summe pruriginoso morficante, imo ardente & interlancinante ad tactum fere insensibiles essent; succedunt mox fissuræ imo profundæ ulcerationes, concurrunt manationes flavescences, imo aliquis jam fœdi nidoris halitus ex ulceribus, adeoque sphaceli metus.

## XXI.

Juvenis 20. annorum vehemente contusione ex impetuoso prolapsu & allisione pectoris sub sinistra mamilla, ad acutum lapidem facta tumori nigro livido emplastr. Norimberg. applicuisset, indeque cum gravissimo

viffimo æftu tardam admodum fuppurationem & ruptionem apoftematis poft aliquot demum dies impetrasset, neque laudabile pus in notabili quantitate erumperet, sed mox saniosa acris materia flueret, circumcirca etiam pars rubicunda & dura maneret, neque consolidationem nisi post tertiam septimanam subiret, tunc quoque adhuc flavo rubente ambitu suspecta, post 8 dies cum insigni dolore, rubore, tumore recrudit, & post aliquot dies iterum perrupit. Decrudit hic affectus ad quartam vicem, & tandem similis tumor intra dictam læsionem ad trium digitorum latitudinem. Maturatur & pus educitur. Vulnus enim mox in pallidum ulcusculum mutatur, in ambitu vero versus priorem tumorem rubor & tumor dolens persistit. Manat quotidie non parum tenuis saniei. Respuat omnem ulteriorem maturationem & consolidationem.

## XXII.

### Fistula in cantho oculi.

Puella 10. annorum sanguineo-phlegmatica, cum sæpius acri catarrho modo circa nares, modo circa oculos conflictaretur, usurpato copioso collyrio ex vitriolo, & prævalescente acri influxu, & turgente partim



partim ab attritu, partim ipso ardoris sensu oculo atque palpebris circumcirca. Sensit inde aliquam ardoris & rosionis mitigationem, sed pressionis sensum succedentem percepit. Ante omnia circa angulum oculi versus nasum non aliter ac si quiddam ibi incuneatum inhæreret, sentire sibi videbatur. Erat sub his omnibus alvus ficcior, & variis cupediis pinguibus dulcibus sustentabatur ægra. Ubi post aliquot dies reliquus tumor & rubor subsidet. Manet tamen aliqua anguli illius in oculo sinistro juxta nasum turgiditas. Quando puella dormit, conglutinantur palpebræ; ubi per diem vigilat, semel aut iterum levem pruritum seu titillationem ibi percipit. Quoties vero ita levi frictu angulum comprimit, diffluit quasi guttula interdum crassioris puris, interdum saniosi in oculum. Duravit hoc ultra semiannum.

### XXIII.

#### Fistula ani.

Vir 36. annorum sanguineo-phlegmaticus, cum hætenus sæpius longinquis itineribus modo duriore vectura, modo equitatione, lumbos & sedem succussisset, alvi depositionem duriores sæpe fecisset, ut cum insigni nisu deinde exprimere cogeretur, persensit ante 3 septimanas adhibitis

tis aliquoties pilulis Francof. & factis computationibus, moleſtam quandam preſſionem circa anum, quæ mox in ardorem & lancinationem impetuoſiſſimam degenerans, per 3 dies ita peſſime afflixit ægrum, ut poſteriores dies plane inſomnes, & jugiter anxie tranſigeret. Tranſactis variis medicationibus, fruſtro adhibito cataplaſmate emoll. exiliſſimo foramine perrupit pauciſſimum pus. Inunctus eſt dolor unguento diſcut. Dolor ceſſat, ſed ſub deſiſitione ardor & ſenſus quali fabæ in inſteſtino hærentis perennat. In ipſo vero induſio veſtigia ichoroſæ materiæ ſuccurrunt. Poſt aliquot ſeptimanas Chirurgus foraminulum ad digiti altitudinem in inſteſtino deprehendit.

#### XXIV.

### Vulnus a cane morſum mali moris.

Juvenis 26. annorum ſanguineo-melancholicus robuſtus, a cane in pede dextra ad 4 digitos infra genu latere exterior circa ſuræ principium profundo morſu vulneratur, ab improvifo caſu graviter exterritus nonniſi pauciſſimum ſanguinis inde fundit. Conſiliis unguinoſis præpoſtere tractans affectum, incurrit non modo in gravem

gravem dolorem, sed & tumorem & ardorem late circum excurrentem. Balneator affectum Epithemat. ex decoctis vulnerariis partem fovet, unguento digestivo morsum oblini. Nil magnopere inde levatur patiens, sed mox loco laudabilis puris saniosus ichor emanare cepit, labia morfus dura, turgida, pallida evadunt. Incipit aliquid luxuriantis carnis emergere, quod balneator unguento ærug. ære usto absumere studet. Hisce nihil proficientibus Mercurio præcipitato adperso oblationem tentat. Augescit dolor & ardor. Ulcus ampliatur, ut nil puris, sed tenuem ichorem funderet.

## XXV.

### Vulnus in pede ex forfice mali moris.

Juvenis 22. annorum cum excalceatus ad mensam sedens e scriptoriis instrumentis forficem novam & acutam penes se jacentem haberet, sed inter chartas illapsam cum surgens chartas tolleret, delapsus forfex acumine pedem medium ita penetrat, ut fere transfigeret. Oritur mox dolor acutissimus. Pes inflammatur, dolet, tumet, indurescit. Tonfor applicat album ovorum cum bolo, postea emplastrum de  
 sper-

spermat. ranar. diapalm. vulneri inungit unguent. digest. Remittit dolor ardens, sed non tendens, lancinans. Inungit unguent. alb. camph. & imponit pristinum emplastr. sine levamine. Pus paucum generatur, multa tamen ichorosa substantia promanat. Accedit dolor tensivus spasticus: æger fit inquietior, ut ne quidem dormire multum valeat.

## XXVI.

### Meliceris.

Puella 6. annorum sanguineo-phlegmatica satis de cetero sana in brachio sinistro, medio inter cubitum & manum loco, duritiem & tumorem multis diebus languidissime augescentem nanciscitur, qui trimestri pene spatio sensim in magnitudinem ovuli turturis excrescit, sine sensibili tamen dolore. Sedet tumor in carne fixus. Ante 3. septimanas emicuit similis tumor super media manu, qui maxime cerasi medietatem facile æquat. Neuter tamen horum tumorum ita tanquam suo loco proprio ambitu extuberat, sed in partibus circumjacentibus una ita distentis infixus sedet. Maturatio pluribus demum diebus aliquem ruborem excitant, & post ung. conjuncta aliquam mollitiem excutiunt. Aperit Chirurgus scalpello, effluit paucus

G

ichor.



ichor. Applicat ung. digestiv. Nil succedit puris; mundificato & absterfo foramine, apparet tumor repletus & suffertus, veluti sebacea pingui materia.

## XXVII.

### Polypus narium.

Puer 8. annorum sanguineo-melancholicus, cum alioquin gravi lapsu faciem allisisset, indeque non modo copiosissimam hæmorrhagiam, sed etiam tumorem & inflammationem nasi ingentem passus, a nescio quibus medicamentis oppositis supurationem e naribus sustinisset, quæ cum hæmorrhagia per fortia adstringentia cohibita fuisset, non sine gravi dolore, & diuturna demum mora perrupit: Sentit nil condigne facta mundificatione, corpus alioquin oblongum molliculum e basi narium pronatum, cavitatem explorare sinistrae naris, quæ substantia, licet enim sensibilis, per se, pressione tamen sensibilis evadit, & si paulo rudius tractetur, hæmorrhagiam satis copiosam producit.

## XXVIII.

Puella pauperula, cum tibiam vehementi allisione excoriasset, & quidem brumali tempore neque bene vestita, neque satis in calore degere compos, sed fere  
gravi

gravi frigori obnoxia, primo dolorem, tumorem & inflammationem in parte dolente percepit, cum vero neque nunc frigus evitare valeret, variis interim unguinosis nunc & tunc per mulierculas oblatis partem frustra oblevisset, cepit quidem tumor insignior evanescere, ulcus vero ad oboli magnitudinem apertum & manans persistere, circumcirca vero calorem ex nigro rufescentem, qualis ceraforum acidorum bene maturorum est, inducere.

## XXIX.

### Panaritium.

Ancilla domesticis laboribus, lotionibus, variisque operis addicta, satis robusta alias & vegeta, cum ab aliquo tempore per refrigerationem sub mensium fluxum suppressionem eorundem passa esset, scarificationes etiam alias consuetas neglexisset, turgidaque & inflata haberet brachiorum vasa, incipit in acino digiti indicis duritiem & tumescentiam aliquam sentire, quæ sensim augescens ardorem, ruborem, lancinationes, imo denique horum omnium tantam exacerbationem suscipiunt, ut ne quidem dormire 2. noctibus valeat.

## XXX.

## Cruentatio gingivarum.

Juvenis 32. annorum sanguineo-melancholicus, sanus alias, gingivarum consumptionem observat, ut non modo dentes, sed ipsa maxilla denudari incipiat, quin etiam vel panem vel pomum, vel tale quid admoveat, cruentatur illud a gingivis.

## XXXI.

## Tinea.

Puer 14. annorum ab aliquot annis frequenti & fere neglecta capitis scabiositate affectus, denique scabrum ulcerosis squamis oblitum, cute tumida affectum, & parvis veluti stibulis pilorum hispidum offert caput, hinc inde etiam glutinosa crusta oblitum. Unde multam pruriginem hinc inde sentit: scalpendo vero aut fricando mere cruenta stigmata elicit. Facies quoque pallida, decolor strigosa est, oculi concavi, ambitus eorum lividus.

## XXXII.

## Vulnus in pudendis.

Mulier paupercula 26. annorum alias satis sana, cum de grandi acerno segmento-  
rum

rum & festucarum, quæ a fabrorum lignariorum operis colliguntur devoluta acutissimam festucam illabendo ad ipsa labia finis pudoris imegisset, vulnusque ad dimidii digiti profunditatem inde passa, mox graves dolores & ardores incurrit, unguentis hinc succurrere satagens parum profecit, sed licet longiore tempore sensim tumor gravior evanesceret, aliqualis tamen remansit, vulnus vero mox in ulcus conversum consolidationem hucusque respuit.

### XXXIII.

#### Oculorum ardor.

Puella 6. annorum sanguineo-melancholica, nunc & tunc hæmorrhagiis narium infestatur. Cessant hæ ab adstringente; succedunt dolores capitis & ex ploratu incurrit in dolorem, ardorem oculorum intensum, ut ex obscuro in lucem prodire nequeat.

### XXXIV.

#### Pterygion cum panno.

Alia post ophthalmias experitur sub cornea extrorsum purulentum tuberculum lentis magnitudine, quod ad nycthemeram persistens denique sponte ruptum &



subsidens folliculo tamen suo tenerrimo aliquam albuginem limbo tunicae corneae conciliarit. Nunc tertio recrudescentis hae suppuratio, altius in tunicam hanc proserpens, pene medium illud interstitium, quod inter limbum ejus & pupillae circuitum intercedit, explet; unde albugo quoque hanc portionem tunicae obscurare videtur.

## XXXV.

## Lippitudo oculorum.

Puella 9. annorum phlegmatico-melancholica, jam ab infantia frequentibus catarthis obnoxia ab aliquot retro annis patitur cum gravedine frequentiore prementes & ardentes dolores circa oculos: unde fere semper madore naturali majore afficitur in oculis, rubor interdum conjunctus, nunquam tamen insignis est, nisi ploratu & frictionibus, aut obversatione in vento, aut admodum sudo aere illum provocet. Interim eousque jam incommodis pervenit, ut non modo quasi jugiter nimia hac humiditate oculorum frequenti conglutinatione maxime sub somno afficiatur, sed etiam lumen ægerrime ferat, in genere vero valde debilior videat.

## XXXVI.

## XXXVI. XXXVII.

Puella 13. annorum phlegmatico-melancholica, catarrhis frequentius infestata, modo coryzam, modo tussim molestant generantibus incipit in collo anteriore sub capite asperæ arteriæ ad claviculæ commissuram deorsum successivam turgescentiam percipere, quæ magis magisque extrorsum protuberans jam notabilem deformitatem affert. Tactu non quidem molli, sed neque dura est consistentia. In alia magis melancholici habitus similis, durior tamen tumor prorupit, qui deglutitionem summe difficilem reddit.

## XXXVIII.

## Ganglium.

Puella 15. annorum phlegmatico-melancholica, ex & post manus contorsionemprehendit supra manum in concursu tendinum sensim aurescentem nodulum, qui intra 2. 4. mensem lente quidem augeatur, sed in nucis juglandis magnitudinem & duritiem devolvitur. Cum motu tendinum simul movetur.

## XXXIX.

## Uteri prolapsus.

Fœmina phlegmatico-melancholica post puerperium male ob paupertatem vel refrigerationem transactum incidit in tumorem genitalium, quo discusso uteri prolapsus experitur, qui sæpe ita intenditur, ut repositionem recuset.

## XL.

## Cancer labiorum.

Vir 48. annorum vitæ agrestis, phlegmatico-melancholici temperamenti, nescit an ex ictu aranæ, vespæ, aut qua externa causa tumorem labii inferioris experitur, qui primo parvus saltem est, ut eum neglectum habeat, sensim vero augetur ad fabæ magnitudinem cum dolore aucto. Utitur variis. Totum vero labium tumore duro inflatur. Sensim rumpit & nil nisi ichor subcruentus effluit. Durities, tumor, ardor, dolor, permanet. Serpit malum & depascit portionem labii.

## XLI.

Adolescens 16. annorum sanguineo-phlegmaticus, cum a pueritia frequentibus

bus tabidis scabiositatibus laborasset, quæ subinde repullulando, plurimum incommodi & turpitudinis attulerunt, frustraneis medicamentis, chirurgico derivatorio præsidio instruendus est.

## XLII.

### Empyema.

Juvenis 26. annorum, cholericomelancholicus, valde plethoricus, cum æstuantē ab exercitiis corpore in nixas implicatus, lapide ad pectus alliso, graviter contusus esset, indeque mox pleuritiam inflammationem incurrisset, die septimo repentinam doloris lancinantis remissionem; febris vero, languoris, tussis, respirandi angustię, potius increbescentiam percipit, præcipue vero in oppositum latus si decumbat, suffocativam veluti pectoris angustiam & respirationis interceptionem percipit.

## XLIII.

### Oedemata pedum.

Fœmina 23. annorum, sanguinea, cum mensibus debito successu destitueretur, varia pellentia frustra experta, imo in pleniorē suppressionem inde devoluta, in-



cepit non modo tumore pedum & femorum, sed ipsius abdominis ascitico corrip-  
pi. Adhibitis variis remediis, sine ullo  
effectu augmentum enorme abdominis,  
jam æger sperat levamen a Chirurgia.

#### XLIV.

### Dislocatio humeri.

Vir 30. annorum, sanguineo-cholericus,  
ex everfo curru graviter prolapsus, axillam  
vehementissime ad solum durius allidens  
excussionem ejus ita passus est, ut caput  
humeri seu axilla ipsa plurimum antror-  
sum & introrsum versus pectus promineat.  
Cum vero vespera sera hoc obtigisset, &  
in pago procul ab urbe pernoctandum es-  
set, coortus est ingens tumor circa locum  
læsum. Altero mane demum in urbem  
veniens chirurgicam opem expectat.

#### XLV.

### Fractura ossis humeri.

Puella 12. annorum, sanguinea, casu de  
mensa gravissime dextro latere allisa, sen-  
sum in medio ossis humeri, quasi cultri  
penetrantis, sub ipso allisu percipit, & mox  
brachium sinu exquisito dolore istius re-  
gionis nullatenus movere valet: denuda-  
tum

tum brachium curvitatē aliquam in hac regione præ se fert, & apprehensum in hoc sui medietate vacillat, imo si paulo fortius & importunius agitatur, edit sonum quendam frendentem cum exquisitissimo dolore.

## XLVI.

### Depressio cranii in fronte.

Puer 9. annorum, cum inter viros conis ludentes temere concursaret, jactui globi obviam factus, ab eodem in osse frontis, & bregmatis supra muscoli temporalis sedem ita graviter percussus est, ut ampla depressio cranii non tamen valde profunda, sed leviter tantum discernenda occurreret. Concidit tamen quasi attonitus, ut vix dimidio horæ quadrante ad se rediret, postea vero aliquantisper semistupidus permansit; reversus tamen ad se, præcipue intumescētiā circa frontem & oculum exteriorem ejus lateris jam exhibet; accidit vero hoc ante horam.

## XLVII.

### Globuli explosio in tendinem deltoideis.

Vir 40. annorum læditur ab alio explosi-  
one

one minimi sclopeti circa tendinem deltoidis, ubi cum satis lacertosus esset, globulus ipse insinuatus delitescebat, ut extractionem operosiores expectaret. Hac vero deficiente, consolidato potius vulnere per aliquot annos gestatus, sensim deorsum provolutus, nunc ad 3. digitorum latitudinem supra exterius latus cubiti duro, neque ita magno tumore se offert.

### XLVIII.

#### Epiploccele.

Infans 4. mensium habitus corporis turgidi & laxi mala diæta nutricis in tormina gravia & virosas dejectiones acres podicem excoriantes, & inflammantes delapsus gravissimo vagitu & clamoribus incurrit scroti sinistri lateris spongiosam distensionem, ita ut ad ovi anatis capacitatem jam accedat; laborat jam hoc malo per 6. septimanas.

### XLIX.

#### Hernia scrotalis.

Puer 8. annorum, sanguineo-phlegmaticus, cum per petulantia alium crassum & ponderosum tollere & præ se portare vellet, uno vel altero die post in dextri lateris

ris portione scroti protuberantiam aliquam  
nucis juglandis mediocris magnitudine  
percipit, qui tactu facile cedit, sed & mox  
iterum prodit horis aliquot post pastum,  
quando quietus manet, occultatur, quod  
idem etiam fere per totam noctem facit,  
dum in lecto cubat, redit vero quando ere-  
cto corpore per diem incedit.

L.

Scirrhus testiculi.

Juvenis 20. annorum, sanguineo-chole-  
ricus, Veneris abusu non parum litans,  
cum alioquin inflammationem testiculi in-  
signem incurrisset, quæ a tonsore refrige-  
rantibus raninis saturninis copiosis tractata  
fuit, unde magis scirrhusa plurimum ta-  
men turgida testiculi constitutio remansit,  
cepit inde de anno in annum majus ejus  
incrementum persentiscere, donec jam  
25. annorum ætatis non parum ab ovi an-  
serini magnitudine absit. Non dolet, nisi  
fortius rita, laxa est.

LI.

Tumor scroti.

Vir 45. annorum, phlegmatico-chole-  
ricus, cum doloribus lumbaribus emplastr.  
Dyg.



Dygbeanum apponeret, & ex lavamine per plures dies gestaret, inflatur inde non tam scrotum quam vasa, ubi in ipso introitu scroti testiculo insinuantur, & hoc quidem in illo latere, quo dolenti lumbo emplastr. opposuerant, nempe sinistro. Tumor est mollis & ad tactum inæqualis & anfractuosus.

## LII.

## Hernia inguinalis.

Fœmina 46. annorum, sanguineo-phlegmatica, brevis crassæ staturæ ex lapsu pro-  
no, & forti allisione sinistri epigastrii ad limen conclavis, patitur aliquot dies post tumorem durum in sinistro inguine. Neglectus sumit incrementum, licet tardum, donec tandem ad magnitudinem ovi gallinacei perveniat. Est interdum flaccidior mollis, interdum durior, interdum penitus delitescit.

## LIII.

LIII.

Scirrhescentia glandularum inguinalium.

Juvenis 24. annorum, sanguineo-phlegmaticus, inflammationem virgæ & dextri testiculi passus chirurgum accedit, qui ipsum quidem per repellentia tumorem inflammatorium minuit. Succedit vero glandularum inguinalium dextri lateris dura intumescencia usque dum ovi galinacei magnitudinem æquet. concurrit dolor & ardor languide lancinans.





# HISTORIÆ MEDICÆ

PARS IV.<sup>ta</sup>

exhibens

Specimina Individualia

utriusque Sexus

Cognitionis seu Dependentiæ  
Morborum

ex

PETRI FORESTI  
OPERIBUS MEDICIS  
collecta & illustrata.





D. S. P.

## SPECIMEN I. PETRI FORESTI,

I. Ratione temperamenti cholericco-sanguinei est

- 1) major sensibilitas,
- 2) motus anomali,
- 3) contagium facile.

**V**itæ curriculum medice consideratum, ac in hoc perpeffos morbos æqua mentis lance perpendens, hoc con-jicere licet, eum de temperamento *chole-rico-sanguineo* multum participasse, quo-niam satis macilentus & biliosus raræque texturæ erat, ex quo prona consequentia, teste indubia experientia medica, fuit, quod ab ineunte ætate primario *sensibilio-ris* constitutionis, & hæreditaria ex dispo-sitione ad molimina hæmorrhoidalia, ex-inde vero ad varias sanguinis & *humorum anomalias*, translationes moliminaque he-teroclyta proclivis fuerit; Secundario ve-

ro vi temperaturæ præ aliis facilius ad *contagium* & morbos grassantes recipiendos aptior natus & factus fuerit.

Quando nempe *muneris* demandati ergo subinde defatigatus tam corpore, quam mente, *curis* & *vigiliis*, inde vero inducta suppressione transpirationis insensibilis, & ex hac genita humorum *dyscrasia* & accremento.

Huic factum, ut a primis ætatis annis ex levi quandoque causa sive interna sive externa variis ætatibus congruis & incongruis, morbis fuerit capax, uti fuerunt: stranguria, vermes, dysuria, incubus, mentis perturbatio ab odoribus suavibus & graveolentibus, syncope, odontalgia, catarrhi, rheumatismi, febres ephemeræ & catarrhales, malignæ contagiosæ, benignæ, & intermittentes, cephalalgia, ventriculi incommoda, nephritis, colica &c.

## II. Ratione ætatis:

a) puerilis,

1) vermes.

In pueritia itaque affectu huic ætati maxime congruo subjectus, subinde *vermes* & quidem per nares rejecit, quæ excretio plane singularis & raro occurrit; a qua excretionem pulvere contra vermes

omnino liberatus fuit. vid. obs. 28. lib. 21. pag. 351.

b) junioris,

1) stranguria.

Deinde in *juniore* adhuc ætate, ob sensibiliorem naturam ad spasticas contractiones pronam sæpius *stranguria* ex cerevisiæ potu recentioris ipsi contingere solebat. Et hoc præpr. quum ex Italia & Gallia studiorum gratia aliquamdiu commorans, ibidem longo tempore consuetus esset, vino uti in patriam reversus esset. vid. obs. XI. lib. 25. p. 506.

In eadem hac observatione plures *causæ* tam internæ quam externæ annotantur: & quidem *externæ*, uti nimia calida & diuretica, lithonriptica, aromata, aquæ frigida potus, aut sessio in eadem, & similia frigida. *Internæ*, inflammatio intestini recti, uteri, renum vitia, exulceratio, testibus Hippocr. aph. 58. sect. 5. & Galen. comment. in h. aph. Constrictio meatus urinarii teste Rondelet. & ulcus in pene; Vesicæ imbecillitas s. atonia. Frigus externum admissum, victus, temperamentorum vel ætatis ratio; Vesicæ inflammatio, erysipelas, aut abscessus, ulcus.

*Curatio* præsertim in hoc subjecto erat post recens ebibitam cerevisiam & stranguriam inferentem vini usus aliàs consue-

tus

tus proficiuus. Vel in hujus penuria nuxmoschata contrita in cerevisiam coniecta. Aliâs & conferunt ex hac causa temperantia. Decocta calida, diluentia, demulcentia.

## 2) ischuria.

*Ischuriam* diversimode incurrit, & præprimis, ubi ex Alcmaria Leydam versus in curru, cum retinuiſſet diu lotium, atque non auderet reddere in curru, tandem descendens, non potuit mingere. vid. obs. 14. l. 25. p. 523.

Hæc suppressio facile evenire debuit, ex nimia urinæ copia, hinc facta distensione, sic inducentibus vesicæ tunicis nimiam & p. n. expansionem, ac a tono naturali dejectionem. His sic stantibus, haud inconvenienter adhibuit compressionem vesicæ cum manibus calefactis, quo subvenit tono naturali aliquomodo relaxato.

## 3) incubus.

Sic etiam adhuc in pueritia sic dicto *incubo*, in somno sæpius territus sine dubio ex abundantia & spissitudine sanguinis, inde difficiliore per minima vasa & præsertim pectoris viscera transitu & ventriculi forte facta aggravatione nimia, atque ex hac genitis flatulentiis, diaphragmatis motum remorantibus laborabat. obs. 51. lib. 10. pag. 379.



Namque videbatur illi, quod pectus ejus a cane nigro oppressum fuerit, ut anhelitum trahere non potuerit.

Putat ergo, quod hoc malum maxime pueris sit familiare, utpote voracibus; uti & lactantibus sæpius contingere, vid. Hippocr. sect. 3. aph. 24. & apud Avicenn. can. 1. fen. 3. doct. 1. cap. 3. ab ingluvie lactis, ac eos plane suffocare.

Guainerius falso adstruit, vetulas incantatrices in feles aut equas mutatas, hæc vitia inferre.

Interim non in tantillis tantum, sed in ætate quoque perfectis terribiles fieri per somnos imaginationes asserit, quando nempe multi & simul vitiosi humores gravant, & ventriculus colluvie pravorum humorum scatet.

Frigus externum cum relecto capite dormiunt, causa etiam esse potest, sc. ex transpiratione suppressa & inde facto inæquali humorum motu.

*Curatio* in infantibus instituitur per subtractionem lactis, & ut non statim infarcto cibo obdormiant.

In adultis sobria vita & coena frugalis conducit, victus ratio attenuatoria, laxantia, vitando omnia, quæ flatulentias causantur.

In plethoricis primario V. S. præmittenda est, subjunctis nitrosis, tonicis, discutientibus alexipharmacis blandis.

Tantæ quoque capitis erat sensibilitatis ex sanguinis floridioris statu, & quadam idiosyncrasia quasi innata, ut neque moschum aut quævis alia odorifera vel deterrimos odores sine *capitis* obnubilatione & *dolore* perferre posset. obs. 39. l. 9. p. 295. in schol.

#### 4) cephalalgia.

Ubi etiam subinde *cephalalgia* præsertim post cibum sumptum ex retardato sanguinis circulo & congestione circa ventriculum, adfligebatur. vid. obs. 46. lib. 9. p. 299. in schol.

#### 5) odontalgia.

Sic ex sensibilitate & heteroclyto sanguinis motu ad superiora & caput sæpius *dentium doloribus* atque inde demum factis horum erosionibus statim in juventute ætatis 16. ex corrupto dente molari molestabatur. obs. 4. l. 14. p. 105.

Quem quidem Chirurgus extrahere annitebatur, sed irritò opere, interim per 5. vel 6. annos dolor omnino evanuit; donec in Italia commoraretur, ibi dolor iterum rediit, densque corrosus tandem ex-

tractus fuit. Abhinc ad senectutem ætatis 63. immunis a doloribus dentium mansit; jam vero alius dens, uti corruptio communiter ad alios dentes facile procedit, itidem corruptus dolorem non solum inferebat, sed & sui remotionem haud injustam postulabat.

Satis aliàs firmos & compactos habebat dentes.

Raris v. dentibus genitos brevioris esse vitæ indicium tradit Aristoteles; contra longioris, qui dentes bonos, validos & compactos habent.

#### 6) catarrhi.

Sic ex translationibus humorum aliquo modo adsuets ad superiora, eminus sine dubio narium hæmorrhagias subinde respicientibus, *catarrhis* sæpius ex seri secessione a sanguine obnoxius fuit; quibus existentibus sæpius uvulæ s. columellæ elongatione cum inflammatione simul affligebatur. vid. obs. 4. l. 15. p. 139.

Uti illi quoque post longum morbum *ptyalismus* haud dubie *criticus* accidit, in quo itidem uva valde elongata observabatur. Zwinger. in diff. pag. 465. habet ptyalissimum criticum.

Quæ elongatio levissima ex causa illi frequens erat, uti etiam ejus fratri Johanni Foresto, ergo ex hæreditate; sic etiam  
in

in æstate, si avidius cerasa comederit, ubi simul gutturi inflammatio tum tonsillarum accedebat. Quod Matth. de gradibus confirmat: quod cerasa multa commessa a proprietate anginam inducant: quod forte ob aciditatem & relaxantem vim evenire potest.

*Curatio* instituitur externis adstringentibus columellæ illinitis s. adpersis, vel ubi multæ ferositates adhuc adfluunt, pilulæ laxantes conducunt, vel incidentibus & colliquantibus res expediatur. Quando hæc non sufficiunt, & columella nimis elongata fuerit, excisio interim provida adhibenda est, bene observatis iis, quæ Hippocr. lib. 3. Prog. & Galen. 14. meth. med. præcipiunt.

### 7) febris acuta anginosa.

Anno 1544. ætatis suæ 22. mens. Octobr. cum Romæ esset, atque ejus præceptor Valerius Cordus febre hemitritæa pestilenti in ulnis ejus moreretur, & ex hac causa vigilando aliquas noctes insumisset, ex contagio, transpiratione suppressa, tanquam vero nido contagii, vigiliisque, in idem fere malum (quamvis *febrem* minus *malignam*) incidit, cui *angina* supervenit, quæ vero septimo die per crisin, sudore quodammodo diffuente, soluta. obs. 13. l. 2. chir. p. 65.



Omni interim materia morbifica per hunc sudorem critice obortum haudæque eliminata, natura cum bona intentione excretionem *pustularem pruriginosam rubrem* ad formam fabarum per medium scissarum in fronte instituit.

Hinc factum, ut statim melius haberi cæperit, tam febre quam capitis doloribus evanescentibus, qui antea continuo adfuerant.

*Curationem* quod attinet, ille cum Gisbert. Horstio simul præsentē, optime inter se concluderunt, ut intactas has critice excitatas pustulas finerent, ne retropellerentur, juxta Hippocr. Sect. 1. aph. 20.

Tandem has pustulas propria saliva idque jejune magis per diem sæpius perfricavit, sec. Avicennæ consilium, qui vero simul addit camphoram.

Cum vero anno 1554. mens. Septembr. & Octobr. ætatis 32. tempus ventosum, nebulosum & flatuosum cum frigiditate quadam esset; uti hoc tempore sensibilis alteratio in macrocosmo ut plurimum accidit, ubi per æstatem multus calor, jam vero circa æquinoctium autumnale multum alteratur, frigidior tempore adveniente; ita in microcosmo per æstatem transpiratio multo liberior est, & certo esse debet, corpus hinc ab impuris succis & superfluis liberatur, in autumno tanquam

quam tempore frigidiorē vero transpiratio reprimatur, retardatur. Hinc ergo oboriri debent variæ afflictiones, quæ aliâs ex transpiratione retardata repullulare solent.

### 8) Cephalæa.

Exinde hoc tempore multi in *capitis dolores acerbiores & aurium tinnitum*; sicuti & ipse noster Forestus simul *cephalæam* expertus est. obs. 26. l. 9. p. 281.

Ex juvantibus interim indicatio sumitur, quod transpiratio fuerit restricta; hinc decocto diaphoretico usus est cum levamine, cui postea substituit ad recrementa primarum viarum expurganda pilulæ laxantes, & externe fomenta calida.

### 9) Malum hypochondriacum.

Sequente mense Novembr. hoc eodem anno *flatulentia & dolore ventriculi ac hypochondriorum*, non aliter ut in melancholia hypochondriaca fieri solet, laborabat, quum multa scripisset, sedendo ac stomacho incumbendo, ex flatibus & cruditatibus, retentis & genitis, aperientia, discutientia carminativa curam absolvebant. obs. 18. l. 10. p. 339. in Schol.

### 10) Febris tertiana.

Est anno sequente 1555. mens. Jun. ætatis

tis 33. in *febrem tertianam veram* cum rigore acri pungente, pulsu fere æquali, siti, calore ingente, ac aliquali delirio incidit; tanto magis ex reliquiis mali hypochondriaci præc. anni, & nunc tanto promtius excitata a tempore valde calido, & quod impense circa ægros curandos ipse laborasset, vigiliis, curis & sollicitudine plus æquo occupatus, in humores majorem lentorem induxit, præsertim cum de temperamento bilioso participaret.

Talia enim corpora ad hanc febrem præ aliis inclinare, ex hoc fundamento, videntur, quemadmodum & illa, quæ siccis regionibus & calidis inhabitant, solisque fervoribus, cibis potionibusque calidis subjecta sunt. obs. 2. l. 3. p. 65.

In *cura* adhibebantur julepi temperantes, potus tenuis tempore intermissionis, ptisanæ ex hordeo mund. & liquiritia parata tempore paroxysmi. V.S. ex basilica dextri brachii, quæ profuit, febrem quidem jam delinivit.

### 11) Cardialgia.

Anno 1556. mens. Jun. ætatis 34. *flatulencia cardialgica* cum torminibus ventriculi laborabat, quæ passio eo facilius contingere potuit & debuit, quoniam præc. anno & eodem mense febre intermittente afflictus

afflictus fuerat, ubi jam consueto aliâs more, vergente annuo tempore natura motus febriles spasmodicos reassumere, & hoc eo magis, quum tunc temporis V. S. in brachio instituta, jam tanto evidentius sanguinis motus & hujus depletionem ex congestione circa ventriculum & vicinas partes intendebat & efflagitabat; ex quibus ergo facile reliquæ cruditatum, ventriculi debilitas hypochondriorumque inflatio oboriri debuit, quæ ansam quam maximam præbuerunt. obs. 40. l. 18. p. 187.

Hic affectus interim minime contemnendus est: namque inflatio ventriculi, ubi ex febrilis materiæ reliquiis pravis diu perseveraverit, metum hydropis præcipue siccæ infert. Etsi omnino multiplicetur ventriculi inflatio, in convalescentibus, recidivam significat. Namque qui a morbis immodice se satiant, flatuosi ac toto corporis habitu turgidi redduntur, ut 3. de caus. sympt. Galenus docet.

*Cura* in his consistit, quo materia peccans digestivis præparetur, & solventibus, deinde aptis remediis evacuetur, ac tandem motus leniantur, tonusque ventriculi labefactatus roboretur.

12) Febris Epid. maligna.

Anno 1557. mens. Octobr. ætatis 35. præcedente



cedente & existente aere corrupto, & nebulis per aliquot dies prægressis, maleque olentibus, *febre catarrhali maligna* cum colli dolore & inflammatione noctu potissimum, uti catarrhales solent, afficiebatur, cum præcordiorum anxietate, appetitu dejecto, febre, quandoque tussi valida; epidemice enim simul grassabatur, ac multi eæ succumbebant.

Hic morbus enim tanquam flatu quodam, & quidem circa æquinoctium autumnale, uti moris est, oboriebatur, & pauci evadebant, si febris continua malignior eos deprehendisset, vixque nonum diem attingebant, si vero 14. diem superabant, ut plurimum evadebant. Prægnantes ex ea vel abortum patiebantur, vel subito interibant, raro superabant.

Quibus gutturi dolor superveniebant, si non bene tractarentur, aut neglectim haberentur, ut plurimum moriebantur.

Hæc febris epidemica apud multos atque salutariter subinde transitat in duplices tertianas & simplices intermittentes maxime tamen nothas, & minus exquisitas.

Hyeme v. appropinquante febres erraticæ in quibusdam supervenerunt.

Hoc tamen commune erat, quod illis, qui evadebant ab hoc malo, contumax ventriculi imbecillitas post febrem tunc temporis diffusis refrigerantibus curatam,  
rema-

remanebat, cum hujusmodi accidentibus, quæ in melancholia hypochondriaca apparere solent. Diu itaque valetudinarii permanebant, antequam vires recuperarent.

Nostri Foresti subsequens morbus erat febris sed intermittens, tertio die magis adfligens. Quibus varia opposuit, donec tandem curatus fuit. obs. 1. l. 6. p. 150.

c) Virilis & senescentis ætatis.

1) Hæmorrhoides.

2) Nephritis.

Anno 1562. mens. Jul. ætatis 40. cum ab ineunte ætate catarrhis, cephalalgis, ac odontalgis varie afflictus fuisset, humoresque pro ætatis juvenilis constitutione semper superiora peterent; in ætate jam consistentiore natura suis motibus congestoriis & eluctatoriis, more consueto, transitum faciebat ad partes corporis magis inferiores, quo superfluum humorum ibidem sine dubio per *hæmorrhoides externas*, ex paterna ingenita sibi dispositione, vid. obs. 3. l. 23. p. 425. e corpore eliminaret, huic effectui suo excretorio & congestorio frustrata, *nephritidem* excitabat, vid. obs. 23. l. 5. p. 146. & obs. 10. l. 1. p. 11. in schol. quæ quidem per enema injectum  
non

non nihil sedabatur. Namque consensus hæmorrhoidum cum nephritide jam ab Hippocr. proponitur sect. VI. aph. 11. de judicat. §. 10. Stahl. in dissert. de mot. sang. hæmorrhoid. Albert. Tractat. de Hæmorrhoid.

Sed redeunte dolore nephritico perporam V. S. in brachio instituitur, per quam motus naturæ non modo ad inferiora tendentes plane perturbantur, & retrogradi fiunt, & superiora, febre nephritica perfecte perturbata, petunt; sed & hac ratione & perturbatione febrilis motus magis accenditur.

### 3) Regurgitatio ad superiora, c. lenta febr.

Natura ab inferioribus suis molimini-  
bus excretoriis avocata *consuetas* aliàs *vias*  
repetit quidem occupando caput, & indu-  
cendo dolores & catarrhales secessiones  
cum usitata columellæ laxatione, huic *fe-  
bris lenta* pleno gradu incedebat.

Cum methodo porro satis aliena tracta-  
tus hic affectus durabat per menses qua-  
tuor, donec sanitas plenaria restitui po-  
tuerit.

### 4) Ephemera.

Insequente anno 1563. mens. Octobr.  
ætatis 41. tempore frigido, horrido & ven-  
toso

tofo in itinere ex intempestivo frigore poros cutis condensante, sicque transpirationem intercludente, incidit in *febrem diariam* sive evidente horrore & rigore, sed frigore quasi musculos & cutim invadente & constringente. vid. obs. 8. lib. 1. pag. 8.

Cumque statim se ante fornacem collocasset, ac probe calefactus esset, madore quodammodo per cutim erumpente post aliquot horas remisit febris, in lecto postea sudor ulterius promanare incepit, ac madore quodam per totam noctem cum insigni levamine perfusus fuit.

### 5) Synocha.

Alio tempore febre *synocha* laborabat, ex itinere æstuoso & calore ingenti, in urbe Roterodamensi paucis ante diebus conflagrata: ubi propter nimium jam calorem simplex diaria transmutata fuit in febrem plurium dierum. obs. 10. l. 1. p. 11. in schol. Similem cas. in mul. gracili ex nimio æstu habet Amat. Lus. cent. 3. cur. 27.

### 6) Colica.

Anno 1566. mens. Mart. ætatis 44. ex frigore pedum in gravissimum & pene intolerabilem *colicum dolorem* incidit; adeo, ut ex eo fere in animi deliquium incurreret,



& hoc ex spasmodica partium inferiorum contractione. Ab hoc malo dein immunis mansit ad annum 1594. obs. 10. lib. 21. pag. 324. in schol.

### 7) Rheumatismus.

Eodem anno ex constitutione austrina; ubi quamplurimi ægrotabant *rheumatismis* in humeris, idem noster Autor simul hoc malo afflictus fuit, quod in navicula e Schiedama Brielas ad agram proficiscens, contraxerat. obs. 28. l. 29. p. 832.

Cum hoc malo per totam hyemem coluctabatur, ingruente simul aliâs consueta catarrhali defluxione; interim melius fecisset, quando in cura propter transpirationem suppressam diapnoica adhibuisset, externeque sacculos ex discutientibus, calidos conjunxisset, non statim pinguedines varias in usum vocasset.

### 8) Pestis.

Anno 1567. mens. April. ex contagio *febre pestilentiali* cum ingenti dolore in inguine correptus est, syr. de limon. c. aqua scab. acetos. & aceto, bol. armen. c. suo pulv. antipestilent. statim accepit. Vestibus in lecto bene coopertus adeo sudavit, ut madore fere difflueret; sic dolor in inguine evanuit, & curatus fuit, quanquam post  
unum

unum & alterum diem *febre lenta* correptus fuerit, ex nimio diffuso sudore laticem humorum depauperante, quæ ad 6. deinde septimanas fere adhæsit. vid. obs. 12. l. 1. chir. p. 34.

9) Pleuritis notha.

Anno 1575. mens. Decembr. ætatis 53. in itinere oborta magna tempestate, ventis agitatus ac aqua madefactus, & sic per totam noctem in scapha manere coactus fuit; unde domum rediens statim incidit quasi in *pleuritidem notham* cum tanto finistri lateris dolore ex transpiratione sufflaminata, ut vix in lecto se continere potuerit. Epota interim cerevisia, in qua decocti erant flores chamomill., etiam lintheis calidis sub axillis & loco dolenti positus, sudorem provocabat, simul latus dolens inungendo oleo aneth. & chamæmel. sudore emanante, & sic omnis dolor evanuit, altero die accepit purgans.

10) Febris continua.

11) Stranguria.

Ast paulo post anno 1576. mens. Januar. ætatis 54. in *febrem* incidit *continuam* per tres dies & noctes perdurantem; jam iterum sumfit laxans, post quod febris quidem aliquomodo quievit, sed *stranguria*

levis statim hoc malum excepit. Et sine dubio hoc laxante motus naturæ perturbati metastasin fecit materiæ amovendæ ad vesicam, (sic hi motus ad molimina hæmorrhoidalia magis referri debent) atque inde causa hujus mali magis spasmus vesicæ, quam jam cerevisia epota.

## 12) Dysuria.

Post 7. dies magis increvit, adeo, ut in dies augeretur, cum tanta molestia atque dolore, ut ægre nisi guttatim lotium emitteret; huic decoct. demulcens sibi paravit; sed malo magis incrementum sumente die 20 Januar. tempore admodum frigido ad ægrotum evocatus, ita malum exasperavit, (frigus enim nervis inimicum sec. Hippocr. sicque hanc spasmod. contractionem magis adauxit) ut etiam *dysuria* supervenerit.

Die 23 Jan. rursus sumsit purgans, post quod urina adhuc difficilior exhibat cum ardore & tenesmo ani, ubi conamina hæmorrhoidalia vix excludi possunt, quoniam a patre hæmorrhoidario, ut supra dictum, genitus hæreditatem consecutus erat.

Quibus haud secure subjunxit pellentia diuretica, quibus malum deterius factum est; tandem externe fomentum, & interne ptisanam lenientem & demulcentem cum  
leva-

levamine adhibuit, quibus deinde decoct. malv. cum syrup. violar. subjunxit. obs. 4. lib. 25. pag. 508. 509. & 510.

## SPECIMEN II.

JORDANUS FORESTUS,  
PETRI FORESTI Pater.

### I. Ratione ætatis junioris, Verrucæ.

**R**obustioris constitutionis & proceræ staturæ, inde ab ineunte ætate utplurimum sanus, minusque morbis obnoxius fuit; nisi quod in juventutis annis manus *verrucis* repletas haberet. vid. obs. 10. l. 4. chir. p. 135.

Quæ in sanguineo-cholericis, moliminibus hæmorrhagicis subjectis, sed quodammodo turbatis, uti Salmuth. cent. 2. obs. 27. habet verrucas ex mensibus retentis, facilius exsuscitantur, ubi natura præf. in facie vel manibus talem verrucosam excretionem intendit, ad sanguinis abundantiam molestantem avertendam.

Curatus fuit sale & aceto omni die verrucas confricato.



## II. Ratione ætatis consistentioris,

- 1) Molimen hæmorrhoidale.
- 2) Hæmorrhoid. tumentes.

Sed alio tempore sc. in ista ætate, ubi *molimina hæmorrhoidalia* præsto sunt & congere solent, ex his *dolorem & tumorem* circa anum habuit, qui metum *abscessus* inferebat, qui vero jam curatus fuit.

## III. Ratione ætatis senilis,

- 1) Hæmorrhoidum fluxus.

Ætatis interim suæ 50. denum incurrit *hæmorrhoidum fluxum* actualem & salutarem, quem postea subinde cum euphoria expertus est. obs. 3. l. 23. p. 425.

- 2) Febris quartana.

Postea ætatis 58. in autumno *febre quartana* adfligebatur procul dubio ex aliquali hæmorrhoidum turbis, uti similem casum habent Ephem. N. C. Dec. I. O. 3. obs. 331. sicque cognationem cum his habebat. Cum vehementi rigore corpus concutiente, dentibus stridentibus, ita, ut ossa quasi tundi atque obteri profundo pondere viderentur. Decedente rigore calor succedebat, frigoris quodam sensu circa intima ossa. Pulsus

sus erat in accessione languidus & tardus, inæqualis.

Quando Hippocrates dicit in lib. de Hebdom. eundem hominem bis quartana non affici, falsum comperit Sennert. de febr. LXX. interim Sydenham. observatio non prætermittenda videtur, quod cujuscunque demum ætatis & temperamenti fuerit, qui quartana corripitur, si quolibet alio vitæ tempore, eadem semel laboraverit, non diu eum secunda vice fatigaturum morbum, sed post paucos aliquot paroxysmos sponte sua solutum iri.

Curabatur post secundum paroxysmum cum V.S. in brachio (melius in pede) & decocto aperiente, resolvente laxativo bis in die adhibito, tandem die quietis sumfit purgationem, & sic post 5. paroxysmum a febre liberatus fuit. obs. 31. l. 2. p. 91.

3) Tabes f. phthisis.

4) Mors.

Anno ætatis 65. demum & ultimo in *tabem* f. *phthisin* ex hæmorrhoidum ataxia incidit, vid. Hippocr. sect. 6. aph. 12. Raym. Fort. Tom. I. cent. II. obs. 6. & licet toto morbi decursu nihil cruoris exspueret, circa finem guttur quasi inflatum erat, ex congestione & regurgitatione sanguinis, hoc tumore delitescente in alvi profluvium

ex motu humorum retrogrado, & ad inferiora facto delabitur, hic Autor deveniebat quidem ad adstringentia, sed quoniam in tabe consumata hic fluxus fit lethalis, paulo post *mortuus* est hic ægrotus. obs. 58. lib. 16. pag. 94. in schol. obs. 16. lib. 15. pag. 151. in schol.

## SPECIMEN III.

### THEODORUS FORESTUS.

Ratione temperamenti sanguineo - melancholici.

Sanguineo - melancholicus varios sustinuit morbos catarrhales, hypochondriacos, febriles, colicos, hecticos, artuum tremores &c.

Qui affectus tanto magis in hoc subiecto vi temperamenti & hæreditariæ dispositionis, quoniam pater ejus hæmorrhoidarius, obs. 3. l. 23. p. 425. unus ex altero facile exoriri debuerunt, & conspirare.

- 1) Colica.
- 2) Cephalalgia.
- 3) Sputum cruentum.
- 4) Malum hypochondriacum.

Ex his pronus admodum erat ad *colicos*  
*dolo-*

*dolores*, namque quotiescunque illi pedes frigeabant, ex spasmodica partium inferiorum contractione, quæ hypochondriacis, (inde etiam *cephalalgia* adfligebatur cum vomitu sanguineo, obs. 46. l. 9. p. 299.) cui etiam subjectus *malo* longo tempore, obs. 244. lib. 16. p. 37. in schol. admodum frequens est obs. 4. l. 21. p. 314. in schol.

Inde ex hypochondriaca dispositione & hæmorrhoidum moliminibus subinde in colicum dolorem incidebat. obs. 10. lib. 21. pag. 323.

5) Ventriculi imbecillitas.

6) Flatulentia.

His ex causis fiebat, ut ventriculi *imbecillitate* ac *flatulentis* subinde torqueretur. obs. 2. lib. 18. pag. 134. & 136.

7) Febris tertiana.

Dehinc sustinuit *febrem tertianam*, quæ tanto promptius, ex difficili humorum transitu per abdominis viscera, uti in malo hypochondriaco evenit, & inde factis obstructionibus, ut & accumulatis fordibus in primis viis, & flatulentis, exoriri debuit.

8) Catarrhus.

9) Febris lenta.

I 5

10) He-



## 10) Hæctica.

Cum itaque in hoc humorum statu depravato, & moliminibus hæmorrhagicis ad superiora tendentibus secessio feri insequeretur, exortus est paulo post *catarrhus*, quem haud longe post *febris lenta* excepit in *hæcticam* inclinans cum purulento sputo, tanquam signo manifestiore, quod tam catarrhalis defluxio, & exinde nata hæctico-des dispositio natales & originem debeant humorum & sanguinis hæmorrhoidalis regurgitationi ad superiora. In cura adhibebantur, quæ ad catarrhum, tussim, & sputum cruentum conveniunt, & sanus factus est. obs. 5. l. 4. p. 115.

11) Febris Epid. maligna,  
transit in

## 12) tertianam.

Post 3. annos mens. Octobr. *febre epidemica maligna*, qua & Petri Foresti frater, decumbebat, laborabat, quia vero ex natura & hypochondriaca dispositione longo tempore ventriculum debiliorem habebat, imo hypochondriaci & hæmorrhoidarii semper febribus contagiosis gravius decumbunt; itaque plurima pituitosa per sputum cum valida tussi expectorabat, cum gravi angina, & aliis gravioribus symptomatibus. His varia remedia oppositis

positis transibat hac febris in *tertianam*, ubi per clysterem simul vermis proliciebat, quod signum magnæ putredinis erat. Hac febre profligata remanebat *hypochondriorum dolor & ventriculi debilitas*, ubi roborantia demum implebant curam. obs. 2. lib. 6. pag. 151.

### 13) Capitis tremor.

In ætate profectiori tandem *capitis tremori* afflictus fuit. obs. 99. l. 10. p. 439.

## SPECIMEN IV. NANNIUS FORESTUS.

### 1. Ratione ætatis junioris,

- 1) Vertigo.
- 2) Syncope.

**S**anguineo-melancholicus in juventute adeo sensibilis erat, ut, quando in curru veheretur, ac itinere fatigatus, statim *vertiginem* incurreret, imo plane *syncopem*; repurgato & roborato ventriculo melius se habuit. obs. 49. lib. 10. pag. 377. in schol. obs. 7. l. 7. p. 212. in schol.

- 3) Cardialgia.
- 4) Vomitus.

5) Syn-

### 5) Syncope.

Ex hac causa, & quod hypochondriacis adfectibus obnoxius erat, quando aliquo vehementi exercitio præsertim in curru uteretur, fatigatus, vel etiam jejunium paulo diutius toleraret, facile in *cardialgiam* cum *vomitu* quandoque *syncope* incidebat.

Quæ pathemata ad vomitum proclivia, per vomitum etiam sublevabantur.

*Differt* interim hæc *cardialgia* a morbo, qui in febribus quibusdam præsto est, hic enim multo periculosior existit; atque a morbo cardiaco a vermibus, qui itidem non caret periculo.

Hinc facile curabatur cum pane ex vino albo imbuto, & cum acidis. Deinde ne recidivet, a motu nimio, mœrore, & jejunio diutino abstinere debuit. obs. 4. lib. 18. pag. 137.

### 6) Febris quotid. interm.

Anno 1557. ætatis suæ 30. mens. August. in *febrem quotidianam intermittentem* cum diarrhœa, quæ in hac febre familiaris, & morbum citius solvit, incidebat, cum siti ingenti & viribus magis magisque labefactis.

Curabatur, cum per dies 16. nihil medicaminis adsumsisset, oxyfacch. & oxymell. decoct.

decoct. detergente & diluente, laxante rhabarb. stomachi roboratione in- & externe cum optima victus ratione. obs. 26. lib. 3. pag. 86.

## II. Ratione consistentis ætatis,

- 1) Tremor manuum.
- 2) Auditus gravitas.
- 3) Memorix læsio.

Anno 1566. m. Mart. ætatis 39. *tremore manuum* affligebatur, quod erat circa æquinoctium vernale, ubi humorum motus & congestio facile excitatur; quæ congestio simul inferebat, quod *gravius audiret*, & *memoria* simul aliquomodo *læsa* erat.

## III. Ratione senilis ætatis,

Palpitatio cordis.

Anno 1589. ætatis 62. jam debilis & melancholicus, *palpitationem cordis* incurrit, quæ præsertim sensibilibus & hypochondriacis, cui malo hic vir, etiam ex dispositione paterna hæmorrhoidali subjectus erat, familiaris.

Roborantia, analeptica cum cordialibus non sine levamine adhibebantur. obs. 3. l. 17. p. 101. in schol.



# SPECIMEN V. JOHANNES HEUTERUS.

## Cognatio morborum

### I. Ratione ætatis junioris,

#### 1) Febris synocha.

Sanguineo-melancholici temperamenti in juventute Bononiæ ex *febre synocha* decumbebat, huic Medicus Helidæus sanguinem ex brachio ad libr. 2. detraxit, sic omnimode a febre liberatus fuit, quoniam hæc febris ex moliminibus hæmorrhagicis sine dubio exorta, tanto securius venæ sectionem tolerabat, uti communiter hæc febris plethoram commotam pro fundamento habet.

#### 2) Lichenis.

Postea cum crura *licheni* obnoxia haberet, singulo anno & quidem mense Majo libr. 1ß, aliquando plus, minusve sanguinis extractum fuit, cum euphoria.

Quæ excretio in cruribus eminus respiciebat ad plethoram & motum sanguinis eluctatorium, sc. hæmorrhoides, uti infra patebit. obs. 12. l. 1. p. 12, in schol.

#### 3) Ter-

### 3) Tertianæ.

Alio tempore itidem Bononiæ agens ex *tertiana exquisita* decumbebat ob pravos humores in primis viis hærentibus, ubi idem Medicus sumfit indicationem curatorium, & ei dedit ptisanam gelidam in copia, quo multa biliosa evomuit, & liberatus est. obs. 3. l. 5. p. 127.

## II. Ratione ætatis virilis,

### 1) Quartana.

### 2) Hæmorrhoides cæcæ.

### 3) Apertæ.

Anno 1557. in autumnno, ætatis 31. ex motibus naturæ congestoriis & stagnatoriis circa viscera abdominis ad hæmorrhoidum fluxum satis mature respicientibus, (ideo dicitur ab Autore à sanguine adusto) *quartana* exorta fuit. Per duos Medicos successive frustra curatur, hinc Autor insequenti anno m. Febr. suscipit curationem, sic paulo post æger in *cæcas hæmorrhoides* cum ingenti dolore, ac tandem in *apertas* cum exulceratione, vid. obs. 7. l. 23. p. 431. ubi multa & varia etiam minus quadrantia referuntur medicamenta, interim dereliquit febris ægrotum, & fuit vera medicina, uti antea causa, hujus febris. obs. 41. lib. 3. pag. 102.

### 4) Exco-

4) Excoriatio cruris.

5) Impetigo.

Sicque post quartanam & hæmorrhoides anno 1558. m. Decembr. *crus* usque ad talum *excoriatum*, obs. 10. lib. 1. chir. p. 61. & in facie *impetiginem* habuit. obs. 12. hujus libr. pag. 63.

Hæ excretiones cutaneæ facile oriri potuerunt, cum varia incongrua & reprimentia in exulceratis hæmorrhoidibus applicata fuerant, quæ fluxum talem adeo salutarem magis turbaverant, & inordinatum humorum motum jam ad exteriorem habitum cum utilitate produxerant. Hæc post universalia iterum diversa externa reprimentia & exsiccantia applicabantur.

6) Podagra.

Unde aliter fieri vix potuit, hæmorrhoidibus turbatis, quin tandem successu temporis anno nempe 1569. m. Majo ætatis 43. *podagram* in pollice pedis sentiret, sicque ex genuina cognatione cum hæmorrhoidibus externis plane suppressis originem traherat, vid. Stahl's diff. de mot. sang. hæmorrhoid. pag. 22. & 23. & dissert. de podagra.

Hic iterum post universalia magis externa reprimentia unguinosa sinistre applicabantur. obs. 15. l. 29. p. 805.

7) In-

### 7) Inflammatio.

Hinc fiebat, ut eodem hoc mense insequente hebdomate statim, reprimentibus & palliatis incaute adhibitis presso pede insequeretur in itinere *inflammatio* in crure sinistro a talo usque ad genu cum quadam duritie renitente, febre & urina ut-cunque tincta.

### 8) Abscessus.

Iterum perperam sanguis ex vena brachii, uti præcedente septimana eductus fuit, subjunctis contemperantibus syrups & laxantibus; externe maturantia, ubi potius resolventia, discutientia e re fuissent, adhibebantur, donec in *abscessum* transiret. Hoc aperto emollientia, mundificantia, & consolidantia adhibebantur. obs. 3. l. 1. chir. p. 10. & porro.

## III. Ratione ætatis senilis,

1) Hydrops.

2) Mors.

Tandem anno 1582. ætatis 56. non tam ex natura præcedentium morborum, quam potius ex variis præcedentibus malis medicationibus satis mature in primis senilis annis in autumno circa æquinoctium autumnale in *hydropem* incidit, ex turbatis hæmorrhoidibus inde autem factis visce-



rum abdominis læsionibus, qua per integrum annum, licet variis remediis uteretur, misere colluctabatur, donec insequente anno ætatis 57. in autumnno *interiret*.

## SPECIMEN VI.

### JACOBUS HEUTERUS,

Frater JOH. HEUTERI.

#### I. Ratione constitutionis, Singularis sensibilitas.

**E**rat magis carnosus & de temperamento sanguineo, uti frater ejus, participans, adeo sensibilis naturæ fuit, quanquam robustus, plethoricus & in otio vivebat, ut & parcam venæ sectionem haud sine animi deliquio sustinere potuerit, etiamsi febre acuto afficeretur, sic ad laxantia, in parca licet dosi adhibita, itidem sensibilis, ob corpus tenerum, erat. obs. 12. l. 1. p. 12. in schol.

#### II. Ratione hæreditatis & temperamenti,

- 1) Hæmorrhoidarius.
- 2) Malum ischiadicum.

Ad hæmorrhoides natura & vi temperamenti inclinans in *malum ischiadicum* incidit,

dit, cum antea equitando se exercuisset, & sine uxore viveret, ubi statim Autor in principio ex gibbero sanguinem detraxere iussit, sed ex metu & sensibilitate in lipothymiam lapsus est, neque sanguis effluxit ullus.

Verum postea cum adhuc fere per 4. menses, vid. obs. 21. l. 29. p. 219. dolor in coxa perseveraret, quandoque aliquomodo mitigatus, sæpius tamen recurreret, post æquinoctium autumnale anno 1563. rursus Autor in consilium vocatur; cum jam vero morbus progressus esset, ac febris instaret, iterum venæ sectio ex malleolo proponebatur, namque teste Galeno lib. 10. de compos. med. sec. loc. cap. 2. interdum ischias una die per hanc ex cruribus curatur. Ast pede saltem ligato statim in animi deliquium delabitur, sic venæ sectionem omitti debuit.

### 3) Febris inflammatoria solvit malum ischiadicum.

*Febris* vero, quæ adhuc latuerat, jam manifeste apparebat, & erat acuta continua, quæ per mensem durabat.

Hic vero probe notandum, quod hæc febris superveniens malum ischiadicum omnino solverit. Hæc febris valde acuta & periculosa erat cum capitis dolore &

ardore vehementi, & in fine cum aphthis & gutturi inflammatione. Quoniam itaque natura adeo abhorreret a venæ sectione, insistebat Autor cum alterantibus, decoct. & julepis; ad aphthas cum gargarismatibus; ad anginam cum lenientibus & discutientibus; ad alvi obstructionem cum enematibus & laxantibus.

Ex levissimo interim medicamento propter naturæ sensibilitatem in lipothymiam incurrebat.

#### 4) Hemicrania.

Febre vero cessante *dolor capitis* seu *hemicrania* ad quartam horam post meridiem periodice quotidie redibat adeo vehemens, ut caput in pulvinare cogebatur ponere, qui dolor suam originem habere videbatur ex ischiadico malo ad caput translatus, quo natura motibus suis pertinacibus, ac anomalis toni alterationibus materiam eliminare intendebat, qui dolor demum feliciter per pilulas laxat. repetitis vicibus levabatur.

#### 5) Dolor sub femore.

Cum vero foras prodiret, *dolor* quidam subortus fuit *sub femore* usque ad furas descendens, qui ab ischiadico dolore partes antea nimis debilitante & per laxantia ad inferiora materiam invitante exortus,  
lini-

linimento corroborante antispasmodico auferebatur. obs. 11. l. 7. p. 214. obs. 17. l. 2. p. 36. in schol.

6) Hernia humorosa.

7) Cardialgia.

Mense Februario, cum velociori cursu equitasset, incidit in *herniam humorosam* cum testium inflatione & duritie, quam adauxit plenitudo a crapula ex vino orta, & Veneri deditus. Adhibebantur emollientia, resolventia & dolorem sedantia febricula vero accedebat, cui opposuit, cum alvus simul obstructa erat, laxans, ante operationem *cardialgia* afflictus in animi deliquium incidit, propter antea dictam animi sensibilitatem.

8) Molimina hæmorrhoidalia.

9) Hæmorrhoidum fluxus.

Hæc subsequēbatur dolor in hypochondrio sinistro, ventre & liene, ex *moliminibus hæmorrhoidalibus*, quibus subinde opposuit laxantia, clysteres & suppositoria acria, unde factum est, ut tandem *hæmorrhoides apertæ* factæ fuerint cum ægrotantis sensibili commodo.

10) Cardialgia hæmorrhoidum fluxu solvitur.

Sic cardialgia, dolor hypochondrii &

K 3

lien



lien<sup>is</sup> cum testiculorum omnino evanuit  
tanquam ex fluxu critico & utili & sanus  
factus est. obs. 12. l. 7. p. 215. obs. 4. l. 23.  
p. 427. in schol.

## SPECIMEN VII.

### THEODORUS TEYLINGIUS.

#### 1) Hemicrania quotannis.

**S**anguineo-melancholicus quotannis fere  
in autumnno *hemicrania* ex congestione  
sanguinis eminus narium hæmorrhagiam  
intendente præcipue circa æquinoctium  
laborabat. Adhibito laxante & venæ  
sect. in brachio cum subjuncto deco-  
cto resolvente, simulque laxante & pilulis  
laxantibus cum externis lenientibus, a  
dolore quidem liberabatur.

Venæ sect. interim majorem utilitatis  
fructum habuisset, quando in pede fuisset  
instituta; namque hac ratione motus san-  
guinis ad superiora fuissent præoccupati.  
Ad præservationem deinde singulis annis  
venæ sect. & decoctum resolv. & laxans  
cum sensibili levamine adhibuit. obs. 20.  
l. 9. p. 277.

#### 2) Febris erratica.

Anno 1554. ætatis 39. cum in autumnno  
liberalius vinum bibisset, ac laute vixisset,  
antea

antea v. ad motus inordinatos congestiones sanguinis proclivis esset, hac ratione v. nimis commoto atque adaucto sanguine in *febrem erraticam* s. *non typicam* incurrit, cum capitis dolore & tussi levi. Cum itaque Auctor quartanæ timeret, statim syrup. lenient. & postea purgans cum usu adhibuit. obs. 45. l. 3. p. 106.

3) Tertianæ epidemica.

4) Icterus.

Sed anno 1556. in autumnæ ætatis 41. febre *tertiana epidemica* decumbebat, ex prægressa longa aeris constitutione austri-  
na nebulosa. Varia tunc temporis usua-  
lia antifebrilia & venæ sect. post 3. paro-  
xysmum in brachio adhibebantur, unde  
ultro sudor criticus in declinatione septi-  
mi paroxysmi, coctione præcedente, ob-  
ortus cum superveniente *ictero* eum a febre  
omnino liberavit.

Hippocrates dicit: quibus in febribus  
ante septimum diem icterus inciderit, ma-  
lum. Sed in lib. de morb. vulgar. scribit:  
multos servatos, quibus quarto die icterus  
accidisset; quod intelligit de febribus con-  
tinuis. Autor vero sic hæc interpretatur:  
Icterus ante septimum diem fere exitiosus  
est, nisi sequatur excretio critica, qualis  
est narium hæmorrhagia, alvi profluvium,  
urina multa, sudor, vomitus & similia.

Post septimum vero siquidem criticus est, sed salutaris, multo magis in intermittentibus. Hippocrates interim adducit quoque exempla ictericorum in epidemiis cum excretionem, tamen mortuorum. obs. 10. lib. 3. p. 73.

### 5) Scabies.

Alio tempore ex infectione *scabie* afficiebatur. Adhibitis decoctis purificantibus & laxantibus repetitis, venæ sectione in brachio & linimentis, & ad recidivam repetita venæ sectione curabatur. obs. 10. l. 5. chir. p. 155.

### 6) Hernia intestinalis.

Anno 1565. ætatis 50. in stagno oreis indutus & terram limosam transiens frequenter, pedibus in luto ita hærentibus, ut vix attrahere posset, in *herniam intestinalem* incidit. obs. 21. l. 27. pag. 610.

## SPECIMEN VIII.

ANDREAS WILHELMUS  
DE OOSTHOREN.

### 1) Cita alvi dejectio s. lienteria.

**T**emperamenti cholero-melancholici,  
procerus admodum & macilentus, biliosa

liosæ & raræ constitutionis longo tempore lubricum semper ventrem habebat, adeo, ut sæpe *citius alvum* deponeret, cibo nondum concocto exeunte. Et hoc plane contrarium videtur, in iis, qui participant de hoc strictiori temperamento, nisi specialis ventriculi debilitas & bilis dyscrasia subfuerit. Ideo huic injunctus fuit contrarius victus, uti mala cydonia, vel quidpiam adstringentis primo comederet, deinde humida. Quæ enim adstringunt, si in prima mensa sumantur, alvum cohibent, ne cito cibi humidiores descendant. obs. 25. lib. 21. pag. 347.

## 2) Fluxus cœliacus.

Inde tandem aliter fix fieri potuit, quin frequentius *fluxu cœliaco* detineretur. obs. 26. lib. 22. pag. 394.

Hoc alvi profluvium, quod per multos retro annos sustinuisset, sicque multa biliosa sponte dejecisset, quod sibi quasi naturale erat s. in habitum deductum, tandem per 15. annos citatius factum est, magis magisque incrementum cepit. Unde tandem aliquomodo emaciatus, admodum sensibilis & cogitabundus, ad melancholiam inclinans, factus est, sicque ad iram, tristitiam, & metum plus justo proclivior.



## 3) Melancholia.

Anno ætatis suæ 60. propter filiæ mortem in tristitiam & *melancholiam* incidit. obs. 7. l. 4. p. 118.

## 4) Febris lenta.

Quam melancholiam sensim excepit & excipere debuit *summa macies*, & inde veniens *febris lenta*.

## 5) Hæctica.

Hoc malum deinde eo magis adaugebatur, cum aliud infortunium propter amissionem bonorum tristitiam majorem & melancholiam induxisset, hinc plane febre *hæctica* initiante aggressus fuit. Hoc malum per annum sine medici auxilio sustinuit.

Tandem hæctica magis, uti aliter fieri haud potuit, invalescens anno 1555. mens. Jul. in consilium admisit nostrum Autorem.

Multis itaque & variis præsertim diæticis in auxilium adhibitis, victu commodo, nempe humectante & refrigerante ac reassumente s. nutriente. Post mensem & alius Medicus simul in consilium adhibitus fuit, qui itidem, uti antea, lac ovillum jam caprillum & emulsiones hordeatas & amygdalatas ordinabat.

## 6) Diar-

- 6) Diarrhœa colliquativa.
- 7) Tussis hecticodes.
- 8) Febris putrida.
- 9) Mors.

Ingravescente interea *diarrhœa colliquativa* & *tussi hecticodes*, varia quidem roborantia & lenientia adhibebantur, ast tussis per dies validior evadens cum catarrhali defluxione ad pectus, febris *putrida* simul accedebat, cum siti vehementiore & gutturis inflammatione; diarrhœa colliquativa simul vehementior fiebat, quæ etiam in hectica consummata omnino lethalis esse solet, uti hic vir suo exemplo comprobavit. Et hoc etiam in aliis exemplis docuit. vid. obs. 4. lib. 4. p. 114. in schol. obs. 9. l. 4. p. 119. obs. 40. l. 2. in schol.

## SPECIMEN IX.

EGBERTUS MONACHUS.

### 1) Diarrhœa.

Sæpius *diarrhœa* ex humoribus pituitosis ac catarrhali defluxione obnoxius, hinc per intervalla & periodos excitabatur. Et juxta Hippocr. sect. 7. aph. 30. quibus spumosa egestiones in alvi profluviis, his de capite pituita fluit. Hinc sanguineo-phlegmaticis

gmaticis magis familiaris, ac senibus præfertim in hyeme, uti huic monacho evenit. Curatio instituebatur pill. purgant. potionibus roborantibus, interpositis purgantibus: frictiones, ligaturæ, ventosæ in humeris, sternutatoria, sacculi roborant.

Aliàs diarrhœa oriri potest ex catarrho falso, acri & rheumatica dicitur. Ex ore & gingivis exulceratis, ex aphthis, a renibus, ab utero, ex febre hectica, quæ colliquativa dicitur. obs. 19. l. 22. p. 383.

## 2) Melancholia.

## 3) Febris tertiana.

Anno 1556. mens. Septembr. ætatis 60. cum propter infortunium & tristitia *melancholicis afflictionibus* subiciebatur, simul *tertiana*, tunc temporis epidemice grassante, præcipue in ea ætate adfligi debuit.

Quam Autor sanavit reiteratis laxantibus, ac mixt. subacidula roborante.

## 4) Quartana.

Quoniam vero victus rationem haud servaret, ac ex præcedente melancholia humorum difficilior per viscera abdominis transitus & stasis fieri deberet, non diu post in *quartanam* incidit. Cura absolvebatur decoctis lenientibus, humect. & resolv. interpositis laxantibus. obs. 18. lib. 3. pag. 79.

## 5) Cepha-

## 6) Cephalalgia.

Hoc eodem anno & hyeme per nives iter fecit, domum reversus, *capitis dolore* ex frigore, & inde facta transpiratione impeditiore adfligitur. Inuncto syncipite oleo aneth. chamomel. & rut. ac corpore in temperata transpiratione servata, aliquomodo sublevatus fuit.

## 7) Catarrhus.

Cum vero sese intempestive aeri frigidi-ori exponeret non solum cephalalgia recurrit, sed & *catarrhalis defluxio*, illi aliâs subinde consueta, simul jungebatur.

His malis itaque opposuit iteratas purgationes, & decoct. resolvent. roborantia-que.

Externe cucupham roborantem & discutientem. Sic jam levatus à malo fuit.

# SPECIMEN X.

## DOMINUS DE ABBENBROCK.

**H**oc subjectum aperte docet ætatum morbos, quomodo in juniore adhuc ætate circa caput, in juvenili circa pectus, in adultiore circa viscera abdominis varii affectus huic vel illi ætati magis familiares, exorti sint.

I. Ra-



# I. Ratione ætatis junioris,

- 1) Catarrhi.
- 2) Rheumatismi.

# II. Ratione ætatis juvenilis,

- 1) Pulmonum vitia.
- 2) Vomica pulmonum.

# III. Ratione ætatis adultioris,

- 1) Arthritis.
- 2) Gonagra.
- 3) Podagra.
- 4) Calculus Renum.

Sicuti in *juniori* ex hæmorrhagiæ narium moliminibus *rheumatismis* & *catarrhis*; in *juvenili*, ex hæmoptyseos moliminibus *pulmonum vitis*, ac *vomica* tandem *pulmonum*; in *adultiore* *arthritide*, *gonagra*, *renum calculo* afflictus fuit.

## 5) Hæmorrhoides suppressæ.

Quæ posteriora varia pathemata ex hæmorrhoidum turbis, quanquam adhuc junioris ætatis esset, & sic sine dubio ex hæreditaria dispositione, uti experientia medica testatur, quod liberi a parentibus hæmorrhoidariis nati longe maturius hoc malo adfici soleant, tanquam fonte originem suam ducebant. obs. 51. l. 16. p. 79.

6) He-

6) Hectica.

7) Hæmorrhoides.

Et hoc tanto clarius elucescit, quod, cum *hectica* tandem consumata anno 1555. mense Januar. vid. observ. 23. lib. 11. pag. 31. laboraret, per unum & alterum diem sanguinem per alvum reddidisset, s. hæmorrhoides fluentes expertus esset. Sicuti itaque hæmorrhoidum fluxus legitimus non solum a variis corporis afflictionibus præservat, imo in primis adhuc initiis variorum malorum admodum salutaris evadit.

E contra tanto periculosioris energię imo mortis causa observantur hæmorrhoides in phthisi, hectica, tabe, hydrope & aliis fonticis morbis consumatis & radicatis, vid. Albert. Tract. de Hæmorrhoid. P. 1. p. 122. §. 5. & p. 146. §. 26. uti in hoc ægroto nihil ad sanitatem potius ad maturiorem mortem contribuere debuit.

8) Mors.

Hinc variis remediis frustra adhibitis 10. Februarii die mortuus est, agens 38. annum.

Post fata dissecto, ac balsamo condito corpore, inventi sunt pulmones nihil aliud esse quam *vomicam*, erant enim plane suppurati & putrefacti, membrana integra existente, maculis tamen plumbeis & cæruleis

leis interstincta, quam digitis facile per-  
rumpebat, & pus instar olei amurcæ erum-  
pebat, valde foetidum & corruptum: ac  
renes calculis exiguis repleti, quasi parvi  
lapilli non solum in sinu & concavitate,  
sed in ipsa substantia infarcti erant. obs.  
16. l. 24. p. 458. in schol. Hepar quidem  
integrum, sed flaccidum nullo abscessu  
corruptum erat.

Pulmonem exulcerari novum non est,  
sed totam ejus substantiam in pus conver-  
ti, & nihil aliud quam pus esse, & sola  
membrana succingente pulmonem conti-  
neri, ut in cavitatem minime rupta efflu-  
xerit, id rarum esse existimat Autor.

## SPECIMEN XI.

### HADRIANVS ALOWINVS DELPH.

#### 1) Ephemera.

**S**anguineo-cholericus temperamenti ex le-  
vi peregrinatione & inde facta lassitu-  
dine circa solstitium hyemale febre *ephe-  
mera* correptus est, alvo interim lubrica  
in lecto sese continuit, hinc levis sudor  
s. diaphoe, sua sponte oborta, aliquam-  
diu continuavit, spatio 24. horarum a fe-  
bre liberatus fuit. Autor victu tantum  
nutri-

nutriente, qui defatigatis secund. Aet. lib. 5. cap. 64. convenit, & exiguo vino Rhenano aquoso utebatur. observ. 1. lib. 1. pag. 1.

## 2) Synocha putrida.

Anno 1562. mense Octobr. ideo post æquinoctium autumnale ætatis suæ 34. in febrem *synocham* incidit. Non statim Medicum vocavit, sed suo aut potius uxoris & muliercularum consilio Decoct. Fol. S. sumsit. Venæ sectionem vero, quæ fere præcipuum remedium ab autore dicitur, tam in synocha simplici & putrida, ut & Galenus ad longum libr. 9. meth. cap. 4. docet.

Quarto die demum Autor advocatur, ubi facies erat tumida, valde inflata & rubea, pulsus vehemens & celer, lotium valde tinctum & rubrum. Eodem die secabatur vena brachii, quam excepit statim somnus suavis, & ptisana epota, sudore corpore emanabat.

Die vero quinto morbi nocte sequenti maximum dolorem per spinam dorsi & lassitudinem totius corporis, punctiones vehementes, pandiculationes crebras, pectoris angustiam & narium pruritum, tanquam certum signum subfuturæ excretionis exanthematicæ, sentiebat.



## 3) Morbilli.

Cum itaque eo tempore *synocha* febris putrida cum variolis & morbillis non tam in pueris, sed & adultis grassarentur. Fiebat & hic transmutatio *critica* ad *morbillos*, superveniente interim, morbillis adhuc non eruptis, angina. obs. 4. lib. 15. pag. 139.

*Adhibebantur* gargarismata, & ubi morbilli copiose in gutture erumperent, ac inflammationem adaugerent, lac caprin. cum aqua plantag. tepide usurpabatur, cum syr. granator. &c. Aliis adhibitis remediis, quæ in variolis propinantur, semper utebatur hordeatis & amygdalatis pro cibo. Sec. Hippocr. sect. 1. aph. 20. recte omisit Purgantia: adhibebat vero ad expulsionem tantum Decoct. ficuum. Potus erat ptisana ex hord. glyzyrrh. ac tenuis cerevisia tepida.

## SPECIMEN XII.

## THEODORUS ALLARDUS.

1) Ischiadicum malum.

2) Oculorum dolor.

*Sanguineus* ætat. 37. mense Januar. post solstitium hybernale *ischiadico malo*, ex hæmorrhoidum turbis, simulque *oculorum dolore*

*dolore* afficiebatur. Ubi ex Historia Med. notari meretur, quod in eminenter *sanguineis* hæmorrhagiæ minus commode succedant, inde malum ischiadicum cominus hæmorrhoidum fluxum respiciens, harum vero ventilationes ut plurimum in moliminibus subsistunt; cum vero in juniore adhuc ætate vi temperaturæ sine dubio ad narium hæmorrhagias quidem dispositus fuisset, quæ vero in moliminibus saltem subsisterunt; hinc apertus consensus ex hac hæmorrhagica congestione ad confinia narium, oculorum dolor exoriri debuit. Decocto antarthritico resolvente laxante, pilulis laxant. venæ sectione ex vena ischiatica, & externis antispasmodicis cum successu utebantur. obs. 19. l. 29. p. 813.

### 3) Coma somnolentum.

Ex his circumstantiis & translatoriiis atque oppletoriis motibus sanguinis ad & in superioribus habilis tanto magis fieri debuit, quoniam potum insuper spirituosiorem largiorem amaret, ut *comate somnolento* alio tempore laboraret, & quidem adeo gravi, ut nullo fere modo excitari potuerit. Sicuti huic ægroto sæpius accidit, quando largius & hilarius vinum haurisset, statim somniculosus stupidusque immotus maneret. obs. 34. lib. 10. pag. 359. in schol.

## 4) Apoplexia lethalis.

Unde etiam factum est, ut coma hoc sæpius recurrens in hoc subiecto tanto magis prodromus gravioris mali sc. *apoplexiæ* subsequens fieri debuerit, qua etiam paulo post extinctus fuit; præsertim cum venæ sectio adeo necessaria neglecta fuerat. Apoplexia enim est morbus valde familiaris in potatoribus, cerevisiariis, ac crassis sanguineis subiectis: uti simul aliud exemplum in schol. adducitur de viro quodam 44. annorum calidioris tamen constitutionis. obs. 71. l. 10. p. 404.

## SPECIMEN XIII.

### GVILHELMUS BRASSERIUS.

## 1) Dysenteria.

## 2) Scorbutus.

**H**ic vir itidem insignis cerevisiæ & vini potator, simul in otio vivens massam humorum variis heterogeneis recrementis adeo deturpavit, ut non solum varios successive sustinuerit morbos, ex quibus quodam tempore *dysenteria* afflictus fuit; sed & subinde *scorbuticis pathematibus* obnoxius fuerit.

## 3) Gan-

### 3) Gangræna.

Ex hac humorum dyscrasia, læsio denique in pede eo facilius mali moris fieri debuit, præsertim in ætate jam senili, quare cum 70. fere annorum esset, & longo tempore post *contusionem, levem inflammationem* pedis sinistri haberet, *gangræna* a medio pedis ultra talum correptus est.

Hinc in hoc senile instituebantur scarificationes satis profundæ, repetitis vicibus, dein imponebatur aqua vitæ cum linteis carptis, ac aliis defendentibus & maturantibus, separantibusque, & interne laxantia, cum subjunctis iis, quæ temperabant æstum febrilem, sicque demum restitutus fuit. Manente exiguo ulcusculo annuo circa talum, quodque per multos annos permanebat apertum, ac fonticuli loco corpus a variis præmuniebat molestiis, hocque Autor apertum servare prudenter præcepit. obs. 68. lib. 10. p. 377. in schol.

### 4) Vertigo.

### 5) Apoplexia lethalis.

Interim cerevisiæ & vini largiorem potum continuavit, unde in hac senili ætate concoctionis vitia & cruditates in primis viis, quæ quotidiana scaturigo succorum pravorum existunt necessario generari debuerunt, fiebat exinde, ut fere perpetuo



*vertigine* adfligeretur; quæ tandem quasi in habitum deducta, ac tonum partium capitis magis magisque enervans, adeo ingravescebat, ut demum in terram prolapsus fuerit, ac subito *apoplexia* extinguere-  
retur. vid. schol. præced.

## SPECIMEN XIV.

### S A S B O T V S.

#### 1) Diarrhœa.

**A**liquando in *alvi fluxum* incidit, cum Amstelodami in Comitibus esset: ubi apprime Autor annotat, quod rarissime diarrhœæ subito restringi debeant, tanto minus diarrhœæ in febribus criticæ, & tales, quæ febrem comitem habeant; in hoc viro erat quidem diarrhœa sine febre, sed quoniam vires adhuc haud adeo lapsæ erant, subitam & positivam restrictionem damnabat, sed potius leni methodo procedebat. obs. 4. lib. 22. p. 368. in schol.

#### 2) Scorbutus.

Aliâs *scorbuticis* pathematibus valde obnoxius erat, quod morbi genus maritimis endemium ut plurimum est.

#### 3) Quartana.

Hinc etiam propter dyscrasiam humo-  
rum

rum, & quoniam exinde stagnatio humorum vitiosorum lentorum circa viscera abdominis præc. in hepate contingere solet, *quartanam* incurrebat, quæ vero sine dubio sinistre curata relicta fuerat, unde scorbuto majora incrementa necessario adferri debuerunt, simul aderant lienis durities, cruris scirrhusa dispositio, ex aliquali metastasi materiæ febrilis, dolor ingens in scapula, color ad nigredinem cruris tum etiam totius corporis declinans, gingivæ cruentæ, hecticodes status. Remediis tam ad duritiem lienis, quam scorbutum, aperientibus, resolventibus, antiscorbuticis, & externis resolventibus aptis adhibitis, multum sublevatus, & pene in totum curatus fuit. obs. 21. l. 20. p. 298.

#### 4) Cynanche lethalis.

Jam in senectutis annis incidit in *cynanchem* lethalem, propter humorum translationem ad superiora, nullus enim tumor neque in collo neque intus in gutture apparebat, spiritum difficillime trahebat, ita, ut recta cervice desidere vel ambulare cogeretur, ac nihil edulii, potus aut medicaminis assumere posset, quarto die ergo ambulando & obscure loquendo strangulatus est.

# SPECIMEN XV.

## JOHANNES SASBOTVS.

Ratione ætatis senilis,

1) Mictus cruentus.

Jam 70. annorum antea & jam subinde *mictu cruento* sine dolore quasi tacite laborabat, ex hæmorrhoidibus externis sive in moliminibus subsistentibus, sive restrictis.

Quem Autor haud apposite, contra propriam experientiam, ubi dicit obs. 8. l. 24. pag. 450. in schol. Mictus cruentus sine dolore, & paucus, per intervalla, idque critice, non est malus, de quo sit timendum, adstringentibus curavit, ubi potius derivantia, venæ sect. & alia discutientia & apposita remedia proficua fuissent. obs. 11. l. 24. p. 453. schol.

2) Vertigo.

Hæc itaque mictus cruenti restrictio intempestiva fere eodem anno in hyeme induxit *vertiginem*, omnia enim circumagi videbantur, ad motum erat pignities, capitis ponderositas, aurium tinnitus & fragor quidam in ipsis, somnique prolixitas.

Ex

Ex his symptomatibus eo clarius videre possumus, quod hæmorrhoides restrictæ primaria causa vertiginis; causa vero secundaria mictus cruenti per adstringentia suppressio fuerit, unde sanguis præsertim hoc sene sedem mnemosynes magis occupaverit, forte ex reminiscencia in juniore ætate hæmorrhagiæ narium, & sic ominosam certe induxerit talem vertiginem. Curatio pro nunc instituebatur resolventibus & evacuantibus, roborantibusque, quibus præfidiis adhuc levabatur. obs. 44. lib. 10. pag. 371.

## SPECIMEN XVI.

### J V V E N I S.

- 1) Hæmorrhagia narium.
- 2) Pleuritis.
- 3) Mania.

**C**holerico-sanguinei temperamenti 28. annorum, in junioribus adhuc annis sæpius *narium hæmorrhagias* experiebatur, nunc vero per annum suppressas; natura itaque plethora onerata, primo ex motibus & moliminibus eluctatoriis atque peccatus nunc ob ætatem occupantibus ad hæmoptisin respicientibus *pleuritidem* exsuscitavit cum sputo cruento, nullis reme-



diis adhibitis febris pleuritica quidem cessare videbatur, sine evidenti excretionem critica, hinc metastasis humorum facta est ad caput, quo antea natura consueta erat superfluum sanguinis eliminare, & *maniam* induxit, quinque septimanas durantem cum capitis exæstuatione & vigiliis pertinacibus. Adhibito laxante, vena in brachio secabatur ad unc. VI. Deinde in- & externe adhibebantur temperantia, demum & vena frontis pertundebatur, subjunctis suppositoriis & clysteribus ad revulsionem, lenientibus solventibus cum antispasmodicis in sero lactis decoctis, quibus demum a mania furiosa liberatus & sanus factus fuit. obs. 23. l. 10. p. 346.

## SPECIMEN XVII.

JACOBVS PROGENVS, Sartor.

- 1) Vertigo.
- 2) Hæmorrhoides.

Utcunque crassus & obesus mens. Febr. *vertigine* infestabatur, omnia circumagi existimabat, & in terram prolabebatur; cum vero paululum ad se rediisset, sentiebat simul cordis angustiam atque palpitationem cum magna pulsus debilitate. Adhibitis roborantibus, cessabant quidem  
hac

hac symptomata, sed vertigo ulterius cum pectoris dolore insistebat, his cessantibus, & motibus naturæ deorsum fientibus dolor in ano obortus est, cum alvi obstructione, donec laxativis adsumptis successive multa mucosa excrementa atque purulenta cum sanguine mixta cum maxima alleviatione reddiderit. Sic vertigo omnino cessavit, ac luculentum documentum dedit, quod vertigo aliaque præcedentia symptomata ex hæmorrhoidibus turbatis venerint. obs. 43. l. 10. p. 370.

## SPECIMEN XVIII.

### P E T R U S   R A T R O.

#### I. Ratione junioris ætatis,

- 1) Nephritis frequentior.
- 2) Calculus renum.

#### II. Ratione senilis ætatis,

- 1) Mictus cruentus.
- 2) Febris inflammatoria.
- 3) Hæmorrhagia narium.
- 4) Mors.

Sanguineus & robustus in junioribus paulo annis *nephritide* sæpius obnoxius fuit, cum sine dubio aliàs ad hæmorrhagias

gias & hæmorrhoides externas, quæ nunquam ad exitum pervenerunt, uti in sanguineis hæmorrhagiæ ut plurimum in moliminibus saltem subsistere solent, dispositus fuerat, inde & vi dispositionis & consequentiæ aliter fieri haud potuit, quin per tales frequentiores congestorios & translatorios sanguinis motus etiam *calculo* demum *renum* laborare debuerit, quibus pathematibus subinde excruciatu fuit, donec anno 1566. mens. Jun. in æstate pedestri itinere non sine lassitudine ex Haga Comitum Delphos reverteretur, ætatis jam 84. Ex tali nimia commotione in tali ætate senili, & facta p. n. congestione sanguinis ad renes, tanquam partem antea subinde magis debilitatam, *miſtum cruentum* copiosum experitur cum ingenti lumborum dolore, quem statim subsequetur *febris inflammatoria*, testis venæ ruptæ in renibus, adeo vehemens, ut, spreto ab initio auxilio medico, plane delirare, atque *sanguinem per naves*, magis heteroclyte ad superiora tendentem fundere ceperit. His ita se habentibus, demum succumbere debuit. obs. 8. lib. 24. pag. 450. obs. 9. lib. 2. pag. 32. schol.

# SPECIMEN XIX.

## JOHANNES ALBERTVS.

- 1) Icterus.
- 2) Hydrops.

Sanguineus crebris potationibus deditus musica sese delectabat, verum ergo: cantores amant humores; ab uxore quoque separatus in otio vivebat; paulo vero ante *ictero* & ex hoc *hydrope* laborabat, qui morbi facile exoriri potuerunt & debuerunt, cum non solum esset strenuus potator, unde humores corporis pravis succis inquinabantur, sed etiam fere quotidie cum uxore in rixis viveret, ubi per excandescentiam hepatis parenchyma constriatum, bilem in stomachum & inde in humores transferebat; quibus morbis interrim liberatus fuit.

- 3) Febris synocha.
- 4) Pleuritis.
- 5) Peripneumonia lethalis.

Cum vero ex post non desineret cerevisia crassiore sese in otio viventem replere, *febrem synocham* incurrit, quæ statim mutabatur in deteriorem statum sc. *pleuritidem*, & paulo post in *peripneumoniam lethalem*.



*lethalem*, venæ sectione illi aliâs consueta, ex incuria prætermissa fuit. obs. 16. lib. 1. pag. 17.

## SPECIMEN XX.

### SIMON WIGGERVS.

- 1) Arthritis.
- 2) Colica hæmorrhoidalis.
- 3) Paralysis.
- 4) Febris quotid. intermitt.

**I**n junioribus annis subinde *arthriticis* atque simul *colicis* symbolizantibus *affectionibus* subjectus fuit; qui morbi haud dubie ex hæmorrhoidum anomaliis & moliminibus inordinatis proveniebant, quibus etiam factum est, ut sive ex malo regimine sive perversa tractatione, in *paralyfin* inciderit, quam longo tempore sustinuit, donec anno 1549. mense Januar. ætatis suæ 50. circa quod tempus ut plurimum arthritici affectus recrudescent, in *febrem* typum *quotidianæ intermittentis* æmulantem lapsus sit, cum tanto frigore membrorum, ut æger se congelatum diceret, præsertim in juncturis erant adeo graves spasmodicæ contractiones, ut frangi putaret, ex materia arthritica artus obsidente, propter quam natura motus tonici augmentum salutis.

lutariter instituebat, invadebat semper post tertiam noctis horam cum gravitate somni & urina glauca, uti in arthritide solenne, quæ exacerbationes typicas servat, omnique die remittit.

5) transit critice in arthritid.

Variis evacuantibus & aliis remediis in- & externe etiam frictionibus partium longis adhibitis natura *critice* propulsabat materiam foras adjuncturas, & excitabat *arthritidem* cum satis luculenta remissione febrilis commotionis.

Jam iterum adhibita fuerunt interna & externa lenientia & roborantia, sic omnino sanus evasit. obs. 27. l. 3. p. 87.

## SPECIMEN XXI.

### JOHANNES NEOBVRGIVS.

- 1) Arthritis.
- 2) Podagra.
- 3) Chiragra.
- 4) Rheumatismus.
- 5) Flatulentia.

Sanguineo-cholericus certis & statis temporibus *arthritide vaga*, quæ alio tempore in *podagram* & *chiragram fixam* transibat,

ibat, subinde laborabat; hinc etiam ex motibus translatiis hinc inde per corpus vagantibus, & congestiis sanguinis incompletis sæpius *rheumatismis* atque propter tales congestiones circa ventriculum etiam *flatulentis* variis obnoxius fuit, quibus omnibus hæmorrhoidum anomaliam anam præbere potuerunt, satisque declarare, quod evidens & arcta cognatio inter hæc pathemata subfit.

### 6) Epilepsia.

Ex hoc fonte in posterum cum annum 65. ageret, atque in aere frigido, humido & turbulento diutius iusto versaretur, hacque ratione transpiratio insensibilis nimis retardata fuisset, ac ex hac causa arthritica s. podagrica materia per stricturam peripheriæ retropulsa formabat *epilepticum insultum*, adhibitis repetitis purgantibus ad revulsionem materiæ peccantis a capite, atque roborantibus curatus fuit.

### 7) Apoplexia lethalis.

Et podagrici insultus certis temporibus dein consueto more recurrebant, donec demum procul dubio ex retrocessione itidem podagræ *apoplexia* subitanea vitæ finem clauderet. obs. 54. l. 10. p. 382.

# SPECIMEN XXII.

## JODOCVS FRANCISCVS ZYTHERSA.

- 1) Vertigo.
- 2) Melancholia.

**M**elancholico - sanguineus macilentus sensibilibioris naturæ, ex natura quasi vertiginosus, seu ex facili causa *vertigine* apprehendebatur, quod tanto facilius evenire debuit, quoniam vi officii coram igne frequenter staret, ac incalesceret circa caput; quoniam etiam variis & frequentioribus litibus & altercationibus, atque sic animi gravioribus motibus expositus erat, unde non solum vertigo adaugebatur, sed & ita afficiebatur, ut in dies tristior & demum *melancholicus* evaderet.

- 3) Pleuritis.
- 4) Syncope.
- 5) Vertigo.

Alio tempore ex hoc humorum raptu ad superiora, ac difficiliori sanguinis lentescantis transitu per vasa, *lateris dolore* afficiebatur, in quo morbo venæ sect. necessaria, propter sensibilitatem, non solum *animi deliquium*, sed & *vertiginem* induxit.



Quod vero pleuritidem incurreret, hæmorrhoidum turbæ, ad quas vi temperamenti inclinaret, in causâ esse debebant, inde sec. Hippocr. 6. Epid. & Galen. lib. 2. cap. 8. de nat. facult. Qui hæmorrhoides habent fluentes neque pleuritide neque peripneumonia periclitantur.

6) Cephalalgia.

7) Narium hæmorrhagia.

Cum vero annum 48. ageret, per annum integrum sæpius *capitis dolore* circa anteriorem capitis partem supra frontem cum gravitate aurium tinnitu, olfactus & auditus oblâsione excruciatu fuit, qui translationem sanguinis ad caput, & ejus ventilationem respiciebat, inde factum etiam, ut *sanguis* multus & nigerrimus frequenter per intervalla *e naribus* flueret, sine dubio ex hæmorrhoidibus suppressis, cum ergo in ætate juniore haud dubie narium hæmorrhagiis adfuetus fuerit, sic jam natura tunc temporis consuetam excretionis viam quærebat; ex hoc vero motu erroneo totus ficcus & quasi tabidus evasit, cum summa macie.

Intermissis interim diu plane omnibus remediis, demum propter alvi obstipationem per 7. dies coactus fuit medici auxilium implorare, qui decocto purgante  
cum

cum levamine alvum aperuit; probabilior indicio, quod ex restrictis hæmorrhoidibus partes inferiores constrictæ alvi occlusionem induxerint, quæ vero per laxans aliquomodo demulcebantur, at respuente ulterius auxilio, haud sine ratione Autor timebat, vel epilepsiam, vel maniam, aut apoplexiam.

### 8) Epilepsia lethalis.

Post quinque dies iterum sanguis e naribus stillabat, cum fontica illa alvi duritie, purgante iterum adhibito, aliquomodo & jam melius haberi videbatur. Sed intermissis laxantibus & magis ingravescente sanguinis nigerrimi per nares fluxu largo cum succrescente magis vertigine, atque melancholia antea radicata, subito in *epilepsiam* diversimode recurrentem, præhabito paulo ante prognostico, incidit *lethalem*. obs. 42. l. 10. p. 393.

## SPECIMEN XXIII.

### Præpositus Venerandus.

#### 1) Calculus.

Sanguineo - melancholicus a longo tempore *calculo*, sive fuerit ex hæreditate, sive ex hæmorrhoidibus, cum vi comple-

xionis facile hæmorrhoidum moliminibus subjectus esse potuerit, laboravit.

## 2) Epilepsia levis.

Itaque cum annum ageret 52. atque victu antea crassiore sc. carne suilla, ac solitis frequentius uteretur, mense Decembr. cum stando per horam integram attente legisset horas divinas, subito in terram concidit, & *levi epilepsia* specie correptus fuit sine spuma in ore & pollicis intra manus contractione, quæ a natura sine dubio exsuscitata propter calculum prægnantem e corpore eliminandum. Interim hoc malum perfecte sensit à pede sinistro tanquam auram sursum per inguina, sinistrum hypochondrium, ad caput repetere.

## 3) Epilepsia perfecta.

## 4) Mors.

Ast anno sequenti mense Mart. rursus vertiginosus, instante æquinoctio, corruerat in terram, atque manifestiore *epilepsia* corripiebatur. Paulo post iterum in *epilepsiam* longe graviores incidit. Qui paroxysmi post mensem sæpius recurrebant. Anno iterum insequente in vere & autumno idem status erat. Anno demum iterum insequente mense Jan. epilepsia magis magisque increbescebat, & manifestiora  
crite-

criteria dabat, quod hæmorrhoidum turbatus status sublit, qui solennia tempora, nempe æquinoctia & solstitia, observabat, ubi ut plurimum tales excretiones aliâs salutare, hic vero turbatæ molimina sua exerunt. Quoniam vero jam epileptici motus in dies insolentiores evaderent, ac hunc ægrotum in senium vergentem viribus exhaurirent, demum jugularunt. Variis incassum semper adhibitis, venæ sectione laxantibus & antepilepticis. Videmus exinde, quod in sene *epilepsia* eo magis *symptomata* omnino mortis periculum adferat. obs. 68. l. 10. p. 398.

## SPECIMEN XXIV.

FRANCISCUS DUYSTIUS.

### I. Ratione junioris ætatis,

- 1) Catarrhi.
- 2) Asthma.
- 3) Gravedo.
- 4) Cephalalgia.

**T**emperamenti sanguineo-pituitosi, corporis obesi a junioribus temporibus & annis *catarrhalibus defluxionibus*, uti his temperamentis solennioribus, fere perpetuo obnoxius, inde haud aliter evenire



potuit, quam ex his pectoris affectibus, nempe *asthmate*, & simul capitis afflictionibus sc. *gravedine* ac *cephalalgis* perpetuis laboraret, quæ pathemata ex incompletis hæmorrhagicis moliminibus & secessionibus serosis a sanguine originem demonstrabant.

## II. Ratione ætatis senilis,

- 1) Apoplexia.
- 2) Paralyfis finistr. lat.
- 3) Apopl. recurrens.
- 4) Lethalis.

Hi affectus cum accrescentibus annis vero ferociores fientes demum in hoc subiecto pituitosiori & ad senium accedente viam satis patulam fecerunt ad *apoplexiam*, quæ tandem cum *lateris sinistri paralyfi* ingruerat; quæ pathemata jam aliquomodo mitiora, sensibilibiter sublevabantur. Paulo tamen post, uti experientia medica abunde docet, rursus in *eandem* incidebat jam in *dextri* simul *lateris paralyfin* desinentem, qua etiam mortuus est.

Sicuti & tres alii in hac observ. & schol. adducuntur hoc morbo mortui. obs. 72. lib. 10. pag. 405.

# SPECIMEN XXV.

## Patritius.

### I. Ratione ætatis juvenilis,

- 1) Rheuma.
- 2) Catarrhus.
- 3) Tuffis.

### II. Ratione ætatis virilis,

- 1) Asthma.

Sanguineo - phlegmaticus a junioribus ætatis annis ad consistentem ætatem narium hæmorrhagias frequentiores patiebatur; his ergo adfuetis, sed aliquomodo subinde turbatis, ex moliminibus congestoriis hæmorrhagicis facili negotio *rheumaticis & catarrhalibus* defluxionibus cum *tussi*; sed successu temporis propter ætatem consistentiorem, ubi motus naturæ magis magisque ad pectus declinare solent, perpetuo *asthmate* adfligebatur.

### III. Ratione ætatis senilis,

- 1) Apoplexia.
- 2) Paralyfis partialis.

Quæ pathemata nullo negotio ex moliminibus & translationibus ad superiora

derivari possunt & debent; præsertim in adultiore ætate, ubi propter ætatem per annos aliquot narium jam hæmorrhagia stiterat, quam vicaria sanguinis emissio quotannis per venæ sectionem supplebat; cum vero & venæ sect. demum in senili ætate per annum intermissa fuerat, quam aliàs admodum bene habuerat, humores in toto corpore adeo sese accumularunt, cum quoque vi hæreditariæ ingenitæ dispositionis præ aliis, ad *apoplexiam* inclinaret, pater enim & tres ejus fratres hoc morbo interierant, ut, cum anno 1586. m. Febr. æquinoctio vernali appropinquante, ætatis suæ 60. annor. inter ambulandum illi annunciatum fuerat, virum quendam 80. annorum sibi notum & familiarem subito extinctum fuisse, ex terrore statim per sinistrum latus tremere cœperit, & domum reversus *apoplexia* correptus fuerit cum subsequente *paralyfi* in sinistro pede, sine sensu & motu erat, stertebat, & os contorquebatur & claudebatur spasmodice.

3) Apoplexia gravior.

4) Mors.

Clysteribus adhibitis atque remediis ægre per os, neglecta venæ sectione, quam ex falsa persuasione æger respuebat, utcunque ab apoplexia & paralyfi nunc liberatus

ratus fuit, remanente tamen memoria læsa, ac mente stupida. Cum itaque justus omnino metus esset, ne hic vir in *hunc affectum* multo *graviores* paulo post lapsurus esset, certe factum est, sequenti anno m. August. sicque *interiit*.

Sic videre licet, quod hoc malum in hac familia tam ex dispositione hæreditaria, quam constitutione præcedentium morborum vere fuerit hæreditarium. obs. 75. lib. 10. pag. 409.

## SPECIMEN XXVI.

### V I R.

#### I. Ratione ætatis junioris, Hæmorrhagia narium.

**Q**uidam in junioribus annis *hæmorrhagias narium* huic ætati competentes sæpius experiebatur.

#### II. Ratione ætatis virilis,

- 1) Hæmorrhoides.
- 2) Hæmoptysis.

Cum vero ad ætatis consistentis annos perveniret, in quibus natura conservatrix suæ domus fragilis motibus suis eluctatoriis ad inferiora inclinatur, subinde *hæmor-*



*rhoidibus fluentibus* expositus fuit, quæ vero in suo tenore haud conservatæ, sed aliquando turbatæ regurgitationes ad pectus fecerunt, hinc factum, ut ætatis 40. per tres annos vere semper instante *hæmoptysin periodicam*, vices hæmorrhoidum haud adeo salutariter supplentes, incurrisset, absque tamen pectoris dolore cum exigua tussi, tanquam certo signo, quod tales eructationes sanguinis magis active quam passive procedant.

Ad quam Autor quidem venæ sectionem in brachio, cum magis proficua fuisset in pede; instituit.

Postea vero magis proprie imperavit, ut singulis sequentibus annis, antequam hæmoptysis ingrueret, venis hæmorrhoidalibus hirudines admoveret. obs. 22. lib. 16. pag. 34.

Sicque longe efficacius hunc ægrotum in posterum ab hæmoptysi præservavit, naturæ motibus veris & genuinis insistens.

Similem casum habet de viro Amat. Lusitan. Cent. 2. cur. 13.

## SPECIMEN XXVII. ANDREAS PETRUS SELLII.

1) Malum ischiadicum.

**A**liquando *ischiadico dolore* magno affligebatur. obs. 19. l. 29. p. 813. Quod ma-

malum ex hæmorrhoidum moliminibus cæcis habere debuit, uti in experientia medica exempla quotidiana comprobant.

2) Asthma humid.

Cui malo vero medicus quidam post universalia haud apposite externe applicuit cerevisiam Gedanam cum butyro ad consistentiam linimenti decoctam. Hac enim ratione dolor quidem delinitus fuit; Ast humores congesti & abundantes saltim repressi, alias majores regurgitationes & fonticas adflictiones inducere apti facti sunt. Unde facilis metastasis enata fuit, quæ pectus simul in consensum d. duxit; quave postea per longum tempus *anhelosus* factus est, cui sese ætatis 64. mens. Octob. *tussis* admodum molesta associavit post sc. æquinoct. autumnale.

Curatio instituebatur per ea, quæ succos frigidos & crassos viscidos attenuarent, & resolverent juxta aetium, interpositis pilulis purgantibus, quibus melius haberi coepit. obs. 4. lib. 16. pag. 5.

## SPECIMEN XXVIII.

BALDUINUS KERKWERNIUS.

1) Tertianæ duplex.

Constitutionis melancholicæ, procerus & valde macilentus, semperque duri-  
oris

oris alvi existens aliquando *febre tertiana duplici* laborat, & ab Autore curatus fuit. obs. 19. l. 18. p. 161.

2) Colica.

3) - - hæmorrhoidalis.

Aliàs subinde *colico dolore* adficiebatur, ubi clysteres punctum semper curationis absolvebant. Hinc facta comparatione constitutionis melancholicæ cum juvantibus, facile elucescit, quod hæc colica passio fuerit *hæmorrhoidalis*. Ad præservationem feliciter usus est carminativis blandis quandoque cum laxantibus mixtis, quoniam præprimis eo respiendum, quo alvus semper sit lubrica. obs. 10. lib. 21. pag. 324. in schol.

## SPECIMEN XXIX.

Generosus de BENTHUSEN.

1) Narium hæmorrhagia exced.

**F**requenter & sine dubio a juventutis s. pueritiæ annis *narium hæmorrhagiis* laborabat. Quæ aliquando adeo excedebat, ut per vices circiter 12. ℥. sanguinis ex utraque nare effluerint.

Appositis ab Autore ventosis duabus, una supra hepatis, altera supra lienis regionem,

gionem, parum fluxus subsisti re videbatur. Sed post discessum cum sanguis iterum ex utraque nare cum impetu erumperet, uxor hujus ægroti duas alias, unam supra dextrum, alteram supra sinistrum pedem affigi jussit, & dictu mirum, sanguis subito adstrictus est. Cum vero ventosæ aliquamdiu cuti adhæsisent, æger in animi deliquium incidit; iisdem ergo detractis, & aqua in faciem conspersa, excitatus fuit. Sic videre est, quod ventosæ ad diversionem adhibitæ magis remote ac ad partes remotiores locandæ sint, cum ea cautione: ne diutius maneant. obs. 14. lib. 13. p. 99.

## 2) Oculorum vitia.

Alio vero tempore, nempe in m. Majo, in tale *oculorum vitium* incidit, ut *propinqua parum videret, remota vero magis*. Cum itaque aliàs frequenter narium hæmorrhagiis, inde humorum motu eo magis ad caput adsueto obnoxius esset, his superveniebat, quod longo tempore victu crassiore & lautiore usus esset, & vino rubro gallico atque in otio viveret, aliter hinc vix fieri potuit, quin in hoc malum inciderit.

In cura itaque removebantur omnia vina ad tempus, victus tenuis haud commovens commendabatur. Venæ sect. æger aliàs



aliâs necessariam recusavit. Quare singulis septimanis pil. purgantes sumebat, atque cum fœniculo viridi in vino immerso oculos sæpe detergebat. Quibus præfidiis affectus remisit. obs. 36. l. II. p. 45.

## SPECIMEN XXX.

### BOKELLUS JOD. FRANCISC.

#### Juvenis.

#### 1) Hæmorrhagia narium exced.

**A**nnorum 30. per 4. dies continuo mens. Januar. in quo ut plurimum natura excretionem hanc sanguinis præprimis, teste experientia, molitur, *hæmorrhagiam narium excedentem* habuit.

Multa præfidia tentata sunt: ut venæ sect. in brachio, cucurbitulæ cum levi scarificatione scapulis appositæ, vincula digitis & brachiis injecta, fots ex aqua frigida plantag. ros. aceto testibus adhibiti; pulvis adstring. naribus inditi, sed omnia frustra. Stercus porcinus recens (asini-  
nus magis laudatur) ad olfaciendum ob-  
jiciebatur, subsistebat aliquando, non re-  
stringebatur fluxus. Succus granator.  
acid. ad refocillationem sæpe dabatur, tan-  
dem ad julep. adstring. & refrigerant. flu-  
xus desuit. Victu restaurante, in frigidan-  
to

te & roborante in fine usus est. obs. 13.  
lib. 13. pag. 98.

## 2) Cynanche.

Alio interim tempore *tūmorem* intus latitantem *cynanchicum* habuit, (cynanche enim dicitur, quando neque intus, neque extus tumor apparet) qui totam maxillam ita occluserat, ut os nullo modo aperire posset. Hoc malum ex narium hæmorrhagiis præcedentibus, & motibus ac moliminibus sanguinis incompletis ad depletionem sang. per nares respicientibus facile exoriri debuit.

Chirurgus vero imperitus instrumento dilatatorio os violenter aperire annitebatur, diducto ergo ægri ore in convulsionem lapsus est, quæ apertio violenta in hoc malo omnium periculosissimo periculum eo magis adauxit, quemadmodum qui hoc malo pereunt, ut plurimum magis convulsionibus quam suffocatione moriuntur. Cui itaque interdixit Autor suum temerarium conamen, verum adhibitis iis, quæ emollirent, & convulsioni resisterent, maturentque, tandem tumor cynanchicus feliciter perruptus est. Ex ore pure effluente, magna dein industria curatus fuit. obs. 112. l. 10. p. 455. schol.

# SPECIMEN XXXI.

## BARTHOLOM. TEYLINGIVS.

- 1) Hæmorrhagia narium.
- 2) Cephalalgia.

**I**n junioribus annis ex hæreditaria translatione, sæpius *narium hæmorrhagiis* fuit molestatus, quas fere semper præcesserunt *cephalalgia* ex congestione & oppletione sanguinis in capite narium hæmorrhagiam respiciente.

- 3) Asthma humidum.

Varia sistentia & reprimentia adhibita sunt, unde tanto magis sanguis postea regurgitavit ad pectus; cum ergo ex hæreditate & dispositione interna teneriori. Ad *Asthma humidum habituale* dispositus esset, & hæmorrhagia narium aliquomodo turbata & plane suppressa esset, quæ sola, quando impeditius procedit, sufficit; eo magis hic huic malo subjectus erat.

Propter sanguinis itaque abundantiam præoccupandam & avertendam ex Paul. Æginett. Celsi, Galen. Cæl. Aurel. & Prisciani sententia venæ sectio tempore veris admodum proficua erat. Posthanc purgatio ex hiera cum agarico, cum herb. pecto-

ctoral. conducebant; Radices althææ & enulæ conditæ simul proficuæ erant. obs. 9. lib. 16. pag. 12.

## SPECIMEN XXXII.

### CORNELIUS ALCMARIUS.

- 1) Balbus.
- 2) Stultus.
- 3) Fatuus.

**P**hlegmatico-sanguineæ constitutionis ab ineunte ætate *balbus* & male loquens, *stultus* ac *fatuus*, vestium ornatum interim perquam diligens, ac perpetuo fere ebrius & potator erat. Quam quidem fatuitatem ab ipsis cunabulis ortam & ingenitam Chirurgus quidam elatus curare intendebat, sed frustra quoniam haud sine ratione a Medicis tales tanquam incurabiles merito relinquuntur. observat. 31. lib. 10. pag. 354.

- 4) Diarrhœa.

Ex hoc vitio interim naturali ingenito, & quando loqueretur, salivæ multæ affluxu in os, imo ex phlegmatica constitutione, fere perpetuo *Diarrhœa* laborabat, quod Hippocr. confirmat, sect. VI. aph. 32.

N

quando



quando dicit: Balbos ventris fluxu naturaliter periclitari.

### 5) Catarrhus.

Quando ergo potatio frequentior accedebat, hinc fieri aliter vix potuit, quin *catarrhalibus afflictionibus* obnoxius ac semper lubricioris alvi esset. obs. 19. lib. 22. pag. 383.

### 6) Pleuritis.

Alio tempore, cum esset 36. annorum mense April. post æquinoctium vernale, & paulo intensius laboraret, hinc modo incalescens modo frigefactus, insuper potum largiter ingurgitans, in *pleuritidem* lapsus est. Qui morbus ut plurimum vernalis est. Et omnia ea symptomata aderant, quæ in gravi comperiuntur pleuritide cum sputo cruento. Quarto demum die in brachio ejusdem lateris, ubi dolor erat, vena secabatur, ad 8. uncias; sedato dolore non nihil, atque sub noctem ex parte rediente cum fotu discutiente, leniente & loco simul inuncto, dolor ita sedatus est, ut, si tussiret, minime, uti antea, dolorem persentiret. Deinde expectorantia lenientia cum subjuncto laxante adhibita sunt. Pro potu ptisana ex hord. mund. passul. glyzyrrh. adhibebatur. observ. 26. lib. 16. p. 39.

Nullus

Nullus morbus apud Veteres adeo decantatus, uti pleuritis. Hinc Hippocrates lib. 1. & 2. de acut. vict. Jacchin. Argenter. & Galenus in lib. de constit. art. pro exemplo inter omnes acutos morbos sumunt, quoniam frequens & insignis sit affectus, tum quod multas differentias, causas, & symptomata obtineat.

## SPECIMEN XXXIII. CORNELIUS ZUZIUS.

- 1) Arthritis.
- 2) Hæmorrhoides fluentes.

**A**liquando *arthritide* laborans, supervenientibus aliâs consuetis nunc vero turbatis hæmorrhoidibus fluentibus statim ab hoc articulari morbo liberatus fuit. Et sic aperte & abunde experientia clinica docet, quomodo singularis consensus & cognatio inter hos affectus occurrat, ubi mox ex suppressis hæmorrhoidibus arthritis, mox vero in arthritide fluxus hæmorrhoidum apparens, tanquam optima medicina exoriatur. Sic jam ab Hippocrate 6. Epidem. comment. 3. illi qui habent hæmorrhoides apertas neque pleuritide, neque peripneumonia, neque phagedæna, neque furunculis, neque terminthis, neque

que lepra fortasse, neque aphthis corripuntur. Sect. VI. aph. 11. & 21. melancholicis, nephriticis, insanientibus supervenientes hæmorrhoides, bonum. Sic profunt uteri, vesicæ & pudendi affectibus. obs. 4. lib. 23. pag. 427.

3) Tertianæ.

4) Podagra, Chiragra.

Huic anno 1564. mens. August. ætatis 50. ex restrictione hæmorrhoidum, quibus aliàs, uti supra dictum, obnoxius fuit, incidit in *tertianam* intermittentem sine dubio ex congestione, stagnationeque sanguinis circa v. portæ & ventriculum. Nullis interim remediis usus post 3. paroxysmum illum febris per se dereliquit, venæ sectionem intermisit & purgationem. Sed paulo post peregre profectus in reditu illum iterum febricula corripuit, hæmorrhoidibus manentibus adhuc obstructis, in *podagram* & *chiragram* incidit adeo vehementem & impetuosam, ut per 3. septimanas coactus fuerit in lecto manere. Causæ hujus mali inde tanto manifestiores, 1) quod hæmorrhoides fuerint suppressæ, 2) venæ sectio & purgatio plane neglecta, 3) vini Rhenani & cibariorum copia ingesta, 4) juvencula in uxorem ducta.

5) Hæ-

5) Hæmorrhoides manantes.

In cura adhibebantur, quoniam venæ sect. abhorreret, laxantia & decocta ex herb. capillar. & aliis reiterata. Deinde topica haud congrua, interim his adhibitis *hæmorrhoides manare* cum satis luculento levamine incæperunt, ac statim podagra & chiragra desit; hac ratione curatus, magis per hæmorrhoides, ad annum 1570. liber ab his malis vixit. obs. 4. lib. 29. pag. 787. obs. 30. lib. 2. pag. 50. obs. 9 lib. 3. pag. 71.

## SPECIMEN XXXIV.

### CHRISTIANUS MUSICUS.

1) Pestis.

2) Bubo.

In peste Delphenfi anno 1557. hic quoque complexionis sanguineæ & constitutionis robustæ infectus fuit *peste*. *Bubonem* sub ala sinistra exiguum vix effatu dignum accipit. Vena in cubitu sinistro statim secatur, & pulvis ille, qui Autori in peste usualis, cum subsecuto sudore largo propinatur.



## 3) Impetigo in vola manus.

Cum interea hic ægrotus, antequam peste corripereetur *scabiem impetiginosam* in vola manus haberet, jam magna heic suborta est inflatio, cui imposuit panem cum butyro & saliva jejuni hominis bene masticatum, partem vero convexam manus theriaca illinire jussit. Hac ratione istis apposis manus in tumorem cum dolore ac cruciatu intolerabili attollebatur, bubone sub ala plane disparente, sic cum euphoria natura materiam pestiferam excernendam eo derivavit, ubi antea consue-ta fuisset superflua sanguinis & humorum excernere, & curatus fuit.

Hinc videre est, quod exulcerata manus multum profecerit ad sanitatem. Præstantissimi ergo Medici tempore pestis haud injuste prohibent, ne sanguinis naturales excretiones inhi-beantur, aut scabies, unguentis sanetur, aut ulcera consolidentur. Qui enim lue gallica infecti sunt, aut sunt ulcerosi, raro peste inficiuntur. Sic Chirurgus quidam, quia ulcera in crure & crura tumida habebat, uti & monachus quidam, eodem tempore non inficiebantur. obs. 24. l. 6. p. 181.

Quod etiam in aliis morbis contagiosis observatur sicuti in variolis & morbillis &c.

&c. Qui ex infantibus capitis achoribus, scabie, purpura rubra laborant, illi utplurimum vel plane immunes sunt, vel pauciores & benigniores tantum habent.

- 4) Fistula ani.
- 5) Hectica.
- 6) Mors.

Deinde *fistulam ani* adeo sinuosam & intus latentem habuit, ut speculo immisso animadverti haud posset. Quæ ab hæmorrhoidibus tanto magis vi temperamenti sanguinei originem ducebat; interim tanta hac fistula incrementa sumsit, ut *hectica* & tandem *mors* supervenire debuerit, uti quotidianæ observationis est, quod ulcera diuturna maligna successu temporis propter continuum humorum affluxum & inde factam absorptionem materiæ purulentæ reliquam humorum massam adeo inficiant ac accendant, ut hecticodes status inde evenire debeat. obs. 15. lib. 23. pag. 439.

# SPECIMEN XXXV.

## GODOFREDUS PETRUS BEAUMONT.

### 1) Febris epidemica maligna.

**T**emperamenti cholericæ sanguinei anno 1580. mens. Jul. & Jun. *febre epidemica maligna* laborabat, sicuti tunc temporis Delphis, in toto Belgio, imo in Germania & Gallia epidemice hæc febris maligna grassaretur, cum vocis raucedine & tussi valida, in quibusdam mentiebatur pleuritidem, in aliis peripneumoniam.

Statim venæ sectio adhibebatur, deinde varia pectoralia, linctus, syrupi & potiones cum laxativis quandoque mixtis.

### 2) Asthma.

### 3) Tussis.

### 4) Febris lenta.

### 5) Vomica.

Cum vero ad ætatem 59. pervenisset, subinde vero antea *asthmate* laborasset, tandem *tussi valida* cum *febre lenta* correptus est, ideo haud injustus metus erat de phtisi; cui se sputum sanguinis in notabili satis quantitate, ex sanguinis congestione

ne

ne & stagnatione ad pectus, cum augmento febris adsociabat, quod sputum primo sincerum cum pituita, dein vero nigriusculum cum pure permixtum prodibat, hincque certum indicium præbebat, subfuisse *empyema* in pulmonibus, forte exortum & generatum a prægressa febre epidemica & peripneumonia haud opportune curata, unde haud mirum, quod longis temporibus fuerit asthmaticus, ac tandem vomica rupta afflictiones has induxerit.

Cura: Quia quotannis, sed male, in brachio sanguinem mittere consuetus esset, hac ratione eo magis sanguinis motus ad pectus adducebatur. Hinc & jam in cura in brachio itidem sectio venæ instituebatur: deinde decoct. contemperans & leniens ac pro tussi & febre subinde diatrag. frig. dabatur. Nocte vero per totum morbi decursum hordeatum, ex hord. mund. amygd. d. sem. papav. alb. sem. 4. frig. sacchar. adsumebatur. His subungebatur laxans cum syr. ros. cum sero lactis. Pectoralia & treumatica longo usu interponebantur, sic præter opinionem sanus quodammodo evasit. obs. 19. lib. 16. pag. 29.



# SPECIMEN XXXVI.

## HENRICVS HENRICI.

### 1) Calculus.

**E**x hæreditate *calculosus*, (hi enim omni tempore gravius laborant, quam alii ex aliis causis.)

### 2) Tertiana notha.

### 3) Mictus cruentus.

Anno 1558. mens. Mart. circa vernale æquinoctium in *tertianam notham* incidit, remediis appropriatis adhibitis quidem curatus; verum paulo post iterum febris rediit, jam a Monacho Empyrico accepit decoct. card. benedict. quo per vices usus, in somnum delabitur, post somnum mane *sanguinem minxit*, utrum mictus cruentus ex hæmorrhoidum turbis, vel a calculi fragmentis, in dubio relinquitur, quem mictum interim omnimoda urinæ suppressio ex sanguine coagulato vel calculis subsequēbatur, pressio pede sævissima symptomata aderant; refrigeratio membrorum & narium, ex spasmo exteriorum, cum intolerabili lumborum dolore & circa pectinem, pulsus erat exiguus, vires collapsæ.

His

His opposuit resolventia, diluentia, mox suppositoria, clysteres, fatus. Interne oxymel. simpl. aq. malv. artemis. fl. chamomil. huic medicamento euporysto multum tribuit, mox magis laxantia & decoct. pellent. cum artemisia adhibuit, quibus libere non solum minxit, sed & excrevit fragmenta calculorum & jam sanatus fuit.

#### 4) Rheumatismus.

Post aliquot dies *Rheumatismo* in humeris ex frigore incaute admissio adfligebatur, cui opposuit feliciter saccul. ex discutient. Præservativam interea curam negligens, potius opipare & in otio ac diæta vinosa vivens.

#### 5) Calculosus recursus.

Iterum anno 1560. mens. Januar. post solstitium hyemale Harlemum profectus ad nuptias ibidem prioribus & quidem longe gravioribus pathematibus calculosis aggreditur, priora fere remedia, paucis hinc & inde mutatis, propinantur, simul adhibito incassum cathetere, pro testimonio, quod calculus renum neque in pene neque collo vesicæ, sed in uretheribus hæreat. Tandem post 6 dies, per quos urina omnino stiterat, copiosa valde foetens cum lapillo molei pruni instar & paulo ob-

oblongiore, deinde cum lapillis pisorum modo rejecit, ac demum & jam curatus fuit. obs. 26. l. 24. p. 476.

### 6) iterum recurrens.

In hoc eodem anno mens. Jul. in idem malum relapsus est, ex calculo in urethre sinistro rursus impacto cum omnimoda urinæ suppressione ac prioribus symptomatibus, proprio consilio sumsit decoct. Senn. Autor vero adhibuit fomenta & linimenta emollient. & anodyna, decoct. pellent. clyster. his factum est, ut denuo lotium flueret, ac lapillum unum & alterum ad pisi magnitudinem rejiceret. obs. 27. hujus libri p. 482.

### 7) iterumque.

Hoc eodem anno mens. Octobr. cum mustum bibisset, ac castaneas comedisset, eodem malo correptus fuit, jam iterum antea adhibita remedia propinata optatum effectum dederunt. obs. 28. hujus libri pag. 483.

### 8) Mors.

Tandem anno 1561. mense Martii in urinæ suppressionem adeo gravem iterum incidit, ex calculo rursus obstruente uretherem sinistram, ut *mors* tandem subsequuta fuerit.

### 9) Hæ-

9) Hæmorrhagia nar. sympt.

Diversa a variis medicis præscripta sunt remedia & plurima, tandem communi consilio ad cantharides, ad pulverem vitri combusti & præparati, ac alia diuretica potentiora deventum est; ast inflammatio, febris satis aucta (tam per vehementiam morbi, quam nimis irritantium & lædentium remediorum usum exsuscitata) obstructio alvi & urinæ in dies major facta & periculosior; demum accitur Autor qui per apta remedia quidem die 12. morbi rufum lapillum ad magnitudinem pisi cum lotii excretionem libera, foras destruxit, febris vero malignior suspecta persistabat, vires dejectæ manebant, tandem die 14. morbi superveniebat *navium hæmorrhagia symptomatrica* satis suspecta, quod naturæ conamen nihil utilitatis, potius majus periculum ac subsequenter ex inflammatione sphacelum præ foribus indicabat; die 17. morbi ergo accedebant deliria ex raptu humorum ad caput, & paulo post mors. obs. 29. h. l. pag. 484.

*Cautele:* ubi calculus in urethere impactus hæret in principio diuretica admodum nocent (de his Guainerius exemplum triste adfert,) potius conferunt emollientia in- & externa. Montanus in consult. 93. recte dicit: Manifestum esse, renes & vesicam, ubi semel aut bis afficiuntur, ut plu-



plurimum imbecilliores reddi, & præparari ad nocumenta facile graviora suscipienda. Illi itaque, qui semel passi sunt calculum, facile in recidivam incidunt.

Vera medendi methodus Autoris  
in calculosis.

Secundum Autorem vera medendi methodus strictim in scholiis indicatur: primo injicitur clyster emoll. & pro rei exigentia subinde repetitur. Deinde fomenta & linimenta emollient. dolorem sedantia adhibentur. Postea suum decoct. ad calculum diligenter & ultimo laxantia propinantur. Quam methodum laudat non solum in paroxysmo accessionis, ubi calculus renum uretherem obstruit, ac lotium retinet; verum etiam in quavis renum obstructione, sive ex materia viscosa, sive ex calculo. His præmissis tandem ad providum diureticorum s. pellentium usum devenit.

SPECIMEN XXXVII.  
MELCHIOR GERHARDI,  
Cerevisiarius.

- 1) Catarrhus.
- 2) Cephalalgia.

Perpetuo *catarrhis* obnoxius, longo hinc tempore *cephalalgia*, quæ per interval-  
la

la sæpius recurrebat, afflictus, variis adhibitis evacuantibus, demum errhinum adhibitum fuit, quo pituita copiose e naribus fluxit, & catarrhalis defluxio & cephalalgia utcunque mitigabatur. obs. 18. lib. 9. pag. 275.

- 3) Ulcus vesicæ.
- 4) Calculus.
- 5) Cachexia.
- 6) Mors.

In ætate consistente *ulcus diuturnum in vesica*, antea enim fuerat *calculosus*, habebat, cum tanto foetore, ut vix quisquam apud eum consistere posset. Exinde interea factus est admodum *cachecticus*. obs. 36. lib. 24. pag. 497. schol. Cum itaque longo tempore valde diureticis uteretur, multo pejus, propter hanc factam nimiam irritationem, habebat, & urina acrior reddebatur, cum summo cruciatu & ardore; solamen aliquod afferebat decoct. demulcens & leniens. Tandem tabe, uti solenne est, & senio confectus ex hoc malo eundem excarnificante, *mortuus* est.

# SPECIMEN XXXVIII.

## Monachus ex Francisci Ordine.

### 1) Erysipelas faciei.

**A**liquando *erysipelate faciei* admodum deturpatus fuit; hic affectus probabiliter narium hæmorrhagiæ molimina pro causa agnoscebat, unde facile varii capitis affectus exoriri solent, quando motus quidam adsunt, sed non ad exitum perveniunt. obs. 6. l. 1. chir. p 26.

### 2) Catarrhus.

### 3) Tussis.

### 4) Sputum cruentum.

Exinde etiam postea in ætate adultiori, propter congestoria circa caput molimina, enatæ sunt stagnationes sanguinis, & secessiones seri, quæ *catarrhales defluxiones, tussim*, imo *sputum cruentum* ætatis suæ 30. introduxerunt.

Curabatur venæ sectione, quæ tamen fuisset præstantior in pede, laxantibus, decoctis & electuariis leniter adstringentibus. obs. 11. lib. 16. pag. 15.

- 5) Hernia.
- 6) Dyfuria.
- 7) Tenefmus.

Ætatis 70. herniæ suæ, quam diu antea habuerat, superveniebat jam *dysuria* & *tenesmus* ex frigore; hinc lenientia, demulcentia & antispasmodica adhibebat cum levamine. obs. 41. lib. 22. pag. 418.

## SPECIMEN XXXIX.

### NICOLAUS GVILHELMVS, Consul.

- 1) Febris epidemica.
- 2) Pleuritis.

Sanguineo-phlegmaticus anno 1580. ætatis 47. *Febre* simul, tunc temporis grassante, *epidemica* laborabat ex catarrhali defluxione orta, hinc in hoc viro transibat in *pleuritidem* (uti in aliis in peripneumoniâ &c.) contumaciorem cum aphthis, die 21. critico solutam, & sanatam; interim cum hac singulari circumstantia, quod urina semper fuerit tenuis, clara, translucida, inftar aquæ usque ad finem morbi, cruda manens; hoc Autor aliâs in pleuritide nunquam observavit. observ. 3. lib. 6. pag. 153.



## 3) Ulcus in crure.

*Ulcus* interea habebat in crure annum, sine dubio ex metastasi febris pleuritica, quoniam tunc temporis urina cruda maneret, hinc neque per urinam, neque per sudorem facta fuisset crisis, ad crus translata.

## 4) Tertiana.

## 5) Mors.

Anno 1583. mense Septembr. ætatis 50. per æstatem laboribus intentus, ac horariis fructibus nimium delectatus, in *febrem tertianam* peioris indolis, cum itaque, suo ex consilio. Purgans, materia adhuc existente cruda, vehementius, nempe elect. de succo rosar. paulo ampliore dosi, imprudenter adsumfisset, quo licet quinquies alvum deposuerit, febrem tamen per se satis malignam valde auxit. Altero die venæ sectionem in brachio satis copiosam instituit, rursusque assumpto eodem purgante, mutatur eo magis in malignam, cum virium dejectione, ingenti siti, capitisque dolore vehementiore, ac subinde delirabat, cum omnimoda exsiccatione ulceris annui in crure, tanquam pessimo signo. Sic sua culpa adeo febrem adauxit, quanquam varia remedia adhibita, sed  
incas-

incaſſum, eſſent, ut ſeptimo die morbi  
*moreretur.* obſ. 25. l. 2. p. 44.

## SPECIMEN XL.

### NICOLAUS HALSIUS.

- 1) Variolæ.
- 2) Ophthalmia.
- 3) Pterygium.

**P**uer 8. annorum poſt *variolas* nondum recte exſiccatas aeri nebuloso & ventoso ſeſe improvide committit, hac ratione materia varioloſa retrogreditur, ac *inflammationem oculi* inducit, collyrio adhibito, melius quidem habere viſus eſt; verum poſt 4. dies ſubito catarrhalis metaſtaſis adaucta, & impetuoſior ad oculum facta, majorem affluxum & rubedinem, cum inſequenti *pterygio* excitavit; jam recte cura cum laxantibus & ſacculis calidis diſcutientibus & lenientibus & collyriis ad pterygion ex vitriol. alb. & aliis cum ſucceſſu per aliquot tempus inſtituebatur.

- 4) Scabies humida.
- 5) Ulcera in cruribus.

Interim nondum reliquæ materiæ varioloſæ e corporis maſſa exterminatæ, ulterius

rius deturparunt totum humorum laticem, ac prodixerunt *scabiem humidam* etiam in fronte & circa oculos, cum *ulceribus*, in cruribus, *crustosis*.

Cum decocto fennæ bene purgabatur, & statim unguent. ex cap. calamin. litharg. auri & argent. sulph. ceruss. cum axungia porcin. ad complementum curæ, inungebatur.

## SPECIMEN XLI.

### PET. BRONCKHORST.

- 1) Tussis.
- 2) Catarrhus.
- 3) Cephalalg. gravativ.

**A**nno ætatis 30. *tussi molesta* ex continua *catarrhali defluxione* ad pectus divexabatur, cum *capitis dolore gravativo*, narium obstructione, borborygmis & flatibus.

Catarrhus latius sumptus, uti præcedentia scholia habent, in externis magis partibus excitatur congestionibus sanguinis & stagnationibus, & inde factis secessionibus serosæ humiditatis in oculis, maxillis, dentibus, cervice, scapulis, brachiis, lateribus, dorso, lumbis, coxendice, cruribus, ac in omnibus articulis.

In

In internis excitatur, quando ibidem congestio humorum & secessio fit, hinc apoplexia, paralyfis, stupor, tremor, cæcitas, surditas, tinnitus, odoratus privatio, gravedo, raucedo, tussis, angina, pleuritis, asthma, phthisis, & viscerum aliorum obstructio, infarctus, scirrhus.

Ex hoc capite catarrhus est quamplurimorum morborum procreatrix; & hinc antiquioribus mater omnium morborum dictus est. Hic in hoc ægroto cura instituebatur cum decoct. resolv. & laxant. ac denique roborantibus. observ. 130. lib. 10. pag. 471.

#### 4) Peripneumonia.

Sic alio tempore, cum sæpius catarrhis obnoxius esset, tandem incidit in *peripneumoniam* cum febre acuta & præcedente horrore, sputo cruento magna cum molestia, & anhelitus difficultate pectorisque gravitate, exspuente.

Adhibito laxante statim venæ sectio adhibita fuit, quibus subjunctum decoct. pectorale & eclegmata. Septimo die sudor criticus malum aliquomodo lenivit, diætata fuit leniens & tenuis. 13. & 14. die morbi magis sudavit & ex integro curatus fuit.

Autor monitum ad Medicos adjungit: Ad Medici honorem & ægri utilitatem



pertinet, tales morbos, qui plus periculi adferre possunt, non parvi facere; quare sinistros eventus potius præmeditari, ac omnibus symptomatibus ita succurrere debeant, ne id, quod stolidis contingit, ubi mala subito irrepunt, dicant, *se hoc non putasse*. Ideo omnibus modis Medicus peritus & pius operam dabit, ne pleuritis & peripneumonia in suppurationem tendat. obs. 47. lib. 16. pag. 73.

## SPECIMEN XLII.

### PET. SAFFINIVS.

#### 1) Dysenteria epidemica.

**S**anguineo-melancholicus anno 1556. in autumno, ubi hic morbus solennis, *dysenteria epidemica* maligna cum excoriatio-  
ne decumbebat. Per 2. menses modo mu-  
cosa, modo purulenta cum ramentis in-  
testinorum haud sine dolore, febre, siti  
&c. deiciebat. Hic morbus in Belgio  
frequentissimus est, imo populariter sæpe  
æstate & autumno adfligit.

Curabatur lenientibus decoctis, clyste-  
ribus, laxantibus rhabarb. adstringentibus  
& roborantibus.

2) He-

2) Hemicrania.

Anno sequenti itidem in autumnno, in *capitis dolorem diuturniorem in occipitio hærentem* incidit, per totum hyemem durantem, cum cardialgia, vertigine, oculorum obscuratione & tandem memoriæ debilitate. Unde videmus, quod hæc pathemata ex regurgitatione & stasi sanguinis suum ortum habuerint; imo quoniam præcedente anno per dysenteriam multum sanguinis per intestina ejectum fuerat, in hoc subjecto sanguineo-melancholico jam regressum fecerat, ad caput & circa præcordia, & ibi suâ abundantia congestorias & eluctatorias molestias fecerat.

Primo pilulis laxant. & decocto præparante, dissolvente cum victu attenuante utebatur, & hæc subinde alternabantur, donec morbus remiserit. observ. 63. lib. 9, pag. 310.

SPECIMEN XLIII.

PETR. CANDIDUS.

- 1) Hæmorrhoides.
- 2) Hydrops.
- 3) Hæmorrhoides fluent.

Crassus & cerevisiæ potator aliàs *hæmorrhoidarius* tandem ætatis suæ 50. ex

hæmorrhoidibus restrictis in *Hydropem Ascitem* mens. Novembr. devolvitur. Cum vero Empyrici cujusdam pollicitationibus variis auscultaret, res eo devenit, ut non solum venter, sed & Scrotum, facta *Hernia aquosa* obs. 26. lib. 27. pag. 618. in ingentem molem excresceret, remoto tandem Empyrico advocantur, qui per varia adhibita purgantia ac antihydrica simul *hæmorrhoidibus apparentibus* fluentibus & sic curationem omnino adjuvantibus, ægrotum a malo suo quadantenus, continuato remediorum antihydr. usu; cum simul crus excoxiatum quotidie maximam copiam aquæ emittebat, liberant.

4) Hydrops recurrens.

5) Mors.

Cum vero iterum cerevisiam largius, a qua diu abstinuerat, biberet, & a cura abstineret, iterum venter mirum in modum inflari cæpit. Itaque sequenti anno mens. Januar. cura reassumitur jam cum drasticis, cum potius hæmorrhoidum apertio curationis punctum fuisset, interim jam bene tulit. Tertia vero vice statim hydropicus factus jam muliercularum consiliis utitur, quæ externis repellentibus & refrigerantibus eo deducunt malum, ut brevi post *mortuus* fuerit. obs. 38. l. 19. pag. 258.

# SPECIMEN XLIV.

## Princeps Auriacus.

### 1) Febres tertianæ.

Sanguineo-cholericus, hinc ad febres recipiendas satis aptus, levi semper ex causa in *tertianas* satis *exquisitas* incidebat, & bis ab Autore curatus fuit. Curæ & exercitia militaria, quibus admodum deditus, causæ erant fere semper hujus febris. Hoc interea in hoc Principe erat singulare, quod semper *nullis capitis doloribus* in omnibus febribus affligeretur. obs. 15. lib. 7. pag. 217. Schol. obs. 7. lib. 4. pag. 131. Schol.

Curabatur semper temperantibus, venæ sectione, & infus. Rhabarb.

### 2) Quartana.

### 3) Melancholia.

### 4) Febris maligna.

Ao. 1574. cum per hyemem totam *quartanam* laborasset, atque multis laboribus, tum sollicitudinibus consumtus esset, ob fratris mortem mœrore quoque afflictus, hinc quodammodo *melancholicus* mens. August. in *febrem biliosam malignam* incidit.



Hic venæ sectio & purgans ex aloe & agarico a medico domestico male adhibebatur, quoniam Serenissimus præcedente hyeme quartana & curis extenuatus fuerat; hac ratione inductus fuit fluxus biliosus cum magna virium dejectione, ac febre magis magisque incrementum, cum siti ingenti. Victus quoque minus conveniens erat, namque calidis & exsiccantibus alimentis, & vino rubro gallico utebatur. Sepositis ergo his, quæ febrem magis accendebant, subordinabantur decoct. cinam. & convenientia alimenta. Ad fluxum biliosum adplicabantur roborantia, & in fine & remissione morbi cibi restaurantes & humectantia, tandem curatus fuit. obs. 7. l. 4. p. 130.

5) Febris catarrhalis.

6) Angina.

Anno vero 1581. mens. Januar. *febre catarrhali*, cum simul fenestræ semper essent apertæ, itidem *gutturis inflammatione* decumbebat. Febris catarrhalis mature cedebat, & ad anginam utebatur gargarismis, & sic liberatus evasit. obs. 4. lib. 2. pag. 25.

---

SPECIMEN XLV.  
SIMON HACKONIS.

1) Diarrhœa diuturna.

**A**nnorum 35. debilis admodum, exiguæ staturæ, biliosus, aliâs supra modum ebrietati deditus, ex qua multis cruditatibus in primis viis scatebat, quæ inferebant *diuturnam diarrhœam*.

2) Apoplexia.

3) Hemiplexia.

4) Febris vulneraria.

Cum vero vix ex hac restitutus in publicum primum prodiret, casu telum supra capitis commissuram dilapsum pericranium ei perrupit, & usque ad calvariam penetravit, osse tamen calvariæ nondum transfixo. Emanante ex vulnere plurimum sanguinis, & a chirurgo vix fasciis adhibitis, ilico lapsus est in *apoplexiam*, quæ mox desinebat in *hemiplexiam* sine sensu & motu & loquela cum stertore & sopore ac urinæ incontinentia ad sex dies permanfit, tertio die *febris vulneraria* accedebat.

Quoniam interea venæ sect. neglecta erat nunc admodum debilis statim injicitur

tur clyster & scarificantur scapulæ, statim loquelam recipit, paralyfi unius lateris permanente; infistebatur temperantibus, suppositoriis ac pro potu, cerevisia tenui, sic paulisper melius habere capit, & lotium jam non effluebat.

### 5) Urinæ obstructio.

Cum vero loquelam, motum & sensum quidem recepisset, accedebat hoc malum, quod *urina* prorsus *retineretur*, imposito vero emplastro c. ol. scorp. statim reddidit. Cum oleis roborantibus, antispasmodicis nuchæ, spinæ dorsi & cruri illitis paralyfis quoque sublata fuit. obs. 79. lib. 10. pag. 417.

### 6) Hæmorrhoides.

### 7) Diarrhœa.

Annis septem post præcedentem morbum præterlapsis mens. Augusti *hæmorrhoidibus* cum *diarrhœa* affligebatur cum hypochondrii dextri dolore, torminibus ventris, ac mingendi dolore. Per integrum mensem variis tonsorum & aliorum remediis frustra usus est. Autor tandem in consilium vocatus præscripsit decoct. aperiens, resolvens & pleniter pellens, quo dolor & fluxus utcunque sedatus fuit; sed post tres dies rediit dolor & mingendi difficultas,

ficultas, cui fere prius decoctum opposuit cum levamine. Verum post septimanam in idem malum incidit, periculose jam decumbens cum tumore in hypochondrio, ex regressu sanguinis hæmorrhoidalis, alia & varia remedia adhibentur, sic major copia sanguinis cum excrementis dejiciebatur, ac sanus factus est. obs. 24. lib. 22. pag. 392.

## SPECIMEN XLVI. ZYTHERPSA DELPHICVS.

### 1) Erysipelas faciei.

Sanguineus ætatis 26. mens. Mart. *erysipelate faciei* cum rubore, tumore & inflatione ingenti, febre, dolore capitis ac angustia præcordiorum, quæ sine dubio ex narium hæmorrhagiæ moliminibus, vi temperamenti, muneris, ætatis, & tanto facilius, cum æquinoctium vernale esset, ubi sanguis in motum abripitur, natales suas referebat. Statim vena secabatur cephalica in brachio, forte melius in pede, & quidem magis præservatorie, quam curatorie. Porro adhibebantur temperantia quidem, sed externe magis reprimentia, ubi magis proficua fuissent derivantia, temperantia, discutientia. obs. 7. lib. 1. chir. pag. 26.

2) Ver-



- 2) Vertigo.
- 3) Tinnitus aurium.

Hinc fiebat, ut varie *vertigine* adfligeretur ex congestione sanguinis, cum vero inter bellica quandoque instrumenta versaretur, ex eorum ejaculatione & sonitu graviore, cum prope aurem fieret, *tinnitu* simul *aurium* correptus fuit. Purgantibus, attenuantibus & discutientibus curabatur. obs. 10. l. 12. p. 71.

## SPECIMEN XLVII.

### Nauta Delphenfis.

- 1) Febris.
- 2) Hectica.

**H**ic ex *febre* male tractata tandem *hectica* evasit, quæ tabes per 2. annos illi adhæsit, & maxime emaciavit, donec ex metastasi febrili circa stomachum dolere cœperit, facta critica demum in externis partibus inflammatione suppuratoria, & tandem abscessu circa mucronatam cartilaginem stomachi, paulatimque inferius usque ad musculos abdominis descendente: facta incisione cauta, ne stomachus aut interiora laderentur, insignis puris copia effluebat. Demum post multos dolores

lores & labores post 2. annos curatus fuit.

3) Lienteria.

4) Mors.

Debilioris dein stomachi permanens, pancratice vivit, sic *recidivam* iterum passus est, atque propter consuetam naturæ antea evacuationem superfluum humorum jam ad interiora delapsum *lienteriam* excuscitavit *periculosam*, per stomachum itaque eliminare intendebat; quæ tamdiu continuavit, donec plane viribus consumptus *moreretur*. obs. 2. l. 1. chir. p. 8. obs. 37. lib. 2. pag. 60. Schol.

## SPECIMEN XLVIII.

Dominus de BERNICORT.

1) Diarrhœa.

2) Dysenteria.

3) Hectica.

4) Mors.

Sumsit aliquando paulo ampliore dosi Mexicanam radicem Ipecacuanham cum vino, inde incidit in *alvi fluxum enormem*, quem prius parvi faciebat, inde vero augmenta sumebat, donec *dysenteria maligna* sc. vera intestinorum inflammatio cum

cum sanguinis excretionē accedebat, quæ adeo ingravescebat, ut *hectica* & tandem *mors* superveniret. obs. 4. lib. 4. pag. 114. Schol.

## SPECIMEN XLIX.

Senes tres.

- 1) Apoplexia.
- 2) Paralyfis.
- 3) Melancholia.

**I**nter quos primus Sartor pallidi coloris, 60. annorum, subito *apoplexia* correptus est, quam insequēbatur *paralyfis*. Alter erat Lambertus Michaelis Delph. itidem in *apoplexiam* & dein in *paralyfin* incidit, cui Empyricus cucurbitulas manui cum scarificatione male apposuit, tandem mortuus est. Tertius mens. Mart. cum austri-na constitutio esset, quoque in *apoplexiam* cum subsequente *paralyfi* incidit. Primus & ultimus quidem curati sunt, sed post 3. & duos annos *melancholici* facti, ob difficiliorem sanguinis transitum per capitis vasa antea debilitata, denuo in *apoplexias* & *paralyfes* lethales relapsi sunt.

Ex Medica Experientia fere semper videre est, quod qui semel *apoplexia* & *paralyfi*

ralysi adfecti sunt, raro tertium annum transgredi, quin hæc pathemata recrudescent, & fatalem mortem inducant. obs. 77. lib. 10. pag. 414.

## SPECIMEN L.

### Amalius Nobilis.

- 1) Catarrhus.
- 2) Cephalalgia.
- 3) Apoplexia.
- 4) Paralyfis.
- 5) Mors.

**A**nnorum 62. cum longo antea tempore variis *catarrhalibus pathematibus* obnoxius fuisset, constitutione jam cœli tum pluviosa, & austrina diu existente & præcedente, tandem ingenti *capitis dolore* corripitur, quem demum mens. Decembr. cum in templo precibus intentus esset, *apoplexia*, quæ illico in *paralysin* mutabatur, excepit lethalis.

Autor hic annotat, quod apoplexia in regionibus frigidis & humidis non rara, imo frequentissima sit, uti in Belgio. Sic quoque in locis frigidis, ob situm terræ, ut Florentiæ, Luccæ & Bononiæ, vel ob regionis naturam, ut Germanis, Britannis; præsertim ubi longa præcessit frigida austrina aeris constitutio. obs. 70. l. 10. p. 402.



Specimina Individualia  
Cognitionum Morborum,  
in sexu sequiori.

& quidem

SPECIMEN I.  
EVA TEYLINGIA,  
uxor Petri Foresti.

Sanguineo-cholerica, hinc ad varios spasticos anomalicosque præcipue uteri motus tanto proclivior, quod etiam ejus variæ corporis præpr. uteri adflictiones, quo penitius considerantur, haud obscure testantur.

1) Mensium fluxus prodig.

Cum itaque anno 1553. mens. Septembr. ætatis 28., amicis colludentibus, in horto & invicem aqua aspergentibus, non nihil se fatigasset, cum impetu subsecuta est *mensium fluxus* ex sanguinis organico facto motu, qui fere per tres menses duravit.

Hinc leniter adstringentia & contemperantia cum subjunctis laxantibus ex Rhab.  
&

& Myrobol. Externe Renes inungebantur ung. adstring. cum vinculis in brachiis & frictionibus adhibitis. Cum vero quotidie debilior, & stomachus languidior evaderet ad validius adstringentia & incrassantia varia Autor devenit. obs. 14. lib. 28. pag. 647.

In Praxi interea provida admodum caute mercandum cum adstringentibus, ne adstrictio subitanea ex post magis fontica pathemata adducat & inferat.

## 2) Fluor muliebris.

Alio interim tempore mensium fluxum excepit *fluor* modo ad *naturam sanguinis*, modo ad *bilem* tendens, cum spasticis lumborum doloribus, ac totius corporis alterationibus, hinc facies sæpe rubore inficiebatur, quoniam itaque venæ erant turgidæ, & in vere esset, venæ sect. adhibuit ex basilica. Et insuper fere methodus præcedens sc. varia cohibentia adhibita fuerunt. Quanquam ipse ex Aetio lib. 16. cap. 64. advertat: Quod, quando reprimantibus subito fluxus reprimatur, insequantur facile hydropes, spasmodici affectus, ventriculi & capitis pathemata. obs. 21. lib. 28. pag. 657.

## 3) Pica.

Cum itaque prægnans esset levi specie

*pice* laborabat, seorsim sportulam domi habebat, cerasis plenam, quam & sæpissime salutabat, atque ex ea carptim subinde cerasa clam, ne quis animadverteret, sumebat. obs. 65. lib. 28. pag. 739.

#### 4) Tertianæ.

Anno ætatis 31. in *febrem tertianam* tum temporis populariter grassantem quidem incidit, cum vero statim oxyzacchar. simpl.sumeret, tantum unum paroxysmum habuit. obs. 7. l. 3. pag. 69. schol.

#### 5) Passio hysterica.

Anno vero ætatis 35. mens. Jun. post consuetam mensium purgationem sine dubio parciolem, atque ubi se non bene tueretur, in *hystericam passionem* s. *suffocationem uterinam* gravem incidit, ex aere frigidiore improvide admisso. In cura adhibebantur antispasmodica, dissipantia in- & externe, & laxantia.

Odorem moschi plane aversabatur, hinc plumis accensis excitabatur. obs. 38. l. 28. pag. 684.

#### 6) Uteri inflammatio.

Eodem anno mens. Jul. *uteri inflammatione* gravi, ex priori morbo orta decumbebat, & symptoma gravius ex præceden-  
te

te morbo uterino. Adhibita manna c. aq. endiv. corruptos & biliosos secessus 4. cum maxima alleviatione effecit. obs. 28. l. 2. pag. 48. schol.

7) Parulis.

8) Epulis.

Anno ætatis 42. tempore Quadragesimæ cum hælecibus salis tum fumo induratis usa esset, iisque supra modum delectaretur sanguinem salinis & peregrinis recrementis adeo deturpavit, ut *gingivæ* supra modum *sanguinem funderent*, & subinde fœdæ & corruptæ evaderent, ac *epulis* supra gingivas excresceret. Diversis adhibitis curatio haud adeo expedita fuit, hinc a Chirurgo Caruncula ulcerata forcipe s. volsella excindebatur, jubente Paul. Æginetta.

Differt parulis ab epulide; parulis sec. Paul. Æginett. l. 6. cap. 27. & l. 3. cap. 26. est exiguus abscessus gingivas infestans; epulis vero est excrescentia carnis a parulide s. inflammatione excitata, aliquando cum febre & ingenti dolore, teste Aetio. Namque ulcus in parulide non curatum transit in epulidem, caruncula existente. obs. 16. lib. 14. pag. 117.



## 9) Hemicrania.

Sicque subinde *hemicrania* ex mensium turbis & hysterice pathematibus, quibus antea subiecta diversimodo, & itidem quoniam in prægressis morbis in brachiis venæ sect. adhibita fuerat, quæ in his circumstantiis communiter melius in pede fuisset; hac ratione vero sanguis magis ad superiora adsuetus & deductus hoc & alia symptomata tanto certius inducere valuit. Quod ex eo clarius perspicere licet, quoniam simul spasticæ tractiones & tensiones in hypochondriis circa v. portæ & hepatem simul concurrerent.

Exinde ob inductam consuetudinem venæ sectio ad motus heteroclitos sanguinis sopiendos, & palliandos, natura sollicitante, iterum in brachio profuit cum laxante præmissio & repetito subinde. obs. 52. lib. 9. pag. 301.

## 10) Oculorum rubor.

Ex hoc fundamento, ut in præcedente Spho dixi, & hemicrania facile decubitus ad oculos relinquit, maxime post perversam in paroxysmo tractationem; cum itaque simul eo tempore multa vitia oculorum ac pruritus palpebrarum per modum catarrhalis defluxionis grassarentur, longa Austrina constitutione præcedente. In hyeme

hyeme & hæc mulier *oculi & canthi majoris rubedine* diu laboravit, & metus erat, ne fistula lachrymalis s. ægilops inde nascatur. Curabatur decoct. discutient. resolv. ac pil. purgantibus, deinde cucurbitulæ cum scarificatione scapulis appositæ sunt, ac pediluvia, interpositis collyriis. obs 14. lib. 11. pag. 22.

### 11) Stupor manuum.

Ex sanguinis irregulari motu, & congestionem ob venæ sectionem repetitam in brachio subinde sentiebat in manu potissimum dextra, a somno expergefacta præcipue, ubi in somno major affluxus sang. & turgescencia in partibus exterioribus, *sensibilitatem & stuporem* quendam & difficilem motum. Rondeletius: Stupor cum sit veluti diminuta paralyxis, iisdem etiam remediis, sed levioribus, curabitur. obs 98. lib. 10. pag. 437.

### 12) Clavus hystericus.

Anno ætatis 47. mens. Jan. *clavo hysterico* afficiebatur, ubi dolor exiguam partem in latere dextro occupabat cum tussi rheumatica, & hic tanto magis patebat, quod a mensium turbis & congestionem sanguinis ad pectus & caput ortum traheret. Ad curationem plenariam faciebant post decoct.

coct. resolv. pectorale pilulæ purgantes.  
obs. 62. lib. 9. pag. 310.

### 13) Tussis.

Item ex catarrhali constitutione ob frigus forte liberaliter admissum *tussiebat*, quam sedabat vitell. ovi crud. cum sacchar. cand. obs. 3. lib. 16. pag. 4.

## SPECIMEN II.

### GERTRUDA BARTHOLDI.

1) Cardialgia.

2) Colica.

Anno ætatis 30. sanguineo - cholericæ constitutionis mens. Jun. incidit in intolerabilem *stomachi dolorem* cum hypochondriorum distensione & flatibus s. in *cardialgiam* & *colicam*, quæ per 4. vel 5. dies duravit cum maximo cruciatu ex mensium & hæmorrhoidum turbis, uti infra patebit, congestiones circa ventriculum & regurgitationes sanguinis causantibus. Curabatur laxantibus, roborantibus & carminativis. obs. 22. lib. 18. p. 163.

3) Hæmorrhoides simul cum mensibus.

Anno vero sequenti ætatis 31. *hæmorrhoides*

*des* simul fluentes cum mensium fluxu habuit, ubi quidem ad diversionem secare iussit Autor venam basilicam brachii dextri, jam cum emolumento. Dolorem ante fluxum in hypochondrio dextro tanquam eminens molimen ad hunc fluxum. Hæ simultaneæ hæmorrhagiæ ex eminenti plethorica constitutione hujus mulieris elucent. obs. 20. l. 22. p. 385.

#### 4) Tertianæ epidemica.

Ætatis 40. *febre tertiana epidemica* tunc temporis grassante laborabat. *Causam* hujus febris epidemice grassantis haud dubie quærere licet, quod anno præcedente in æstate fuerit valde calida aeris constitutio. vid. obs. 2. l. 3. p. 65. Hoc anno vero continua & repentina tempestatum mutatio. Quæ aeris & temporis constitutio itaque valde capax fuit hanc febrem populariter grassantem excitare.

*Cura:* venæ sectio fuit adhibita in brachio propter plethoram, melius in pede, die quietis, deinde laxantia sudoris & urinæ promotio, & demum roboratio. Diætā erat propter temperamentum sanguineo-cholericum refrigerans & humectans. Sic sequentes cautelæ in diætā observabantur: 1) ne cibus capiatur, nisi alvus prius soluta sit; 2) quod prior cibus prius sit con-



coctus ante paroxysmi adventum; 3) ne adhibeatur, nisi tempore quietis; 4) quod a potu in paroxysmo & tempore nigris abstinenceatur. obs. 9. lib. 3. pag. 71.

5) Mola.

6) Lochiorum excessus.

Aliquando se *gravidam* putabat, undecimo interim mense peracto, *molam* se habere recte suspicabatur. Quam etiam, caput rostratum instar accipitris habentem cum vi quadam ac maximis torminibus peperit adeo duram, ut ferro incidi non posset. Hanc molam exclusam statim enormis *sanguinis fluxus* excepit atque adeo gravis, ut in *syncopem* inciderit. obs. 62. lib. 28. pag. 726. Curatio, quæ ad sanguinis fluxum enormem, adhibebatur, erant remedia adstringentia & roborantia.

7) Mensium restrictio.

8) Melancholia hypochondr.

9) Cephalalgia.

Alio tempore, cum jam vidua esset, tempore mensium fluxus, actualis, cum foras profecta esset, oborta valida tempestate ventosa pluviosaque, subito *menstrua purgatio* restricta fuit. Cum vero boni habitus admodumque plethorica esset, quatuor interim periodi ferme præterissent, quod

quod menses non fluxissent, aliter, per hoc tempus sanguine in corpore accumulato, fieri vix potuit, quin sanguis abundans non tantum molestus, quam & ex plenitudine spissior evaderet, imo, partibus inferioribus constrictis, superiora peteret, consequenter circa v. portæ nimis congestus *melancholiam hypochondriacam* causari debuerit. conf. Albert. jurispr. med. P. II. pag. 149. simulque ad caput adscendens & illud occupans *cephalalgiam frequentiore* cum rubore faciei induceret. Congruo vero menstruæ eruptionis semper molimina & motus ad eruptionem (ut talibus fieri solet Aet. lib. 16. cap. 59.) aderant magisque premebant, sed semper frustraneo conamine; inde dolores circa lumbos & inguina ex spasmodicis intestinorum percipiebat, flatibusque replebatur, unde subsultus, & tensiones partium, horrores, horripilationes totius corporis necessario subsequiebantur. Sic cognatio morborum ex mensium restrictione, certeque lerna malorum evidens evadit.

*Cura:* Primo laxans & venæ sect. in brachio (& quidem male) ad 8. uncias adhibebatur; suam vero opinionem Autor corroborare volebat cum Amat. Lusitano cent. 1. cur. 41. cent. 1. cur. 15. Matth. de Grad. Nuol. Florent. Aet. & Avicenna consentientibus.

Galenus vero, & quidem recte, in poplitibus aut malleolis magis, in lib. de curat. adprobat, in cubito vero ad revellationem. Interim & ipse Autor alibi, ut obs. 2. l. 28. p. 627. & obs. 3. in tribus puellis, consentiente Aet. lib. 16. cap. 42. instituit venæ sect. in talo s. pedibus. Postea decoct. laxans ad melancholiam & menses compositum iterato adhibuit. Cum vero tempus mensium instaret ex talo jam, & bene quidem, venam aperire imperavit. Namque experientia medica comprobat, quod venæ sect. haud multum ante mensium eruptionem institui debeat, post venæ sect. ea, quæ menses provocant, adhibere. obs. 4. l. 28. p. 631.

### SPECIMEN III.

ANNA IVONIS,

uxor Barth. Simonis.

- 1) Febris acuta.
- 2) Diarrhœa critica.

**V**alde phlegmaticæ & crassæ constitutionis Anno 1553. in hyeme in *febrem acutam* incidit, quam excepit *diarrhœa critica*. Quæ tanto facilius vi temperaturæ phlegmaticæ accidit, quo in experientia clinica,

clinica, clarius est, quod in phlegmaticis, quando in omnis generis febribus, quæ per crisin solvi solent, crisis naturæ per diarrhœam succedebat ut plurimum, quoniam haud tam proclives sunt ad sudorem, vel alias criticas excretiones; hinc natura suo critico excretorio motu, sicuti phlegmatici in statu sanitatis lubricioris excretionis alvinæ communiter sunt, ad intestina magis vergit, ibidem humores excernentes sibi molestos cumulat, ac bono conamine, diarrhœam exsuscitat suscipitque. Hanc criticam diarrhœam satis *ἀνεξίβητος* describit Autor in schol. obs. præced. h. l. p. 369. quando dicit: fluxum ventris criticum post febrem in die decretorio natura, quæque supervacua & noxia sunt, expellere instituit. Signa bonæ criseos adducit: quando cum exiguo aut nullo dolore procedit, præcedentibus signis concoctionis, & diarrhœa dispositioni s. viribus corporis sit proportionata, ægerque facile fluxum toleret, & levamen sentiat, imo vires magis accedant quam decrescant. Natura enim expellit & expurgat noxios & rotundentes succas, qui corpus aggravabant.

Totum ergo curationis negotium relinquendum fuisset naturæ juxt. Hippocrat. sect. 1. aph. 20. consentientibus Galeno in comm. in h. aphor. & aliis tam veteribus quam præcipue recentioribus. Perperam  
vero



vero tam ipsius quam aliorum ac mulier-  
cularum consilio diversis & variis uteba-  
tur remediis constringentibus, attamen  
quando magis ea adsumebat, tanto mayo-  
ri fluxu tentabatur, uti sæpe fieri assolet,  
quod styptica, quæ tantummodo agunt se-  
cundum naturæ sensum, alvum citaciorem  
reddant, ad inferiora magis materiam de-  
trudendo.

Tandem post multa remedia incassum  
adhibita Autor in consilium adhibetur,  
qui felici cum successu roborantia cum la-  
xantibus combinavit, quibus naturæ co-  
namini sc. excretioni criticæ, & quod in  
corpore erat superfluum, consentiente  
Aet. & Alex. Benedict. omnino satisfacit,  
pristinæque sanitati ægram restituit. obs.  
10. l. 22. p. 374.

### 3) Mola.

Alio tempore *molam* quasi multos ocu-  
los habentem rejecit. In cura ad molam  
rejiciendam multa & varia incassum adhi-  
buit, donec Autor laxantia, & ea quæ men-  
ses promovent, ac extra relaxant, adhibe-  
ret, ubi sec. Aet. lib. 16. cap. 82. ut spe-  
cifica admiscuit Rutam & Anethum de-  
coctis.

Aristoteles & Galenus 14. de usu part.  
Causas molarum in agentis debilitatem  
repo-

reponunt, & quod mola non generari possit sine maris admiffione, ac saltem in fœminis concumbentibus, consentientibus Fernel. Rondel. Aet. P. Æginett. Hippocr. lib. de sterilibus, Amat. Lusit. cent. 4. cur. 3. Recentiores vero referunt, quod sine viri congressu in lascivis ovula decedere, & causæ molarum fieri possint. obs. 61. lib. 28. pag. 723.

## SPECIMEN IV.

### BARBARA ZUZIA,

#### uxor Heuteri.

#### 1) Cephalæa.

**I**n autumno sæpius *capitis dolore* maxime in *parte sinistra* tentari solebat. Qui dolor semper evanuit, si hæmorrhoides (quibus solito more subinde affligebatur) fluerent; Ast alio tempore mens. Octobr. in autumno denuo, hæmorrhoidibus suppressis, *capitis dolore* consueto corripitur, cum hypochondriorum & ventriculi tensione & inflatione, ructibus & spasticis dolorificis pathematibus, ex regurgitatione & translatione sanguinis ad superiora.

In cura adhibebantur Resolventia cum repetitis laxantibus, venæ sect. præservatoria

toria in pede. His hæmorrhoides apertæ factæ sunt, & omnia pathemata cedebant. obs. 24. lib. 9. pag. 280. obs. 49. h. l. pag. 300. Schol.

## 2) Dysuria.

Alio tempore *mingendi difficultate* laborabat, quod symptoma itidem ad hæmorrhoides referri debet, ex spastica partium vicinarum constrictione, ocul. cancer. usui erant. obs. 25. l. 24. p. 475.

## 3) Infarctus lienis.

## 4) Hydrops ascitis.

Elapsis 7. annis itidem mens. Octobr. post hæmorrhoides longo tempore restrictas, incidit in *lienis oppilationem*, & ex ea tandem in *hydropem ascitem*. Venter & pedes tumebant.

## 5) Hydrops recurrens.

Prima curæ intentio erat, quo hæmorrhoides aperirentur, quare sumere debebat subinde Pil. 7. ex aloe lota cum aqua salviæ, præcedentibus decoctis aperitivis: ad aquam intercutem vero educendam tres pil. de Mezereo, ab Altom. cap. pr. de hydrop. descriptas. His remediis jam hæmorrhoides tempestive fluere cæperunt. Ad lienis apertionem & hydropis curationem

nem porro adhibebantur aperientia, resolventia, ac colliquantia & externe defendentia ac exsiccantia. Sic aliquomodo restituta, & intermisit curam, donec insequente anno mens. Jan. *hydrops* recurreret. Chirurgus quidam proponebat vesicatoria sub poplite adplicanda; Autor vero aliquomodo & lenia admisit, quoniam aliàs in ædematosis facile ulcera curatu difficilima imo gangrænam inferre solent; excitarunt magnas vesicas, ex quibus multam aqua effluxit, quæ exulcerationes deinde per se consolidatæ fuerunt.

Post aliquot dies vero pustulæ per se obortæ magnum pruritus excitarunt; proprio ausu caules rubros apponunt, unde pustulis perruptis in ambobus cruribus subsecuta est magna corrosio, & exulceratio, effluxitque continuo aqua s. ichor cum virium majori iactura. Hinc Autor ad gangrænam avertendam applicavit feliciter decoct. vinos. cum defendentibus & putredini resistentibus. His subjunxit decoct. fortiter resolv. purg. & diureticum, per quod satis evacuata, per aliquot dies *continuo urinam* reddidit, ac venter ad miraculum detumuit.

## 6) iterum.

At eod. anno mens. Septemb. circa æquinoct. venter iterum intumescere capit.

Q

Post



Post præparationem materiæ, assumptis bis terve pil. de Mezereo consuetis, iterum Vinum præced. cum aliis resolventibus & roborantibus interpositis adhibitum fuit. Cum vero videretur aliquomodo melius habere, curationem omisit.

7) iterumque.

8) Mors.

Sed anno sequente mens. Februar. ventre magis intumescente & aqua ac diaphragma adscendente, spirandi difficultas accedebat. Prioribus ac aliis remediis jam utebant, vires interim magis magisque dehiscebant, sic hoc anno mens. Jun. cum ultra duos annos & tres menses hydropica vitam misere produxisset, moritur.

## SPECIMEN V.

### ANNA ZUZIA.

1) Cephalalgia.

2) Lippitudo.

**A**nnorum 18. juvencula *dolore capitis*, obs. 24. lib. 9. pag. 280. obs. 49. lib. 9. pag. 300. & lippientibus, obs. 11. h. l. pag. 267. in schol. laborabat. Quæ pathemata omnino ex mensium anomaliis orta erant,  
&

& cum his consentiebant. Quare uterī ratio recte habenda fuit, ubi sanguis restrictus ac fursum ad caput raptus cephalalgiam & lippitudinem oculorum induxerat. Quibus symptomatibus feliciter venæ sect. in talo, & repetitas laxationes opposuit, mensibus hinc fluentibus cessarunt capitis pathemata.

## SPECIMEN VI.

Domina de ASPEREN  
f. de CORNES.

### 1) Dysenteria.

**P**rægnans extreme & longo tempore *dysenteria* laborabat, inde valde debilis. Optimo vivendi genere, paucis adjectis remediis tonicis curata fuit. obs. 34. l. 22. pag. 402. Dysenteriam interim ante partum in gravidis salubrem fuisse notant Amat. Lus. cent. 2. cur. 51. Hippocr. lib. 7. de morb. popul. sect. 11. præd. Text. 30. lib. 5. Epid. Text. 33. Sennert. Prax. lib. 3. pag. 243. Epidemicam non lethalem Act. N. C. dec. 1. a. 3. obs. 17. foetui saltem noxiam, Hagend. centur. 2. histor. 98. pag. 277.

## 2) Calculus.

Alio tempore mens. August. cum in 8. mense prægnans esset, adeo *calculo* (quo & sæpe obnoxia erat) fuit affecta, ut mingere non posset. Et suspicionem facit hanc mulierem simul mensium turbis obnoxiam fuisse.

Curatio instituebatur lenientibus ac discutientibus cum vino adpersis & decoctis pectini appositis. His non tantum lotium sed & 2 calculos ad pisi magnitudinem ex Renibus reddidit, neque foetui obfuit, quin nono mense postea feliciter peperit. obs. 25. lib. 24. pag. 475.

## 3) Cordis palpitatio.

Aliàs, cum grävda non esset, *cordis palpitazione* vehementiori subinde affligebatur, ita, ut in apoplexiam, vertiginem vel epilepsiam incidere metueret. Unde similiter deprehenditur, quod irregularitas in negotio mensium subfuerit, quæ hoc symptoma fonticum, valde in his vulgare, induxerat.

Curabatur Elect. roborante & confortante, in quo melissam præpr. Autor laudabat, quod hæc sola sæpius in hoc malo suffecerit.

SPECIMEN VII.  
BARTHILDA,  
uxor Barth. Teylingii.

1) Asthma.

**A**lias *asthmatica* ad exsiccationem lactis post partum a Medico ad mammas Emplastr. exsiccans & repellens accepit, quo factum, ut humores retundantes majori impetu ad pectus adhuc dum propter asthma debilitatum ruentes adauxerunt hoc malum cum majori tussi & catarrho, & induxerunt calorem depascentem s. tabem, ac fecerunt, ut ad vitæ finem perpetuo valetudinaria vixerit. obs. 19. lib. 17. pag. 124. in schol.

2) Apostema.

3) Abscessum.

Ratione vero mammarum, & paulo post factam nimiam exsiccationem, ubi id quod tenue erat, evacuatum fuit, crassiores vero materiæ ibidem congestæ partes relictæ formarunt *apostema* & tandem *abscessum*. Chirurgus aperuit scalpello abscessum, cum vero pus non bene exiret, quia nimis repurgantibus uteretur, oborta majori duritie & dolore, pultem ex farina



filiginis quidem cum ung. populeo mam-  
mis imposuit, sed propter inductum ma-  
jorem affluxum per hæc apposita pure  
emollientia, dolor & durities magis in-  
crevit, pure haud debite exeunte. Autor  
ergo accitus, amota pulte, emplastr. leni-  
ens & discutiens adhibuit, cum omnium  
symptomatum remissione, deinde facta ul-  
ceris mundificatione probe consolidavit.  
obs. 24. l. 17. p. 127.

#### 4) Icterus.

Alio tempore mens. April. ex stagnatio-  
ne sanguinis circa v. portæ, hepätisque  
obstructione, indeque orta reduntantia bi-  
lis sine quidem febre, sed tamen dolore,  
qui dolor totum diaphragma & ventricu-  
lum per spasticas suas contractiones occu-  
pabat, ideo ad vomitum, ructus & flatu-  
lentiam simul proclivis erat, cum alvo ob-  
structa & lotio croceo, *ictero* adfligeba-  
tur.

In cura ad dolorem sublevandum statim  
quidem clysterem, sed illa abhorrente,  
suppositorium acre, atque fotum exter-  
num carminativum adhibuit; interpositis  
laxantibus cum infusis carminativis: his  
vero fere incassum adhibitis, Autor deve-  
niebat tandem ad *ventosas*, quibus tribus  
sub stomacho & hypochondrio dextro appo-

appositis, dolor quidem incantamenti instar sedabatur. obs. 20. l. 19. p. 230.

Praxis provida interim vix approbare videtur, quoniam hac ratione major humorum affluxus ad hepar atque inde major obstructio & magis fontica mala facile induci possunt. Quod & Christ. Lang. in Oper. Med. P. III. in diff. de icter. & pass. hyster. in fine pag. 339. confirmare videtur, quando dicit: *An cucurbitule s. ventosæ siccæ applicatæ contra dolorem punctorium aliquid præstituræ sint, certo promittere non ausim.*

5) Quartana.

6) Icterus niger.

Ast paucis interjectis annis sc. post 3. annos, cum per annum integrum *quartana* laborasset, (quæ ex præcedentis ictericeî morbi reliquiis ac hepate haud plane in fonte, sed potius obstipato generari facile potuit) jam *icterus* fere *niger* se adsociavit febri quartanæ. Hinc patet consensus horum morborum, quod subinde reciprocentur, ita ut quartana ictero, & hic quartanæ cedenti succedat, interdum conjungantur, superveniat, & compliceatur.

Quibus malis vere priora infusa & decocta opposita erant; sed illa mense Junii a febre quartana liberata fuit; remanente

nunc ictero, cui postea opponebantur decocta resolventia laxantibus acuata, cum externis fomentis, hac ratione & ab ictero iterum liberata & curata fuit. observ. 23. lib. 19. pag. 233.

## SPECIMEN VIII.

### BERENDRECHTIA Matrona.

#### 1) Hæmorrhoidum dolor in parturiente.

**A**dmodum prolifica & obesa, ergo magis sanguineæ constitutionis in puerperio fere semper *doloribus hæmorrhoidum* valde affici solebat. Quæ cum, multis irritis adhibitis, a dolore haud liberari non posset, tandem suber combustus atque hujus cinis cum vitello ovi vel ol. rosac. linimenti instar hæmorrhoidum dolores miraculo quodam semper sedabat. Parturientibus hoc malum familiare est. obs. 5. lib. 23. pag. 427.

#### 2) Exomphalon.

#### 3) Ileon.

Postea cum supra 60. annor. esset mens. Octobris in *ileon gravissimum* prolapsa est, ex *umbilici ruptura*, qua multis retro annis labo-

laboraverat, ingentis magnitudinis; ita ut tandem excrementa per superiora rejecerit admodum fœda & male olentia. obs. 22. lib. 21. p. 344.

Quod hæc passio iliaca simul referri possit ad motum sanguinis hæmorrhoidalem, ex eo probari poterit, quod hæc ægra prius sæpius in ætate adhuc juniori fuerit hæmorrhoidaria; secundo quod hic morbus semper fere observaverit æquinoctia, ubi natura suis moliminibus ut plurimum excretiones humorum abundantium intendere consuevit. Et quod passio iliaca cum hæmorrhoidibus consentiat inter alios plures vid. Albert. Tractat. de Hæmorrhoid. P. I. p. 292. p. 338. P. II. p. 198.

Cum mulierculæ varia experimenta incassum fecissent, Autor unico clystere acriori carminativo jam curavit mulierem.

#### 4) recurrens.

Cum itaque aliquamdiu libera fuisset ab hoc malo post 2. annos die 18. mens. Martii in idem malum collapsa est, ac per tres dies excrementa per os rejecit, urina jam magis tincta, quam prius erat, & febricitabat, cum oris siccitate & amaritie, & metu aphtharum.



Decoct. hordeat. cum syrup. acet. simpl. interne, externe ventre ol. aneth. & chamomel. inuncto, enema iterum adhibebatur cum solamine.

5) iterum.

Deinde per aliquot menses frequentes recidivas habuit, iisdem fere remediis semper curata fuit.

6) iterumque.

7) Mors.

Post 2. annos die 24. Febr. tempestate existente nivosa turbulenta, in idem malum relapsa, iterum, clystere adhibito, sanata fuit. Verum hoc eodem anno die 6. m. Octobr. recidivam passa est; Alia prius remedia, Autore incerto, adhibet, tandem vocatus Autor cum alio simul medico varia utilia adhibuerunt, sed frustra, hinc post 12. diem Octobr. obiit.

## SPECIMEN IX.

Catharina Jacobi Florent.

Teylingii.

1) Malum ischiadicum.

2) Nephritis.

Anno 1557. mens. April. *dolore lumborum*  
& *renum* afflicta, urinam lixivii instar

star modo nigram, modo ferofam cum sanguine permixtam subinde & diutius mejebat, ob debilitatem, uti Autor vult, renum, virtute colatoria oblafa, vafisque laxatis. obf. 5. l. 24. p. 445.

### 3) Mictus cruentus.

Interim probabilius erit inferre, hunc fluxum fuiffe *mictum cruentum* ex menfium turbatione, regurgitatione & congefione circa hepatem, renes & veficam, unde dolores, gravitates & diftentiones in hypochondriis, atque debilitates harum partium. De mictu cruento ex menfibus reſtrictis vid. Braſſav. comm. ad aph. 25. f. 4. Hipp. Hœchſtett. dec. 1. pag. 93. Salmuth. cent. 3. obf. 36. Schenck. lib. III. obf. 10. lib. IV. obf. 7. Itaque fimul fieri potuit, ubi ſanguis nimis circa & in renibus fuit congeſtus, hunc fluxum excitare.

Cura erat roborans fimulque ſubadſtringens cum laxantibus. Externe cerat. infrig. Galen. cum ol. roſar. ung. alabaſtr. ad regionem renum.

### 4) Difficilis partus.

In partu fere ſemper membranæ, ob tenuitatem, aqua ſtatim ac ante tempus effluente, perrumpebant, hinc factum, ut plerum-

plerumque per 6. pluresve dies in *difficili partu* permanferit, quoniam viæ nimis exsiccabantur, quæ optime lubricari poterant cum malvæ & fœnu græc. decocto, cui admixta sunt album ovor. aut ptisanæ ex crem. hord. juxta Aet. observ. 75. lib. 28. pag. 759.

## SPECIMEN X.

Cornelii Johannis uxor.

### 1) Cachexia.

**M**agis sanguinei temperamenti ætatis 36. adhuc virgo, *cachexia* aliquamdiu laboravit, ita, ut de hydrope metus esset, ob menses retentos, hinc toto corpore pallida erat, ac vix respirare potens inter ambulandum.

In cura adhibebantur resolventia, laxantia, venæ sect. in pede, tandem aperientia & menses luentia, sic mensibus apertis, curata fuit. obs. 25. l. 19. p. 235.

### 2) Menses prodigi.

Post 3. annos mens. Octobr. *mensium fluxu nimio* afflicta fuit, & quanquam guttatim & paulatim inordinate, sed satis diu fluerent, macilenta tamen & pallida est facta, hinc Autor ad adstringentia, resolventia

tia & roborantia devolutus, varia hujus generis remedia incassum adhibuit; donec tandem magis & pure adstringentia applicasset, ex quibus quidem fluxus inhibitus fuit, sed cephalalgia cum vigiliis, febrili æstu & siti insequiebatur, tanquam verus testis, quod tonica resolventia cum gumat. & amaris magis usui esse potuerint. obs. 11. lib. 28. pag. 642.

## SPECIMEN XI.

EVA TEYLINGIA cognata.

### 1) Scabies.

Sanguineæ complexionis ætatis 7. per 9. annos ad ætatem 16. *Scabie* laboravit.

Curabatur demum decoctis sanguinem depurantibus interpositis laxantibus. Deinde balneum ex rad. lapath. acut. fumar. malv. scab. viol. hed. arbor. furfur. & sal. comm. decoct. in aqua comm. quinque diebus continuando per horam insedendo, facta dein abstersione lectum calidum intrabat & sudabat. Materia ergo sufficienter ad cutem propulsa, unguento, inuncta repetitis vicibus curata fuit. obs. 11. lib. 5. chir. pag. 158.

### 2) Passio



## 2) Passio hysterica.

In adulta ætate admodum prona ad venerem, cum viro in hyeme nupisset post mensium purgationem in *suffocationem uteri* s. *passionem hystericam* incidit.

Medici curam instituerunt cum decantatis uterinis calidis, asa foet. castor. mosch. in- & externe adhibitis ac interpositis purgantibus. Qualia vero detrimenta talia decantata calidiora uterina adferant praxis quotidiana uberrime testatur. Huic præcipue in hoc subjecto sanguineo salaci & nuperrime nupto, ubi magis commotio & orgasmus sanguinis pro causa habenda erat, clysteres emoll. & contemperantia nitrosa magis e re fuissent. Cum itaque Autor adhibitus fuisset in consilium, haud inconvenienter coitum sæpius celebrare iussit; id unicum & optimum remedium esse, omnis schola Medicorum testatur, dicit Autor. Sicuti etiam hæc subjecta, quando ab uterino affectu suffocata, si coeant, prompte ut plurimum concipiunt. obs. 29. lib. 28. pag. 672.

# SPECIMEN XII.

## GUILHELMINA de OOST- HOREN.

1) Calculus.

2) Arthritis.

Sanguineo-cholericæ subinde *calculo re-*  
*num* cum *arthriticis* afflictionibus ob-  
noxia fuit, ditis enim erat & delicate vi-  
vebat. Cognatio interim inter calculum  
& arthritidem satis superque sese in quo-  
tidiana praxi manifestat, hinc refert Guai-  
nerius: Calculosam passionem Dominam  
Arthritidem diligere, & tantam simul cum  
ea habere affinitatem, ut una sine altera  
aliquem (vel aliquam) raro invadat.

Cura absolvebatur cum Thereb. sæpis-  
sime superbibendo cochleare unum syrup.  
infus. rosar. comm. Therebinthinæ usum  
etiam corroborat cum monacho, de quo  
Amat. Lusit. cent. 1. cur. 63. agit, qui affi-  
duo Thereb. esu a nephritide & arthritide  
curabatur. obs. 20. l. 24. p. 463.

3) Febris.

Ætatis vero 52. mens. April. in *febrem*  
cum capitis dolore, & alvo adstricta inci-  
debat,

debat, aliâs enim, ut supra dictum, erat calculosa & arthritica.

In cura Autor dicit, in omni febre esse observandum, ut saltem æger quotidie alvum deponat, vel sua sponte, vel arte. Quoniam vero hæc ægra clysterem recusaret, decoct. ex multis & variis cum laxantibus compositum est adhibitum, sic sanata evasit. obs. 37. l. 7. p. 233.

4) Febris acuta.

5) Nephritica.

Anno ætatis 60. in *febrem acutam* incidit, cum viligiis, alienatione mentis, siti ingenti cum lingua aspera, ac doloribus intolerabilibus circa renes, sic magis erat *febris nephritica*. Erat enim vidua admodum dives, licet satis annosa, voluptatibus tamen adhuc dedita, cibisque optimis insuper quotidie utens, quæ ad venerem incitabant, hac ratione ansam dare debuit huic feberi.

In *cura* ad sitim dabatur oxysacchar. simpl. mox laxans. Deinde venæ sectio larga in dextra manu, quoniam erat robusta, plethora adfecta & missioni sanguinis singulis annis adsueta. His subjungebantur decocta contemperantia, motum humorum aliquomodo sistentia, mox laxativa, non omissis externis & capitis & renum

renum dolores, ac ad pedum plantas; demum roborantia, sic tandem sanitati restituta fuit. obs. 20. l. 5. p. 142.

## SPECIMEN XIII.

### HORNANA Mulier.

#### 1) Apoplexia.

Sanguineo-phlegmatica ætatis 35. habitu corporis *ευσάρκω* concidit subito e sella & *apoplexia* corripitur, ex sanguinis redundantia.

#### 2) Asthma.

#### 3) Catarrhus.

Antea enim subinde *asthmate* tanquam morbo familiari & catarrhalibus fluxionibus obnoxia erat, ex quibus malis apoplexia facile exoriri debuit.

#### 4) Paralysis.

#### 5) Vesicæ.

#### 6) Memoriae læsio.

Enema statim injicitur acre, omissa venæ sectione, a pharmacopœo. Tertio vero die apoplexia in *paralysin* sinistri lateris mutatur, quoniam hi morbi admodum af-



fines sunt, & paralyfis ut plurimum apoplexiam succedit, cum *vesicæ* simul *paralyfi*, ut per tres deinde septimanas urina ultro efflueret, obs. 92. lib. 10. pag. 431. cum subsequente *memoriæ læsione*. obs. 32. h. l. pag. 357.

Septimo die morbi Autor demum accersitur. Sopor gravis aderat, nec mente constabat. Venæ sectio intermittebatur, propter vires labefactatas, quæ in principio egregie convenisset. Suppositorium, cucurbitulæ c. scarif. in nate dextra & scapula dextra vices venæ sectionis implere debebant, sic frictiones adhibebantur in membris paralyticis. Enema interim injectum multum levaminis & a sopore attulit. His subjuncta sunt decocta resolv. roborantia ac discutientia, cum repetitis iterato clysteribus & inunctione spinæ dorsæ, cruris & brachii paralytici: hinc incepit membra melius movere, ac in dies magis ad mentem redire loquelamque recuperare.

### 7) Febris solvit paralyfin.

*Febris* interea superveniebat, quod bonum signum, namque per eam magis resolvebatur.

Subjuncta itaque commoda victus ratione, pilulis purgant. ac externis, continua-

to usu, roborantibus, melius haberi cæpit.  
obs. 81. l. 10. p. 419.

Memoria interim plurimum diminuta manente, iis remediis, quæ in Schol. obs. 32. h. l. pag. 357. adducuntur perfecte curabatur.

### 8) Peripneumonia.

Anno ætatis 38. mens. Januar. in *peripneumoniam* incidit. Aderant magna spiritus difficultas, oculi tumidi, præcordiorum angustia & gravitas summa, febris acuta, tussis valida, sputum pituitosum vix aut parum cruentum. Facile fieri debuit peripneumonia in asthmatica præsertim in hyeme, transpiratione impeditius procedente.

Curabatur suppositoio, venæ sect. in brachio dextro, decoct. resolv. & leniente, pectus inungebatur oleis lenient. antispasmod. & fotibus, his subjungebantur magis expectorantia, & denique roborantia stomachica, quibus satis mature sanata fuit. obs. 44. l. 16. p. 67.

## SPECIMEN XIV.

### HESTER Matrona.

#### 1) Lienis obstructio.

**C**holerico-melancholica anno 1546. *lien-  
nis obstructione & tumore* levi laborabat,  
ex malo hypochondriaco, quod sine dubio  
originem habebat ex mensium turbis.

Remedia erant resolventia, aperientia  
incidentia, venæsect. in manu, (melius in  
pede) & purgantia. Externe cerat. resolv.  
præc. ex gum. ammoniac. Decoct. rad.  
filicis ab Elideo & Amat. Lusit. cent. 6.  
cur. 39. admodum laudatur. Capparum  
usus & esus cum aceto solus & continuus  
Vetulam quandam a tumore lienis duro  
curavit. obs. 2. l. 20. pag. 273.

#### 2) Febris tertiana epidemica.

Anno 1556. mens. Octobr. in *febrem ter-  
tianam epidemice* grassantem incidit.

In his & similibus febribus proponit  
Autor 4. peragenda generaliter, sc. alvi le-  
nitionem, materiæ præparationem, purga-  
tionem & afflictarum partium corroborati-  
onem.

Quam viam & methodum Autor in hac  
muliere puerum lactante infistebat. obs. 8.  
lib. 3. pag. 69.

#### 3) Cancer

3) Cancer mammarum  
occultus.

Cum vero Vetula esset, *cancro mammarum occulto* laborabat, qui ut plurimum ex vitiis mensium & sanguine inde crasso atque motibus perversis humorum ortum habet. obs. 27. lib. 17. p. 130.

SPECIMEN XV.  
JUSTA TEYLINGIA.

1) Malacia.

Sanguineo-cholerica cum gravida esset, 12. haleces noviter salitas sine noxa comedit, sicque *malacia* laborabat, uti hæc temperamenta facile inclinant ad absurda, & præcipitia sunt in suis ut plurimum actionibus, sic hæc mulier testimonium de hac re exhibuit. obs. 65. lib. 28. pag. 739.

Interim multorum infantum mater, ne lactis defectu laboraret, semper usa est hord. excort. cum lacte decocto. Uti & Amat. Lusit. cent. 4. cur. 92. de muliere refert, quæ ex paucò sanguine lactis defectu premebatur, cui eupepta & sanguinem generantia dedit. obs. 16. l. 17. p. 121.



## 2) Paralyfis lateris finiftri.

Sed ætatis fuæ 59. nunc vidua inter cibandum menſæ accumbens ſubito *paralyſi totius finiftri lateris* adfligitur, mente integra manente, ex conſuetarum evacuationum turbis, & ſic morbus ſenilis ætatis.

Cum vero adminicula non ſtatim convenientia adhiberentur, ſc. frictiones, clysmata, & alia præſidia congrua, factum eſt, ut, quanquam aliquomodo demum per pilul. laxant. Elect. roborant. & alia reſtituta fuerit, ad vitæ finem paralytica manſerit. obſ. 85. l. 10. p. 425.

## 3) Viſus debilitas.

Ætatis 70. *oculos debiliores cum levi rubedine, dolore* atque ex leviffima cauſa cum lacrymis effluentibus habebat. Qui affectus in ætate ſenili præcipue in ſceminis frequentior eſt, ex conſuetarum evacuationum intermiſſione. Unde Rondelet. recte dicit: Debilitas viſus a multis cauſis fit, & pro varietate cauſarum varia ſunt remedia. obſ. 34. lib. 11. pag. 42.

4) Febris acuta.

5) Diabetes ſymptomatica.

6) Tabes.

7) Mors.

Ætatis 73. tandem incurrit *febrem acutam*

*tam ardentem*, in qua post 7. diem in *diabetem symptomaticam*, quasi criticam admodum excedentem, ex visceribus a paralyfi antecedente læsis debilitatisque incidit. Admodum sitibunda erat, & per tres noctes diesque continuos adeo copiosam profudit urinam, ut multos congios impleret. Quanquam ab hoc gravi malo aliquomodo restituta videretur, post mensem tamen *tabe* mortua est. Hic affectus admodum rarus existit, quem Galenus semel aut bis vidit. Rondeletius ex hæreditate ter, Hollerius semel, & Autor habuit Vetulam ab hoc malo curatam. In quibusdam diuturnam urinæ suppressionem sequitur ex tono partium urinam excernentium labefactato, aut morbis acutis per crisin, materiam ad renes depositam salutariter supervenit teste Aræteo. obs. 4. lib. 24. pag. 443.

## SPECIMEN XVI.

KERCKWERNIA Matrona:

1) Nephritis calculosa.

2) Renum dolor.

Sanguineo-phlegmatica alias *nephritide* & *renum dolore* adfecta erat, cum arenulis simul prodeuntibus.

R 4

3) Menses

## 3) Menses dolorifici continui.

Ad annum vero 27. progressa, *mensium continuum profluvium* aderat, cum dolore insigni circa pubem ad inguina tendente; hinc in muliebribus quasi corrosio ex urina falsa retinente aut ægre exeunte mox rursus copiose effluente & stillante, non sine stranguria, quam sibi contraxerat ex equitatione longa, renes comprimente & irritante.

Menses antea singulis 14. diebus vel tribus septimanis fluxerant cum grumis molæ instar; & hoc erat tunc temporis mens. Jul.

His malis succurrebat Autor mucilaginosus, demulcentibus, pro potu ptisana ex hord. mund. & glyzyrrh. in fine vino Rhenan. cum aq. hord. diluto.

4) Diarrhœa.

5) Tenesmus.

6) Hæmorrhoides.

Interea post tres dies incidit in *fluxum ventris & tenesmum*, & excrevit mucilaginosam *cruentam* & purulentam. Ex his antecedentibus videmus, quod antea prægressa symptomata simul conatus ad hæmorrhoides fuerint, jam *erumpentes*; tandem sanata fuit. obl. 38. lib. 25. pag. 556.

7) Odon-

7) Odontalgia.

8) Fistula.

Ex hoc fundamento, & inordinato sanguinis motu etiam ad superiora regurgitante perpetuo fere *odontalgicis afflictionibus* cruciabatur, hinc demum factum est, ut duo dentes superiores canini cocrosi, atque ætatis 30. *fistulam*, quæ continuo virus & foetorem molestissimum ejaculabat, excitarent; extractis his cocrosis dentibus, fistula mundificantibus, detergent. & consolidant. feliciter curabatur. obs. 7. lib. 14. pag. 108. obs. 15. h. l. pag. 115.

9) Tertianana notha.

Ætatis 36. in *tertianam notham* incidit, cum siti validiori & capitis dolore leniori, quæ curabatur laxantibus, digestivis, temperantibus, purgantibus & demum roborantibus. obs. 15. lib. 3. pag. 76.

10) Icterus.

Ætatis 50. mens. Sept. subito *ictero* correpta est, & excrementa alba & duriora reddidit. V. S. haud semper necessaria est, Galen. in lib. de purgant. vi & lib. de atra bile scribit: Si morbo regio laborantibus sanguinem miseris, extremam in perniciem ages. Aet. vero, duo, inquit, maxima sunt remedia, venæ sectio & purgatio. Sic ve-



na sectio, si sanguis abundat, adhibetur, teste Avicenna, ubi itaque plethora hunc morbum accelerat, venæ sect. prorsus non rejicienda est. Act. N. C. Vol. III. obs. LXIII.

Curata fuit cum purgante, & cerevisia, in qua nodulus dependebat ex marrub. Rhabarb. Schœnant. Croc. & Spec. diarrh. Abbat. obs. 19. lib. 19. pag. 229.

## SPECIMEN XVII.

### MARIA GERHARDI.

1) Cholera.

2) Syncope.

**C**holerica, vi temperamenti in *cholera* *vehementissimam* una cum *syncope* incidit, primo multam aquosam materiam, deinde bilem æruginosam simul evomebat & per inferiora dejiciebat. Tres gradus Autor recenset, primus est: Cum corrupti cibi molestiam inferunt, sed natura adhuc ad excernendum non impellitur, tunc leviter irritari debet, antequam foras progrediatur. Secundus: Si sponte natura cœpit excernere. Tertius: Si totalis corruptio adest. Quatenus itaque prava sunt, & à natura excernuntur, finenda sunt; quando

quando vero modum excedunt, cum prudentia sistenda sunt.

Curabatur frictionibus, ligaturis brachiorum, decoctis mucilag. diluent. leviter roborantibus in- & externe. Somnus & quies præ aliis præstant. observ. 47. lib. 18. pag. 196.

- 3) Mensium obstructio.
- 4) Ventris tormina.
- 5) Coxarum dolor.

Ætatis 36. longo tempore *menstruas purgationes* non habuit, hinc valde in *inguine* & *coxa* afficiebatur.

Cura instituebatur, & quidem cum ratione, ad mensium apertionem, venæ sectione in pede, quibus in fluxum deductis, cessarunt priora pathemata feliciter. obs. 7. lib. 28. pag. 637.

## SPECIMEN XVIII.

Maria Petri Sasboti.

- 1) Pica.

Sanguinea prægnans in maxima copia Cretam vocabat, sicque *Pica* laborabat.

Hic

Hic affectus est corruptus appetitus, ac teste experientia in sanguineis voluptuosis prægnantibus frequentior, & potissimum accidere solet tertio a conceptione, mense. Et Autor affert fœminas, quæ crudas anguillas, pellem ovinam crudam una cum lana, picem navalem, commederunt. Hic interim affectus prægnantes non solum, sed & pueros & viros quandoque infestat.

Sic infantes & pueri etiam adultiores carbones, cineres, arenam, & cretam & calcem devocasse vidit, præcipue tamen ex ingenito desiderio, quorum matres hoc malo fuerunt obnoxia. Sic contingit & puellis sæpius cachexia ex mensium retentione aut desiderio veneris, laborantibus. obs. 7. lib. 18. pag. 141.

- 2) Variolæ in gravida.
- 3) Crusta fœda.
- 4) Rubedo oculorum.

Alio tempore mens. Jul. prægnans in 5. mense, in *variolas* incidit admodum *copiosas*, sed quod mirandum sine febre. Serum lactis cum ficibus ad satietatem potabat, donec septimo die febris suppuratoria accederet. Ob febrem utebatur decoct. hord. cum glyzyrrh. In declinatione Autor dissuadebat quidem exsiccantia, expe-

experientia & Valeſco conſentiente, ex muliercularum vero conſilio male adhibebantur exſiccantia & unguinoſa, hinc factum eſt, ut facies *cruſta* admodum *fæda* obducta ſit, atque in *oculis* oborta ſit *rubedo*, quæ admodum contumax fuit, ita, ut longe poſt levi ex cauſa oculi rubedine afficiantur. obſ. 50. lib. 6. pag. 202.

5) Paſſio hyſterica.

6) Partus difficilis.

Aliâs *paſſionibus hyſtericis* ſæpius obnoxia fuit. Et aliquando menſ. Octobr. ex Gemellis in partu difficili periclitabatur, pellentibus adhibitis, in quibus cinamom. præcipuum, (nam omnibus modis, dicit Autor, ad partum facilitandum confert) erat ingrediens, unum fœtum peperit, alter mortuus deinde itidem cum brachio & collo livido, affirmante obſetrice, quod in partu adhuc vixerit, & ibidem mortuus ſit, in lucem editus fuit.

Doloribus vero poſt partum increbeſcentibus, decoct. fl. chamomill. in cereviſia adhibutum fuit cum ſucceſſu hic & alibi ſemper adhibuit.

7) Inflammatio.

8) Abſceſſus maxillæ.

9) Odontalgia.

Poſt 2. ſeptimanas in puerperio a labo-



re & frigore improvise admissio sanguis non solum sursum tractus, sed etiam ibidem stagnans *inflammationem*, *abscessum* maxillæ & *dentium dolorem* excitavit. obs. 75. lib. 28. pag. 756.

### 10) Dysenteria contagiosa.

Jam senex in hyeme *dysenteria contagiosa* correpta fuit. obs. 38. lib. 22. pag. 414. Schol.

## SPECIMEN XIX.

Machtilda Theodor. Teyling.

- 1) Uteri suffocatio.
- 2) Tertiana.
- 3) Sudor.
- 4) Menses.

Erat raræ texturæ, proceraque, hinc complexionis sanguineo-cholericæ, sæpius antea *uteri suffocatione* obnoxia, tandem alio tempore & quidem in æstate, cum populariter febres tertianæ duplices grassarentur, ac ejus tota domus hac febre correpta erat obs. 2. h. l. hæc ipsa febre *tertiana simplici* mens. Octobr. decumbebat, quæ tandem in *cholericam malignam* transibat, post varia & plura adhibita demum

num rursus tertiana prodibat, atque deinde in declinatione febris egregie *sudavit*, simul & *mensēs* per se criseos per modum cum euphoria fluere cœperunt. observ. 6. lib. 4. pag. 130.

### 5) Scabies.

Sic aliquando *scabie*, ex infectione, cum intolerabili pruritu laborabat propter plethoram, ideo etiam inunctiones male cedebant, imo ex hac facta inunctione cum pinguibus membra statim corripiebantur *inflammatione*, exortis pustulis *serpiginis* instar; variis ergo externis incongruis adhibitis unguentis, linimentis & lotionibus per annum sustinuit hanc scabiem; donec, præmissis universalibus, venæ sectione, & scarificatione Anetoris arcano sc. unguento: *℞. Rad. lapath. acut. in mortar. contus. Mj. Zingib. 1 unc. bac-car. laur. aristol. rot. aa. ½ unc. fl. f. crem. lactis, coq. per hor. 6. & f. l. art. ung. vesp̄i inungend. apud ignem, plenarie sanata fuerit. obs. 10. l. 5. chir. p. 156.*

### 6) Chiragra.

### 7) Paralyfis.

Uti & aliquando sine dubio ex mensium turbis vel scabie aliquomodo retropulsa *chiragra* cum febre adfligebatur, ubi empyricus

pyricus male cucurbitulam cum scarificatione adhibuit, & sic *paralysin* hujus manus induxit; ubi potius in remissione adflictionis venæ sect. aut laxantia, utiliora fuissent. obs. 11. l. 29. p. 800.

## SPECIMEN XX.

### MARIA ADRIANI.

#### 1) Febris purpurea in puerpera.

**I**n vere in puerperio post 2. septimanam a partu in *febrem miliarem purpuream*, tunc temporis infrequentiore, incidit, quæ cum noctu vestibus neglectim detecta, frigore accedente jaceret, retrocedebant exanthemata, unde statim præcordiorum angustia, cardialgia, & syncope accedebant. Injuncto regimine calidiori ac potionibus tepidis foras iterum prodibant exanthemata, ac sana evadebat. obs. 60. lib. 6. pag. 206.

2) Catarrhus.

3) Otalgia.

4) Odontalgia.

Ætatis 40. in autumnno frigido, aere & ventis meridionalibus flantibus, pluviis dein subsequenter, victuque humido atque pituitosa cum usa esset ad tempus in

*catarr-*

*catarrhalem capitis fluxum* incidit, cum *otalgia* finistræ auris, ac *odontalgia* intensissimis per 2. septimanas durantibus, hæcque symptomata per empiricorum & muliercularum experimenta adhuc magis increbescebant. Præmissis universalibus repetitis, externe resolventia, discutientia & lenientia curam impleverunt. observ. 4. lib. 11. pag. 60.

## SPECIMEN XXI.

### Matrona de MEER.

- 1) Cephalalgia.
- 2) Cephalæa.

Ex mensium turbis tandem *cephalalgia* & *cephalæa* subinde infestabatur cum facie pallida. Præmissis laxante V. in pede secabatur, subjuncto decocto resolvente, roborante, & pilul. laxantibus. Scarificationes in scapulis haud apposite magis pediluvia quadrabant. observ. 22. lib. 6. pag. 279.

- 3) Cancer occultus & ulceratus.

In senectute interim in *cancrum occultum* ex mensium restagnatione delabatur, cum ergo Autor bene consularet, ut nullo modo uteretur iis, quæ *cancrum* ad ulcerationem deducerent, cum jam satis longo tem-



pore eodem malo laborasset ; sed saltem ut venæ sect. uteretur & purgationibus, ac topicis, quæ saltem ad palliationem facerent. Sed non auscultans ad empiricam lapsa, mamillæ ustione usa est, unde *ulcus* magis serpens totam mamillam usque ad alas, & tandem totum brachium inflatum fuit, occupavit cum ingenti cruciату, tandem mortua est. obs. 26. l. 17. p. 128.

## SPECIMEN XXII.

### Monacha divæ Ursulæ.

- 1) Mensium obstructio.
- 2) Vomitus cruentus.

**A**nnorum 25. *mensium obstructione* laborans, hinc singulis mensium instantium temporibus semper *vomitū sanguinem* rejiciebat. Vires dejectæ erant, dolor lumborum ingens aderat, pecten intumuit, cum urinæ suppressione, & dolore intensissimo in rene sinistro, cum alvo pertinaciter obstructa. Quæ pathemata tanto certius ex spasmodica restrictione partium inferiorum ac regurgitatione sanguinis ad superiora evenire debuerunt. Clyster statim adhibebatur, & vomitus cessavit, mensesque fluere cæperunt.

Ad

Ad præſervationem venæ ſect. inſtante Novilunio in talo imperabatur, ſed neglecta fuit, hinc malum ſtatim recrudit tanto vehementius per clyſteres vero jam abactum. Tandem V. præſervatorias admiſit, & ſic nunquam hoc malo laboravit. obſ. 25. l. 16. p. 38. obſ. 3. l. 28. p. 529.

## SPECIMEN XXIII.

### NIEVELDIA Matrona.

- 1) Febris catarrhalis maligna cum vermibus.

**M**elancholica cum ob obitum mariti longo mœrore conſecta eſſet, ætatis 50. menſ. Septembr. in *febrem catarrhalem*, tanto periculoſiorem *malignam* incidit cum horrore levi incipientem, caput valde dolebat cum urina cruda, ſyncope frequenti, dolore hypochondrii ſiniſtri, levi palpitatione cordis.

In cura adhibebantur ſuppoſitoria, & venæ ſect. in brachio, ac febrilia varii generis.

- 2) Singultus.

Tandem accedebat vomitus, per quem ſimul ejecit *vermem*. Morbo vero per menſem protracto, dejecit per plures dies

*vermes*, febre jam lenta permanente. Hi vermes interjectis intervallis adhuc prodibant, donec gutturis, oris & linguæ inflammatio ac aphthæ supervenirent, tussis certis temporibus simul urgebat: & tandem sub fine morbi accedebat *singultus*, qui post quinque dies ventriculo in- & externe roborato, cessabat. Ac post tres menses demum sanata fuit. obs. 6. lib. 6. pag. 155.

### 3) Diarrhœa.

Ætatis vero 80. comederat pinguedinem multam lactis & superbibebat cerevisiam Gedanam copiosam cum vino rubro. Domum reversa, gravis admodum & subitanea *diarrhœa* cum virium dejectione & syncope subsecuta est. Mox adhibito decocto leniente ex hordeo & aliis roborantibus præter opinionem sana facta fuit. obs. 10. l. 22. p. 375. schol.

## SPECIMEN XXIV.

### Veldamii Vidua.

1) Erysipelas.

2) Coryza.

**N***arium erysipelate* exterius & inflammatione corrosioneque intus in naribus ex *coryza* acri laborabat; exhibitis universalibus

salibus & exterius lenientibus curabatur. Sicuti de 2. aliis mulieribus eodem fere malo laborantibus Autor refert. obs. 3. lib. 13. pag. 85.

3) Sputum sanguinis.

Jam Vetula fregit brachium, quod curatum fuit; sed paulo post *sanguinis sputum* cum pectoris angustia incurrit, quod ex moliminibus mensium & translatorii sanguinis motibus ad superiora originem habebat, aptis remediis curabatur. obs. 8. lib. 8. pag. 153.

SPECIMEN XXV.

GERTRUDA NANNIA.

1) Febris acuta.

2) Ophthalmia critica.

**F**ebre acuta adfligebatur cum oculi inflammatione insequente, quæ adeo invaluit, ut oculum perdiderit, ex metastasi ad oculum critice facta. obs. 20. lib. 7. pag. 220.

3) Quartana.

4) Hemicrania.

5) Abscessus.

Anno ætatis vero 70. febre *quartana* per



2. menses laborabat, quæ induxit vehementem adeo *hemicraniam*, ut neque dormire neque comedere posset, tandem *abscessum* auris sinistræ formabat, hoc facto abscessu & legitime tractato, terminabat quartanam & hemicraniam. Hinc conjicere licet, quod in hoc subjecto morbi contingentes vi dispositionis & consuetudinis, his partibus præ aliis dispositis & debilitatis præcedentibus morbis per capitis afflictiones, eo tendentibus congestionibus, semper sublevantur. Verum ergo Hippocr. effatum: Quum parte aliqua, caput aut circum circa dolet, si pus vel aqua vel sanguis e naribus, ore aut auribus exit, scire licet, malum solvi. obs. 61. l. 9. pag. 309.

## SPECIMEN XXVI.

Maria famula Foresti.

- 1) Clavus hystericus.
- 2) Cardialgia.
- 3) Passio hysterica.
- 4) Cephalalgia.

Sanguinei ut plurimum temperamenti ante 40. ætatis annum subinde *clavo hysterico*, obs. 62. lib. 9. pag. 309. atque *cardialgiis*, obs. 44. lib. 9. pag. 279. affligebatur,

tur, sicque satis aperte declarabat, quod mensium turbis atque inde *passionibus hysteriis* frequentioribus obnoxia fuerit; uti & exinde *capitis doloribus* variis detinebatur. Hinc Autor bis in anno, sed male in superioribus partibus, hac ratione sanguis magis ad superiora deductus pertinaciores affectus induxit, cum levamine in tantum, in quantum plethoram præoccupavit, instituere iussit.

### 5) Cephalæa.

Ast cum venæ sect. consueta per annum nunc intermissa fuerat, *cephalæa fortiori* jam divexabatur, quasi in parti capitis anteriori trabs vel pondus magnum hæreret, atque in insomnio sanguinem videre somniabat.

Laxante itaque præmisso, venæ sectionem largam e cephalica, ex antea consueto more, cum subjuncto decocto resolvente cum usu instituit. Postea ex venæ sectionibus bis in anno institutis præservata fuit ab hoc malo.

Cephalalgia, uti in Scholio recte admonetur, sæpius contingit in iis, qui consuetos sanguinis congestiones & exinde Rheumatismos in superioribus partibus habent, Rheumatismi autem per tempus suppressi fuerunt; atque in iis, qui moli-

mina vel consuetas actuales narium hæ-  
morrhagias sustinent, jam vero suppressas;  
aut in iis, qui consueverunt detractiōe  
sanguinis uti, sed eam omiserunt; vel in  
iis, qui hæmorrhoidibus vel mensibus re-  
strictis laborant. Si itaque his non subito  
succurratur, vel in cephalæam, lethargum,  
carum, vel apoplexiam, maniam, melan-  
choliā, tristitiā, epilepsiam, paralyfin  
& tremorem artuum facile incidunt. obs.  
40. lib. 9. pag. 295.

## SPECIMEN XXVII.

Arnolda Cornelii Myli.

- 1) Hepatis obstructio.
- 2) Febris inflammatoria.
- 3) Lienis obstructio.
- 4) Catarrhus.
- 5) Ventriculi debilitas.
- 6) Præcord. angustia.
- 7) Asthma.
- 8) Vomitus biliosus.
- 9) Diarrhœa symptom.

**P**er 3. menses variis symptomatis confi-  
ctata fuit; namque primo *hepatis ob-*  
*structionem* incurrit, quæ sine dubio ex  
mensium anomaliis orta erat, hæc obstru-  
ctio

ctio adeo interim invaluit, ut demum *febris inflammatoria* cum aliorum viscerum scilicet *lienis simul obstructione* complicaretur. Hinc & exinde, cum circulus sanguinis in abdomine valde turbatus & interceptus erat, regurgitatio necessario & congestio humorum major ad superiora fieri debuit, quare simul *catarrhalibus afflictionibus* obnoxia fiebat, quæ vero non solum *primarum viarum*, sed etiam *pulmonum vitia* inducebant; hinc accedebant & concurrebant *præcordiorum angustia, asthmatica constitutio*. Ex hepatis itaque & ventriculi labe, *vomitibus biliosis*, propter regurgitationem bilis in ventriculum, excitabantur; Asthma vero & catarrhalis defluxio *hecticam, & phthisin* imo totius corporis consumptionem resolutoriam cum *diarrhæa symptomatica* inferebant.

Autor itaque in his complicatis malis præsertim cum phthisi simul concurreret, cum prudentia proponebat magis diætetica & lenia remedia; quæ pectori haud nocerent; juxta Hippocrat. sect. 7. aph. 16. Namque in phthisicis expectoratio omnimodo præstanda est, & vere secund. Wedelii axioma practicum: *Salus phthisicorum consistit in exspuitione*. Alter vero Medicus Paracelsicus his minime auscultans, intrepide dat crocum Martis, quo quidem



puris sputum cessavit, ast simul & *vita*.  
 obs. 4. l. 4. p. 114. Schol.

## SPECIMEN XXVIII.

Boetha puella nobilis.

Mensium difficilis perruptio cum  
 variis pathematibus.

**A**nnorum 19. secunda vice, instantibus  
 mensibus incidit in *febriles commotiones* cum capitis dolorem delirium s. paraphrenitidem, vomitum enormem, angustiam præcordiorum anxiam, cataphoram & nauseam. His ita se habentibus, omnino medentem debuissent, nisi hoc peculiare interfuerit, quod, mensibus fluentibus, hæc symptomata statim cessarint; inde videmus, quomodo natura, quando excretionem salutarem intendit, sed aliquomodo per varias causas in- & externas nonnaturales s. patheticas impeditur, statim & facile in devia aberrare possit, ac mediante motu tonico spastico nimis intenso, varias totius corporis afflictiones inducere possit, qui tamen conatus s. spasmodicæ contractiones ac congestiones hinc inde, quanquam sint erroneæ, salutarem scopum intendunt. Hic autem cum mensium fluxus omnia statim symptomata

ptomata levasset, vomitus tamen magis assuetus factus pertinaciter perseverabat, qui ergo aliqualem cohibitionem postulabat, & quidem sine noxa. obs. 21. lib. 7. pag. 220.

## SPECIMEN XXIX.

Ida Petri Cornelii Zythepsæ.

### 1) Malum ischiadicum.

**T**emperamenti prædominantis sanguinei valde crassa & robusta, interim semper habebat alvum difficulter solubilem, anno 1576. per 2. antea circiter annos *ischiadico malo* laboravit, ita, ut ob dolorem vix posset incedere, quod malum ex mensium ataxiis procul dubio ortum habuit. Curatio per 3. menses durabat, & quidem decoctis laxant. reiteratis & resolventibus lignosis, venæ sectione ex vena ischiadica in parte coxæ dolenti respondente; ubi præ aliis laudat Autor Elect. Caryocostin. sic probe curata fuit. observ. 20. lib. 29. pag. 816.

### 2) Icterus frequens.

Anno vero 1580. mense Februar. incidit in dolorem dorsi versus hypochondrium dextrum, qui magis magisque intendebatur,

tur, cum evomitione multa materiæ bilio-  
sæ per constrictionem spasmodicam hepa-  
tis in ventriculum regurgitantis, tertio  
itaque die *tota crocea* evasit, cum excre-  
mentis albis & durioribus existentibus,  
variis adhibitis resolventibus, incidenti-  
bus ante ictericis ac laxantibus, ut & sup-  
positoriis & clysteribus, quanquam men-  
ses interim largiter fluerent, non tamen  
levabant multum, quoniam obstructio he-  
patis prævalebat, aliquantisper curata  
fuit.

### 3) Febris biliosa.

Cum itaque iterum foras prodiret, de-  
nuo incidit in *febrem*, & biliosa *ἀνω* &  
*κάτω* excrevit, cum maxima debilitate.  
Hinc in M. April. iterum in *icterum* cum  
majori hepatis obstipatione delabitur, re-  
mediis antictericis & febrilibus jam ali-  
quomodo curatur.

### 4) Hydrops.

Hinc post unum & alterum mensem ter-  
tia vice *ictero* adfecta, mens. Septembr. ex  
hoc in *hydropem ascitem* periculosam adeo  
incidit, ut pro deplorata haberetur.

Hoc itaque malo ultra 8. menses detine-  
batur, ac adhibentur apta remedia antihy-  
dropica, cum adjecto marrubio, quod Au-  
tor valde laudat in hydrope ex ictero &  
ob-

obstructione hepatis orto, & vesicatoria utrique cruri apposita, tandem curata fuit, quanquam ulcera illa inducta ægre, ut moris est, consolidarent. observ. 40. lib. 19. pag. 263.

## SPECIMEN XXX.

Puella.

- 1) Menses deficientes.
- 2) Ulcera crurum.
- 3) Melancholia.
- 4) Mania.

Constitutionis melancholico-sanguineæ 20. annorum, quæ antea *mensium obstructione* laborabat, quam *ulcera annua* in cruribus admodum fœda excipiebant, quibus vero improvide consolidatis statim accedebant *melancholica pathemata*, & tandem *mania* horrenda, modo in lecto detineri non poterat, modo exiliens, modo in clamores horribiles erumpens, sæpiusque se damnatam clamabat, metu, tristitia, ira & vigiliis diuturnis confodiebatur, inverecunda erat, & alia scurrilia verba, alioqui honestissima virgo, proferebat. Sine febre erat, pulsus languidus, urina tenuis cum circulo subnigriusculo & plumbeo.



In Cura prima intentio erat venæ sectio larga in pede, post hanc menses statim fluere cœperunt cum remissione omnium symptomatum, cum postea Autor nuptias consularet, his etiam paulo post initis, a deliriis semper immunis mansit. obs. 25. lib. 10. pag. 347.

## SPECIMEN XXXI.

Uxor Simonis Johannis.

- 1) Quartana duplex.
- 2) Tympanitis.

**O**besa & crassa *duplici quartana* per autumnum & hyemem laborabat, a qua utcunque liberata, & sine dubio incongruis remediis saltem suppressa in *tympanitidem* incidebat, mensibus restantibus, præsumebat graviditatem, & per hoc tempus abdomen in immensum tumorem accrescebat, foetusque motum, ubi potius a flatibus hic motus causatus fuit, persentire firmiter credebat; tempore vero imprægnationis præter lapso inordinate febricitabat; aderant evidentes saltus in abdomine, & quidem magis in imo ventre cum murmure ac rugitu, sicque aperte docebant, quod flatus unica causa hujus saltus deorsum & sursum vagarentur, atque itidem cor premerent.

3) Men-

3) Mensium flux. tempestiv. in Tympanitide salutaris.

Quoniam ergo 11. menses præterierant, quod menses consueti non fluxissent, curam sequenti modo instituit: Prius evacuato corpore adhibentur decocta carminativa & pro potu quotidiano cerevisia tenuis cum fl. chamomill., quæ maxime profuit. Reiteratis his & laxantibus carminativis mensesque aperientibus, menses fluere cœperunt, multaque putida & ex parte corrupta excrevit, simul etiam multos ructus per superius & inferius guttur etiam ex utero emittebat, cum satis luculenta euphoria, interpositis roborantibus carminativis sanitati restituta fuit. obs. 46. l. 19. p. 271.

## SPECIMEN XXXII.

Elisabetha Niewenburchia.

1) Odontalgia.

Satis sanguinea ætatis 29. mens. Maj. ingenti *dentium dolore* torquebatur, consilio muliercularum (corpore satis plethorico nequaquam evacuato) imprudenter aquæ vitæ calidioris gargarismo utitur; cui insuper nodulos quosdam staphide, agria, quæ suo sulphure crasso & salino acido acri principio valde mordet, atque inde  
inter

inter phænigmos refertur, repletos, ad puitam fortiter eliciendam, subjungit, & in ore aliquamdiu detinet, his vero adhibitis statim subsequebatur satis vehemens *inflammatoria febris* non solum, sed & adeo manifesta congestio humorum ad caput, ut tota maxilla subito inflammata fuerit cum *ophthalmia* admodum gravi & palpebræ dextræ, quam aperire non poterat, ingenti inflatione ac partium adjacentium. Suppositoria statim adhibebantur cum subjunctis venæ sectione in brachio larga temperantibus & aliis; his adhibitis sudor per totum corpus erumpebat, cum levamine & remissione febris.

## 2) Abscessus in faucibus.

Remanente interim inflatione & tumore aptis remediis in *abscessum* intus in *faucibus* latentem abiit, qui mundificantibus demum quoque curatus fuit.

Hic itaque casus docet, quam caute sit agendum in plethoricis, qui odontalgiiis infestantur, etiam cum externis valde calidis & acrioribus remediis, ne malum ex sua natura pertinax obfirmetur, atque in periculosiora multo pathemata transmutetur. obs. 3. l. 11. p. 8.

## SPECIMEN XXXIII.

Mulier.

- 1) Icterus.
- 2) Sanguinis fluxus ex oculorum canthis.

**P**rocera cholericæ 80. annorum per tres fere septimanas, cum simul *ictero* laboraret, *sanguinem*, lacrymarum instar, *ex oculorum canthis* plorabat, uti testatur experientia medica, quod in vetulis, quibus per longum tempus menses restitarunt, tandem aliquando erumpant, atque quandoque etiam vias devias & inconsuetas quærant; mente constabat, utcunque comedebat, nullum fere dolorem nisi pruritum aliquem, & circa umbilicum levem cruciatum sentiebat, sitiebat; adhibitis laxantibus, resolventibus & lenientibus ab hoc malo post quinque dies sanata evasit. obs. 13. l. 11. p. 21.

## SPECIMEN XXXIV.

Mulier paupercula.

- 1) Dysenteria.
- 2) Catarrhus.

**I**n nono mense a conceptionis tempore prægnans laborabat *dysenteria* admodum periculosa, improvide, intempestiveque adstringentibus restringitur, quam suppressionem, cum hac ratione partes inferiores abdominis obstruerentur, exceperunt motus

T

humor-



humorum ad superiora, ibidemque natura intendebat propellere, inde *narium hæmorrhagia* per 10. dies continuans excitata fuit, cum virium prostratione & cephalalgia haud exigua. Sic ex hac sanguinis congeſtione ad caput ſimul *catarrhalis conſtitutio* in gutture exorta eſt, quæ adeo vehemens, ut *muta* evaſerit.

### 3) Apoſtema.

Variis adhibitis externis in hoc periculoſo ſtatu tandem *apoſtema* ruptum eſt in gutture, & pus magna in copia per vomitum & ſeceſſum exhibat, cum recuperatione loquelæ, abſtergentibus adhibitis utcunque ſana evaſit.

### 4) Diarrhœa.

### 5) Febris erratica.

Quamvis poſt 5. dies iterum in *diarrhœam* & *febrem erraticam* inciderit. Materia enim peccante nondum ſatis e corpore expurgata natura vias jam inferiores ruruſus eligebat.

### 6) Flatulentia hypochondriaca.

Paupercula vero exiſtente, ſicque coacta frigori ſe exponere, in *dolorem hypochondrii dextri*, quaſi *pleuritidem* incidit, a tranſpiratione prohibita, & *flatulentia* inde genita, cauſata; Fomentatio cum diſcutientibus & carminativis dolorem omnino ſedabat. Sic abortuſ præcavebatur, & omnia pathemata removebantur. obſ. 33. l. 14. p. 134.

# SPECIMEN XXXV.

Heutera Matrona.

- 1) Hæmorrhoides apertæ.
- 2) Obstructio lienis.
- 3) Maculæ plumbeæ.
- 4) Cardialgia.

**M**elancholico-sanguinea subinde hæmorrhoidibus apertis laborabat, quando vero tales præcipue in vere & autumno, ubi harum molimina præsertim præsto sunt, haud rite profluerent statim non solum *obstructio* aliqualis *lienis*, ex regurgitatione sanguinis hæmorrhoidalis ad hypochondria oboriebatur; sed etiam *maculæ magnæ plumbeæ* instar thaleri cum pruritu per cutim efflorescebant, quæ *dolorem & inflationem ventriculi*, si evanescerent s. retrocederent, inducebant, quæ cardialgia statim remittebat, quando apparebant; sicque manifestam cognationem demonstrabant. Decocto mundificante, resolvente & laxante sumpto, semper melius sese habuit. obs. i. l. 5. chir. p. 140.

5) Cholera.

Alio itaque tempore sine dubio ex metastasi humorum ac constrictione hepatis, indeque facta regurgitatione bilis ad ventriculum, & hæmorrhoidum turbis, quia esset melancholicæ constitutionis, ventriculum-

que haberet satis debilem, *cholera* adstricta fuit, ac humores multos aquosos biliosos & virides deiecit. obs. 45. l. 18. p. 192. Schol.

## SPECIMEN XXXVI.

Weyna Gerhardi.

- 1) Rheumatismus femoris.
- 2) Ulcera:
- 3) Scirrhus sub poplite.

**P**er quinque annos *rheumatismo femoris* cum multo cruciatu laboravit, quem tonsores magis in per-  
versum malum deduxerunt, donec tandem eo dedu-  
ctum fuit, ut *ulcera sinuosa maligna* 9. numero enata  
fuerint. Autor decocto mundificante, laxante, hæc  
ulcera tandem consolidavit. Interim ex tali incongrua  
applicatione variorum remediorum ex post remansit  
*scirrhusa* quædam *durities* sub *poplite*, quæ faciebat,  
difficultatem incedendi, ol. lumbr. terrestr. chamom.  
cum vino ex usu erant. obs. 1. l. 4. chir. p. 105.

- 4) Cephalalgia.
- 5) Cæcitas.

Cum vero motus naturæ excretorii nimis adsueta-  
ti erant, non diu post, cum ulcera cicatrice obducta  
essent, materia talis, quæ per ulcera ex corpore eli-  
minata fuerat, præcedentibus *capitis doloribus*, induxit  
tandem *cæcitatem* s. *guttam serenam* præcipue in uno  
oculo.

Variis sed iterum aliquomodo incongruis adminicu-  
lis adhibitis sc. evacuantibus, venæ sectione, & cucur-  
bitulis cum scarificatione scapulis apposis, & collyriis  
variis, malum permanfit ultra 4. menses, donec ex  
jecore piscis Aalrup diætæ medicamentum sumeret, &  
oculo applicaret, hoc remedio visus restitutus fuit.  
obs. 35. l. 11. pag. 43.

FINIS.

